



BIBLIOTECA NAZ.  
Vittorio Emanuele III

XXVIII

C

15

NAPOLI



XVIII.

C.

15-



11/11/11

11/11/11



THE  
LIBRARY  
(1783)



# HISTORIA MOSCHI.

Ad normam

## ACADEMIÆ NATURÆ CU- RIOSORUM

*Conscripta*

à

LUCA SCHRÖCKIO, LUC. Fil.  
Med. Doct. & Physico Augustano,  
S. R. I. Acad. Nat. Curios. Adjuncto, d. Celso.

*A. O. R. slz. 13. LXXXII.*

---

AUGUSTÆ VINDELICORUM,

Impensis THEOPHILI GÖBELII, Bibliopol,  
Excudit Johann. Jacob, Schönigkius.







EMINENTISSIMO AC CELSISSIMO  
PRINCIPI AC DOMINO

DN. ANSELMO  
FRANCISCO,

D. G. S. Sedis Moguntinæ Archi - E-  
piscopo, Sacr. Rom. Imper. per Germaniam  
Archi - Cancellario,

PRINCIPI, ELECTORI,

*Academicorum Naturæ Curiosorum*

Protectori gratiosissimo, &c. &c.

*cum*

voto devotissimo.

FELICITATIS PERPETUÆ,  
SACRA.

# CELSISSIME PRINCEPS,

**S**olvitur in suaves plausus Academia nostra,  
MAGNO visa TUO digna PATRO-  
CINIO.

Jam solers Natura, Parens, dum læta Suorum  
Fortunam expectat, publica Festa parat.

Jamque suos devota, sinu quos condit, ama-  
tos

pandet thesauros, justa tributa feret.

In censum venientque Metalla, Animalia,  
Plantæ,

quidquid Aqua, aut Aër, Terra, vel Ignis  
habet.

Has



Has quoque moschiferas pagellas , MAXIME  
PRINCEPS,

fuscipe , quas audet Musa sacrare mea.

Ipsa dicata quidem DIVIS nec tura cremare,  
nec taurum pinguem sacrificare valet.

Capreolum exiguum votivam ducit ad aram,  
cum plenis crasso magmate Folliculis.

India quos ipsi gemmis & aromate dives ,  
atque potens opibus Sinica terra dedit.

Vis tamen & sublimis honos erit huic quoque  
Moscho,

si tueatur cum GRATIA MAGNA TUA.

Capreolus vires sumet , positoque timore,  
ipsis vel canibus dente timendus erit.

Cinnama jam valeant , habeant sua tura Sabæi,  
atque ferox taurus pascua nota petat.

Hic Moschus redolet , quo nil fragrantius un-  
quam

misit Sina, Syrus, Tartarus, Indus, Arabs.

Hic Moschus redolet , Mundus quem totus  
adorat

morborum Dominum, Deliciasque suas.

Jam-

Iamque PATROCINIO clarum, ceu pyxide  
cinctum

gemmatâ, vomicam dememinisse juvat.

Non ipsi tumidus livor, Momi que mephitis:  
sic BENE PROTECTO tetra nocere  
potest.


## EMINENTISSIMÆ SUÆ CELSITUDINIS

August. Vindelicorum.

A. S. R. cl. Id. LXXXII. M. April.

*aliens hominibus*

Lucas Schröckius, Luc. fil. D.



## LECTORI SALUTEM.



MOSCHUM, Odoramentum illud nomine & fragrantia sua notissimum, natura autem & operatione paucorum notitiam adeptum, dum publico hoc scripto illustrare instituo, nemo meum reprehendere conatum jure poterit. Cum enim Medicæ Artium me addixerim, quæ remediis simplicibus, à Naturæ bonitate suppeditatis, finis sui impetrandæ causâ, uti cogitur, adeoque nec naturalis scientiæ adjumento carere potest, non generalem tantum rerum physicarum notitiam, sed specialem, etiam simplicium cognitionem mihi perquam esse necessariam, semper credidi; eamque non ex libris unice haustam, sed ipsâ autopsiâ confirmatam; ne numerum eorum augerem, qui, juxta *Heraclidis Tarentini*, apud *Galenum* lib. 6. de simplic. medicam. facult. comparisonem, Præconibus sunt similimi, servi fugitivi formam ac notas sæpe præconio publicantibus, propius tamen fortè adstantem minimè agnoscen-  
tibus.

Quod verò paulò prolixius id negotium hic pertractaverim, Moschumque curiosiore indagine excusserim, non *Seneca* tantum lib. de otio sapient. stimulum addidit, ubi curiosum nobis Naturam animum dedisse, artisque suæ ac pulchritudinis consciam, spectatores nostantis rerum spectaculis genuisse, proficetur, ut nempe sciremus, *illam spectari vo-*

*uisse, non tantum adspici: sed & ipsa, cui totum me devinxi, Illustris Sacr. Rom. Imp. Academiae Naturæ Curiosorum voluntas id à me requisiverat, imò & ipsa quoq; materia, præter intentionem meam primam, inter scribendum sic excreverat.*

Fateor quidem, me jam quatuordecim abhinc annis, ut ingenii vires periclitarer, & qualescunque meos in studio Medico profectus Parentibus ac Patronis comprobarem, similem materiam conscripsisse, typisque commissam publicè postea, sub præsidio Nobil. atque Excell. *D. D. Ioh. Theodori Schenckii*, Professoris in Academia Salana celeberrimi, *πῶν ἐν ἀγούῃς*, comilitonum examini subjecisse: hinc tamen longè alià indutus facie, & ad majorem maturitatem perductus Moschus sistitur; quem nempe adcuratius perpendere, plurimum augere, & magna ex parte immutare conatus fui.

Siverò ullum ex divite Naturæ penu in hominum utilitatem hucusque productum simplex, Moschus certè considerari meretur; cujus incertissimos hætenus natales inquirere, fragrantissimum odorem expendere, nobilissimas vires deprædicare, nec utilitate caret, nec jucunditate: Illà necessitati nostræ consulimus: hac vitæ hujus præsentem ubique, & Medicis imprimis infestam miseriam quodammodo condimus. Alii per me eandem ignobili otio edulcorent, nostrosque curiosos labores, quos adsequi ut plurimum non valent, contemnant; mihi animum nobiliori isto otio reficere, & nunquam otiosum cum illis esse, adlubescit.

Quod enim *Cicero* 5. de finib. in genere scriptum reliquit: *in ipsis rebus, quæ dicuntur & cognoscuntur, invitamenta in-  
sunt, quibus ad discendum cognoscendumque movemur*; id imprimis de Moscho etiam fateri necesse habeo; qui, non obstante,  
ortus

ortus ejus vilis admodum quòd revera existat, & vel excrementa inter animalia, quibus aliàs nihil solet esse projectius, referri debeat, animum tamen multorum Clarissimorum Virorum ut curiosius exerceret ac delectaret, potens satis hucusque comparuit.

Frustraneam quidem hic navare operam videri possem, si facilè nos carere Moscho, statuere alicui placeret; præcipuè cùm & Medicinæ Principes, *Hippocrates, Galenus*, aliique Medicorum antiquiorum eodem, absq; ullo Artis detrimento, carere potuerint.

Ast salva res est! Rigoroso isto judicio (ut absque ullius id scribam injuria) procedere, ac scrupulosius cuncta decernere si vellemus, Medicinam sanè, ut primitus fuit, paucissimarum herbarum, describente eam hoc modo *Seneca* epist. 95. circulo circumscribere cogeremur. Absit verò hoc, ut Naturam ullà labe oneremus; quæ nec humanæ indigentiae deesse voluit; nec multiplicia producendo, ullius prodigalitatis rea fieri debuit. Deprædicemus potiùs ejusdem benignitatem, & sponte oblatos thesauros, si non necessitati nostræ, saltem meliori commoditati profuturos, grati suscipiamus! Quo *Cl. Salomonis Alberti ἐπιφώνημα* in Orat. de Moscho. sic accipiamus, adplausum utique ei dabimus: *Ita me hercle Moschus necessarius, ut si usurâ ejus Medicinam orbaveris, ipsa mutata protinus sit ac diminuta.* Cæterùm non nobis Veteres illi in legem dati, aut omnes Naturæ thesauros exhaustis credendi sunt; nobis etiam, quod ageremus, reliquerunt; quibus si ista fortuna, quæ posteris adfulsit, contigisset, Moschum contemptum haberi, magna eorum solertia & indefessum juvandi studium non admisissent. Sequamur potiùs proprium eorum exemplum, qui & ipsi alicuæ terræ remedia in

usum suum trahere non omiserunt, & medicamentorum variationem, cum paucioribus contenti vivere potuissent, amplexi fuerunt.

Sed peregrinum, instas, quid esse Moschum, magno redimendum pretio, facile inquilinis aliis supplendum, nostro non enatum sub climate, ideoque nostræ non æqualem naturæ, adulterationi obnoxium, nativo vigore non amplius turgidum, imò natalibus suis obscurissimum &c. Verùm mihi cum amicissimo *Wedelio* meo, proæm. Opiolog. mediam ingredi viam, & nec nostra spernere, nec, ubi opus est, exotica rejicere, placet. Si concentratam vim cordialem, magnamque in parva dosi virtutem expectas, cum eodem nunquam satis laudando *Wedelio*: *Moscho quid cordialis?* quaero. Paupertas aliàs verè invisâ omnibus, aurum gemmasq; vel ab extremis Indiis petitas desiderat; cum tamen domi habeat, quibus honestè & commodè vivere queat: Eandem cur medica suppellex tam anxie quaerat? Cur alienæ terræ opes sponte oblatas rejiceret? Ex pharmacis nostro quoque sub climate enatis paucissima, si ulla (neque etiam opus est) æqualem corpori nostro ostendunt temperiem; intemperatas illas terræ nostræ soboles, rationis & experientiae solertiâ inventas, prudentia Medici intemperato itidem corpori admoveat, naturalem temperiem eidem ut restituat; Cur id in exoticis succedere pariter nequeat, causa nulla subest. Majus, fateor, ut plurimum, quod Institutorum ipsi imponit avaritia, pretium deposcunt; sed aâivitate suâ, & concentratâ virtute Moschus, ut cætera transeam, illud in Medicina reddit tolerabilius; ægrotorum imò nonnulli nequaquam leviori sumtu comparabilibus, sed pretiosis omnino & carioribus medicamentis (exemplum videatur egregium apud *Galenum* lib. 3. de com-

compof. medic. per gen. cap. 8.) curari exoptant; quibus fi repugnaveris, confidentiæ in te maximum momentum negliges. Mangonium sæpiùs pati, non aliena folùm, fed noſtra quoque, toto die experimur: Doctum rationis lumen fi adhibeatur, à veris ſuppoſitiis facilè dignoſcentur. Perierit aliqua peregrinis hiſtis, cum tempore, per viarum longinquitatem, virtutum particula; eandem nec in noſtratibus, præſertim odoratoribus, præcavere ſemper poſſumus; ſufficit, potiorem, eamque efficaciffimè operantem Moſcho ſuperſſe partem. Obſcuri natales curioſum equidem animum torquere poſſunt, notiſſimæ tamen vires, experienciâ & ratione confirmatæ, Medicum reddere ſecurum. Nec tanta hic metuenda perpetuò eſt obſcuritas: Opiniorum licet ingens occurrat diverſitas, fabuliſque sæpè plus quàm anilibus, diuturnitate temporis in immenſum adauctis, hiſtoriæ involvatur, veritas, ita ut nihil periculoſius hiſce ſingularibus hiſtoriis, cum *J. C. Scaligero* exercitat 211. de ſubtilit. §. 3. fateri cogamur, magnumque adſit ſcribendi periculum, quando fides noſtra ex aliorum fide, interdum & mendaciis pendet; cum sæpè nos, ſcribente alicubi magno *Thom. Bartholino*, otioſa ingenia & faceta deludant, nonnunquam & lucri ſpe multa ſingantur, quæ nuſquam neque picta fuerunt, neque ſcriptæ, non rarò quoque inventis & viſis aliquid ſive ex ingenio addatur, ſive ex ignorantia: Adcuratiortamen inveſtigatio ſi non omnes, craſſiores certè diſpelleret nebulas, & noſtri uſus Moſchi adire locum natalem, nec mihi, nec milleſimo Medico- rum liceat aut libeat, tantiſq; res iſta tricis involvatur, facilè huic quoque labori meo errores, paſſim circa noſtro quoque ſub ſole nata ſimplicia obſervandos, immiſcere ſe poſſe,

prævideo, quos, si certiora aliquando noveris, ut moneas', aut emendandi eos occasionem mihi præbeas, haud repugno; qui tam obstinati nunquam esse volo animi, ut, veritatem penitus si inspexerim, ejus in gratiam, priorem mutare sententiam detrectem. Modò veritatem absque convitiis aut livore propositam adplausum mereri, ijs verò oneratam vilescere consideraveris. Veniam itaque potius, quàm reprehensionem ab æquioribus rei æstimatoribus mihi polliceor. Interea tamen eò adlaborabo, ut nemini, quantum per conjecturas meas ratione fundatas licebit, fidem temerè omnem derogem; cui ex *Q. Curtio* lib. 9. *Histor.* nobilitatem canum Indorum transcribente, hoc potius semper animo obversabitur: *Nec adfirmare sustineo, de quibus dubito: nec subducere, quæ accepi.*







## CAPUT I.

### *De nomine Moschi.*



Uanquam scrupulosiorem nominum speculationem minimè fori nostri esse debere, supercilioso alicui Censori videri queat, eandem tamen adcuratorem rei alicujus tractationem minimè fastidire, quinimo requirere, nemo faciliè negaverit; cum plurimis rebus communia probè distinxisse nomina, varia etiam conciliasse, rudiora emendasse, vel obscuriora explicuisse, in ipsius sapè rei certiore, tutiore, facilioremq;

nos deducat cognitionem, atque idcirco nominibus propter res utendum esse, lib. 2. meth. med. cap. 1. rectè *Galenus* edixerit, taliq; in sensu magno nostro *Hippocrati* lib. de arte, ἡ δὲ ὀνόμαζία τῆς φύσεως αὐτοῦ νομοθετεῖται. Quo ipso sanè respectu Ill. Naturæ Curiosorum Societas nominis non minùs habendam esse rationem in materia, à Collegarum aliquo pertractanda, prudenter voluit. Cujus itaq; methodo & decreto insistendo, primò omnium, impedimenta illa, quæ Moschi nomen parere posset, remove stat sententia.

In primis autem vocabulum hoc τῶν πολλὰ ὡς λεγομένων, eorum quæ multivariam dicuntur, deprehenditur. Prout ὁ μόρος tenellum ramum sive germen arboris denotat; taleam, ut habet *Clar. Cæsp. Hofmannus* lib. 2. de medic. offic. cap. 162. §. 110. ex arbore decerptam, & alteri insitam, unde est μόρευεν καὶ μόρευμα. propter apud *Theophrastum*. Quidam volunt claviculam esse, qua vites v. g. arbores proximas apprehendunt scanduntque. Et *Gabr. Fallopius* comm. in lib. 1. *Dioscor. de mat. med.* cap. 24. Græcis nomen hoc pediculum denotare scribit, quo flores olea sustentantur.

Μόρια nominari vascula illa separum, semen in summo caule servantia, autor est *Marcell. Virgilius Com.* in *Diosc.* cap. de mulco, quam fortè adpellationem sortita fuerunt, quòδ ὄρεον apud Græcos unam ex tunicis

niciſtis, teſtes animalium involventibus, ſcroti ſub etymo communiter notam, deſignet; vaſcula autem illa ceparum ſemina ſimiliter involvant.

Vegetabile porro illud, quod Græcis *βέρον*, apud Latinos ut plurimum quidem *Mycus* dicitur, à nonnullis tamen etiam *Mofchi* & *Mufchi* nomen obtinuit.

Quin & proprium quorundam Virorum nomen id eſſe, legimus. Sic Medicus ille Græcus, qui librum ſcripſit *περί γυναιχέων πάλων*, de morbis mulierum, *Mofchio*, vel *Mofchus* adpellatur. Ejusdem aliorumve *Galenus* paſſim in ſuis Operibus meminit; uti lib. 4. de differ. pulſ. cap. 16. lib. 1. de comp. med. ſec. loc. cap. 1. lib. 5. cap. 2. lib. 7. cap. 2. lib. 2. de comp. med. ſec. gen. cap. 14. lib. 2. cap. 18. lib. 3. cap. 9. lib. 5. cap. 14. nec non *Aur. Cornel. Celfus* lib. 5. cap. 18. Grammaticus etiam & Poëta *Syracuſanus*, de quo *Suidas* conſulendus, *Ariſtarcho*, Grammaticorum tum facile principi, familiaris, *Mofchus* fuit dictus. Similiter *Horatius* lib. 1. epiſt. 5. cujuſdam, quem *Rhetorem*, patriâ *Pergamenum* fuiſſe interpretantur, mentionem facit, de eo canens:

*Mitte leves ſpes, & certamina divitiarum,  
& Mofchi cauſam.*

Alium in *Elide* philoſophantem, perque totam vitam aquâ tantum & ficubus viventem, ex *Hegeſandro Delpho Athenæus* lib. 2. *Deipnos.* recenſet. Primum quoque atomorum doctorem quendam *Mofchum Sidonium* vel *Phœnicium* exiſtiſſe, *Straboni* ex *Posidonio* in 16. *Geograph.* debemus; Quamvis eundem à ſapientibus Hebræorum vetuſtam illam ſapientiam mutuaviſſe, *Iſaaco Cardeſo*, Medico Veronenſi, & ipſi Hebræo, pag. 9. *Philoph.* liber. credibile videatur; non reſragante Ill. *Roberto Boyle* Chym. ſcept. part. 2. cum *Phœnices* maximam eruditionis ſuæ partem ab Hebræis acceperint. Eodem nomine ægrotus gaudet, qui apud *Hippocratem* lib. 2. de morb. popul. ſect. 2. calculo graviter, & palpebræ ſuperioris hordeolo laborans proponitur; tum & cujus morbus lib. 4. pag. 1127. *Cod. Fœs.* depingitur. Nec prætereundus eſt famoſus ille *Demetrii Phaleris* Coquus apud *Athenæum* lib. 12. (qui etiam lib. 6. 7. & 9. aliorum hoc nomine doratorum meminit,) ut & imperitus *Citharædus*, qui citra reſpirationem in longum producebat vocem inconditam; à quo enatum adagium: *Μόχος ἄδων βοῶντες*, *Mofchus* canens *Bæoticum*: habet *Erasmus Roterod.* chiliad. 3. cent. 3. n. 76.

Integri quoque *Aſiæ* populi, *Colchis* & *Iberis* finitimi, ſic nominati fuerunt, à quibus & montes *Mofchici* nomen acceperunt. Vid. *Sam. Bocharus* lib. 3. de diſperſ. gent. cap. 12. Hos *Meſech* in ſacris Literis dici ſcribit

*Mon-*

*Montanus* in Appar. Bibl. Qui verò hodie *Moschi*, sive *Moschovita*, vel *Moscovita* audiunt, versus Occidentem magis vergunt, Rusciz albae sive majoris incolae.

Urbem *Moschum* in Polonia magna nobis proponunt in tabulis suis Geographi; quos inter *Nicol. Joh. Piscatorem* nominare lubet.

Non minus & *fluvius*, qui vulgò *Marava* audit, ita dici obtinuit. Et *Elias Herckmannus*, cum Anno 1641. in expeditione Brasiliensi, circa *fluvium Tambahujam* odorem suavem, à Crocodilis nonnullisq; Serpentibus exhalantem percipisset, eundem *Moschi* epitheto condecoraverat; Confer. *Dappers* descript. Americ. lib. 3. cap. 4. pag. 559. edit. Germ.

ὁ & ἡ μάγος Græcis vitulum & vitulum denotat, quæ vox ad bovem quoque novellum seu tertiz ætatis sese, quorundam judicio, extendit.

Simile nomenq; *Elephantis pullo*, *Bubalidis catulo*, *Agno*, & *Arietis trienni* imponi, *Samuel Bochartus* Hierozoici part. 1. lib. 2. cap. 23. & 28. ostendit.

*Lachrymam* porro *cervinam* eodem vocabulo dignatur *Casp. Schrenckfeldius* pag. 89. Theriotroph. Siles. cap. de cervo.

Quæ omnia tamen adcuratorem hic considerationem non subibunt, cum potius de re longè ab his diversa, odora mento nempe præstantissimo, ab animali quodam, nobis Europæis peregrino, suppeditato, agere sit constitutum; cui scilicet Recentiores Medici nomen *Moschi* imposuerunt, eâ prærogativâ gaudens, ut, simplicitate vocabulo isto in Scholis & Libris Medicorum profato, nemo de alio, quàm simplici hoc medicamento cogitet.

Licet autem receptissima hæc ejus sit appellatio, & quæ solâ ferè civitate, ut ita dicam, literariâ donatur, perpetua tamen haud est, varia Synonyma recipiens. Ut taceam, quòd à quibusdam *Moschon*, *Moschum*, *Moscus*, & *Muschus* pronuncietur, corruptè satis, si *Moschus* apud Latinos nomen, id à Græca nomenclatura: *Mάγος*, acceperit, quo nempe vocabulo *Atrium* inprimis & *Serbum* usos primò fuisse scimus; *Muscus* præcipuè passim à plurimis vocatur, id quod tamen barbariem aliquam redolere, sunt qui arbitrantur, inquam idcirco adcuratiores Medici meritò animadvertant, hinc ineptè admodum id fieri, *Leonh. Fuchsi* lib. 2. de comp. medic. cap. 54. est judicium, & *Valer. Cordus* annot. in Dioscor. l. c. Recentiores, scribit, *muscum* & *moschum* diversissimi generis medicamenta nominis similitudine decepti confundunt. Et *Symphor. Campegius* in Castig. pharmacop. lib. 1. cap. 7. Officinas *Moschum* falsò *Muscum* adpellare, nionet, cum sic à lapidum, fluminum, arborum &c. villosò musco minimè discernatur. Cujus erroris causam in utriusque non saltè vocis adfinitatem, sed & Officinarum inci-

tiam, & Librariorum in excubendo incuriam rejicit *Salom. Albertus* in *Orat. de Moscho*. Et *Joh. Placotomus* in sua *Pharmacop.* de emendatione corruptorum vocabulorum agens, multa eorum partim Medicorum incuria, partim imperitiâ Græcæ Latinæque linguæ corrupta esse monet, quæ & restitui debeant, & parvo negotio possint, idque vitium aut ingenere, aut in declinatione, aut in orthographia tantum consistere, corruptis τὸ muscus, integris verò sive emendatis τὸ: moschus pag. 94. adnumerans.

Quidam *Castoreum* nominant, quos inter imprimis memorandus *Interpres* ille Latinus *Vartomanni*, scriptoris Itali, reprehensus propterea à *J. C. Scaligero* exerc. 211. § 6. Cui errori ansam dedisse creditur Moschi recentissimi in odore gravitas, in folliculo generatio, colorisque citrini, quem *Ebn Sina* in eo commendabat, observatio, quæ omnia pariter Castoreo esse propria, ipsi sensus edocent. Quanta autem discrimina, à *Sal. Alberto* etiam l. c. proposita, feminis præcipuè, inimicant, si duo hæc medicamina confundantur, unumque pro alio sumatur, cum re ipsa pateat, ostendere prolixius haud opus est. Ut ideo immensum errasse, vel tyrones discernere valeant, qui, *Constantini Africani* testimonio tract. de gradib. med. cap. de musco, Moscho non invento, Castoreum æquo pondere valere dixerant.

Nonnulli *Zibethum* vocant, cum tamen diversissimi generis sint odora-menta, ideoque invicem minimè confundenda.

*Matthæus Sylvaticus* in *Opere Pandect.* cap. 540 & aliquidam *Abonasa* vel *Abohanisa* vocant. Quod stultissimè esse scriptum, *Conr. Gesnerus* histor. animal. lib. 1. de quadrup. vivip. judicat. Hoc certe verum est, prædictas voces non aliud, nisi Autoris nomen indicare, cujus verba *Sylvaticus* ex *Joh. Serapionis* part. 2. de simpl. medic. cap. 185. de Moscho recitat.

Dicitur etiam, pro varia Autorum intentione & sententia, *Sanguis coagulatus*, *Excrementum*, *Pus*, *Sanes*, *Apostema animalis moschiferi*. Sed quæ probabilitate, ex subsequentibus, ubi de natura ejus sermo erit, clarum evadet. Cum additione quoque *Moschus aromaticus*, *odoratus*, *Alexandrinus*, *orientalis*, *occidentalis* &c. profertur.

Mauritani vocant *Mesab*, vel *Misch*, sed potissimum articulo: *alad-*dito, *Almisch*, Arabes imitati. Quod vocabulum hodie à Lusitanis juxta ac *Bexticis*, h. e. Hispanis (quibus nempe *Almizcle* vel *Almizque* dicitur,) receptum esse, tradit *Amatus Lusitanus* comm. in d. l. Dioscor.

Sinz, referente *P. Martino Martino* in *Atlante Sinico* cap. de provincia Xensi, pag. 44. animal ipsum *Xe* nominant, à quo *Xehiang* formant, quod animalis *Xe* odorem seu fragrantiam, i. e. Moschum denotat: Ipsum verò Moschum à *Boymio* non benè itidem *Xe* adpellari, inferius videbimus.

Ger-

Germanis *Bisam* / *Bisem* / *Bysem* dicitur: ejus vocis originem *Gefnerus* d. l. ex Hebraicis fontibus deducit; cum *בִּסְמ* *befem*, vel *bossem*: *Aroma* interpretentur; ceu ejus specimen *Exod. cap. 30. vers. 23.* videre licet. Idque facilius ut credamus, Hebræorum sive Judæorum in ipsis Indiis, Portugallia, & Venetiis multitudo, ac mercaturæ dedita vita persuadere possunt; à quibus nempe in Germaniam nostram ex locis istis fortè delatum primò, transmissumve odoriamentum istud sic adpellari obtinuit. Quod si ita esset, corruptè admodum *Disam* / *Thiesem* vocaretur.

In Etymologia non minùs variæ discrepantes sententiæ occurrunt, dum *Moschi* vocabulum vel *μασχὴ τοῦ ἐκ μέσων χειρῶν*, è medio fundi, derivant, quòd scilicet è medio umbilici animalis *Moschiferi* fundatur, vel à verbo: *μάω*, *μῶ*, vehementer cupio, quero, quia odoris propter excellentiam magnà cupiditate desideretur & quæzatur, vel ab *ὄζω*, oleo, quòd odorem de se emittat; vel à privatione odoris, cum *ὄζειν* bene & malè olere significet, & litera *μ* privationis loco præfixa sit. Aliis, dum *τὸ μέγος*, ut supra dictum, apud Græcos vitulum etiam, novos teneriores arborum, stolones, & membranacea ceparum vascula denotat, nominis indè rationem petere placuit; animal moschiferum fulvo colore, naturà, & magnitudine vitulum referre, sibi imaginantibus; in quo novi, ad dictorum germinum similitudinem, odoriamento illo pleni nascantur folliculi, quique ipsi à cepæorum vasculorum figura non multum recedant, Moschum instar seminum in se recondentes: Aliis autem à Musci illius arborei specie, quæ à *Galeno* *Βεῖον ἀρωματικόν* dicitur, & apud *Dioscoridum* lib. 1. de mat. med. c. 20. Aromata inter locum meretur, ad varia Odoriamenta & Unguenta à Veteribus adhibita: Aliis denique à Mure, quem moschiferum esse, *D. Hieronymus* (uti infra dicetur) innuere videtur. Quos omnes tamen deceptos fuisse, nullus dubito. Et quis non ridiculam quorundam, obscuram, aut longissimè peritam derivationem videat; ut certè, diutius immorari illis, aut vanitates istas perscringere pudeat.

Arabica autem originis esse, & Græcos, ac consequenter etiam Latinos, ab Arabica voce, quæ *Mosko* & *Moschmumo* vocatur, suum derivasse Moschum, longè videtur verosimilius; præsertim cum primam ejus noticiam & Græci, & Latini, aliæque Nationes Europææ debeant Persis & Arabibus, Moschum cum aliis Aromatibus per Mare rubrum ex Sina & India Alexandriam deferentibus, à quibus illi edocti nomen ipsum cum re familiarem sibi reddiderant. Quæ in sententia plurimum me olim confirmaverat magnus Ori-

Orientalis Literaturæ Doctor, Exc. D. M. Joh. Frischmuthius, ejusdem in Academia Salana Professor Publ. celeberrimus; qui & ipse in lingua Arabica genuinam vocabuli Moschi originem esse querendam statuit. Utrum verò à radice *مسك* *Masaka*, tenuis apprehensum, rectè quidam derivent

١٥: *مسك* *Mesko*, quod idem ac *مسك* *Moscaton* Persicà origine Moschus, pretiosum odoramenti genus, ab Arabibus *المشوم*

*Moschummo* vocatum; vel an alium agnoscat fontem, aut etiam primitivum sit apud Persas & Arabes vocabulum, incerta sunt omnia, nec scire ea, multum refert potest. Satis itaque verborum; rem ipsam potius jam adgrediamur,

## CAPUT II.

### *De Moscho, ex folliculo, ab animalis deposito.*



**N**obilissimi Odoramenti hujus natales variè in Eruditorum aliorumque monumentis describuntur, ut ferè nescias, cuinam adhibere fidem debeas. Singulatim itaque omnes primò recensere & examinare, quantum licet, maximè est necessarium.

Magna verò Scriptorum pars in quodam tumore, seu eminentia abdominis, eaque vel naturali, vel præternaturali adquiescit. Unde ex. gr. *Joh. Renodius* lib. 3. de mat. med. cap. 15. sanien quandam adpellat, reliquas omnes Moschi varietates bonitate superantem. Et *Gabr. Fallopius* de mat. med. in lib. 1. Diof. cap. 24. cum tumoribus cytticis comparat, Credo, inquit, quòd audi veritas à me & ab aliis, quòd nascuntur in corio hominum quoddam tubercula, qua habent vesicam in qua continetur sanies, qua est aliquando crassissima veluti substantia lardi. Ita in quodam animalis Indico concrevit aliquando gemina, aliquando multiplex pomica in corio, in qua colligitur sanies crassior, subnigra, inclinans in rubedinem, & hanc vocamus moschum. Et *Joh. Jacob. Weckerus* lib. 1. Antidot. spec. sect. 30. de excrementis tertie concoctionis agens, excrementum nominat in tumorem concretum. P. Mart. Martinus partem continentem pro contenta describens, Quid Muschus sit, scribit

bit in Atl. Sin. l. c. dicam plus vice simplici testis oculatus: Tuber seu exuperantia quadam ad umbilicum animalis est, parvum marsupium referens, subtili pelliculâ ac subtilissimis pilis vestita constans. Leonhard. Fuchsius lib. 1. de comp. med. cap. 16. pus odoratum quidem nominat, ast quod ex tumoribus naturalibus; quales in Castore sunt & Leporibus, proveniat; quod & Rondeletius lib. de Amphib. cap. 8. adserit.

Quidquid sit, de illa tantum Moschi specie hoc in Capite agendum, mihi proposui, quam ex tumore aliquo abdominis aperto ipsum animal effundere nonnulli tradiderunt.

Illud enim cestro agitatum venereo, furibundum hinc indè vagari, cibum & potum averfari, crebroque se humi volvere ac fricare, adserunt, quam fricaturam sanguinis in folliculum seu receptaculum & officinam Moschi à Natura destinatam adfluxus excipiat; qui satis inibi accumulat, inque Moschum conversus, pruritus dein animali excitet; unde continuâ corporis sui versatione utriculum terræ impingat, aut obviis arborum truncis rupibusve asperioribus, Solis calore & radiis illustratis, magna cum deletione adfricat, qui magis magisque hac ratione attenuatus tandem rumpatur, atque materia contenta liberum effluendi spatium largiatur; quo sanguine evacuato, iterum consolidetur, novum illuc decubiturum sanguinem deinceps rursus exexpecturus atque evacuaturus.

Moschum tali modo ab animali depositum, & Solis calore coagulatum, aërisque & cœli bonitate coctum ac digestum, Regionum istarum incolas, quibus loca & mores animalis cognita satis & perspecta sunt, colligere, Magistratui offerre, ab eoque, præmio vel certo constituto pretio, redimi, perhibetur. Ne commodò autem destituatur repositorio, ipsorum animalium, venatu captorum, abscissis folliculis includi, vel in plumbea aliave pyxide adservari, creditur. Et hac ratione collectum rarò ad manus nostras pervenire, nobis persuadere pergunt, cum in Regum, Principum, & Magnatum usus impendatur, quo veluti munere insigni ac illustri donentur.

Relatio hæc omnium est antiquissima, cujus primos, qui ad nos pervernerunt, Autores sunt Arabes; quos inter meritò nominare decet *Johannem Serapionem*, sive *Ebn Serapionem*, profundissimum & antiquissimum Arabem, quo cum elogio exornat Nobil. *D. Guern. Rolsincius* tract. de dolore, capit. lib. 1. sect. 1. cap. 11. Quem tamen cum non nisi latine, vulgari & barbarâ versione *Abrahami Iudæ* & *Simonis Januensis* indutum habeam, verbotenus exscribere, consultò supersedeo. Hunc sequutus dein *Constantinus Africanus*, Monachus tract. de gradib. medic. Ex Græcis etiam Scriptoribus *Simeon Sethus*, *Antiochenus* in lib. de aliment. facult. lit. M. part. 6.

Πάντες, inquit, ἐν ὀμφαλῷ ἀπογέννωσται ζῶν ἰνὸς μονοκέρως, με-  
γίστης ὁμοίτης δορυκαύς; οἷς ῥομαεὶς γὰρ τὸ ἰεῖστον ζῶον ὀρχήσται τὸν ὀμ-  
φαλόν, παχυμερὲς αἵματος ἐν τῷ συναγμένῳ, καὶ ἰμυκαυτῇ  
τομῇ καὶ ποῖον ἀπέχεται, καὶ κυλίσται ἐπὶ γῆς, καὶ ἀποβάλλει  
τὸν ὀμφαλὸν αἵματος πλήρη βορβορώδης, ὑπὲρ πηγνύμενον μετὰ  
ἴνα κειρόν, ἰκανόν, ἐπικτᾶται εὐωδίαν: Omnes autem (species Mo-  
schi) in umbilico animalis cujusdam unicornis, maximi, dorcadi similis, nasci-  
tur; nam cum istud animal veneris astro percellitur, intumescit ei umbilicus, ob-  
erassum sanguinem in eo collectum, quo tempore cibo & potu abstinet, & humi  
se volutans, umbilicum sanguine caenoso repletum abjicit, qui debito tempore  
coit, & bonum odorem acquirit.

Serapionem dein plurimi alii suum fecerunt, eandem historiam paucio-  
ribus modò, modò pluribus circumstantiis proponentes & immutantes; quos  
inter nominare decet *Alex. Benedictum* lib. 13. pract. cap. 26. *Anton. Mus.*  
*Brasavelum* Exam. Sirup. Franc. *Alexandrum* Apoll. pharmacop. rad. 1.  
pag. 17. *Vincentinum Burgundum* Biblioth. mund. lib. 19. Spec. natur. cap. 93.  
*Bernh. Dessennium* lib. 6. de comp. medic. cap. de Gal. mosch. *Petr. Andr.*  
*Matthiolum* lib. 1. herbar. cap. 15. & comun. in lib. 1. Diosc. de mat. med.  
cap. 20. *Joh. Renodum* l. c. *Theodor. Corbejum* in bipart. simpl. & comp.  
pharm. class. 3. sect. 1. *Conr. Kunrathum* medull. destill. & med. part. 2.  
tract. 17. *Vopisc. Fortun. Plempium* schol. in Avic. lib. 2. tract. 2. cap. 15.  
*Joh. Jonstonum* taumatogr. natur. de admir. plant. class. 5. cap. 28. *Johann.*  
*Schröderum* pharmacop. med. chim. lib. 5. class. 1. cap. 27.

Quæ tamen num veritatis laudem omnia mereantur, haud immeritò  
dubitatur, fidem inprimis derogantibus plurimis ex ijs, qui alios colligendi  
& conficiendi modos hoc seculo nobis descripserunt. Mihi tamen nec abs-  
que discrimine negare cuncta, nec admittere etiam simpliciter adlubescit.  
Ut enim sanguinem, vel succum potiùs ei quasi analogum, in folliculum  
colligi, ipsa eorum anatome ostendit: ita eum quoque restagnantem, &  
plus iusto acriorem redditum, posse pruritum excitare, quis jure inficias ire  
queat? Quin & eundem, in præternaturali statu quandoque constitutum,  
putrefcere, inque purulentam materiam converti, quæ disrupto à fricatu &c.  
folliculo effluat, non est impossibile. Quanquam hoc, si unquam obser-  
vatum, rarum quid sit & extraordinarium, nec ideo in omni animali isto  
moschifico contingat. Alia tamen etiam nonnulla subesse fictitia, haud  
planè negaverim.

Et quidem temporis determinationem quod attinet, dum sanguineum  
liquorem illo tantùm tempore, quo animal in venerem ruit, ad receptacu-  
lum



lum suum confluere perhibent, non usque adeo infallibilem veritatem proponunt. Licet enim tum majori in ὄργασμῳ sanguis sit constitutus, adeoque etiam copiosior & spirituosior in locum istum confluat, à quo dein ipse quoque folliculus magis intumescat, cum tamen hic non simplex & statuto solum tempore intentetur à Natura intumescencia, vel cutis aut cuticulæ à substrato corpore separatio; sed revera corpus aliquod naturale, cavitate insigni, & structurâ singulari exornatum præexistat, minimè videtur ambigendum, quin & alio omnique tempore commeatus ille succedat; præcipuè cum specialis ista temporis expositio merum sit Recentiorum nonnullorum, qui Indias nunquam perlustrarunt, aut etiam animal nuspiam viderunt, in cerebro natum figementum; cujus antiquissimi Scriptores, *Serapio* &c. nullam priùs fecerant mentionem. Unicus tandem *Serthus* voce, οἰσπορῶνες uitur, quæ decepisse dein reliquos potuit, dum eandem: cum veneris astro percellitur, nonnulli fuerunt interpretati, alijs tamen simpliciter & cautiùs: cum stimulat exagiturque, exponentibus, οἰσπορῶνες enim propriè furorem quemvis veluti æstro incitatum innuere, nemo quî ipsam vocis naturam considerat, potest ambigere. Licet alias ad insanum, saltem libidinis stimulum non minùs vox illa in specie transferri queat, absque tamen pregnantiori aliqua causa unico illi stimulo adjudicari neutiquam debet. Animalia verò non solum, in venerem dum ruunt, sed aliis quoque ex causis furere, plus quàm est notissimum. Nihilominus eo ipso tempore, quo Capreoli moschiferi libidine agitantur, majorem humorum, ad folliculum contingere adfluxum, & inde magis intumescere eum, atq; in aprium prodire, minimè negabo, ut ita, dum antea delitescibat quasi, neque oculos admodum incurebat, tum de munitum esse, incautionibus imponere, fabulæque isti ortum dare potuerit.

Pari nituntur incertitudine, qui modò in Plenilunio, modò in Novilunio Moschum produci tradiderunt. Sic *Odoard. Barbesa*, citante *Laur. Catalano* cap. 11. de conf. alkerm. Moschum saniem esse apostematis, in Sumar. regn. & popul. Orient. scribens, transire eum in hanc perfectionem, subjungit, Lunà in plenitudine existente.

Econtra Novilunii tempore abscessum hunc protuberare, *Henric. Sal-muth*. in Comm. ad Guid. Pancirolli lib. 2. Memorab. tit. 1. perhibet. Quæ fortè opinio ex altera illa, menstruo mulierum sanguini quâ comparatur, ortum traxit, ita ut juvenecularum ad excretionem aliqui, ad proveciorem ætatem alii respexerint. Nisi conciliare fortasse eosdem liceat, Novilunium collectioni, Plenilunium perfectioni destinando, Verùm mæra hæc esse ingenie-

geniorum somnia videntur, quæ eadem facilitate, quâ produciuntur, negari etiam possunt. Hinc cautiore alii certum aliquod annis tempus nominando, nil certi determinare maluerunt. Et mihi cuncta ista liceat conjungere, ac, quod omni tempore, siue plenâ, siue novâ, siue etiam falcata facie Luna sese ostendat, Moschus in animali isto generetur, concludere.

Ex hoc itaque sponte jam elucescit, quid de *Joh. Ruellii* sententia statuat, quâ hanc Moschi productionem quotannis, siue semel in anno fieri existimat; cui accedebat *Zacutus Lusit. Medicor. Princ. hist. lib. 1. hist. 9. Portentosum*, scribens, *natura miraculum videre est, nempe animal quoddam Indicum, pretiosissimum odoris genus ex umbilici vomica quotannis depovens. Annua huic credita generationi ὀρυασμόν* illum venereum anam dedisse, nullus dubito, quem semel in anno contingere, sibi fortasse persuaserant; nec adeo improbabiliter, cum & nostris in terris cervino generi semel in anno, declinante scilicet æstate, vel sub ingressum autumnî, idem maxime familiaris deprehendatur. Ratum interea sit, Moschum in folliculo semel in anno, i. e. ut ego interpretabor, semel & semper elaborari.

Utrum verò ab ipso animali folliculus vi quasi disrumpatur, Moschusq; evacuatus reliquis omnibus præferatur, paucis nunc dispiciemus. Mihi sane id minimè videtur. Qui enim talia ad nos perscripserunt, receptaculum Moschi esse tumorem aliquem præternaturalem, vomicam, vel apostema, ipsumque contentum succum saniosum quid esse crediderunt; quem, cum sanguini reliquo non remiserit aut in corpus readsumi, substantiâque suâ acri atque insolitâ vicinis partibus non posse non molestum evadere, considerarent, stimulum exinde animal, volutationis & fricatione disrumpere vomicam, egregiè comitati fuerunt. Dum verò naturalis illa Moschi collectio in omnibus istius generis animalculis existit, & per meatum à natura concessum faciliè evacuatio fieri potest, meritò præternaturales illas excretiones rejicimus; præcipuè cum in tor, quot vidi, folliculis nullum relicta cicatricis vestigium deprehendere valuerim; nec tamen omnia animalia ista, à quibus præfati folliculi abscissi, juniora indiscriminatum fuisse, ideoque Moschum contentum primum saltem, qui collectus ibi fuerit, esse dicendum, nec cicatricem ea propter, ob nullam antea factam rupturam, adesse potuisse, sit credibile; inprimis quia plurimos illorum folliculorum densâ admodum præ reliquis substantiâ & corio præditos, provectioris ætatis animalibus fuisse ademptos, non inanis planè sit suspicio. Quamvis, ut paulò superius innui, eundem liquorem in præternaturali statu sic aliquando evacuari posse, non adeo sit impossibile.

Ut verò meam hîc conjecturam proferam, animalia hæc libidinis stimulo

agita-

agitata, in terra se & super saxa volutare posse, aut etiam, cum eo in statu contentus in utriculo humor acrior, spirituosior & turgentior dubio procul reddatur, arborum truncis &c. sese adfricare, pruritusque ita demulcere, existimo; quâ ipsâ frictione ad exitum propior & in vivo animali liquidior, imò in allatis etiam ad nos recentioribus quibusdam folliculis nonnihil liquidiuscula aliquando Moschi substantia fortè extruditur atque exprimitur, sicque arborum truncis vel saxis adhærens, ruptæ vomicæ persuasionem, purulentique humoris suspensionem præbere rudioribus spectatoribus potuit, præsertim cum & in folliculo recenti foraminulum ab ulcere relictum, aut in aridiori aliquid cicatricem quasi referens, meatûs scilicet naturalis ab exsiccatione factam corrugationem, postea conspicerent.

Ubi sanè non omnem analogiam cum animali Zibethico, sive Hyana odorifera, uti *Perr. Castellus* in libello de ea conscripto vocat, exclusam velim, quod à repletis Zibethiferis suis vasculis inquietum reddi, humorisque illius evacuationem, confricando se arborum truncis, moliri, communiter, nec refragante experientiâ, adseritur.

Veruntamen tali naturâ instinctu expurgato, diuturniorique sub Cælo & Sole morâ, ac venditatâ digestionem perfectio Moscho quis tantam, quâso, tribuere queat excellentiam, ut non nisi Regium ac Principibus dignum censei debeat donarium? Annon longioribus aëris injuriis subjectus, ardentioribus etiam Solis à radiis exsiccatus, subtilissimâ sui parte, & consequenter odore excellenti, si non omnino, saltém maxima ex parte exueretur? Ut anile propemodum sit figmentum, talem regia inter dona collocari, qui vix à plebeiis leviori pretio redimeretur.

Ex dictis nunc colligere etiam quilibet poterit, de illorum opinionibus quid decernendum sit, qui non tantum mensuri cum sanguinis fluxu comparare Moschum, sed cum sœda insuper apostematum sanie conferre ausi fuerunt. Meras utpote esse ingenii fictiones, aut fabulas, falsis ex hypothësis & rationibus sensim enatas atque conflatas.

Nimiùm ergo se aliosque ludere voluisse dicendus est *Oswaldus Crollius*, qui ut in cæteris etiam Signaturis explicandis sæpe ad nauseam usque laboriosus est, ita & hoc in passu, dum Medicos & Chirurgos multa morborum remedia, ac rerum virtutes à brutis animalibus edoctos fuisse adserens, in specie, vomicæ curationem, Chirurgis Capreas has silvestres, ut vocat, demonstrasse perorat, tam procul à verò aberrat, ut ne quidem refutari mereatur.

Menstruum autem sanguinem quod attinet, inprimis *A. M. Brassevo-* *luis* l. c. (diffusius idem explicante *Sal. Alberto* in *Orat. de Mosch.*) materiam hanc oderatam naturaliter per illam viam, per modum crisis expelli prodidit, addens: *sicut in multis aliis mensura sunt.* Absurdum tamen hoc

esse, *Catellanus* objicit, cùm hac ratione in femellis solum inveniretur; id quod à veritate alienum putat, cùm utrique sexui æquè competat. Justo tamen rigorosiores animadversionem parat, licet enim utrique sexui Moschi generatio competeret, quod equidem incertum, nec à quoquam determinatum, haud tamen est incredibile, præsertim cùm & Zibethicum animal utriusque sexus pinguedinem istam largiatur, considerare nihilominus debuisset, analogiam saltem aliquam Moschi inter & sanguinis menstrui evacuationem proferri, non quæ ex omni parte conveniat.

Esse verò humorem excrementitium, è corpore propellendum, tum meatibus illius naturalis, eidem exitum concedentis præsentia, tum alterius alicujus, eundem è receptaculo in corpus reducentis absentia. clarissimè evincunt. Cæterum an utilia inter excrementa, vel quæ ipsi animali usum aliquem, post sui in folliculo collectionem præstet, recenseri debeat, an inutilibus adnumerandus sit, qui simpliciter excerni postulet? meam fateor ignorantiam, quam nempe sola crebrior istiusmodi animalium, natali præsertim in loco inspectio, tum etià anatomica perlustratio discutere fortassis valeat; quibus sanè subsidiis hætenus destituimur, cùm illi, quibus fortuna hoc concessisset, lucro tantum vel aliis rebus potius intenti, hære in ignorantia, aut mendacibus aliorum relationibus nimium fidere, aut etiam præconceptarum opinionum nebulâ dementari maluerint. Mihi tamen excrementum esse inutile, statuere interea libet, usque dum aliquando certiora edocear; prout & in Zibethico animali, magis noto, strigmentum illud unctuosum, animalis ipsius intuitu, inutile & excrementitium prorsus esse, extra omne dubium hætenus fuit positum.

An verò sanguinis hic aliquam purgationem à biliosa & acri superfluitate Natura molietur, hæreo; certè sapor amaricans, salsedini alicui mixtus, ut & color flavescens, non planè illud improbant.

Quo cæteroquin modo secretio ista peragatur, præstat meam fateri ignorantiam, quam & in cunctis, notioribus licet, terræ nostræ inquilinorum animalium, imò ipsius corporis humani secretionibus, atque speciatim in evidentiore hepatis officio candidè non dissimulavit candidus Collega noster curiosus, Nob. D. D. *Joh. Conr. Peyerus* exerc. 2. de gland. intest. pag. 82. & 98. Cui interea amplam fidem adhibeo, nullam scilicet in animalibus secretionem, nisi per glandulas fieri, ut ideo neque in hoc nostro animali eandem, aliter succedere conjicere queam; quantumvis tales hætenus ob minimam, molem & folliculorum recentium denegatam inspectionem oculos nostros & notitiam effugiant, à curioso aliquo fortè olim in aprium deducendæ. Illas enim, quas inferiùs Cap. X. recensèbo, ob situm earum, circa meatum, excretorium ipsius folliculi occurrentem, huc trahere minimè audeo,

Unde

Unde veniam in hac incertitudine utique merebor, præsertim cum nemo, hæcenus Anatomicis nostris, licet ocularissimis, vitio vertere soleat, quod in tanta subjectorum anatomicorum copia, & infinitis cadaverum humanorum sectionibus, nondum, uti plurimi eorum clarissimi post multas conjecturas tandem fateri coguntur, Lienis, Renum succenturiatorum &c. usum & officium verè detexerint, aut extra dubitationem omnem posuerint.

Sed aliorum etiam sententiam perlustrare, & qualem *Catellanus* conjecturam proferat, inspicere decet, qui nempe vesiculam istam ad umbilicum à Natura positam fuisse, venditat, ut instar receptaculi cujusdam humoris crassius esset, cum quo per certum, qui vesiculæ insit, meatum linguam humectans, partes corporis sui dolentes, pedes præcipue & genua, inungere soleat hoc animal, ut ratione hac, veluti refectioe quadam lassitudini medeatur, quam ex continuo cursu & per scopulos saltatione contraxerat. Cui tamen adversatur *Andr. Chioccus* in Mus. Calcæol. sect. 6. id nec certâ ratione, nec Autoris alicujus fide probari, obijcens; humorem præterea illum esse odoratum, calidiorē, atque capropter siccum valde, & longè dissitum ab ea humoris temperatione, qua partes oblini atque ad motum resciri possiat. Et cum non raro integris ablatis vesiculis, alias denuo animalibus istis in campestria loca remissis enasci, *Catellanus* perhibuisset, si hæc vera sint, ad oblinendos artus humorem hunc non facere, *Chioccus* regefferat. Ego quidem *Catellano* lubentius accederem, si, quæ magna cum confidentia dicit, *Avicenna* confirmasset, quæ tamen ipsum omnino destituit. Quamvis cæteroquin odoratus ille humor spirituosa substantia suæ ciliaviis lassitudini, à motu vehementi, depauperatis spiritibus, inducitur, medelam aliquam adferre, spiritusque restituere posse, utique dici queat. Per meatum tamen illum naturalem eundem, qui à me postea describetur, intelligat, parum refert. In hoc autem non exiguum errorem commisit, quod ablatis etiam integris istis vesiculis, & animalibus mutilatis in campestria loca iterum in libertatem dimissis, paucos post dies, odoriferarum herbarum pastu, alias vesiculas, veluti vomitici prægnantes, regenerari dixerit, cum Natura parens partes ejusmodi organicas & magnâ industriâ fabricatas, si semel fuerint abicissæ, regenerare, nunquam soleat, imò à recenti ista laniena dimissum animal vitam ulterius vix protrahere valeat.

Ipse vicissim *Chioccus* sicciorē animalis istius naturam, continuum, cursum, & herbarum siccarum odoratarumque pastum intuitus, nec minus lieneum, expurgando crassiori & sicciori succo qui par esset, tam grandem haud obtinere ratus cum motui validiori & crebriori impedimento esse queat, providam Naturam, quæ nunquam in necessariis deficit, effingendo has vesiculas

culas sive vomicas splenis defectum eleganter & fructuosè supplevisse concludit, ut humor omnis ille sicciior & crassior, alendo minimè idoneus, perfectè evacuetur. Sed hic quoque omnia incertissimis nituntur fundamentis. Nam 1. continuum cursum *Phil. Marini* relatio, inferiùs adducenda, quòd in dubiù vocare queat, ut non dicam, nostrorum certè Cervorum & Capreolorum familia, corporis agilitate maximè licet polleat, vicario ejusmodi liene destituitur. 2. Quamvis nardo aliisque siccis & odoratis herbis pro cibo utatur, solas tamen illas in pabulum cedere, & non alias etiam, contrarià qualitate imbutas, quis spondere, quæso, nobis poterit? Quin & nostri capreoli ac cervi, non frigidas tantùm & humidas, sed & siccà, calidà, atque odoratà qualitate præditas herbas depascunt. 3. Lienis parvitas est commentitia, neque oculorum fide comprobata; quod si verò talis fuerit, eo ipso Naturam, dum ob motûs celeritatem, cibique creditam salubritatem & spirituositatem, excrementitius, qui in viscere illo elaborari ac separari olim credebatur, humor perpaucus producitur, parvulum etiam lienem concessisse, facile posset regeri. 4. Lienem magnum, naturalem tamen, valido motui obesse, non quidem simpliciter negaverim, ast parvum eidem periculo subjacere, pariter dixerim, præcipuè cùm in celeriori motu sanguis justo concitator minùs expandi & rarefieri in parvulo corpore queat, ideoque molestiam eò promptius eidem communicet. 5. In folliculo mochifero nulla, quoad structuram cum liene similitudo deprehenditur, quæ aliqualis faciliùs admittetur, si illa à quibusdam olim falsò credita lienis cavitas inveniretur.

### CAPUT III.

#### *De Moscho, cum folliculo ab hominibus adempto.*



um Moschum in extuberante quodam abdominis receptaculo naturaliter inveniri, spontè tamen ab animali mochifero, per pruritum incitato, in usum humanum non evacuari, jam demonstratum sit, paucis hinc de altera illa opinione, quæ odoramentum hoc violentià quadam humana auferri prodidit, est agendum.

Crescente enim majore illius desiderio, & spe præcipuè largioris inde ex impetrata copia proventuri lucri, ipsum in animalis corpus sævire tandem homines incepisse, creditum fuit. Qui itaque non destiterunt, laqueis atque

que sagittis animali struere insidias, quò suam in potestatem tam vivum, quà in interentum redigerent. Atque spe suà hoc modo potiti, folliculum turgentem unà cum humore in eo collecto abstulerunt, quem tamen ingrato odore inquinatum perfluentes, liberiore aëre suspenderunt, ut Cœli serenitate Solisque ardore digestus atque exquisitiùs percoctus, quidquid injucundum foetidumque habet conjunctum, deponeret, sicque suavissimus efficeretur.

Hunc collectionis modum & ipse nobis *Serapio* primus tradidit, quem tot alii postea exscripserunt, qui, juxta vulgarem versionem, Venatores in terris Thebeth & Seni, extensis funibus laqueisque Gazelas illas capere, scribit; *Aliquando verò* ( liceat, cum pace tua, L. B. ipsa reliqua verba, ex interpretatione cujusdam *Abrahami Judæ, & Simonis Januensis*, adjungere ) *sagittant eas & abscindunt ab eis folliculum, & tunc est in odore ejus horribilitas, suspendunt ergo eos, relinquentes aliquo tempore, donec maturentur, & recedat fœtor eorum, & mundetur in aëre, & sit tunc in eis Moschus bonus.*

Moschum hunc aliqui adulterinum quidem proclamaverunt, ideoque in usum trahendum, minus tutum & inconveniens fuerunt opinati: Eundem tamen pro tali acceptare, aut ex Pharmacopoliis, manibusve Medicorum relegare, minimè audeo. Qui sanè optimus & perfectissimus Moschus omnino est censendus, cujus copià qui potitur, omni reliquo carere facillè potest. Atque, ut *Franc. Alexandri* voto utar, *utinam legitimus hoc modo ad nos traduceretur!*

Quamvis, si prior ille, ab animali sponte depositus, antequam meliores ejus particulæ in auras dissipentur, colligeretur, præstantissimi & perfectè elaborati elogium utique mereatur, non tamen alter iste omnino dampnandus aut parvipendendus simpliciter erit; cùm, si in ea ultima maturitate, qua titillare & ad folliculi apertionem perfricatum stimulare solet, aufferetur, eandem ferè perfectionem habere dicendus foret: quæ sana admodum ( si latentem de titillatione & fricatione fabulam excipias ) decisio *Brasavoli* notari utique hic debuit.

Utrùm verò hac ratione in utriculo hærens malè oleat, aëris demum, adflatu, Solisque ardore in suaviter odoratam materiam vertendus, meritò disquiritur? *Brasavolus* sanè Venetiis odorare se voluisse adhaerentem adhuc animali folliculum, gravemque omnino odorem se deprehendisse testatur; quem ideo nondum ad maturitatem pervenisse judicat. Quin & omnes reliqui, ingrato odore primùm displicere, Solis demum ac Cœli virtute coctum, odorem acquirere gratissimum perhibent. Verùm eadem hic accidere posse, dicere mihi liceret, quæ in Zibetho, Balsamo, aliisque fragrantissimi odoris simplicibus deprehendimus. Hæc enim quò longius à nobis distant & leviter nares subeunt, eò citiùs suavitate suà eas feriunt: quò propiùs

autem admoventur & majori quasi quodam nixu odoriferæ ejus atomi naribus attrahuntur, multum ista sua de suaveolentia amittunt. Particulæ quippe odoriferæ unitæ in organum odoratus confertim, & ita non sine violentiâ quadam ( prout & reliqui sensus à sensili excellenti lædi solent ) irruentes, illud lædunt, ideoque ingrata potius eidem videntur, cum vicissim distantiori in spatio magis magisque expansæ & divulsæ, blandiori modo sese insinuant, atque ita etiam gratiorem impressionem efficiant. Ut eas propter coctionem illâ deprædicatâ solari & æreâ nihil aliud fortasse impetrari dici posset, quàm ut admixta humiditas, maximâ ex parte evaporans, subtiliores quasdam, in motu ad exhalationem jam constitutas particulas in copia secum abripiat, reliquis minùs retolutis, ideoq; ad exhalationem copiosam non dispositis quasi quiescentibus, sicque minori postea efficaciâ organum odoratorium petentibus, & illud absque singulari vehementia tantùm demulcentibus. Idem sanè in Moscho folliculis suis incluso, sive etiam in pyxide aliqua servato quandoque experimur, qui nempe, si recens & bonæ notæ fuerit, naribus magna in quantitate propius objectus, ingratißimi semper odoris deprehenditur, imò tanti, ut vel Castorei gravitatem quidam lubentiùs, quàm istam perferre velint; cum tamen, si longius ab illo recedas, non possit non gratioso odore suo mox perplacere. Id quod sanè haud fieret, si non antea particulæ suaviter odoratæ præxisterent, suæque libertati gauderent.

Non tamen ibo inficias, illis ipsi sis benè fragrantibus aromis aliquas naribus graves & molestas conjungi; quæ sanè, si bonæ notæ Moschus & recentissimus eis exponatur, mox sile offiunt, stercoreæ quadantennæ, vel hircosæ quasi aliquid referentes. Quò spectat ingeniosi *Verulamii* conjectura, quam (excrementum illud moschatum probi esse odoris, cùm reliqua plerumque foeteant, admiratus, ) cent. 9. Hist. natur. profert, quòd nempe voluptatis excessum refugiat sensus, ingrati potius alicujus gaudens consortio, non lecus ac Musica repugnantes sonos in concentum temperans, omnibus gratissima accidit; quo ipso, foetidos ab excrementitia putredine spiritus Moscho inesse, voluit innuere, qui odoratissimos reliquos temperent, gratiamque illam sic naribus nostris offerant. Ut ita, si justâ temperie neglectâ, putridi ingrati reliquos bonos superent, eodem unâ quasi obtundant, se ipsos verò naribus potentiores vel sensibiliore ingerant. Hic ergo ingratiorebus & minùs elaboratis particulis in aère liberiori exhalantibus, reliqua massa suaviter odorata remanet, vel eadem benigniori Solis calore ulteriùs digesta, naturam priorem exuere, inque beneolentes pariter transmutari poterunt.

Heterogeneitatem illam partium in floribus & suffimentis jam olim animadvertit Aristoteles, dum in Problematicis suis causam indagaturus: Cur remotiora suaviter oleant, propiora autem ingrata magis existant? alias

præter



præter easque satis obscuras causas, terræ quoque particulas simul prodire suspicatur, quæ ob gravitatem suam reliquis præferantur, vel eas quasi præcurrant. Licet autem hanc celsiorem exhalantium particularum ponderosiorum, e contra levium tardiorum motum imaginari mihi nequeam, præsertim cum graviore longius haud provehi, sed cadere vel subsidere, in seqq. Ipse, moneat, terrestriores tamen illæ non displicent, quibus & humidiores addendæ, utraq; à calore nondum satis digestæ, concoctæ, vel elaboratæ, quæ utique in propinquo naribus objectæ, unà cum suavis organum odoratum subeuntes, ingratum quendam odorem ei imprimere possunt, ponderositatem verò suâ longius provehi ineptæ, solas tenuiores levioresque in remota loca ferri permittunt.

Ut de judiciorum circa odores diversitate, soli fortè persuasioni & consuetudini adscribendorum, multa jam non proferam, quâ facile posset contingere, ut Moschus revera suavissimus, ceu ingratus naribus displiceret, non secus ac Japoniis Europæorum pretiosos suffitus, tanquam fœtoris reos, displicere; nobis verò quæ malè olere videntur, optimè fragrare, *Arnoldus Montanus* Legation. Batav. ad Imper. Japon. circa princip. recenset.

## CAPUT IV.

### *De Moscho è sanguine parato.*



Ulamvis descriptum in præcedentibus Moschum maxime genuinum vocare nullus dubitem, alios tamen etiam eundem impetrandi, vel potius æmulandi & fingendi modos dari, non minus concesserim. Inprimis dum auri sacra fœnes, & cujus vel ère qualibet odor bonus avaris atque lucrì cupidis putatur, ad majorem ejus obtinendam copiam homines allicit, sicque varias genuinum & antiquum illum naturalem quodammodo æmulaturas præparationes, vel etiam omnino novas ex aliis subjectis productiones iisdem dictitat.

Maximè verò dum contentum in folliculo Moschum sanguinis ad naturam accedere observarunt, reliquum non minus sanguinem, si arte ad cutem proliceretur, odoriferà istà qualitate imbutum iri, quosdam credidisse, admodum verisimile videtur, quod etiam verberibus animal probè vexando & dedolando obtinuisse, quorundam scriptis edocemur.

Sic Nobil. *Joh. Albers. Mandelslo* lib. 1. Itinerar. sui cap. 19. ex Mercatorum Anglorum oculata fide idem perhibet, hunc in modum in vernacula  
aperta

noſtra ſcribens; Es wird der Muſcus von einem Thier genommen / welches einem Rehe gleich ſiehet / dasſelbe Thier ſollen erliche / wann ſie es fangen / eine weile in ihren Häuſſern halten / mit einem Prigel ſtark ſchlagen / welche nach Pegu handeln / daß groſſe Beulen darvon auslauffen / darinnen ſetzt ſich eine Materie / aus welcher der Muſcus kommt. Diß haben wir die Engliſche Kauffleute berichtet / dann ſie es ſelbſt geſehen haben.

Quæ paulò fuſius, ex Mercatoris cujuſdam relatione, à Cl. Nath. Highmore, diſſert. de paſſ. hyſter. cap. 6. proferuntur; cujuſ iplamet verba præſtat audire: *ſicola animal inventum primò canibus venaticis diu inſequuntur, deinde cum perſecutionem ultra ferre nequit canum, feſſum & anhelans plagis abundè excipiunt, donec tota cutis ſanguine grumoso à verberibus canumque morſibus maxime inſectur & intumeſcat, tum cum incaleſcit adhuc, pellem ubi vis attollunt & ligaturis ſtrictioribus illam cum ſanguine illo grumoso incluſo circumligant totam in nodos, deinde ſtatim, vivente adhuc animali, abſciſſis nodulis ſanguine illo plenis, pro moſcho optimo reſervant, qui nobis ſic in buſſis coriaceis, ut ab animali abſcinduntur, à Mercatoribus tranſferunt.*

Similia, licet paulò mutata, apud Gabrielem Sionitam de Monte Libano, Profefſorem Paſiſinum, occurrunt, quem Exc. D. Thom. Bartholinus Volum. 2. Act. med. Hafn. obs. 19. tanquam oculatum teſtem, ita Moſchi generationem adducit deſcribentem: *Baculo animal pluribus uno eodemque loco iſtiſbus verberatur, adeo ut ſanguis in unum concurrat locum, ac tam pellis inflata ſanguinisque plena ita ſtrictè ligatur, ut inde ſanguis concluſus egredi nequeat. Pellem illam in unam aut plures veſicas contractam exſiccaturi ſupra dorſum animalis ſinunt, donec abſque ulla vi, nulloque adhibito instrumento ea veſica cadant, ubi ille ſanguis ſuauiſſimus in moſchum beneolentem poſt unum meſem converſus reperitur.* Si hanc unius loci percuffionem ad iplum jam conſtringere liceret folliculum, quin largior Moſchi proventus ſic promtè ſuccederet, fortè non eſſet ambigendum. Unde etiam deſatigatum curſu animal fuſſilibus bene permolitur, ſanguinem faciliùs ad eum ejusque tubercula naturalia amandare judicat prælaudatus Bartholinus Vol. 1. Act. med. Hafn. obſ. 58. *Sicut ubera ovium, addens, manu concutunt femina, ut lac uberius fundant.* Aſt hac ratione ad Caput potius præcedens eſſet referendus.

Mercatorum autem Anglorum enarratio ſi de tumoribus aliis præternaturalibus, & à folliculo diverſis ſit intelligenda, eò majorem merebitur fidem, ubi juxta prolatam à Scaligero in exerc. 2. r. de ſubtil. ex India adveſtam, & Joh. Fabri in Hiſt. nat. Mex. indicio, ex Barboſa mutuata hiſtoriam, ſanguineus ille utriculi humor ad reliqui cruoris, etiam ſine verberibus impetrati condituram adhibetur, quam tamen ipſius Autoris verbis adducere lubet: *Capitâ ferâ, eam partem ( in qua ſcil. ſanguinis collectio*

im

in tumorem abierat) cum cerio simul abscindunt; qua inter secundum gutta sanguinis effluunt caduntque, ea pro moscho optimo atque excellentissimo aus excipiuntur aut colliguntur. Hujus minima portuncula benefico ad ceteri cruoris condimentum utuntur. Ubi secuerunt, hirudines admovent tot tamque diu, quoad earum succu cruor universus cum ipsa vita detrahatur. Eum sanguinem exsiccatum atque in pulverem redactum, prioris illius perpauillâ quantitate, viribus verò efficacissimis perficiunt. Quippe centesimam satis esse produnt.

Posse autem aliis etiam in locis fustigatione istâ acriori sanguinem extravasari, inq; tumores ab ejusdem collectione cutem attolli, minimè est incredibile. Quod sanè mulier illa magno suo cum damno experta fuerat, quæ icibus & verberibus miserè tractata, post mortem, Anatomico olim dexterrimo, D. Joh. Rudolph Salzmanno (vid. obl. anat. 2.) sanguinem cutem inter & carnem per universum corpus effusum exhibuerat. Quod etiam ovium, vitulorum, boumq; exemplo illustrat Exc. D. D. Dan. Ludovici Miscell. Germ. Cur. Ann. V. obl. 205, in quibus sæpenumero, à lanionibus ante se agentibus severius fustigatis, post jugulationem detractâ cute, ejusmodi collectiones in superficie adparent. Capillaria enim ad corporis ambitum tendentia vascula sanguinea, vi illâ aperta & lacerata, contentum liquorem suum intermedia in spacia effundunt, à venarum osculis compressis inque situ alteratis non tam promptè reforbendum, sed istas suggillationes & vexationum notas efficientem. Qui ita extra naturales suos vitales terminos subsistens, magnam subire alterationem cogitur, & putredinem aliqualem concipere, quâ latentes sulphureæ volatiles particule in libertatem fortè vindicantur, atque occultatam antea odorem jucundum exhalant.

An autem fragrantissimo illi folliculari odoris & virtutis excellentiâ talis æquiparari queat, est incertissimum, imò mihi omninò non credibile videtur; cum moschi follicularii & sanguinis coagulati substantia admodum differant & follicularius ille si non ejusdem flos & balsamus, saltem excrementum odoratum unice existat, à sanguine in folliculo segregatus.



## CAPUT V.

### *De Moscho ex renibus & testiculis confecto.*



**M**ISSA nunc animalis nostri parte fluidâ, solidiores itidem attendi merentur, quas inter Testiculos inprimis verum præbere Moschum, sunt qui persuadere laborant. Illos sanè *Georg. Bertinus* in sua *Medic. lib. 18. cap. 16.* jamdudum nominaverat. Quos etiam ex *D. Thevenoti Itinerario*, ipsummet esse Moschum, confirmaverat Nob. *D. Henr. Oldenburgius*; licet Autor *Ephem. Gallic. cumulum sanguinis pro testiculis* reposuerit. Vid. *Acta philosoph. Soc. Reg. in Angl. Num. 14. cap. 7. pag. 171. edit. Lips.* Et *Cl. Henr. Salmuth* optimum ac præstantissimum Moschi genus esse, notat, quod ex testiculis animalium quorundam colligitur.

Eosdem innuere voluisse celebrem floræ Sinenfis scriptorem, *P. Michael. Roymium*, ipse textus persuadet, dum sub lit. Z. præter renes alias quoque partes indicat, quem ipsum ideo audire lubet: Porro quod *Sinenses propriè vocant Xe, & Lusitani Almiscar*, atque *Latini Muschum*, est caro renium animalis supra dicti, & id quod natura infra abscondit. Verum enimverò *Mercatores totam carnem animalis cum sanguine ejusdem commixtam contundunt, & pappos*: (ita sacculos, ex pelle pilosa ejus vocant, quasi forent testiculi ipsius) & hoc quoque verum *Almiscar* est, licet sit non adeo perfectum sicut prius. Hunc tamen conficiendi modum in dubium vocat supra jam citatus *Laur. Catelanus*, semen & testiculos planè excludens, talibus inprimis argumentis inductus: tum quòd certissimum sit, nullos reperiri conductus necessarios, qui ab hisce vesiculis ad membrum genitale transeant, nullaque cum vasis spermaticis demonstrari possit communio; tum quia vesiculæ illæ utrique sexui istorum animalium ventri sint adpositæ, cum econtra in omni animalium genere testiculos femineos in corpore abscondi sit compertum. Et quamvis ipse quoque Moschum præstantissimum & genuinum testiculorum ut productum vel substantiam neutiquam considerare, aut folliculorum Moschi utriculorum genitalem, testes sub scroti nomine involventem, statuere velim, incertum tamen est, annon aliqua folliculis illis cum membro genitali vel spermaticis vasis communio intercedat; neque id facillè *Catelano* crediderim, qui ista nobis, non oculari ex inspectione, obtrudere ausus fuerat,

rat,

rat, sed unice ex ingenii sui libertate effinxerat, promptiorem ad sensum inventurus, si per conjecturæ modum id nobis saltem proposuisset.

Ast nihilominus ipsorum etiam testiculorum substantiam, si non separatim, ( de quo multum dubito ) saltem aliis partibus mixtam conficiendo Moscho fortasse inservire, non negabo, dum, quod tot oculati etiam testes fatentur, integrum quoque animal in Moschum convertitur.

Ipse quidem folliculus bursæ sive involucri testicularis formam obiter, intuitibus facile repræsentare potest. Unde etiam ex vulgi opinione errorem hunc propullalasse, *Catelano* promtius concesserim. Quam ipsam rotundam & testibus æmulam figuram *Leonhard Fuchs* lib. 1. de comp. med. cap. 26. nosse statuit, qui Moschum adulterant, subjungens: *Nam in testiculi formam effingunt, & pelle animantis involvunt, ac testiculum Moschi appellant.* Quod pariter *Joh. Hugo à Lindschotten* in Itin. Orient. monuerat.

Atque hæc similitudo dubio procul quosdam permoverat, ut animal hoc odoriferum testiculos sibi metipsum amputare crediderint; quæ de castratione *Salmuthum*, ex prædicto *Lindschottano*, audire placet: *Animal ipsum naturalis instinctu, cum pretium testiculorum suorum intelligat, de singulis aliis desperans, eosdem dentibus ac morsu avellit, & in hyron veluti libertatis abjicit; ita occupato collectione testiculorum venatore, necam aliquando evadit, quod ipsum & de fibro sive castore proditum accepimus, quem urgentibus venatoribus & canibus, sibi ipsi partes genitales amputare, gnarum, se propter ipsos peti, cum Græci, tum Latini prodiderunt.* Sicuti autem quæ de Castore vulgò circumferuntur, præter antiquiores illos, *Dioscoridem* lib. 2. cap. 23. *Plinium Hist. nat. lib. 32. cap. 3.* ipsis etiam Venatoribus fabulosa hodie admodum habentur, à plurimis jam præclarissimæ famæ Viris falsitatis convicta, & præsertim ab Exc. D. D. *Joh. Jac. Wepfero*, cum anatomen aliquot Castorum in Anno II Ephem. Germ. Cur. obs. 251. doctissimè, ut omnia sua, exponeret, manifestissimè explicata: ita & quilibet non vanè credulus, quæ de moschiferi animalis effera ista & stolidæ audaciæ referuntur, eodem titulo dignabitur. Neque feles silvestris aut marinas, uti vocantur, simiasque mihi quis obijciat, libidinosa animalia, quæ petulantia suæ modum finem nescientia, vel indigne captivitates suas continuas ferentia, vel denique fame immodicè allecta, genitalia sibi ipsis & caudas amputasse ac devorasse, aliquando observatum fuit. Si enim unquam in animali nostro similis in proprium corpus la vitia fuisset deprehensa, quod tamen permagnâ adhuc indiget confirmatione, quis inde naturalem instinctum ad talem perpetrandam laniationem, vel tantum intellectum & prudentiam bruto istitribuere valeat, ita ut testium suorum præciosam naturam, quæ tanta vera non est, ( nisi quatenus generationi intervindo, multiplicationi etiam odoratorum istorum animalium.

inserviunt) intelligere, reliquæ autem partes quod non adeo expetantur, nosse, dicendum sit? Mihi lanè, cum *Salmutho*, ex invidia Castorem id facere, contra alios negante, paucis mutatis verbis fabulam hanc claudere lubet, & homines è propria sua opinione scientiam & prudentiam brutis istis quod adscripserint, dicere. Unde enim brutis animalibus tanta scientia, quam homines non sine experientia & rationatione addiscerent?

Unde pariter nunc illorum similis vana patet traditio, qui de alio aliquo animali, in Sinarum regno, ac novo Mexico inveniundo, narrant, testiculis id oneratum esse adeo enormibus, ut suspensus minimè gerere, sed terram contingentes trahere cogatur, & qui æquali cum toto reliquo corpore sint pondere, quibus oppressum, cum à canibus agitur atque evadere non potest, ipsosmet dentibus mordicus detruncet & liberrimè postea aufugiat, ipsis his testiculis à Venatoribus dein collectis ac contusis optimum Moschum præbentibus; recensente ita apud Cl. *Joh. Fabrum*, Lynceum, Comment. in Nard. Anton. Recchi Hist. nat. Mexic pag. 559. *F. Gregorio de Bolivar*. Quod tamen ipse cum nunquam viderit, quidquam certi propterea de eo adferre aut assermare minimè potuit, voluitve. Nec certè credulus adeo & ego esse velim, ut tam enormiter testatum animalculum reperiri, mihi persuaderi patiar, præsertim quia in nullo probato de Regnis istis Scriptore (quot quidem evolvere mihi licuit,) ejusdem mentionem faciam recorder, quod ob raritatem aliàs vix intermisissent.

## CAPUT VI.

### *De Moscho, ex toto animali producto.*



Nihil denique in hoc Animali esse inutile, & quod non in Moschum convertatur, multorum constat testimoniis. Quod considerans *P. Philippus Marinus* in histor. sua de Tunchino, nullam ejus partem projici, & pluris valere animal mortuum, quàm vivum, dicere consuevisse istarum regionum incolas, perhibet.

Unde non tantum ex apostemate sic credito, sive folliculo provenire, sed omnem animalis istius carnem, & excrementum dici Moschum, *Isidorus* atq; *Albertus* prodiderunt.

*Joh. Mendoza* lib. 1. cap. 4. descriptionis regni Sinici, ( à *Joh. Kellnero* in Linguam Germanicam conversæ, & *Francfurti A. 1589.* editæ, Anno autem 1597. Lipsiæ quoque sub *Matthæi Dresseri* nomine publicatæ, ) sive  
Bene-

*Benedictus Gös*, uti in descriptione Navigation. in Indiam Orient. part. 12. horum Autor vocatur. Moschum ex Animalibus vulpecularum formam habentibus preparari narrat, quorum verberibus enecatorum, obturatis prius omnibus meatibus, per quos sanguinis fieri posset effluxus, corpora tam diu percutiuntur & contunduntur, usq; dum ossa cute tecta cōtinuantur omnia, tandem post exsiccationem in frusta cum cute conciduntur, & in folliculos efformantur, Lusitanis Pappos dictos.

Eadem ex *Petro Jarrico* recitat *Joh. Euseb. Nieremberg* lib. 9. Hist. natur. cap. 56. adfidiis virgarum fustiumque verberibus enecari animal, tradens, ut toto sanguis fundatur corpore, cadaver autem putridum & jam aridum frustatim, non detractâ pelle, discindi, lacculosque inde prædictos parari.

*Joh. Petr. Maffei* Hist. Indic. lib. 6. pag. 142. Moschum è feris quibusdam vulpecularum effigie, crebro verberere enectis, dein putrefactis, parari docuit.

Non minùs *Odoardus Barbosa*, Lusitanus, in Sumar. regnor. ac popul. Orient. Moschum etiam ex animali capræ simili confici perhibet, cujus excoriati caro cum sanguine contusa in vesicas ex ejus pelle efformatas reponatur, quod etiam ipsa Moschi massa innuat, in qua ossa contusa reperiuntur, communem illam de apostemate aliquo relationem falsam ostendentia.

Et *P. Mich. Boyer*, Mercatores totam carnem animalis cum sanguine, ejusdem commixtam contundere, & lacculos cum pelle ejus pilosa exinparare, l. c. testatur.

Similia habet *Joh. Hugo à Lindschotten*, cui suam quoque historiam debet *Henr. Salmuth*. l. c. monumentorum nempe Historicorum regni Chipensis se fidem securum innuens, & huic in modum scribens: *Bestiola ibi sunt vulpeculae aut catellorum magnitudine atque imagine. Ha ad necem verberata ac plagis mollita cum carne pariter & sanguine putrescunt; tum ex pelle, carne & sanguine incola rotundas uncialisque pilas sive crumenulas conficiunt, qua filis undique conjuncta venduntur.*

Et *Hieron. Cardanus* lib. 10. de subtil. p. m. 574. Moschum, qui ad nos deferretur, totam esse carnem cum ossibus contusam, & vetustioribus vesicis impositam, id quod passim in nostro Moscho parva ossium frusta indicare, subjungit.

Similem, paulò tamen mutatam historiam *Amatus Lusitanus* suo in Diolcor. lib. 1. Commentario, text. 20. interuit his verbis: *Animalculum hoc, virum cum est, virgis primo flagellatum neci traditur, à quo detractâ pelle & interaneis demtis, universam carnem à verberibus lividam cum ossibus conjungunt pinjuntque, qua quum optimè est pista, manus tractatur, ut si qua duriuscula*

*in illa fuerint ofacula, rejiciantur. Hanc ergo carnem sic optimè pistam, manu in globos quosdam redigunt, & frusto pellis ab eodem animali excoriata obvolvunt.*

*P. Philippus Marinus, cujus verba italico idiomate exarata P. Athanasius Kircherus Chinae suae illustrata, cap. 7. inferuit, quatuor Moschi generum, bonitate inter se differentium, l. c. mentionem facit: 1. Capto animali totum sanguinem, seorsim adservandum, extrahi, vesiculam sub umbilico sitam, sanguine vel alio odorato humore coagulato plenam adimi, posteaque pellem detrahi, scribens. Quod si Moschum, eodem referente, summè perfectum desiderant, dimidium animalis, inferiora nempe à renibus (*la metà dell' animale, cioè dalle reni in giù*) in magno lapideo mortario optimè contundunt, superinfundentes tantum sanguinis, quantum ad effingendam massam requiritur; quā siccata sacculos ex ejusdem pelle factos implent. 2. Si verò Moschum non adeo perfectum, bonum tamen & sincerum voluerint, omnes animalis partes conquant, & cum sanguine in massam redactas exciccant, in vesiculas dein pariter reponendam. 3. Aliud porro genus non adeo purum, bonum tamen & verum ex partibus superioribus, à prioris illius electissimi elaboratione relictis, conficiunt. De quarto genere, composito utpote & adulterino, nil attinet hic quidquam dicere.*

*Tandem audiri meretur apud Joh. Fabrum Comm. in Recchi Histor. natur. Mexic. in Schol. ad cap. de Zibeth. animal Americ. pag. 557. & 558. F. Gregorius de Bolivar, Hispanus Placentinus, ordinis S. Francisci, curiosus rerum naturalium indagator, atq; Orientis & Occidentis Solis Regnorum perillustrator, qui suam de Moscho sententiam Hispanico idiomate hunc in sensum, Fabro communicaverat: Hæc certè conficiendi moschi verissima est Historia, quam oculis meis ut vidi, ita sæpè experienciâ confirmata fuit, &c. His artibus autem ab illis, qui moschi mercaturam exercent, hæc animalia capiuntur: circumdant loca, in quibus dimorari eadem norunt, vel igne, vel retibus accanibus, atque in subterranea loca profugere compellunt, quæ postea subfodiendo, vel aliâ industriâ extrahunt, in tanto sæpius numero, ut ad trecenta etiam capiantur. Hæc subito jugulant, sanguinem qui ipso ipsi maxime abundat, in vase aliquo mundo (Porcellanam vocant) colligentes. Tanta autem, quod mirum est, sanguinis copia in quo vis horum animalculo invenitur, ut, sæpenumero, quando extractus fuit ac concrevit, videatur totius reliqui corporis molem superare. Posthæc pelles ipsis abstrahunt, exciterant, & ab omni illuvie intestina emundant. Quamvis aliqui, ut majorem moschi quantitatem nanciscantur, impura cum puris relinquunt. Qui verò priore modo procedunt, cum sanguine meliorem & teneriorem armorum ac coararum mulculosam carnem, corac hepares simul, in lapideo*

mor-



mortario unam in massam contundunt, ex qua folliculos, sive expelle, horum, sive aliorum animalium paratos inferiunt, loco umbroso suspendunt, siccantque. Et ubi jam semiaridi fuerint, sub terra defodiunt, omninoque in umbra exiccare permittunt. Et hic est præstantissimus moschus, qui pro Rege ac Principibus saltem conficitur. Sed ille, qui communiter circumfertur moschus, crassiore Minervæ elaboratur. Contunditur enim totum simul animal cum omnibus suis partibus, ossibus, intestinis, & pel- lis quoque portione, donec ad massam tenerriam redigatur, ex qua utriculi illi ex ejusdem animalis pelle confecti implentur, & intestini aliquâ parte obvolvuntur, paulisper siccantur, loco ubi urina effunditur, sub terra per paucos dies reconduntur, & denuo in umbra suspensi exiccantur.

Huic F. *Gregorio Röchus Ezechiel Bauthschner* jungendus, qui in Lusitania talem conficiendi modum usitatum enarraverat, quem, cum liber iste non omnium sit in manibus, verbottenus quoque ex *Fabro* volui exscribere: Laquei ac pedicæ ex filo æneo parantur, & cuniculorum modo illaqueata capiuntur. Horum sanguinem Venatores extrahunt, carnes separant, & loco perflabili, ubi nec Sol, nec humiditas dominantur, resiccant. Aves deinde capiunt quasdam, ab ipsis Aquilas vocatas, Aquilæ tamen minimè sunt, sed Accipitribus nostris formæ similes quidè, mole verò duplo majores. Harum itidem carnes ac sanguinem reponunt siccantq; & ad Aprilis mensem usq; reservant, quo tempore viret, vigetq; maximè herba quædam, ab Incolis Pico de Grulla dicta, hanc quoque tunc demerunt. Est autem planta hæc tam fragrantis moschati odoris, ut certè affirmare possim, me longinquis è locis eandem crescentem olfecisse, evulxisse non rarò, & pro mea recreatione in itinere mecum detulisse; Ab hac planta odorifero plena humore determinatam quandam succi quantitatem exprimunt, & cum prædictis carnibus ac sanguine commiscunt, in marmoreo tundunt mortario, & reliquam, ut memoraverat F. Gregorius, ad unguem adhibent operam. Tum in loco, in quo sæpe urina everitur, benè involutam pastam sepeliunt; vel utriculorum aliquot horum in vase illo, *σκαπίον* vocant Græci, in quo (sit auribus honor) humanorum tam siccorum, quàm liquidorum colluvies recipitur excrementorum, suspenduntur, ad tres quatuorve dies detinentur. Exemptos inde & in umbroso cubiculo benè siccatos externis mercatoribus divendunt. &c. Moschi quidem opificium ipse ego non vidi; animalia tamen & plantam moschatam sæpius vidi. Reliqua curiositatis gratia ab Incolis didici, quibus fidem denegare piaculum duxi. De quo tamen inferius, CAP. XI. judicium meum proferam.

Diversum ab his omnibus Moschum describit *Pantoja*, referente *P. Petrarca Jarrico* lib. 2, Thesaur. rer. Indic. cap. 17. è ventriculo animalis cujusdam

dam feri, quod fele paulò grandius, educi Moschum credens, nec in China ipsum, sed in regione proxima reperiri. Ubi tamen Cibettam intelligi debere, *Jarricus* suspicatur, vel credendum, nobiliorem ac pretiosorem Moschum ventriculo alvoque educi. Quæ quidem cuncta, ut incertissima, recensuisse sufficerent. Per ventriculum attamen utriculum moschatum vel Zibethicum etiam innuere potuit *Pantoja*. *Gemara* tamen tract. Berachoth fol. 43. cap. 1. Moschum similiter sterqus esse perhibet. Alias Moschum nobiliorem ex ventriculo alvoque educi, non facile consentirem, nec quisquam alius fide dignus simile quid unquam scripserat. Licet & dictarum partium contenta, inprimis verò scybala fermento isto odorifero bilioso quoque imbui, faciliùs concesserim.

Ass dum *Rabbi Abraham Ben Esra* comm. in Exod. cap. 30. vers. 23. Moschum è gutture colligi scribit, consensum à me haud difficulter impetraret, si per guttur folliculus ille umbilicalis intelligi posset, vel, quod paulò credibilius, sanguis ex jugulato, eo fortassis in loco, animali extractus, atque ad Moschi confessionem, qualem ex. gr. *Scaliger* exponit, collectus innumeretur. Modò non omnis illa, aliena ex relatione à *Ben Esra* hausta traditio sit fictitia.

Reliquis in præcedenti discursu expositis relationibus (quas omnes testimonio, si vera sint, quæ narrantur, oculari vel saltem aurito innixas, licet in plurimis idem proponant, speciatim cum L. B. venia adducere volui, cum in multis etiam variant, plures modò, modò pauciores, quin & discrepantes in præparatione ἐν χειρὶ σφίσις proferentes, ) etiamsi veritatem subesse aliquam inficias ire nolim, subinde tamen fabulosa aliqua conjungi, nullus dubito; quæ cuncta tamen eruere, mearum non est virium. Hoc saltem, ne vanè id scripsisse videar, monendum, neutiquam capere me posse, quâ ratione animalculorum istorum ossa, integrâ permanente cute, in mortario comminui ita possint, ut molliorem istam, quæ in Moscho observatur, consistentiam induant, cum à violenta ejusmodi contusione cutis, inprimis dum nativo adhuc turget humore, non possit non fatiscere, discerpi, & grandes experiri rupturas. Et hinc meatus etiam, per quos sanguis emanare posset, frustra obturari, est credibile, præsertim si maximâ, uti illa *F. Gregorio* memorata, animalia sanguinis copiâ abundarent. Nec intelligo, quomodo contusi animalis è pelle, à reliquis partibus non separatâ, sed exsiccata, sacculi parari queant, quibus moschata illa substantia includatur, cum hæc illius quantitatem longè excedat. Quin & nonnullorum historias ex aliis supplendas necessario esse autumo: veluti in Mendoziana corporis contusioni exsiccationique putrefactio addenda, nisi eandem illo ipso tempore, quo exsic-

exsiccationi exponitur, sufficienter succedere, debeat supponi. Sed hæc & similia urgere prolixius superfedeo, quæ nempe adcuratorem & multiplicem observationem in ipsius locis, ubi talia concinnantur odoramenta, requirunt.

## CAPUT VII.

### Επίκρισις *antecedentium*.



Or itaque cùm sint de Moschi ortu opiniones, multis à se invicem parasangis distantes, cuiusdam adhibere fidem præstet, suspensum meritò reddere aliquem possent, præsertim cùm plurimi oculorum fide nitantur, vel saltem niti eâ videri velint, quibus sanè absque sufficienti causa eandem denegare, magna foret temeritas.

Hoc certum est, ab eo tempore quo innotescere Moschus ceperat, plurima semper genera fuisse agnita.

Duorum meminit *Serapio*, è sanguine sponte ab animali ex folliculo depolici, alterius autem vi hominum erepti.

*Hieron*, *Cardanus*, atque cum eo *P. Casp. Schottus* in *Phys. curios.* & apostema, & totius animalis cum ossibus contusionem admittunt.

*Andr. Libavius* part. 3. singular. lib. 4. cap. 5. tertium genus addit, nempe testicularem Moschum, quas tres sententias mutuo se non evertere arbitrat.

*Clar. Adam. Olearius* in not. ad *Itinerar. D. Joh. Alb. à Mandelslo*, postquam *Ruellii*, vel à quibus eam hausit, *Serapionis*, *Sethique*, *Scaligeri* item & *Baymii* relationes exposuisset, Scriptorum horum opiniones omnes, à Mandelsloana non admodum distantes, veras esse posse, prudenter concludit, cùm in unum animal Moschiferum omnes illi præparandi modi cadere, proque diversitate locorum diversi etiam modi attendiqueant, ita ut unus hunc, alium alius observaverit. Confer. Nob. *D. Dan. Ludovici* discursus, Anno IX. *Ephem. Germ. Curios.* observ. 38. insertus

Mihi sanè, simili fundamento insistenti, unicum quidem esse veri Moschi genus, intrepidè adfirmare libet, illud nempe, quod ex folliculo depromitur, alterum tamen illud, quod ex sanguine, carne, vel toto denique animali, coque non unius, sed duplicis speciei & differentię elaboratur, pariter dari, tot testibus coactus, non pernego. Ast nihilominus alterum hoc, non quidem omnino fictitium, secundarium tamen, & bonitatem si spectemus,

longè inferius proclamare interea sustineo, usque dum meliora aliquando edocuius fuero.

Et follicularem quidem illum ipsa quotidiana ocularis inspectio, in ipsa nostra Europa, & in specie quoque Germania, extra omnem dubitationis aleam, contra quoscunque aliter sentientes, vindicat.

Tot enim quotannis ad nos deferuntur genuini folliculi, quos è falso numero tum singularis conformatio protinus eximit, tum & Moschi in eis præsentia, quem juxta cum odore præcellenti, integra ex omni parte cutanea ista substantia, nullo foramine aut scissurâ prædicta, naturalem, & vivo adhuc in animali sensim ibi collectum, non autem artificio aliquo confectum eique intrusum, ostendit.

Reperiri autem in animali quodam tales folliculos, *Brasavolus* & *Cardanus*, oculati testes, præter alios, perhibent. Quin & ipse Anno 1675. tres similis animalis Noribergæ ad nos delatas exuvias vidi, singulas utriculo isto instructas; quorum unum dein à possessore, *Dn. Johanne Biermanno*, Pharmacopœo nostrate solertissimo, me præsentè, apertum, Moschum continuisse fragrantissimum, recordor. Sic & Heerfordiana animalis moschiferi pellis, à Nob. *D. Bartholino* Vol. 2. Act. med. Havn. obs. 19. descripta; porro Breyniana, ab Exc. *D. D. Segero* in Anno VI. Ephem. Germ. Curios. observ. 128. exposita; Ludolphiana, quam Francofurti Ill. *Dn. Jobus Ludolfus* servat, à Celeberr. *D. D. Georgo Wolffo Wedelio* primò per literas mihi indicata, & postea uberius ab amiciss. *D. D. Sebastiano Scheffero* exposita; Stoberliniana, quam Noribergæ *Dn. Joh. Leonb. Stoberlinum* Pharmacopœum peritissimum possidere, maximus Fautor meus *D. D. Ioh. Valchermus*, additâ ejusdem iconè, nuper mihi notum fecerat; nec non illa à Nob. *D. Ioh. Bapt. Tavernier* part. 2. Itinerar. sici lib. 2. cap. 24. memorata & Parisios delata, omnes, inquam, pelles istæ tuberculo, folliculo vel vesicâ moschiferâ fuerunt instructæ. Quem ideo Moschum frustra explodere, & tanquam merum figmentum proclamare nonnulli ausi fuerunt.

Et hac certitudine antiquissimâ innixi jam dudum aliqui, alterum illum modum, qui ex carne &c. animalis contusa parari Moschum monstrat, omnino rejecerunt. Quo intuitu consimilem istum *Amati Lusitani* processum non legitimum Moschum, sed admodum adulteratum suppeditare, *Fachsius* l.c. objicit. *Chioccus* tamen, explodendam omnino atque exsibilandam *Amati* sententiam dum vocat, quamque conjecturâ capitis sui ductus protulerit, minùs audiri meretur, cujus ideo *Amati* patrocinium laudatus *Faber* non immerito suscipit, pag. 560. cum plurium *doct. sc.* eundem propugnet. Licet & ipse astiori suâ in *Scrapionem* & reliquos cen-

sura

sura aliorum indignationem haud injustè sibi contraxerit, dum reverà ista de folliculis &c. omnia falsa & mendaciorum plena esse, nimis concitate calamo coarguerat.

Instat quidem *Gabr. Fallopius* lib. 1. in *Dioscor.* cap. 24. ideo carnes maceratas & putrescentes Moschum haud esse, quia carneas non habeat fibras. Cui tamen idem *Faber* satisfacere videtur, dum Unguentarios & Chirothecarios Romanos certissimò sibi fuisse adtestatos, monet, se, dum in aquis odoriferis illum solvunt, filamenta sæpius reperire, ac veluti nervosa & carnosa quædam corpuscula, pelliculas quoque, quæ ubi diutius aquâ fuerint, macerata, aliarum etiam membranarum instar, intumescant. Si jam *Fallopius* in Moscho genuino ex folliculo desumpto fecerit experimenta, facilè carnolorum fibrarum absentiam eidem concedemus, quas sanè, in alium, non admodum diligenti confusione dilacerpto ex animali paratum si incidisset, faciliùs quoque invenisset. Modò Unguentarij & Chirothecarij illi Romani, minùs curiosi harum rerum observatores, *Fabro* non imposuerint, aut pilosas ac membraneas Moscho folliculario sæpe aut semper conjunctas particulas, pro nervosis & carnosis corpusculis venditaverint.

Singulari autem in tumore Moschum non colligi, contra *Fuchsum* dicitur putat *Faber*, erroneâ eum opinione duci existimans, cum animal moschiferum, Capreolum æmulans, tam rarum sit & peregrinum, ut ex uno atq; altero tumore tanta quantitas Moschi eximi nequeat, quæ cunctæ Europæ, Asiæ, Africa & Americæ sufficiat; in solo autem Peruano regno plus Moschi in cibis, potu, dulciariis, vestibus, aliisque consumatur, quàm in Europa universa, & ex China locisque vicinis, ubi paratur, quotannis mille Arrobæ, h. e. viginti quinque librarum millia vehantur, ac per varias Orbis partes distrahantur. *Tantam autem Moschi copiam, addens, quomodo vix nomine etiam nota bestia nobis subministrabit?* Quæ equidem simpliciter absque ullo discrimine non impugnabo, ita ut haud coactus credam, tantam quotannis Moschi quantitatem ex China locisque vicinise exportari, cumque porro ex unico animalis tumore, qui nec duas interdum drachmas concrementi odorati largitur, non desumi, interea tamen, nullum omnino Moschum ex folliculo aliquo depromi, nequaquam inde sequitur. Quam videlicet omnesque alias dubitationes sola Moschum parandi diversitas promtè solvet atque discutiet. Ignoram cateroquin adeo esse nobis bestiam illam, nemmo amplius hac ætate facilè consentiet, multò minùs maximæ quantitatis Moschi collectionem adeo incredibilem reputabit, si regni Sinici & viciniorum tot aliorum amplitudinem, nec non Animalium moschiferorum in cis

multitudinem, plurimum, uti *Mandelsloei*, *Tavernieri*, *Martini*, *Mendozæ*, *Masseji*, & *Pauli Veneti*, testimonio fundatam consideraverit.

Mihi tamen adfirmare sanctè licet, omnes bonæ notæ Moschi species, quashæcenus videre contigit, (contigit autem conspiciere plurimas,) non alias, quàm eandem cum follicularia fuisse, cui utpote exactissimè responderunt, ita ut, nisi tot oculatorum testimonia, non faciliè falsitatis inculanda, obstitissent, prorsusissimè in eam descendissem sententiam, omnem reliquum esse fictitium.

## CAPUT VIII.

### *De genere Moschi constituendo.*



Moschum simplicibus medicamentis adnumerant Arabes. Præter alios testem cito Principem *Ebn Sinam*, vulgò *Avicennam* dictum, Canon. medic. lib. 2. tract. 2. cap. 13.

Neque aliam ei quisquam locum assignare hucusque ausus fuit, vel compositis adnumerare, maximè si strictè vocem medicamenti compositi quis accipiat, quidquid scilicet ex duobus, tribus, aut pluribus diversarum specierum ingredientibus artificiosè methodo, & sub certa forma invicem permixtis, est compositum, ad differentiam puta simplicium non ita præparatorum, sed sibi solis relictorum, quæ nempe non nisi improprie, si heterogeneous eorum à natura acceptas partes quis considerare voluerit, composita adpellitari consuevere.

Conveniunt etiam in hoc, quòd animalium classi inferendum statuunt. Nec obstat, quòd *Aristoteles* in *Problematis*, solam *Pardalin*, sive *Pantheram* inter animalia benè olere scripserit, (cujus odoræ suavitatis etiam *Ælianus*, *Solinus* & *Plinius* meminerunt,) ideoque Moschum ab animali aliquo ortum minimè trahere, suspicari quis posset, cum à *Panthera* natales ejusdem, nemo hæcenus deduxerit. Autem aliarum bestiarum tantum respectu, non hominum, fragrantiz illius sensum esse intelligendum, cum *Joh. Fabricio* exposuit, in *N. A. Recchum* pag. 541. dicemus, aut, quòd utique verum est, moschifera & zibethica animalia Antiquis istis fuisse incognita, aut, quò magis inclino, merum esse figmentum istam odoris à pardalic exhalationem, potiùs respondebimus.

Multò minùs obstat, quòd odoris excellentiam attendentes aliqui, in diversam ab Animalibus classem reponant, Vcluti in *Taxa medicamentorum*  
offi-

*officinalium Wittebergensium* cap. 6. sub titulo Odoratorum & pretiosorum simplicium, juxta cum Ambra & Zibetho legitur. Libera enim hic cuique, pro varia intentione, est potestas, nec coordinatio ejusmodi alteri illi adeo repugnat.

Attamen in *Clar. D. Joh. Tilemanni* libello de mater. med. sect. 2. ubi de Pectus calefacientibus agitur, Resinas inter, nec non Cor & Caput calefacientia ubi recensentur, inter Marina, minus adcuratè, sive Amanuensis, sive Typographi, aut cujuscunque demum hallucinatione contigerit, collocatur, cum neque resinosa habeat substantiam, neque maris aliquod productum existat. Licet dein, Alexipharmaca & semen augmentia enumerantur, Animalium in ordine rectius memoratus fuerit.

An verò integrorum animalium, an partium eorundem, an productorum ab illis, an denique excrementorum catalogo inscribi debeat, quæri possit? Ubi, distinctione factâ, ut carnem, ut sanguinem consideratum, animalium partibus jungi: ut humorem in folliculo collectum, ad productorum vel etiam excrementorum censum rectissime posse reduci, regeo.

Quod si tamen recensita genera omnia veriquid habuerint, & ita unum aliquod genus omni Moscho competens placeat constituere, Partem dicere, comode liceret, lata cujus adpellatio ipsum quoque sanguinem, & inde enatum productum, vel excrementum nobilissimi odoris sub se comprehendit.

Andenique Aromatis epitheto dignus haberi queat, paucis videndum? Adfirmant *Jacob Primerosius* in Arte pharmaceut. cap. de humect. *Joh. Renodius* lib. 2. Institut. pharmaceut. cap. 6. aliique plurimi. Ast contrarius videtur esse *Joh. Manardus* lib. 8. Epist. medicinal. 1. amaritudinem adeo à propriè vocatis Aromatibus alienam esse decernens, ut, quibus adest, quocunque odore præcellant, nomen Aromatis auferant. Ast ipsum Aromatis vocabulum si consulamus, quod ab ἄρ seu ἄρι, particulâ intensivâ, & idem ac valdè denotante, ut & ὄζω, oleo, bene oleo, vel ὀδμήν, ὄσμήν, odor, derivatur, quis Moscho id nominis denegare poterit? Unde *Henricus Smetius* lib. 9. Miscell. pag. 467. Aromata res odoratas dici, scribens, quocunque nimirum odorem suavem & naribus gratum spirant, mox iisdem Moschum adnumerat. Vel etiam ab ἄρω, apro, si descendat vox ista, quod nempe cibos aptet, i. e. aptos ad edendum suavescque reddat, hac quoque ratione Moschus Aroma erit, cujus in cibis condiendis usum exponere inferius occasio dabitur. Imò tantum abest, ut amarities Aromatibus sit deneganda, ut etiam Aromatis vox simpliciter posita Myrrham, omnium notitiâ amarissimam, denotet, vid. *Joh. Ans. Lundani* Select. med. pag. 308. Quod

si saporis suavitatem iuxta cum odoris grati præcellentia quis strictè exigat, amarum multis esse in deliciis & gratissimum, recordabitur,

## C A P U T IX.

### *De Animalì moschifero.*



Unc quale sit animal, à quo Odoramentum jam explicatum depromitur, inquirendum occurrit.

Non uno autem sub nomine ab omnibus proponitur, & dum modo *Caprea*, *Dorcas*, *Capreolus*, *Gazelus*, *Gazela* vel *Gazella* (quam vocem origine Arabicam explicat *Samuel Bochartus* part. 1. Hieroz. lib. 3. cap. 18.) cum additione etiam: *fera*, *peregrina*, *Orientalis*, *Indica* adpellatur. Nonnunquam simpliciter *Moschius*, uti *Ioh. Schrödero* in *Pharmacop. Moscharia Anton. Fumanello* cap. 4. de peste, *Moschus Hieron. Cardano* vocatur, reprehensio propterea à *Scaligero Exerc. 211. de subtilit. sect. 3. Aldrovando Capra moschi* audit. Sinis sub nomine *Xe* venire, cum *P. Martinio Ioh. Neuhofius* in descript. regn. Sinic. cap. 16. innuit. *Hiam* ab iisdem dici, *Adam Olearius* l. c. ex *Boymio* refert. *Kircherus* verò utrumque conjungens, *Xechiam* à Sinis nominari monuit. Quæ tamen præfati *Noymii* sit opinio, ipsiusmet verbis indicare lubet: *Litera Sinicè scripta Xe*, *Lusitanis Almisçar*, *Latinis Muschum* significat: hoc sumitur ex animali, quod *Sinenses Hiam* vocant: *Littera ut supra vides*, (vid. TAB. I. Fig. 2. in qua lit. a. notat *Lo*, i. e. cervum, b. *Xe*, cervum moschatum, d. *Hiam* odorem, c. autem idem ac a. sive *Lo* denotare autumo.) ex duabus aliis componitur, nempe ex *Littera Xe*, quæ supernè est, & *Littera Hiam*, quæ infernè, illa cervum, hæc odorem denotat, quasi dicas *Cervus odoratus* &c. Item: Porro quod *Sinenses* propriè vocant *Xe*, & *Lusitani Almisçar*, atque *Latini Muschum*, est caro renum &c. Hinc corruptè satis in *Centone philosoph. 6. Musci Septal. Retriam*, typographi fortè &c. negligentia, vocari, elucescit; Licet reliqua ibidem addita huc optime quadrent, & quousque *Cervus* vocari mereatur, clarè satis edoceant: *Cervum immaturum* (an *Cerviotto*, ut habet *Marinus*, cui hæc deberi autumo,) corporis mole aquat, lupino capite, duos sub labris terram versum, dentes longos exerens, plus timoris quam damni inferentes. Obscurioribus cervo sectus pilis tardè movetur. *Ye Hiam* à *Phil. Marino* in *Kircheri Chin.* illustr. vocatur, alienà tamen culpa litteræ X. facile Y. substitui hîc potuit. Ubi cele-



celeberrimi Sinicæ Linguæ Interpretis, D. Andr. Mülleri ἐπικρισιν, nuper benevolè ad me perscriptam, adnectere conveniet, quæ cervum moschiterum Mandarinicè *Xe*, nostrum verò Europæum cervum eodem linguâ *Lo* adpellari, Hiam quoque (pro quo alii *Hiang*, *Chiam* scribunt,) odorem, non moschum simpliciter, nec cervum illum significare, utrumque autem conjunctum *Xe-hiam*, tam cervum istum quàm moschum denotare, me admonuit.

*Isidorus* & *Albertus* qua ratione *Musquelibet* (quam vocem etiam retinuit *Vincentius Burgundus*, aliis: *Musquelibus* legentibus) nominent, *Conr. Gesnerus* nescire se profitebatur. Sed à Moscho, quem Muscæm vulgus adpellare solet, sic adpellasse, *Ulyss. Aldrovandus* suspicatur, quod equidem uti credibile latissè, ita plenariam tamen nominis istius rationem nondum exhaurit.

*Marcus Paulus Venetus* lib. 2. de regionib. Orient. cap. 27. & 38. de regione Tebeth & Caniclu verba faciens, inveniri ibi animantia tradit, Moschum producentia, quæ *Gadders*, vel, ut aliqui legunt, *Gudders* vocantur.

*Adam. Lonicerus* de succis concret. *Zibethion* & *Zibethum* vocari scribit. Et Germanorum non pauci, minùs adcuratè qui nomina distinguere, norunt, aut confusam tantùm Odoramentorum istorum scientiam habent, selem vel catum Zibethicum vocant. Sic *Martin. Zeilerus* in Itiner Ital. Florentinum thesaurum describens, inquit: Man hält darinnen eine grosse Zibeth oder Bisem-Kan; die etwas grössers / doch in Gestalt einer Kagen / mit großen Augen. Ihr Speiß ist Eyer und rohes Fleisch / von der alle vier Tag hñten einer Haselnus groß Bisem genommen wird. Non minùs Anglis *Aluske Katto*, vel *the musc goat*. i. e. moschi felis audit. Et apud *Joh. Langium* lib. 1. Epistol. medic. 63. dum *Casoblesta animalia* (vel *Casoblesta*) odorifero Zibethi unguine turgida ponuntur, in margine additur: *Casoblesta Bisemthuer*. Prout & in Oriente ipso moschum tam de Zibethico animali, quàm de Cervo moschifero non rarò dici, modò laudatus *D. Müllerus* testis mihi sit omni major exceptione. Animalia tamen Moschum & Zibethum ferentia sic confundi, faciliè cuivis sponte adparet, qui utriusque naturam & diversitatem considerat.

Nonnulli Gazelæ nomen competere ipsi negant, aliique Dorcadem, non dici posse, contendunt, *Gesnerus* tamen, hanc, benè ait, *feram Dorcadem*, *Capreamve*, aut *Gazellam Indicam*, *peregrinam*, vel *orientalem* appelles, aut *Dorcadem moschi*, vel simpliciter *Animal moschi*, parum interest. Sed Capreoli sub etymo commodè reponi, adeoque Dorcadem, Capream & Gazellam dici posse, ex loqq. patet.

Si tamen & alterius generis animalia moschum suppeditantia dari consideremus, in genere de quovis, absque discriminatione hujus vel illius speciei, sermonem habentes, omnium optimè Animal moschiferum adpellabimus, quod vocabulum nemini non notum quamlibet sic dirimere licet valebit.

His ita nunc enodatis, diversæ Antiquorum atque Recenriorum Autorum & Historicorum descriptiones adducendæ veniunt, ut plenius constet, qualenam illud sit animal, quod tam fragranti nos Odoramento in sui admirationem trahit.

Inprimis verò *Serapio*, sive *Masudius* apud eundem, primum denuo locum meretur, qui illud à Capreis figurâ, colore & cornibus non differre, sed caninis tantum dentibus discrepare adserit. Nam, Interpretum ejus verba ut exhibeam, *habet duos dentes caninos, egredientes ab ore ejus, sicut egrediuntur ab ore porcorum, & sunt dentes isti albi valde & recti, longitudinem unius palmi, aut plus habentes.* Vel, ut idem *Masudius* apud *Bochartum* habet: *Capreoli musci ab his nostris nulla in re differunt, non formâ, non specie, non colore, non cornu. Tantum eos dentes distinguunt, quos habent instar dentium elephantii. Nempe singulis capreolis duo sunt dentes ex maxillis prodeuntes, erecti, elati, albi, ad spitham mensuram plus minus. Quod & *Damir* apud eundem testatur, esse nempe moschi Capreolum nigri coloris (quales pilos etiam *D. Thom. Bartholinus* se vidisse refert in Act. med. Hafn. Vol. 2. obs. 19.) tenuitate crurum & ungularum divisione nostratibus similem, nisi quòd unusquisque illorum duos in inferiore (superiore: legendum est,) maxilla dentes ex ore exsertos habeat, versus faciem erectos, (versus terram protensos, rectius,) uti apri dentes, infra spitham longitudinem.*

Non dissimilia apud *Ebn Sinam* in Canon. med. lib. 2. tract. 2. cap. 19: inveniuntur, videlicet esse Moschum animalis, capreæ non dissimilis umbilicum, caninos duos dentes candidos exsertos gerentis, & introrsum reflexos instar cornuum.

Et *Elluchasem Elimithar* (quem nonnulli Indum fuisse perhibent, noster autem *Welschius* in M. SS. Variar. Lektion. lib. 2, cap. 12. nomen omnino confictum aut certè huic ineptè adtributum notat, cum verus Autor potius sit *Ebn Gieyla*) in Tabulis de tuenda sanit. item *Gazelo* simile animal illud tradidit.

Græcus etiam *Simeon Sethus* capreæ illud sive dorcadi simile statuit.

Nec contrarium *Joh. Terrentius*, ex Cervorum nimirum vel Capreolorum genere esse, picturamque ejus se in libris, quales Sinicos libros historiam animalium tradentes Europa nostra hætenus tantum in votis habuit,

impressam vidisse, quâ similis sit Doreadi, sed sine cornibus, in Epistola ex ipsa Sina ad *Fabrum* perscripta, referebat.

Accedit & *P. Boymius*, reverà cervo & tygridi (an ob maculas pelli impressas?) simile esse, pilosumque, sed coloris ærei suboscure nigri, innuens. Imò *P. Martinus* quoque, testis oculatus, quadrupes esse, exili cervulo non ab simile, pilo paulo magis nigrescente, itidem testatur.

Cum hisce consentiunt *Brasavolus* & *Cardanus*, uterque ἀνθρώπων, ideoque fide dignissimus, quorum hic l. c. talem in modum loquitur: *Moschi animal mortuum vidi in via Vexillarium Mediolani, magnitudine, formâ, ac pilo, nisi quod coloris est magis glauci, capreolo simile est, pilus tamen etiam est crassior pilo capreoli: supra binos & totidem infra dentes habet, hocque solo differt & odore à capreolo, nam pili varietas à regione ortum habere potest.* Ille autem, in colore Cervo simile ait esse, Dorceade aut Capreolo paulo majus, & nonnunquam æquale, in figura quoque Capreolo simile, ungues multividos habens ut Capreolus, quod ideo Caprea aut Dorcas peregrina nominari queat, & tale Mercatores Venetiis Illustriss. Alphonso Duci Ferrariæ vendere voluisse, Moschum in folliculo habens. Quam datam à *Brasavolo* descriptionem *Bernhard. Dessennius* lib. 6. de compos. medicam. verissimam esse profitetur, utpote qui ipse etiam hujusmodi animal in horto elegantissimo Illustriss. Ferrariæ Ducis, Herculis Esthensis, quem in Pado flumine possidebat, (sive, ut *Brasavolus* loquitur, in Padana Insula, quæ Alcinói hortos æquat,) spectaverat. Unde etiam Excell. D. D. *Segerus* Animalis moschiferi delineationem in *Ephem. Curios. German. Ann. VI. observ. 128.* daturus, Capream illud adpellare sustinuit, quum toto corpore suo, solis dentibus prominentibus exceptis, Caprea seu Dorceadis nostratis mediocris magnitudinis figuram referat. Et Clar. Medicus Amstelodamensis, Amicus meus honorandus, D. D. *Adolph. Fischerus*, An. 1668. d. 17. Jan. in literis Amstelodamo missis ad beatum D. D. *Joh. Theodor. Schenckium*, eo ipso tempore tale se vidisse manibusque tractasse animalculum mortuum, quadraginta Imperialibus venale, testabatur, Capreolo nostrati satis simile, nisi quod longioris parùm colli ac longiorum erurum fuerit.

Quæ omnia esse verissima, quantum quidem ad Capreoli magnitudinem attinet, memet ipsum quoque tres istæ à me memoratæ Exuvie certissimum reddidère.

Nec silentio prætereundus *Jul. Caf. Scaliger*, laudatus hoc in passu à *Chioeco* in *Mus. Calceol.* pag. 662. Animal illud Gazelæ simile album (qualem aliàs colorem nemo, nec etiam *Barbosa*, cujus historiam ex India petitam *Scaligerum* fuisse sequutum, ex *Fabro* superius monui, indigitavit, &

talis si aliquando conspectus fuerit, meritò rariores inter referendus foret, )  
 esse, ex historia ab Indis advecta, exerc. 21. de subtil. memorans, cuius ex  
 inferiore mandibula ( rectius : superiore ) aquè dentes utrinque singuli exierunt.  
 Nec non exercit. 211. §. 3. Gazelam hanc totam Capreoli facie, ne-  
 que aliud sanè esse, quàm Capreolum, refert, subdens : Unam Messam  
 mihi Rhodus ostendit Eques ; strigisior erat tota quàm capreoli bostraces, cunctis  
 exilioribus erectioribus, ipsa magis sima, dentibus exierunt binis, quales attri-  
 buunt Arabes, Serapio & Avicenna : ceterum non tam grandibus, quantos ille  
 scribit : atque fortassis adhuc tenera, nondum illos ad eam prorexerat magnitu-  
 dinem, candidi fuere u, ac paulisper inflexi ; Cum id è Sicilia rediens enarra-  
 sem Affinibus nostris, qui in Syria fuerant, dixerunt mihi, gazellam penitus esse  
 figurà capra, non autem capreoli ; earum greges se vidisse multos. Quibus ta-  
 men Adfinibus suis neutiquam fidem, & meritò habuisse Eum, insequentia  
 mox verba evincunt, de scribendi periculo, ex aliena fide metuendo, dum  
 Cardanum admonet.

Catellanus horum sententias rejiciens, unicam Petri Bellonii admittit, qui  
 Observat. lib. 2. cap. 51. ( non 14. & 15. cum in c. 14. de ove Onocrotalo,  
 serpente Jaculo, & Turcicorum militum modestia, c. 5. de navigatione Au-  
 toris, è Rhodu in Alexandriam, Egypti urbem, agatur, ) Gazellarum silve-  
 streium genus quoddam, quod in arce Cayri viderat, prolixè depingit, has-  
 que solas Catellanus moschiferas esse existimat. Contra ipsam tamen Bello-  
 nii mentem, qui moschatam Capream nec alibi in istis Observationum li-  
 bris, nec ibidem describere unquam in animo habuit, unde etiam nullam  
 Moschi, vel odoris mentionem eum facere deprehendimus. Consentit illi  
 Aldrapandus, aliud ibi Capræ genus delineari, admonens. Confer. Chyocum  
 in descript. Mul. Calceol. & Cass. Hofmannus Paralip. de medicam. officin.  
 sect. 3. cap. 38.

Nonnulli Animal hoc idem cum Capreolis nostratibus faciunt, con-  
 tra quos Fallopius l. c. decernat, qui licet simile esse concedat, differre tamen,  
 vel ex dentibus concludit, quos nempe prominentes instar apri vel elephan-  
 tis habeat, id quod etiam John Jacob. Merklin de Bosco Compt. in Lumin.  
 maj. sect. 1. cap. de Elect. e geminis, animadvertit, cum Antennæ contra Se-  
 rapionem sentiens, licet utriusque illius Arabis relationem non dissentire, ex  
 ipso textu sufficienter constet.

Sunt tamen & alii, qui diversum planè ab hoc jam descripto Animal  
 nobis exhibent, illudque magnitudine & figurà vulpem, & vulpeculam, aut  
 etiam canem referre volunt, cu inprimis apud Adversarij, Mendoza, &  
 Nierembergium videre est, quorum hic, Animal, ait, est vulpes magnitudine,  
 silvas

*Joleus incolere solentem.* Vulpecula autem formam seu effigiem nominant *Mendoza & Masfius*. Figura & magnitudine parvo cani adsimilari, *Job. Hugo à Lundschiuten* cap. 23. *Itiner. Orient.* (vid. pars 2. de India Orient. à *Job. Dieterico, & Job. Israel de Bry* 1613. *Fraucos*, edit.) aut etiam vulpem referre, cap. 26. (vid. pars 4. dicti libri) scribit. Mediocri canis formae & magnitudine esse, *P. Gregorius de Bolivia Fabro* testabatur; cuius de novo verba, ut notatu digniora, habet adducere. Animalcula quaedam, repemuntur; quae in silvestribus locis, ubi Oniculorum modo terram, suffodiunt, generantur. Magnitudine & forma sua mediocrem Canem, ex parvorum illo genere aequant. Colore sunt pardo, ut Hispani dicunt, sive ex obscuro rubro, ac cinereo mixto, aliqua tamen albis nigrisque maculis signantur: pilos raros, disticos ac duriusculos habent. Pedes ipsi sunt large, unguibus canis instar armati, sed longioribus acutioribusque quibus facile sibi speluncas in terra fabricant. Rostrum oblongum, carninum, dentibus probe munitum. Aures habent curtas & rotundiusculas, oculos parvos & minime alacres, similes illis, qui morti vicini sunt. Non quidem multum agilia, sed vasa admodum sunt, ubi abscondendi, sub terra necessitas illa urget. Qui omnes sane unum idemque nobis animal sistere videntur; quod cum talem in modum describatur ab istis, qui ferè omnes in Indiis istis Orientalibus dimorati fuerunt, partim etiam animal ipsum à se visum perhibent, quis diversum à priori, *Capreolo* scilicet, Animal eos innuere, amplius dubitare queat? Nec certè eosdem tam cæcos ac quasi demeratos fuisse, facile dixerim, ut in animali, *Capreolum* quammaximè referente. Canis aut *Vulpeculae* formam sibi imaginati fuerint, ideoque de fide eorum, nisi certiora edoctus fuerim, scrupulum movere hic neutrquam possum.

Ut capropter cum *Casp. Schotto* lib. 8. *Phys. curios.* cap. 26. §. 6. fortassis non unum tantum animal moschiferum est, scribente, quamvis paulò confidentius, non unum solum, sed duplex Animalis moschiferi esse genus, malim concludere.

Ipsos verò *Capreolos* moschificos plura in genera dividere nollem, quamvis in colore, aliisque nonnullis accidentibus varietas subinde in eis occurrat. Ista enim speciem non mutant. *Aldrovandus* quidem contrarium opinatur, cum *Brasavolus* nullam exsertorum illorum dentium mentionem faciat. Ast, quæ humani ingenii est imbecillitas, in describenda re quapiam occupati, facile vel notatu digniorum circumstantiarum oblivisci possumus, quod & *Brasavelo* contigisse potuit. Nisi fortè dentes illos animali, quod viderat, ætas, fortuitusve aliquis casus abstulerit, aut *Brasave-*

luc aliis magis intentus studio omiserit. Idem sanè in *Martinio & Neuhofio*prehendimus, quorum uterque de exsertis dentibus ne verbum profert, cum tamen eosdem figuris, quas exhibent, Animalis istius adpingi curaverint.

Utrum tamen hisce vel illis adnumerare liceat Animal moschiferum, quod *parvum & subrubri coloris* esse, *Gabr. Senita de monte Libano* scribit, quivis per me, quidquid voluerit, credat, parvum quidem dici potest utrumque respectu habito ad alia majora genera, in Oriente non infrequenter occurrentia, subrubri etiam coloris pilos non planè denegabimus. Suspecta tamen fides ejus redditur, quòd Moschum in Oriente ex Urbe & Districtu Haleppi provenire statuatur, id quod nemo alius unquam dixerat, nec etiam veritatis aliquam speciem apud Historicos inveniet, cum omnis Moschus, qui Haleppi venalis exponitur, Sinarum potius & Indorum è regionibus illuc transportetur.

An autem *Baathschneri* relatio, *Fabro* communicata, aliquid certi contineat, oculatiores alii dispiciant, dum nempe animalcula illa, ex quibus Moschum in Lusitania confici narrat, paulò majora esse perhibet, quàm illa, de quibus supra *F. Gregorij* historiam suam pertexuit, figurà quoque non cani, sed feli esse persimilia, habitare in locis saxosis plerumque ac silvosis, ubi oleastri præsertim & quercus occurrunt, glandes dulciores castaneis nostris, animalibus illis pergratas, ferentes, & necessitate premente, abscondendis illis feris inservientes. Mihi sanè illa suspecta admodum sunt, nec in Lusitania veri Moschi proventum dari, persuasum habeo, ut ideo vel fictitia omnino illa sint, vel ad Moschi tantum adulterationem bestiarum hæc inserviant. Et licet *Baathschnerum* in certis Lusitaniz desertis, quæ peragraverat, animalcula talia viderit, vel omnino decipi nimis credulus à fabularum conditoribus, vel etiam fictitii Moschi elaborandi modum edoceri potuit.

Nec tandem *Amatum Lusitanum*, testimonio authentico destitutus, mihi probatur, qui Animali huic Leporis tantum magnitudinem adsignat, quem falsè cæteroquin traducit *Franc. Alexander* in *Apoll. suo pharm. rad. 1.* Cui tamen *M. Paulus Venerius*, qui ipsam Chinam sive Chatajam adierat, patrocinari videtur, pulchrum id esse animal, testatus, *catti*, vel, ut alii legunt, *katha habens magnitudinem, & pilos grossos, ut cervum, pedes quoque ungulatos.* Vitium tamen aliquod hic subesse, & *catti* loco, *capreoli* (vel etiam *capree*) esse legendum, autumat *Aldrovandus*. Nec sanè aliud animal eum indigitare, quàm quod Capreoli nomine supra perlustravimus, tum ipsa ejus descriptio, tum nominata juxta umbilicum vesica sanguine plena evincit.

sit. Liceat & hoc addere, quod lib. 2. cap. 9. Animalia Moschum ferentia, Cervos inter & Capreas media reposuerit.

Ut autem *Belsuaris*, cæterorumque cum eo facientium Animal, minùs atpote cognitum, nec genuini sive follicularis moschi ad nos deferri soliti autorem, à nemine insuper hæctenus depictum, aut ad vivum delineatum, publicique juris factum transiam, de altero illo, Capreolum referente, id saltem jam monere lubet, omnium optimè illud à prælaudato Nob. D. D. *Segero* fuisse descriptum, cum quo tamen etiam, si lubeat, altera à me, Anno II. X. Ephem. Curios. German. num. 53. inserta descriptio conferri potest, quæ ideo speciatim adducere supersedeo, cum utilissimi illi Ephemeridum Academiæ nostræ Curiosæ libri omnium ubique Curiosorum in manibus versentur. Hoc saltem innuere paucissimis placet, quod, si Dorcadem nostratam, mediocris, majoris, vel etiam minoris magnitudinis ob oculos ponas, cui variegatus, & maculis quasi conspersus in cute pilosa sit color, caput tamen lupinam quodammodo faciem (si non in vivo animali, saltem in ejus exuviis,) referens, dentes prominentes duo, inque abdomine infra umbilicum parùm exstans protuberantia, eo ipso videas Animal moschliferum.

Dentes tamen, cornua, & cursus ejusdem, antequam ad alia transeam, ulteriorem adhuc deposcunt considerationem.

Illos quod attinet, *Serapionem* & *Avicennam* duos caninos extra os prodeuntes ei tribere, ex adductis superiùs eorum verbis liquet, hæc tamen cum differentia, quod *Ebn Sina* eosdem interosum reflexos instar cornuum, *Serapio* autem, Interpretibus si fides haberi queat, rectos esse edixerit. Ubi tamen *Ebn Sina* magis crediderim, cum aliorum testimoniis fulciatur, prout sanè *Segerus*, *Boymius*, *Kircherus*, *Calceolarius*, *Tavernier*, & *Neuhofius* suis animalium iconibus incurvos ejusmodi dentes adpingi curaverant, quales & ipse in Exuviis omnibus, sæpius jam à me memoratis deprehendi. Eandem reflexionem *Scaliger* etiam in viso à se animali notaverat, & *P. Phil. Marinus* hæc profert: *ha due denti lunghi, come di vecchio Cignale, che li escon fuori di sotto al labro superiore, rivolti all' ingiù verso terra.* Quamvis, quod in Ludolfiana pelle benè notavit *Exc. D. Schefferus*, tam curvi revera non existant, ac in Itinerariis communiter delineari solent.

At dum *Cardanum*, ultra binos illos superiori è maxilla prodeuntes, totidem etiam infra habere scribit, quod non minùs *Marc. Paulus Venetus* tradidit, quid certi regeram, vix invenio, qui & memoratos, *Segerus*, *Volekammerus*, *Boymius* &c. duorum tantùm cognitionem habuisse, nec plures me observasse, considero. Unde differentiam aliquam hîc dari, fortè dicendum

fort. Quamvis statuerem malim, præconceptam opinionem de eorum cum Aprorum dentibus, quorum à nonnullis quatuor poni constat, plus iusto latius extensa similitudine, duos reliquos, inferioris nempe mandibulae inconsideratiùs addidisse, vel eminentes nonnihil quandoque præ cæteris, non tamen ipsam oris cavitatem egredientes, aliquos dentes decepsisse eodem, quales nempe *Clar.* etiam *Segetus* observavit, & de inferioris maxillæ dentibus verba faciens, hunc in modum scripsit: *quorum duo medium occupantes locum, reliqui sunt prominentiores.* *Serapionem* itaque, qui primus porcinis dentibus comparare eos sustinuit, duos verò tantum assignavit, sequi præstabit. Quos tamen unius palmi longitudinem aut plus habere dum scribit, scrupulum novum injicit, quem ex ætatis differentia tollere laboravit *Scaliger.* Certè nec *Segetus*, nec mihi longiores, quàm dupum pollicum transversorum comparuerunt. Uti verò Natura in dentibus humanis mirè ludit, sic & in *Capreolis* istis variare potest. Vel *Serapionem* unà cum radicibus intra alveolos reconditis considerasse, vel, quod credibilius, omnino deceptum fuisse, dicamus.

Cæteroquin etiam ab aprugnis, ratione fidei, multum differunt; his, scilicet in Apris, superiora versus mucrone prolurgentibus, illis verò terram versus reflexis; quo ipso jam etiam adparet, quousque cum elephantinis dentibus, quos adducit cum *Masudio Fallopio*, conveniant.

Et dentes hi in causa esse potuerunt, ut Animal huic cornua nonnulli tribuerint, non secus ac ipsi Elephanti, piscique *Narhual* eminentes extra oris rectum dentes quibusdam imposuerunt, ut illum cornutum, hunc verò rhinocerotem crederent. Cum nemo aliàs ex illis, quibus *Capreolos* istos fuisse visos certò constat, ullam cornuum fecerit mentionem. Imò *Martinus* cornuum omnino expers esse, clarè satis innuit, & Nob. *Visscherus* in literis suis Animal, quod *Amstelodami* viderat, absque cornibus fuisse, referebat, Exc. quoque *Segetus* & Nob. *Polckamerus* cornua nulla, imò ne quidem eorum vestigia adfuisse, testantur, quod pariter & ipse de *Exuviis*, quas videre datum fuit, adfirmare possum. Et *Job. Terrentius*, ut paulò superiùs dictum fuit, picturam ejus in libris Sinicis impressam Doreadi quidem adsimilari, sine cornibus tamen esse, consentit. Unde verò *Celeberr. Welschius* in Diss. 2. de *Algagrop.* pag. 13. *Capreolis* moschiferis exiguas subulas simplicibus subulorum radicibus perquam similes esse, hausit, me latet, qui apud nullum scriptorum, quos evolvere sat multos & præcipuos datum fuit, tale quid invenio. *Aldrovandus* quidem, cum suam de *Quadrup. bisule* historiam conscriberet, jam ante multos annos Bononiæ *Gazellam* tam marem, quàm femellam, cum suo pullo visam notat, corporis fi-

gura







guta & capite vulgarem Dorcadem, sed cornibus vulgarem potius Capram, & colore Cervum exprimentem, quarum etiam effigiem adnectit, marem sine cornibus, femellam autem cornutam faciens: Ast Dorcadis genus illud fuisse verè moschiferum, ferè dubito, præsertim cum ipse dentium prominentium, ut & folliculi nullam, neque in discursu, neque in schemate, mentionem fecerit.

Hic verò scrupulum aliquem mihi movet Animal moschiferum, quod in Horto aulico Frisingæ Bavarorum, hinnuli cervini speciei præditum, vidisse se, *Wolff. Hoferus* Hercul. med. lib. 7. cap. 2. refert, ( licet *Hofero* non visum, sed ex relatione aliorum tantum fuisse descriptum, Nob. *DN. Andr. Hueberus*, Medicus Ducalis ibidem meritiſſimus suspicetur, nec in horto Episcopali aulico, sed apud *DN. Buecherum*, Ecclesiæ Cathedralis Decanum &c. exstuisse, qui illud ex Italia acceperat, unâ certiorē mē reddiderit, ) quod A. 1648. fortissimo Suecorum Archistratego *DN. Car. Gust. Trangelio* donatum, & cum in Sueciam deduceretur, Suinfurti à duorum Academiæ Nat. Curios. Præsidum veneranda biga visum, cornibus fuisse instructum, Ill. *DN. Fehrmus* noster me nuper monuerat, addita etiam figurâ, ( quam ari insculptam T A B. II. oculis subijcio, ) juxta eum tali descriptione: *Forma ipsa erat capreolæ ( quantum quidem de eo per fenestram in obscura camera cum aberrantem dijudicare licuit ) sed minoris paulo, & rectiora crura, duo statim ob oculos ex media fronte eminebant cornua dodrantali longitudine, subfusca, rotunda & striata, non ramosa ( ut capreolæ ) & leniter resupinata: Nulli ipsi dentes ex ore deorsum ( ut apus sursum ) extantes, auricula parva; Dorsum pilo splendido, aquabili subhirsso seu castanito capreol. nostr. instar vestiebatur, subius tamen & in ventre albescebat, nullo ibi folliculo moschifero, sed cauda nigricante spitham longa spectabili, quæ canis instar spectatoribus sæpius ablandiebatur. Fæminam eam dicebant de flores, cum tamen cornua capreolæ nostræ samellis, ut cervi, desint, nisi id errantē quandoque formatrice fiat, quod cerva isti cornuta in Anno Ephem. nostr. X. mortem attulit, Nices in caprillo genere samella itidem sine cornuta. Capreolum igitur nostrum diversum quidem fuisse, à Tuo vel pluribus Tuis ex diversis Authoribus allatis, sed itidem moschiferum constat: adducto enim eo in Sueciam, camera ista, ubi aliquos dies sano & avenâ alebatur, moschi odorem post satū diu spirabat. Ad subulonem Velschi quæ Gartzellam Altdorandi propius accedere videtur. Sed hæc & alia ex vicina Frisinga certius pleniusque exquirere poteris, mihi tum temporis inter turbas ac tumultum bellicos tantum diu non supererat: Iconem autem genuinam affabre depingendam curavit Magnif. noster Præs. & Fundator Acad. N.C. *Dr. Joh. Laur. Bauschius* & *Wandaertius*, in cujus albis tum curabatur, cujus copiam licet rudi pincello deli-*

*delineatam hic Tibi mitto, ut descriptioni meae lucem quandam fanerares, mirorq;  
 magnopere, nullam de eo per tot Germaniae provincias cavea lignea incluso in  
 Sueciam deportato (quod quidem sciam) extare memoriam. Et hoc sanè ani-  
 mal idem cum Aldrovandino esse videtur. A quo nec diversum est quod  
 sub Gazellæ nomine D. Joh. Jonstonus Hist. natur. de quadrup. tab. 29.  
 delineatum dedit. Gazelam quoque, cujus in Clave medic. pag. 107. me-  
 minit, masculam tamen, cornutam fuisse, Excell. D. D. Joh. de Muralt, à  
 Nobil. D. D. Jo. Conr. Peyero, meæ sollicitationi peramicè favente, interro-  
 gatus, respondit; cujus verba integra ex literis Tiguri A. 1681. 15. Augusti  
 exaratis huc exscribere placet: Undecimus annus agitur, ex quo Gazelam Pa-  
 risiis cum Anatomico Regio DN. Ludov. Gaunt, Hospite & Praeceptore meo  
 charissimo, secui: Interim præter ea, qua in Clave med. meae exaravi, memini  
 nobis subjectum illud jussu Regio traditum esse (du Parc de Versailles) quo loco  
 plura rara nutriuntur animalia ex India allata: pilos subflavos & in ventre al-  
 bos tenebat, caudâ pendente erinitâ obscuriore: Cornua acuta, oblonga, leviter  
 intorta, obtusiora capra instar nasum, caput rotundius, nullos in superiore ma-  
 xilla ore dentes, sed acutos plures in inferiore habebat, pedibus bisidis, unguibus  
 probe armatis intersepiente membranâ incedebat, genua cute attrita & durâ  
 vestita fuerunt. Sub umbilico folliculos, materiâ instar cera dissoluta plenos mon-  
 stratos, sed non tam benè ac moschum olentes memini; dixerunt & lepores  
 quandoque talem materiam loco eodem recondere &c. Hanc Gazelam, à præ-  
 laudato DN. Peyero Capræ Africanæ sylvestris nomine insignitam, cum Al-  
 drovandina, Jonstoniana, & Fehriana eandem fuisse dicerem, nisi pedes,  
 quos hi unguatos pingunt, ille unguibus armatos memorat, obstitarent.  
 Monstruosa tamen inter animalia referre illud num propterea liceat, hæreo;  
 quanquam multiformes ibi animalium partus esse, variè feminis cujusque  
 generis mares aut vi aut voluptate miscente, Plinius (quâ fide, nescio,) lib. 8.  
 Hist. nat. cap. 16. scripserit, unde etiam vulgare Græciæ dictum fuerit ortum,  
 semper aliquid novi Africam afferre. Quidquid sit, hoc tamen certum est,  
 sic persuadente dentium ex mandibula superiore eminentium defectu, cau-  
 dæ præsentia, & folliculi absentia, vel etiam duplicati & instar eorum, quos  
 in Castoribus & Leporibus reperiri, præter alios, Rondeletius lib. de amphib.  
 cap. 8. & cum eo Fuchsius l. c. nec non celeberr. D. Jo. Jac. Wepferus Mi-  
 scell. Germ. Cur. Ann. 2. obs. 251. & Ann. 3. obs. 167. fidem fecerunt,  
 ingrati odoris excrementum continentis præsentia, longè diversa hic anima-  
 lia à notioribus istis moschiferis supra descriptis recenseri; ut ita reliquorum  
 cornua negotium ullum mihi ampliùs hic facere nequeant, Et quamvis  
 odorem*

odorem moschatum Bavarica illa bestia exhalaverit, Moschum tamen suppeditabile, tale nempe odoratissimum concrementum, quale vulgo in Officinis proflare solet, inde vix sequitur, cum halitus illi odorati rum quid in isto esse potuerint, quale quid nonnunquam in hominibus, crocodilis, leporibus, mustelis, cochleis &c. deprehendi constat, & infra memorabitur.

Attamen & Sim. Sethus Moschum provenire statuit in umbilico ζῷα τινὸς μονοκέρατος, μεγίστη, ὁμοίᾳ ἀρκάδι, animalis unicornu, maximi, caprea similis. Sed errasse hic Sethum, Gesnerum (quod etiam Fuchsius notat) optime monuit, cum aliorum nemo id, quod nempe sit animal unico cornu praeditum, scripserit, ne oculati quidem Autores; falsissimum quoque id esse, Bocharius demonstrat. Maximum insuper hoc esse Animal, ab unico Setho minus bene scribi, idem Gesnerus animadvertit, pro μεγίστη ideo μάλιστα legendum, suspicatus, quod equidem hac ratione ad veritatem propius nos deduceret, MSSorum tamen, quorum varias lectiones, à beato Welschio nostro collectas, aere meas feci, consensu destituitur.

Tandem morsus in persequentes favire capreolos istos, exemptis verò dentibus longioribus mansuescere, tantæque esse velocitatis, ut raro vivæ capiantur, in Alex. Benedicti lib. 13. Pract. cap. 16. legimus. Verùm favitiam hanc in mordendo esse imaginariam, dentesque illos longiores, ad corporis sui à fame potius, quàm externis injuriis aliis defensionem, sive radices in cibum cessuras ut istis effoderet, à Natura concedi, autumo; quæ non minùs Cl. D. Schefferi erat conjectura, Mendozianâ sanè relatione, quâ odoratam tantùm, digitalis crassitiri radicem, Camarum dictam, animal huic in cibum venire dicitur, confirmanda, si eandem cum capreolo hoc bestiam Autor ille describeret; aut etiam radix illa cum Behmeno eadem esset, quam Dorcadi huic in cibum cedere, ex Ebn Sina discimus. Hinc non minùs, plus timoris, quàm damni dentes istos inferre posse, rectius cum Exc. D. Paul. Ager. Terzago cent. philosoph. 6. Mus. Septal. regeritur. Cujus vitæ incolunitati Naturæ magis cursûs velocitate consuluissè videtur. Salto enim cursuque pernícia hæc esse animalia, tum ipsa cum capreolis, velocitate & agilitate suâ hominibus signaturam dantibus apud Osvald. Crollum, convenientia, tum pedum structura ad agilitatem comparata indicat. Nullam autem hic parit difficultatem P. Phil. Marinus, Animal moschiferum ad cursum esse lentum atque tardum, adserens, cum mox, adeo stolidum esse, subjungat, ut labor Venatoribus nullus, quàm invenienti incumbat, quia inventum occidere possint, absque motûs aut defensionis

nis alicujus actu vel resistantia, siquidem membra ad velocissimum cursum idonea possidere, & eadem ad evitandas hominum insidias non intendere, in uno facile concurrere possunt animali. Nisi relationem à Tavernierio factam huc trahere, & quod debilitati dandum fuerat, stoliditatem adpellasse Marimum, dicere malimus. Sic enim Tavernier l. c. ex Gallico idiomate in Latinum conversus nos instruit: *Mense Februario & Martio, cum fama colluctata fera ista (propter nives, quæ ibi 20. vel 22. pedum altitudine terram regunt,) versus meridiem progrediuntur ad gradum usque 44. vel 45. ibiq; tractis & oryxæ nova segeti inhiant, at rustici tum eas expectant in transitu castibus hinc inde dispositis, capitiq; sagittis vel etiam fustibus necant.* Nonnulli asseveravere, me presente, tam macilentas eas esse, tamq; debiles, ex fame hyberna, ut multæ earum cursu ab homine pedestri capi possint. Nec obstat Fr. Gregorius de Bolivar historia, Animalia molchifera non multum agilia edisserens, cum, si vera illa sint, quæ profert, longè diversum, nec satis adhuc nobis cognitum animalis genus delineet.

Cæterum ut ista, quæ hætenus dicta fuerunt, eò melius animis imprimantur, figuram Animalis hujus, sive Capreoli molchiferi, TAB. I. Figuræ exhibere placet, ad normam Segerianæ (non exclusâ Stöberlinianâ,) adornatam, paulò tamen, juxta formam Exuviarum Augustanarum, immutatam. Alias tamen consultò volui omittere, veluti Aldrovandinam, Boymianam, vel, quæ eadem est, Kircherianam, Calceolarianam, Camerarianam, Gesnerianam, Jonstonianam & Neuhofianam, præsertim quia eadem in Anno HX. Eph. Curios. Germ. jam memoraveram, meumq; de earum insufficientia, judicium breviter protuleram. Nec ultimò etiam visam in Tavernieri Itinerrario iconem huc si ponerem, multum is conferre posset, quam si cum nostra hac comparare velis, pariter non satis probare queas. Martini, in Atlantis Sinensis Tab. provinciarum tertiæ, Xensi dictæ, posita, non adeo, ut aliorum quædam, inconcinna est, cumq; Neuhofiana coincidit. Nisi forte in ipsa, istis Capreolis, uti in magnitudine & colore, ita etiam in ipsa reliquis corporis figuræ aliquam dari differentiam, in istorum quorundam exultationem dicere liceat, ad quod tamen credendum difficillimè inducor. Quævis uliàs quidquam honoris aut quoad cætera fidei Viris istis celeberrimis decedere nequeat, qui partim infidâ, incertâ & falsâ aliorum relatione unice instructi, adeoque facilius decepti, partim etiam Pictorum & Sculptorum, qui suo tantum ex ingenio Naturam sapius adumbrant, artisque suæ arrogatâ licentiâ nimidum abutuntur, aut etiam rudiori & imperitiori manu laborem absolvunt, figmentis subiecti, vel inviti disseminare errores coguntur. Quod sanè & mihi, magnis si liceat componere parva, cum figura Calceolarum accidit, quo de loc. cit. pluribus à me actum fuit,

CAPUT





*Melton Hoffner sculp.*

Fig. 2. pag. 32.

鹿射鹿舌  
a b c d



## CAPUT X.

## De Folliculo moschifero.



Folliculo, ut moschiferi Capreoli præcipuæ parti, in qua selectissimus reperitur Moschus, & quæ adempta, ad Moschum progignendum Animal id aptum deinceps non esse, merito credimus *Brasavolo*, proprium destinare Caput, æquum est. Quem exuperantiam quandam, parvum marsupium, referentem, & subtili pelliculâ ac subtilissimis pilis vestitâ con-

stantem, *Atlanti Sinici Autoris* circumscriptione, supra pag. 7. vidimus. Quod & revera ita sese habere, modò subtilis pellicula, non simplex aliqua, & similis pars, sed organica & dissimilis intelligatur, quivis faciliè deprehendet. Ut ideo ab ipso Moscho folliculum, tanquam continens à contento, distinguere omnino necesse sit, atque minus accurate idcirco *Johannes de Sancto Amando* Exposit. supra Antid. Nicol. cap. de Pot. mosch. Moschum esse folliculum quendam in animali quodam inventum, scripserit.

De cuius in primis loco Scriptores non unam sœvent sententiam. Ut enim *Fallopium*, pectoris quoque mentionem absque fundamento ullo facientem, haud curemus; multò minùs *Johannem* modò dictum, apostemal hoc pedi adjudicantem, ipsum umbilicum, *Ebn Sina*, *Elluchasem*, *Sethus*, pluresque alii à prædictis ita edocti, nominant. Ill. etiam *D. Thom. Bartholinus* obs. 38. Vol. 1. Act. med. Hafn. receptaculum illud, oculari inspectione adjutus, ita describit: *Externa pars tuberculum habet duriusculum, rotundum planum, pilosum, sed pilis à circumfrentia centro incumbenibus. Ex centro prominentia extat, quæ umbilici vestigium signat. Pili circumjecti in cute limbi densiores, & vario flexu hinc inde sparguntur, albi plerique, non ita membrana incumbentes.* Et Nob. *D. Daniel Ludovici* Eph. Germ. Cur. Ann. V. obs. 205. prominentiam hanc rotundam esse, ac nucleam majorem aquare vel superare scribit, cum manifestis coalituræ umbilicalis, sed citra aperturam quandam, notis, de cætero Bartholinianæ dictæ delineationi adprimè correspondere, intus autem adhuc manifestius antiqui meatûs coalicum inter corrugationes quasdam ostendere, cum adhærente funiculi umbilicalis particula. Alii tamen non umbilicum, sed regionem infra eundem sitam proponunt. Sic *Marinus*: *di sotto all' umbilico*, i. e. *sub umbilico*, vesicam istam comparere, scribit; *infra umbilicum*, *Cardanus*, quò etiam *M. Pauli Veneti* sententia tradenda, juxta umbilicum inter cutem & carnem eandem collocans. Nec

aliter sentit Celeberr. *Segerus*, in abdomine non longè à posterioribus pedibus tumorem hunc eminere testatus. *Tavernierius* quoque imæ ventris par-  
ti, propiorem genitalibus quàm umbilico, eum adhærere, tum in *Itiner. I. C.*  
tum libello, cui titulus : *Observations sur le Commerce des Indes Orient.* no-  
tans, si nempe de animali masculo loquatur, idem innuit. Nimis autem,  
ab umbilico hunc removere videntur *Isidorus, Vincentius Burgundus & Pla-*  
*rearius*, dum in inguine subsistere volunt. Mihi, cum *Brasavolo*, circa um-  
bilicum Moschi folliculum esse quærendum, concludere libet, siue in umbi-  
licali regione inferiori, quem etiam umbilico modò paululùm propiorem,  
modò ab eo aliquantulùm remotiorem esse posse, haud admodum negabo,  
inprimis pro diversitate magnitudinis in ipsis animalibus. Umbilicum ta-  
men ipsum huc accersere vix audeo, cum revera paulò decliviorẽ, quàm  
quo umbilicus solet occurrere, abdominis locum occupet, & singularis ab  
ipso ortu dubio procul congenita Folliculi conformatio simplicem umbili-  
ci extensionem & intumescen- tiam non admittat. Quamvis verò in Folli-  
culi acumine coalituræ quasi umbilicalis vestigia existant plerunque, ea ta-  
men revera meatûs aperti, non ita in exsiccato corpufculo sensum incurrentis,  
esse indicium, paulò post demonstrabitur. Mihi si nẽ nulla umbilici in fol-  
liculo nota, multò minus funiculi umbilicalis particula inquam visa. A-  
liorum tamen circa hæc experimenta vel conjecturas potius non impugna-  
bo, id solum recensens, quod oculis meis in perlustratione multoties se ob-  
tulerat.

Unicum autem tantum Folliculum singulis Capreis nostris esse à Na-  
tura concessum scimus. Nec *Fallopianus* supra citatus ullam hîc parit difficul-  
tatem, aliquando geminum, aliquando multiplicem eum oriri scribens, quem,  
nempe unanimis tor oculatorum testium confessio, unius tantum conscia,  
redarguit, & imaginaria cum abscessu præter naturæ intentionem vel ordi-  
nem generato comparatio deceperat.

Cæterum Folliculi moschati icones Lectori Curioso, tam quoad inter-  
nam ejusdem, quàm externam figuram in Tabula III. exhibere volui. Al-  
teram verò illam, quam olim ligno incisam & Theſibus meis Academicis  
additam, postea verò ab aliis quoque mutuatam, novæque *Gesneri de*  
*Quadrupedibus* editioni, nec non *Castelli de Hyana* odorifera recula *Extasi*  
insertam, nunc planè deletam volo; quem quidem Folliculum fuisse elegan-  
tissimum, haud negabo, ast non unam mihi, dum alium nullum, quo cum  
conferre potuissem, tum temporis habueram, errandi causam præbuit, cum  
inprimis minimè duas in cavitates aut sinus à Natura, sed violentiâ qua-  
dam extraneâ & compressione, quâ varias adipilci figuras solet, di-  
vilus,

visus, ideoque sibi relictus unicâ tantum cavitate præditus sit dicendus.

Ast dum ibi substantiam ejus cutaneam, partim etiam quasi carnosam edixeram, nec jam mutare penitus sententiam est animus. Licet enim in-  
exsiccatò, uti ad nos deferri solet, illam carnosam demonstrare non adeo promptum fuerit, ubi tamen eundem aquæ aliquandiu immaceraveris, à qua partes ejus exsiccatæ denuò intumescunt & ad naturalem statum propius re-  
ducuntur, absque magna difficultate cultri ope oculos incurret. Verùm & alia, quæ mihi hanc viam ingresso observare contigit, in elegantiori folliculo inprimis (cùm aliquam dâti differentiam in quibusdam haud negare velim, in essentialibus tamen omnes. quotquot hac methodo examini subjecti, convenire observaverim,) brevissimis enarrare, & libet, & jucundum ac utile erit.

Abrasis itaque & abscissis primò exterioribus pilis, ne tardium quale-  
cunque remoramque sectionis adferrent, aut foraminula sub eis latentia, oculis eriperent, mox sub eminentia illa acuta foramen sic satis amplum, Lunæ falcatæ formâ, sese obtulit, ipsam in folliculi cavitatem oblique ante-  
riora versus penetrans. Quin & ipsa eminentia sive fastigium non soli-  
dum, (quod & Cl. *Sepp* cavum esse pronunciat, dum moscho exitum præbere adstruit, ) sed meatu aliquo (in cujus extremitatem pili, setarum ferè ad instar duri, implantantur, caput rufum, à moscho ex vicino meatu exstillante ita fortasse tinctum, reliquâ eorum parte intus latente albidâ, ex-  
ferentes, suâque protuberantiâ fastigium illud inprimis representantes) prædita itidem comparuit, cui immixtus stylus per folliculi dorsum promptè subiit ad oppositam usque partem, ubi abscissus ille, dum nempe folliculus ab Animali olim auferebatur, ulteriorem sui inquisitionem, & ubi tandem in corpore terminetur, denegavit.

Hiscè incitatus Folliculi pellem interiorem, eo latere quo abdomen re-  
spicit glabram, quo verò cum pellicula mox describenda jungitur, rugosam circuncincta abstuli, & mox pelliculam quandam fuscâ, in ipsius folliculi mediam cavitatem propagines quasdam emittentem, imò in Moschi etiam ipsius substantiam immerisam, prout & per foramen falciforme sive semi-  
lunare extra utricululum protensam, cæterùm à subjacentis membrana ner-  
vosæ rugis pariter in rugas contractam, facili tamen operâ ab eadem abscē-  
dentem, atque licet per se admodum tenuem, diligenti tamen manu in qua-  
tuor alias tenuissimas membranulas haud difficulter divisibilem, atque mo-  
schum undique ambiente & ceu in lacculo eundem continente deprehendi ac separavi. Quæ naturâ suâ quidem albicans est & argenteo quodam ni-

Fortè resplendet, eo tamen latere, quo Moschum proximè ambit, fusco colore tingitur; cujus lacinias Mercatores Moscho commixtas sæpius vendere solent, in Moschi electi & follicularii substantia promtè deprehendendas. Quam itaque magni ut faceret *Fallopium*, satis causæ habuit, hunc in modum scribens: *Ex his vesiculis aliqua sunt ita verusta, ut nullum odorem servant, aliqua odorata sunt & recentes, & sunt illa in quibus adest folliculus & membranula, ubi continebatur Moschus. Ideo videte, quando emitis Scalpæ digito, si adest pellicula, ematus; sin minus, inquit, quia odorem amittit citius; non ergo negligatis pelliculam internam.* Revera enim major folliculorum fragrantia membranulæ illi, à moschato humore tinctæ debetur; diutius etiam ideo in eis persistens, cùm istâ ablata, cæteris dein folliculi in partibus citius avolet, utpote non ipsâ Moschi crassiori ac durabiliori substantiâ imbutis, sed odoratis tantùm quibusdam tenuioribus atomis, quas exhalantes in se receperant, imprægnatæ, quibus avolanlibus, minùs delectabilis odor, & folliculo ac pelli naturalis remanet. Atque illa ipsa pellicula in causa fuisse videtur, ut *Fallopium* folliculum moschatum tumorum tunicatorum, sive qui in folliculo aliquo membranoso saniem instar lardi &c. continent, familiæ, quamvis minùs benè, ut supra ostendi, insereret. Sed ad eam rem receptaculi hujus potiùs reverteror.

In qua circa orificium meatûs prædicti moschiferi, tenuissimis satisque longis rufescentibus pilis munitum, glandularum (fortè liquorem serosum ad humoris moschati naturâ crassioris dilutionem exstillantium) manipulus, in quas radices pilorum istorum implantari videntur, oculis sese objicit, latentes tamen alia sub membrana, quæ nempe sub illa tenui situm, nacta, nervosa magis & crassa, in plurimas etiam fibrosas particulas, aliarum quarundam in modum, cultro separabilis & ipsius cutis propago existit, utpote à qua eandem separare non potui, unde hæc cutis duplicatura glandulas modò dictas, ductumque mox describendum & musculum, ceu in sacculo quodam complectitur.

Sub hac itaque latet carnosa aliqua & verè musculosa substantia, circularibus suis fibris, oculorum si judicium me non fecerit, utrumque meatum incingens, cæterùm crassa admodum & valida, cutique artè adhzrens, ejus carnosis fibris exsiccatis, membranosis tamen non omnino exclusis, folliculi ipsius soliditatem & renitentiam ascribo. Musculum autem hunc succi imprimis moschati retentioni inservire, verosimile est, quem Natura hoc artificio à continuo effluxu coercere voluit, non secus ac s. h. notioribus intestinorum & vesicæ excrementis, quæ justo tantùm tempore evacuari expediebat, simili ratione prospexerat,

Locum.

Incumbit eidem Canalis ille supra dictus, in superiorem eminentiam, foramine oblongo exitum habens, qui pro corpuseuli follicularii parvitate latus admodum & amplius, recto itinere per dorsum ejus decurrit, crassius satis & fimbriatus, dissectusque plicis eleganter instructus, & in extremitate circa pilorum radices glandulis aliquot conspicuus, in quo humoris nihil reperiri unquam, licet vehendo & excernendo alicui succo inservire, situs ejusdem & cavitas abunde confirmant; quem verò à succo moschato esse diversum, exinde conjicio, quòd nec odore admodum moschato, nec colore citrino aut fusco stimbutus, nec etiam in ipsam folliculi cavitatem abeat, cujus tamen humor ille sit natura, me omnino fugit, cum & canaliculi ipsius ortus sive principium, longius nempe à folliculo locatum, me lateat. Unde inanibus conjecturis Lectoris benignitatem dum onerare nolo, ista nudè recensuisse sufficiat.

De vasis sanguiferis, quorum multa in folliculo sparsim occurrunt, nihil dico, cum eorum ortus me lateat; unicum, quod canaliculi dicti latus utrumque stipat, magnitudine sua spectabile, & ad musculosam carnem progrediens nominasse satis erit.

Si cui tamen fortuna ipsum tale Animal secare concesserit, ille succosum, curioso cultello impetratum, uberius fideli calamo si publice militati communicaverit, non levi is Curiosos quosvis beneficio beabit & vel mea, experimenta atque conjecturas sic gratiose confirmabit, vel saltem amicè commendabit; quem in finem inprimis Angli, Galli, Veneti, Bataviq; exorandi sunt, quibus facilius hac in parte fortuna adridet, nec patientia, industria & pericia instructissimi defunt Anatomici.

Externam verò Folliculi faciem tum icon adjuncta, tum descriptiones ab aliis factæ, satis edocent; quam tamen in magnitudine, quæ in sibi relicto ovum gallinaceum modo minusculum adæquat, modo longè minor observatur, atque interiùs nucistam majorem minoremve capere potis est, & jam drachmas duas, jam quatuor, plus minusve continet; in figura, porro nunc rotundiori, nunc oblongiori, crassiori vel strictiori, ex varia compressione; quam majoris ad remotiora loca in transportando commoditatis ergo subire debent, ortà discrepare, in naturali autem statu rotundiorum & nonnihil ovalem esse; in pilorum etiam, quibus vestitur, colore, albidior vel obscuriore, variare, unikè monere volui.

Iconem autem ejus Tabula III. Fig. 1. continet, litera a. locum originis moschiferi, b. orificium canalis longi, c. ejusdem partem detruncatam, d. pilos à circumferentia centro incumbentes tenuiores, e. pilos crassiores limbo inherentes denotante.

Figura

Figura II. exhibet Folliculi faciem externam, derassâ tamen nonnihil circa orificia meatuum dictorum, evulsis è canali prominentibus, & reliquis etiam abscissis pilis; in qua *lit. a.* meatûs moschiferi orificium semicirculatum apertum, *b.* orificium canalîs longi, labiis tamen ejusdem diductis ostendit.

Figura III. internam præsentat faciem, pelliculâ tamen fuscâ moschatâ intimâ, unâ cum altera eidem subjacente membranâ nervosâ ademtâ; & quidem *lit. a.* meatum moschiferum aliquantulum ampliatum, *b.* glandulas eundem cingentes, pilis tamen omnibus evulsis, *c.* canalem longum in situ naturali, sed dissectum, ut interior ejus facies videri queat, *d.* ejusdem orificium cum glandulis instratis, *e.* vasa sanguifera insigniora juxta eum decurrentia, *f.* musculus circulares, *g.* cutaneam substantiam.

Cùm etiam in Ephemeridum German. Curios. Anno VIII observ. § 3. de cavitate pilorum Capreoli moschiferi quædam dixerim, eorundem delineationem si hîc subjunxero, rem non ingratam me facturum credidi; itaque

Figura IV. pilum animalis illius crispum exhibet, in quo *lit. a.* cavitatem in eo designat, reliquis pili partibus *b. b.* medullâ fungosâ expletis.

Figura V. pili cavi particulam discissam, & quidem *lit. a.* eandem nudis oculis contemplatam, *b.* per microscopium observatam ejus foraminulentam vel reticularem texturam denotat.

## C A P U T XL

### *Locus natalis Animalis moschiferi.*



**P**atrum Animalis nostri solum descripturus, Indiam denominare illud possem, si, juxta nonnullorum consuetudinem, quasvis remotas Orientis oras nomine isto donare vellem. Cùm tamen adcuraciones alii non usque adeo illud extendant, juxta cum *India Tartariam* quoque & *Sinam* constituere lubet,

Ubi imprimis *Chataja* primum sibi deposcit locum; qua de consili potest eruditissima Disquisitio Geographica & Historica Viri celeberrimi, *D. Andreae Mülleri*, Amici & Fautoris mei honoratissimi. Sub ea autem *Tartariæ* partem esse intelligendam, §. 19. monuerat; cumque Gens ista *Sinas* quoque

Fig. i.

TAB. III.


Fig. ii. <sup>pag 43 et 50.</sup>



Fig. iii.


Fig. iv.

Fig. v.



4







quoque occupasset, Chatajam dein illam etiam regionem dici potuisse. Cui-  
cunque igitur regioni, sive Tartaricæ, sive Sinicæ, nomen hoc imponatur,  
considerationem hinc aliquam requirit.

Illam quidem, Tartarica, & quæ extra Murum Sinicum quaerenda, in  
majorem & minorem, juxta Kircherum, dividitur; & hanc minorem bo-  
realibus Sinis conterminam Thebet vulgò adpellari, in Prodrum. Copt. sta-  
tuit. Provenire autem in Thebet Moschum, effato plurimorum constat;  
Serapionis inprimis, sic Interpretum verbis l. c. scribentis: *In Tebeth sunt multa*  
*civitates, sed moschus omnis, qui circa ea loca colligitur, avehitur à civitate,*  
*quæ proprie totius regionis nomine Tebeth nominatur.* In præcedentibus quo-  
que Tumbasini Moschi mentionem facit: *Terra in quibus sunt gazel-*  
*la musci, & sunt regiones Tumbasæ, & Seni, & sunt terra confines.* Verum  
muscus regionis Tumbasæ est melior musco Seni &c. At Tumbasum ipsam,  
Thebeticam esse regionem, alii notant; & inprimis Bochartus pro: *Tubethi*  
Interpretem posuisse: *Tumbasæ*, vel potius, ut reliqua, mirè corrupisse,  
animadvertit. Quod pariter Vopisci Fortun. Plemptis in schol. ad Avicenn.  
Can. med. consensu illustrare placet. Dum enim Ebn Sina de Moschi diffe-  
rentia, bonitatis ratione, disserens, Thebetico primum locum adsignat, Plem-  
ptis his verbis in vocem illam commentatur: *Tebezius* ab urbe Tebet,  
quam alii Tumbasum vocant. Rabbi Benjamin in suo Itinerario dicit distare  
quadriduo à Samarcanda urbe magna, & Timurlani natalibus nobili, in ejus-  
vicinis silum inquit moschum inveniri. Golius scribit esse regnum Septentrio-  
nals Sinarum regions ab occasu conterminum, quod multi volunt idem esse ac  
regnum Chatai. Itaque & regnum est seu regio, & civitas regno cognominis.  
Geographus Nubiensis vocat Tobbat, & statuit eam in regno Kaimachitarum  
part. 10. clim. 4. In his regionibus, inquit, exstant animalia moschi magna in co-  
pia. Aliis Toubeth, Tuboth, Tubet, Tubath, Tobbat, Tubacum legitur. A-  
pud Sim. Sethum in quibusdam exemplaribus תבתי נאדא occurrit; quod  
ideo Ruellius: Pat, vertit; clim tamen, ut rectius alii, & MSS. quædam ha-  
bent, duæ istæ Syllabæ conjungendæ sint, atque Tupat legendum. Hanc  
quoque regionem exprimit M. Paulus Ven. lib. 2. cap. 37. multa animantia  
ibi inveniri tradens, quæ Moschum producant. Nec Rabbi Benjamin, ino-  
dò apud Plemptium citato, fuit indicta, qui cum de Samarcanda, urbe magna  
in Persici regni confinio condita egisset, inde, inquit secundum versionem  
Constantini l. Empereur, quadriduo petitur Tuboth, civitas, in cujus vicinis sil-  
um moschus invenitur. Quod tamen Tuboth vel Tobbat antea, cum de  
magni Persidis Imperatoris dominio ageret, per תבתי : insignes, (Arias Mon-  
tani in sua versione: optimas, habet,) vocis: תבתי homonymiâ de-

H

ceptus,

septus, reddiderat : ne & alias insignes regiones , in quarum silvis fera reperiruntur, unde moschum colligitur ; quo de tamen Vtrum Clar. & plur. Rever. D. M. Matth. Frid. Beckum , Amicum meum colendum , qui ejusdem Judæi novam editionem cum notis meditatatur , pluribus olim acturum expectamus.

Huic Thebeticæ regioni versus Occidentem provincia *Canichu*, eodem *Veneto* testante , cap. 38. adjacet , magna in abundantia Moschum suppeditans.

*Ebn Sina* l. c. Moschi *Carchirensis* meminit. Qualis verò sit ista regio, & an , quod nominis adfinitas suadere potest , cum *Carcham Veneti* conveniat , alii doctiores judicent ? Quod tamen esse nequit , si terra *Carchir*, ut vult *Geographus Nubienfis* part. 10. clim. 3. mari Sinico proxima existat.

Huc pertinet, quod *Brasavolus* recenset, Venetias nempe Mercatorem, quendam ex *Chatai* attulisse Moschum , quæ regio sit pars Scythiæ extra Imaum ; incolas regionem , ubi optimus Moschus nascitur, *Ergimul* vocare , particularem verò urbem *Singui*. Ubi *Ergimul* vocem , quâ *Venetus* etiam utitur , corruptissimam esse , ut plerasque alias , in Literis humanissimè ad me perscriptis laudatus D. Müllerus monuit , addens : *Qui volet, Jer-Mogul legat. Est autem Mogul spatium terra supra murum Sinensem ad Borrhapelotem. Hujus tractus litoralis Su-Mogul dicitur ; mediterraneus Jer-Mogul. Su verò agrum, Jer terram significat. Pro Jer-Mogul, Jec-Mogul Vincent. Bell. & alii scribunt ; Ergimul Venetus ; reliqui rectè. Per Singui autem Socheu intelligendum ; cum procul dubio, D. Müllereri nostri judicio, Venetus Singui scripserit, Qui verò esse Sinicum Cheu, quod Urbem denotat.*

Cæterum in ipsa etiam *Chataja nova*, five *Sina* Odoramentum hoc suos nancisci natales, ex *Serapione* supra dictum fuit, ubi regionem *Seni Gazellas* moschatas alere ipse narraverat, quam sanè regnum esse Sinarum, *Amatus Lusitanus* Comm. in Diosc. consentit, licet in hoc fortè minùs accuratus, dum ex regno *Sciam* ipsi dicto ad Sinas Moschum deferri scribit ; cum tamen *Sinæ* ipsi Moscho inquilino abundet , & quidem probatori, ( uti *Ebn Sina* refert, ) quàm sit ille in *maritima India* ortus, cui nempe regnum *Sciam* meritò accensetur. Et huc etiam sæpius jam nominati *Veneti Chatarajam* referemus, in qua optimum inveniri Moschum , & quo melior in mundo non reperitur , lib. 1. cap. 62. prodidit. Num porro *Erronis* istius Turcæ relatio, apud *Auger. Gelen. Bubequium* epist. 4. trahi huc queat, incertum est, non tamen improbabile, præsertim cum post absolutum longissimum itineris spatium, ad angustias ac veluti claustra regni *Chatani* se

pervenisse innuerit, & quod intrari nequeat, nisi per certas fauces, quæ Regis illius præditiis tenentur. Is itaque Turca, in urbe *Chataja*, regia sede, frequentes esse tabernas odori illius aromatis, *Bimbequio* enarraverat. E Recentioribus quoque *Joh. Petr. Massejus* Sinarum regionem tum Odoramenti aliis, tum præcipuè Moscho abundare testatur; quod & *Mendoza*, *Landschottanus*, pluresque alii fatentur.

In specie verò quænam ejus Provinciæ hunc largiantur, *Martinus* cumprimis in suo *Atlante Sinico* indicavit, nimirum in *Xensi*, *Suchuen*, *Tunnan*, locisque aliis ad occasum vicinioribus ingentem Moschi reperiri copiam, pag. 44. memorat. Et in specie, de provinciæ *Xensi* urbe tertia *Hanchung* pag. 48. agens, territorium ejus montibus ubique altissimis ac frequentissimis exurgere, qui valles complures easque peramœnas claudant, unde quibus ad vitam opus, abunde petantur omnia, præterque alia, ingens Moschi copia. Et pag. 52. de ejusdem Munimentis sive locis militaribus verba faciens, in *Taocheu* & *Hocheu* multum Moschi colligi. Porro in sextæ Provinciæ *Suchuen* urbe *Queicheu* pag. 69. & ei vicina urbe militari quarta *Chinching* pag. 72. Moschi abundantiam monstrat, imò montem ibi quendam à Moschi copia *Xehing* (*Dapperus* in *Descript. Sinæ* pag. 108. exprimit: *Xehiang*) dictum pag. 70. indigitat. In septima insuper Provincia, *Huquang*, colligi, pag. 83. & in decima quinta Provincia, *Junnan*, abundare, pag. 155. 162. & 165. legitur. Ideoque tam in Sina boreali, quam australi Animal nostrum invenitur.

Hic in *Thevenotti* varior. Itiner. curios. relatione *Honan* provincia additur. Præter provinciam *Xensi*, etiam *Chiamsi*, nec non regnum *Tun-chinum* sive *Tungking* ab *Athan. Kirchero* Chin. illustr. part. 4. cap. 7. nominatur. De *Xensi* familia *Neubosius* effatur in Itiner. Sinic. Auch liest diese Landschaft sehr vil Muscus. Et de eadem, nec non *Suchuen* cap. 16. description. Sin. In der Landschaft *Xensi*, wie auch auff dem Gebirge bey *Paoning*, in der Provinz *Suchuen* findet man das Thier *Xe*, davon der *Muscus* oder *Wiscem* kommt. Et *Gregorio illi Boluvario*, apud *Fabrum*, in provinciarum *Xantsien*, *Quinsay*, aliisque locis silvestribus reperiri dicitur.

Tandem ex *India* quoque, ut natali solo, petitur. Sanè in *India* maximum Moschi proventum esse, inter omnes convenit: *Henr. Salmuth* effatur. Ad quam cum *Pegu*, *Siam*, *Patana*, & *Bengala* &c. pertineant, quid ab eis sperandum, nunc indicare opus est.

Et quidem regnum *Pegu*, multorum confessione, non postremum hic locum effagitat, in quo magnum adesse Animalium moschiferorum nume-

rum, Nob. à *Mandelslo* Itinerar. Orient. lib. 3. hisce confirmat verbis : *Al-*  
*hier* findet man viel Thier / von welchen der Muscus oder Bisem gesammlet  
 wird. Quem etiam ex *Sina*, *Tartaria*, & *Pegu* A madabadam venalem depor-  
 tari, lib. 1. cap. 19. scripserat. Et ille ipse Moschus Peguanus non fuit igno-  
 rus *Paulo Ven.* dum lib. 2. cap. 34. provinciam *Achalech Mangi* Animalia  
 habere moschifera, refert. Quam utpote ipsum esse regnum *Pegu*, doctè, ut  
 cuncta sua, ostendit prælaudatus *D. Müllerus* hebdom. observ. de reb. Si-  
 nic. cap. 3.

*Barbosa* de regno *Aracan*, inter Bengalam & *Pegu* posito, ait, his vicinos  
 esse montes *Capelengam* dictos, cujus habitatores Moschum ad magnam civi-  
 tatem *Ava* transportent.

*Tavernierus* regnum *Boutan* maximam ejus largiri copiam, refert; ;  
 eundem etiam non tantum ex *Tunquinen*si, sed *Cochinchinen*si quoque  
 regno, ait non ea in quantitate adferri, notans.

Ex regno *Gnas* haberi, *Phil. Marinus* ostendit.

Non minus in regno *Lu* idem Animal reperiri, ex *Martinii* præfatione  
*Atlant. Sin.* colligimus, ubi regnum *Laos* moschum ex vicino *Lu* regno ha-  
 bere testatur, Animal tamen ipsum ex regno *Lu* in alterum illud *Laos* ab-  
 ductum brevi, ut piscem extra aquam, emori subjungens; idem etiam inde  
 transcribente *Neuhofio*. Unde in libello *Mirandorum Natura in Sina &c.*  
 cap. 1. errorem aliquem latere dicendum erit, dum *Laos* Sinici imperii ali-  
 quando fuisse, partemque provinciarum *Junnan*, mediam inter *Tungking* &  
*Cochinchinam*, *Lu* verò regnum esse ipsissimam provinciam *Junnan*, perhi-  
 bet: si *Martinus*, in rebus Sinicis versatissimus, fidem sequi velimus, moschum  
 in provincia *Junnan*, ut supra modò dictum, abundare, tradentis; qui tamèn  
 regna *Laos* & *Lu* ab ipsa provincia Sinica non obscure distinxerat; & mul-  
 titudini etiam *D. Andy. Atulieri* suffragio, *Lu* regnum ad *Sinense* referri non  
 debet. Quare vix alibi commodius, quàm reliqua inter *Indiarum* regna memo-  
 rari illud merebitur.

*Est apud Indos regnum amplum, ab incolis ejusdem loci Sciam dictum, &*  
*ut melius dignoscas, ultra Malacham situm, in quo Animal hoc reperitur: ver-*  
*ba sunt Ameti Lustani.* Quamvis verò *Sinas* nominibus variare, novum  
 hæud sit, ideoque regnum suum quoque *Sciam*, uti *Neuhofius* tradit, vocare  
 aliquando potuerint, & revera diu ante tempora Nat. Christi ita vocaverint,  
 hæc tamen non *Sinam*, sed diversam ab ea terram intellexisse *Anatium*, vel re-  
 liqua ejus verba satis evincunt, dum ex regno *Sciam* dicto Moschum in *Sina-*  
*rum* regnum deportari perhibet. Nec *Catelani* lectionem improbaverim,  
 qui *Siam*, *Indiarum* Orientalis regionem potentissimam, uti *Cluverius* vocat, po-  
 nit,

nit, præsertim cum regno Pegu, quammaximè moschifero, sit conterminum, & non minùs ad maritimam Indiam, ut supra monui, referri debeat, in qua Moschum provenire, ab *Ebn Sina* dictum fuerat.

In insula *Boëro* *Gualth. Schulzium* lib. 1. Itin. Orient. cap. 9. Moschum colligi indicat: *In den Bergen findet man auch einige Wisem-Ragen/wo von die Wilden den Wisem auffsamlen / und den Unsrigen um einen billigen Preiß verkauffen.* Sed cati sive felis moschati denominatio non exiguum de Zibethico odorem suspicionem præbet. Nec ullus alius, in hac, aliave aliqua Insula Animal nostrum occurrere, indicavit, cum vicissim Zibethicum, sape, ut supra dictum fuit, cum moschato confundi solitum, in Insulis isto in Oceano sitis, uti Ceilan, Sumatra, Java &c. hospitari, longè certiores simus.

*Persiam* hic etiam nonnulli denominant. In Persia reperiri quidam prædidere: Nob. *D. Joh. Jonssonus* Hist. natur. de quadrup. lib. 2. tit. 1. cap. 2. art. 6. punct. 5. pronunciat. Sed Moschum, quo Persæ utuntur, aliundè, ex India imprimis, adportari, sunt qui statuunt; quod, præter alios, *D. Tavernier* suo confirmat consensu, Moschum nempe ornem, qui in Perside venditur, ex Patna advehi. Sed in *Petri à Valle* parte 2. Itinerarii Germanicè editi epist. 4. ubi de venatione Sciàh Abbas, Regis Persiæ, A. 1618. in Chilà, regione ad mare Caspium situatà, olim Hircanià dictà, agitur, innumerum Animalium moschiferorum multitudinem in illa, tum etiam aliàs semper, in prædam cecidisse recensetur; quæ tamen rectius Capreolorum nomine insigniri ab Interprete debuissent, cum textus Italicus simpliciter Gazellas innuat, sic expressus: *Senza le Gazelle, che non entrano in questo numero, e son sempre innumerabili.* Ubi itaque Gazellarum nomini, origine Arabico, idemque Animal, quod apud Græcos *δίσταξ*, & apud Latinos Caprea vel Capreolus dicitur, denotanti, epitheton moschatarum neutiquam jungi debuisset. Unde mihi de Moscho Persico dubitare interea liceat, usque dum oculari hominum fide dignissimorum testimonio aliud edocear.

In Syria quandoque bestias has conspici, *Alex. Benedictus* auctor est. Sic & *Scaligeri* adfines, qui in Syria fuerant, Gazellarum harum multas ibi se vidisse greges, eidem dixerant. Ubi tamen de fide eis adhibenda meritò dubitasse eundem, conjicimus. Adeoque regio ista huc nequidquam pertinet. Quod & de *Halepo*, urbe Syriaca, jam in præced. monui.

Secundùm *Joh. Bodinum* in Theatr. natur. Moschi Caprea est in Africa anteriore. Et *Brasavolus*, cum de Moschi nomine disliceret, pluribus in Africa locis Animalia hæc nasci, nec non in *Egypto* etiam inveniri, edixit,

H 3

quem

quem dein, præter alios, *Joh. Bapt. Porta* lib. 2. Phytognom. cap. 27. sequetur. Ast rectius omnino *Alex. Benediſto*, ex Indiæ partibus in Perſiam primum, inde in Amanum, atque dein in Ægyptum (addo ego & Africam, contra ipſum *Benediſtum*,) invehi, creditur, ut ita nullum adferre momentum queat Moſcho impoſitum vulgare admodum Alexandrini epitheton., utpote non locum natalem, ſed emporium ejusdem designans. Zibethica quidem animalia Africam alere, non negatur; aſt de moſchifero nemo probatorum Hiſtoricorum illud unquam enunciaverat.

Imò *Americam* quoque ſunt qui huc ponendam judicant. Veluti *Laur. Catellanus* Orientalem Moſchum, qui Venetias, longè Occidentali, qui ex America Portugalliam adfertur, præferendam eſſe opinatur. Quod ut prudenter & ſcitè ſcriptum *Andr. Chiocci* maxime adprobabat. Aſt neque hi adplauſum merentur. Cùm in America Moſchum non generari, ſit longè credibilis. Et mihi ſanè, quotquot Itineraria Americana, Scriptoresque de rebus naturalibus Americanis evolvere contigit, nuſquam videre talia perſcripta licuit. In Portugalliam quidem à Mercatoribus Moſchum adferri, ſatis eſt probabile, aſt ex America illuc deportari, minimè liquet. Et quis, quaſo, Luſitanorum in Indiam & reliquis Orientis regiones, antiquas & recentiores neſciat navigationes? Ex quibus Moſchum adveſtum, multò verſimilius adſtruitur; & v. g. *P. Jarricus* Sinas Luſitanis eum divendere, expreſſè memorat. Occidentaliſ tamen dici Luſitanicus ille convenienter pot eſt, noſtrarum regionum reſpectu, quibus nempe Regnum illud verſus Occidentem ſituatum eſt: Qua ratione etiam *Catellanus* & *Chiocci* eum in Galliam & Italiam ex Luſitania delatum, occidentalem, vel de Ponent reſtiſſimè perhibuiſſent. Subſcripſit opinioni huic *Amatus Luſitanus*, diſſertè concludens: *Venetia Orientali moſchum duplo venditur pretio, ſerior Occidentali, quum tamen ab eadem regione portetur.*

Perluſtratà ſic Aſià, Africà, & Americà, nunc in Europam deducimur, quæ certè matrem Animalis hujus ſe jactare nequit. Licet enim ex *Fabro* ſuperius CAP. VI. *Bauhiſchnei* relatio de Moſcho in Luſitania conſciendo fuerit enarrata, quin ipſe tamen, uti CAP. IX. edixi, & jam repeto, fuerit deceptus, nullus dubito, præſertim quia opificium ipſum à ſe non conſpectum, ipſemet fatetur, inſidà ſolùm Incolarum fide inſtructus. Quis verò doctis, aut doctorum etiam ſaltem ſpeciem præ ſe ferentibus, ſi creduli nimis fuerint, ab indoctis vel jocoſis ingeniis ſæpe fabulas obtrudi, jocoſve parari neſciat? vel ſaltem ſiſtitiam illam & adulterinam eſſe maſſam dicemus, ab odoratiſſima herba, Pico di grulla dicta, moſchato odore imbutam; Cui itaque genuinum inter Moſchum locus minimè concedendus. Si enim Luſitani

Itani Mercatores , lucro deditissimi , in patrio solo Moschum levibus adeo impensis parabilem ipsi possideant, tam cementes eos haud fore, crediderim, ut alium remotissimis è Mundi partibus, magnis sumptibus & periculis, sint advekturi. Accedit, quòd *Barbosa*, *Amatus*, *Zacutus* &c. omnes Lusitani, Moschi tantum Indici, patrii verò nullam omnino mentionem faciant.

Europa tamen, propriæ non unice inhærentes glebæ filios, curiososque Naturæ Amasios perplures sustentans, exotericorum animalium ut est cupidissima : ita hujus quoque odorati præsentia delectatur. Quod Magnatum ideo exornare Aulas, Divitumque & Curiosorum in oblectamentum, cedere solet, peregrino ex Orbe isto advektum. Sic refert *Brasavolus*, se Venetiis Mercatores vidisse, qui *Alphonso* Duci Ferrariæ Gazellam, Moschum in folliculo habentem, vendere voluerint, quale etiam in sua Padana Insula eundem aliquando in deliciis habuisse, idem memorat. Pariter à *Bernh. Desseno* in horto isto *Herculis* Esthensis, Ducis Ferrariensis, Animal hujusmodi conspectum, supra dictum fuerat. *Scaligero* unum Messanzæ Rhodius ostendit Eques. *Cardanus* Mediolani, & *Visscherus* Amstelodami, sed mortua jam, conspexerunt. Venetias A. 1621. unum advektum, & ad *Calceolarium* Veronam transmissum fuerat. *Catharinum Zenum*, Patritium Venetum, hujus generis Dorcadem habuisse, apud *Gesnerum* existat. De animali verò in horto aulico Frisingæ Bavarorum ab *Höfiero* conspecto supra vidimus. Et quis nobis Europæis curiositatem hanc jucundam exprobrare, queat, qui & ipsis Sinis in deliciis ea esse animalia, ex *M. Paulo Veneto* novimus, in Viridariis regis Cambalensis, juxta cum Cervis, Capreis &c. eadem discursisse, perhibente?

Ceterum multi ea sunt in opinione, Animalia hæc in nostram terram advektæ, neque Moschum præbere, neque diu vivere, à *Brasavolo* ita edocti, qui Animalia ejusmodi Moschum quidem apud nos maturare judicat, si eum habuerint, quando convehuntur, postea tamen non, aut inèptè emittere; quod ratione cæli, aëris & victus evenire arbitrantur, propterea quoque nostro in cælo brevi expirare, cum diu vivere nequeat, nisi ita expurgetur. Ast quamvis credita illa violenta saniei seu potius humoris moschati expurgatio sit omnino fictitia, eundem tamen nec adeo perfectè nostris in regionibus in folliculum separari, & ibi percoqui, nec etiam ea in quantitate & bonitate illuc deponi, ideoque Animal hoc tum istam ob causam, tum reliquarum rerum, aëris nempe inprimis & pabuli consueti deficientis intuitu, diu superstitem vitam quandoque agere apud nos Europæos non posse, satis est verosimile; præsertim cum plurimum mensium continuo, sive terrestri, sive marino laborioso itinere, multum vitalis eidem decedere

dere vigoris necesse sit : Posse tamen quandoque diutius vivum conservari, non penitus itidena inficias ire vellem. Si enim tot itinerum molestias, ærisque in iis & pabuli mutationes innoxie sustinuit, cur, quæso, blandiori dein loco traditum, molliterque tractatum, mortis devitare fauces præproperas nequeat ? præsertim cum mox, in Europam postquam delatum fuit, minimè exspirare, exempla testentur, secus ac eidem in Oriente contingit, ubi ex regno Lu in vicinum Laos regnum abductum brevi emori, supra vidimus.

## CAPUT XII.

### *De Moscho adulterino.*



**S**I quis Sinarum consideraverit ingenia, quin Moschi adulterationi magnopere eosdem studere quilibet sibi sit persuasurus, nullus dubito. Ut enim aliorum testimonia pede sicco præteream, unicum *P. Martinum* audire juvat, pag. 5. Atlant. Sinic. sagaces eos & subdolos vocantem, & qui ingenii acumen perperam sæpe ostendant dolis & fucis, quibus aliis imponant. Mercatores insuper eorum industrios esse ac solertes, gentem totam otio inimicam & desidiæ, ubi vel minima lucelli adfulget spes, nullam eis laborem gravem, honestoque sæpe utile esse potius & antiquius. Nec non pag. 54. non solum callidos, sed mendaces & avaros eosdem adpellat. Quod sanè de aliis etiam vicinis eis populis non omnino negari potest. Sed neque hi soli mendaces sunt, avari, & in dolis ac fucis necitendis callidi, propriamque utilitatem honesto & bono publico anteponunt, cum & Europæorum quorundam Sycophantarum impiger in, decipiendis aliis labor & industria plus, quàm placere queat, sit notissimus; nec in ipso Moscho, ob pretiosam ejus naturam, deteriore reddendo rapaces exercere manus desistant, idque non tantum clam & subdole, sed & plena in luce facitare nonnulli audeant, Moschum diversi pretii à se confectum distrahentes.

Quas itaque cognoscere fraudes, non Pharmacopœi tantum, sed & Medicis (aliarum professionum Magistros ut taceam) quammaximè incumbit. De illis quidem *Helmontium* tract. de flatib. §. 37. audire decet: *Quoniam simplicium demerita, adulteraque sint plus Mercatorum, quàm Sepaliarum: attamen illa non discrevisse, tantum ignari, ignari, vel avari est pharmacopœi.* Quæ paulò mutata in Medicos quoque nullam simplicium cogiti-



cognitionem habentes distorquere licet. Conferantur, quæ simili in materia Nobil. D. D. *Joh. Mich. Fehrm.*, Acad. Nat. Curios. PRÆSES meritissimus in præfat. tract. de absinth. peroraverat. Quamvis itidem cum *Galeno* lib. 1. de Antidot. cap. 13. spuria ejusmodi Simplicium ex ordine medicamina, vel nullateus, vel non exactè ab adulterinis sæpe secerni posse, fateri cogar, ita ut, ex cap. 4. d. l. exercitatissimos etiam ea in re viros decipiant.

Commodiùs autem in spurii Moschi cognitionem devenies, si diversos eundem corrumpendi modos præciveris, quos itaque hoc in Capite enumerare constitui. Obstat quidem *Galeno* tum l. c. tum lib. 9. de simpl. medic. facult. cap. de Diphryg. Cui nempe satis videbatur, quibus rationibus Opobalsamum, Lycium, cæteraque adulterentur, haudquaquam adscribere, cum scelerati homines in lucro ponant, talia posse addiscere. Sed magnus nebulonum istorum ad fallendum ardor, absque ista fraudum in plena lucet commemoratione, similia jam ante cognita habet signa, in proximi damnum celebranda, ita ut metus iste tanti momenti esse nequeat. Quin & hac ratione nec genuinorum pharmacorum notas propalare sæpe liceret, quas utpote impii isti omni dein studio imitari laborant. Mihi tamen nova aut publicè non nota fraudum artificia edocere, non est animus, sed quæ tradiderunt alii, tantum ostendere, & quæ evitari queant cautela, monstrare intendo. Idque eò magis, cum rarò bonum reperiri, *Joh. Jacob Manlius de Bosco* in Lumin. maj. sect. 1. conqueratur. Quamvis nostram hanc quod attinet Civitatem, Moschus laudabilis non exigua in quantitate semper haberi queat, id quod procul dubio aliorum etiam locorum testimonio proprio confirmabitur, ut ita rarò bonum ac legitimum his in locis reperiri, ullo modo conqueri haud debeamus. Licet & mangonio defœdatus sæpe occurrat, à quo itaque cavendum sibi meritò quivis reputabit.

Illud autem eò faciliùs obtinebitur, si genuini noticiam, quam seq. Cap. tradere conabor, longiori imprimis usu comparandam, quis habuerit. Sincerum enim & verum cognovisse, esse, fucos deprehendere, meritò cum *Weckero* fundamenti loco ponitur. Quale quid *Galenum* quoque fecisse, ipse fateretur, dum Opobalsamum usque adeo pluribus artibus adulterari considerans, idem ex arbore sua reludans adspicere voluit, exque eo particulam, tanquam regulam cæteris cognoscendis semper habere.

Omnia Moschi genera, unico excepto illo, quod in Animalis folliculo benè digestum ac elaboratum fuit, haud pauci adulterinis, ideoque rejiciendis adscensent. Follicularem quidem illum existuisse primum, nostram qui de-

venit in cognitionem, inque usum fuit ductus, & reliquos, auti sacra fame, sic persuadente, ad ejusdem imitationem postea demum fuisse excogitatores; posteriores tamen hos, etiam si bonitate priori admodum cedere apud me non sit dubium, propterea rejiciendos prorsus nequaquam judico, cum vel aliis in rebus idem saepe effectus, licet diversis ex operandi modis, obtineatur. Modò enim massam ex Animalis odorifero, absque alijs heterogeneis additamentis confectam, genuinum Moschum odore, si non apothecarum multitudine, saltem qualitate referentem, & revera odoratissimam obtineas, de inutili Moscho omnis in te exulare potest suspicio, quàm nempe largius in usum ducta, & desideratam aliis rebus fragrantiam conciliare, & salutare in corroborando succellus obtinere valebis.

Versipelles tamen in Sina Mercatores eapropter non excusatos velim, qui ex sanguine, pelle, aliisque Animalis exuvijs Moscho additis marsupia, quæ pellis Animalis subministrat, teste *Martino*, infarciunt, ætatanquam veræ & genuina venditant, præcipuè si sola rudiori modo confecta massa intrudatur, nec per debitam prius putrefactionem odoratæ in ea sese extricaverint, particula. Quod etiam de illorum rusticorum Butanensium fraude, quam *Tavernierus* adnotat, tenendum, qui hepatis particulas minutim concisæ cum animalis sanguine Moscho admiscunt. At hæc ipsa massa facile se proditura est, quæ fibrosam venarum &c. substantiam inquirenti patefaciet, nec etiam vehementi odore illò, quem genuinusexhalat, fragrabit. Quod si animalcula quædam, quæ tractu temporis, post unum scilicet duos vel tres annos innasci, Moschum genuinum ipsum depascentia, *Tavernierus* prodidit, sint immixta, cò certiorẽ in fraudis cognitionem deducunt.

Ab aliis itaque diverso è fonte deductis Moschi generibus merito cavendum, siue genuinus ille admixtis rebus alijs inodoris multiplicatus, siue etiam ex alterius generis odoratis simplicibus fuerit præparatus.

Sic avis cujusdam fimo adulterari, *Alexander Benedictus* admonet, qualis tamen sit illa, non exprimit. Quod si verò hoc ita se habeat, fortè stercoreis illius, quod ab ave quadam emissum *Exc. D. D. Just. Fid. Klobus* in hist. Ambræ pag 33. & seqq. ipsammet esse Ambram veram, probare conabatur, suspicio quempiam tangere posset. At nec ad Moschi, viliori præstio comparandi, fraudulentam elaborationem Ambræ substantiam, ut longè cariorem, si genuina existat, adhiberi est credibile, nec Ambram agnoscere dictos naturales, sed revera magis bituminosos esse, ipsa ejus resinosa natura evincit, relationibus etiam, quæ in contrarium adducuntur, nil quidquam solidè comprobantibus, à meris tantum auxitijs & insidijs, nullis oculatis testibus profectis.

Alit muscerdam saepe pro Moscho, genuino scilicet immixtam, vendi, *Monachi in Mesura commentantes* habent. Sic & Mustelarum odorato excremento quosdam pariter abuti, *Aldrovandus* animadvertit. Ubi sane, prout in cæteris omnibus, jamjam recensendis, si parce & cautè heterogenea ista sint conjuncta, difficillimè & vix unquam, nisi à peritissimo aliquo, in fuci deprehensionem pervenitur. Sed largius admixta scybala ista odoris immunitio inprimis certius patefaciet.

Ista materia, scribit *Fallopium* de Moscho, solet corrumpi, & ita apud Chymicos infinita habentur descriptiones conficiendi & multiplicandi moschum. Accipiunt humanum sanguinem, suspendunt in cloaca in vesica, admiscunt postea moschum. Sed nò hæc majori, quàm decebat, in Chimicos odio prolata fuerint, uti ubique, sic & eos inter, qui Chemicorum adfectant nomen, deceptores dari, nemo inficias ire potest. Nec tamen infinitæ illæ multiplicandi descriptiones in Chemicorum libris deprehenduntur, quin pleræque aliæ, passim obvia, rudiores tantùm & omnis pyrotechniæ expertes confectiones, simplicesque mixturas exhibent. Prout, & illa cum sanguine humano, foetores inter suspenso, celebrata revera nihil artificii Chيميци ostendit. Imò credita hæc impostura, si unquam peracta, tam crassa est, ut nec imperitissimum, aliquem facilè posset decipere. A simplici enim illa in cloaca suspensione, non potest non sanguis foetidissimus in liquamen abire, cujus odorem addita, pariori inprimis manu, Moschi portio obtundere gratumque reddere nullo modo valebit.

Aliàs sanguinem diversorum animalium hunc in usum adhiberi, legimus, dubio procul ideo ei destinatum, cum Moschus vel sanguis, vel sanguini potius quasi analogus quodammodo humor esse videatur.

Moschum simulare massam quandam è sanguine hadino, pane asso, ladano ac moscho constantem, *Augustani* mei in *Pharmacop. Prolegom.* cap. 2. admonent. Quod *Joh. Renodæus* lib. 4. *Institut. Pharmaceut.* cap. 17. uberius proponens, Moschum, ait, simulat massa quadam è sanguine hadino, pane asso, & risso, atque ladano subacta, in pyxide aut alio vase idoneo servata, in quo diu moschus verus asservatus fuerit. Frang subtilius occultatur, si portio moschi optimi commisceatur. Sed detegitur non modo consistentiæ & colore, sed odore, qui in fœtore citò evanescit. Quod etiam *Joh. Platearius* jamdudum lib. de simpl. medic. cap. de musco edixerat, Moschi nempe parti unica tres quatuorve sanguinis hircini modicè assi vel panis assi admisceri. Confer. *Joh. Bapt. Porta* Mag. nat. lib. 11 cap. 11. Sanguinem columbinum impostores quosdam agomatibus quibusdam excipere, iisque sicatis ad solem, iterumque tritis, & aquâ rosacèa moschatà aliquoties rigatis sicatisque, tertiâ vel quartâ parte moschi

veri admixtâ, eundem adulterare, in *Gwil. Van de Bosche* histor. med. animaf. lib. 1. cap. 20. legimus. Quosdam verò sanguinem noctuâ oligere, ejusque in tegula ad lentum ignem siccari 3 ij. moschi 3j. cum aqua rosarum permiscere, constat.

Præter sanguinem hædinum & panem assum, carnem etiam columbinam siccata huic fraudi opitulari, *Jacob. Sylvium* de simplic. medic. delect. testatur. Verùm panem assum citò frangi, vel reddere massam friabilem nimis, & sanguinem hircinum lucidam ac claram, *Platearius* statuit. Sed splendorem istum suppeditare incertum admodum signum, in Ann. VIII. Miscell. Germ. Curios. obs. 53. ostendi, sicciora genipini Moschi granula splendidam intus faciem aliquando mihi exhibuisse, adnotans. *Renodens* verò, ut dictum, consistentiâ non modò & colore, sed & odore, qui citò evanescit, fucum detegere laborat; quem ultimum, odorem nempe, omnium optimè huc accersiri, non dubito, non tantùm citò evanescentem, sed & antea non eo, quo aliàs pollet, acumine nares ferientem; qui optimus etiam index erit, ubi jecore hædino arefacto, quo alios uti *Alex. Benedictus* refert; vel lupino, juxta *J. J. Manlium*; aut bubulo, ex *Lindschottano*, fuerit permixtus. Nam licet cum hepate v. g. bubulo facta fraus odoris qualitatem, uti benè notat *Baldus Baldus* in Rom. opobals. propugn. 3. non immutetur, cum illud odore careat, fragrantia tamen magnitudinem multùm imminuit.

*Boymius* cum sanguine draconis Moschum misceri, sicque ex uno pappeo sive utriculo duos aut tres alios fieri scribit, quæ tamen mixtura cognoscatur, si ab adusto tali carbonis instar aliquid remaneat; quanquam & selectissimus Moschus, igni commissus, nunquam evaporare omnimodè observetur, sed carbonem quasi quendam relinquat. At si neque nares, neque lingua dolum istum manifestarent, oculis certè rubicundo colore suo, in vero Moscho nunquam, quod sciam, deprehenso, mox sese proderet.

Semine angelicæ Moschi pondus à quibusdam augeri, fictitiumque diversis modis, vel ex N. M. maci, cinnamomo, caryophyllis, spicâ nardi, vel Benzoe, cera, carie fraxini, vel styrace, ladano & xylaloe parati, *Porta & Gesnerus* recensent. Quo & quartum illud Moschi genus à *Marino* proditum repnemus, Mixturam scilicet ex succino & Zibetho, dum scribit: *Un' altra sorte di muschio si compone, che vienne in Europa in più abbondanza, che non viene il vero; la sua mistura è parte quell' ambra, che à certa stagione si pesca intorno alle spiagge di alcune Isole dell' India Orientale, e parte il succo, che si cavada dal corpo del gatto detto di Algasia, e riesce con tal temperamento più grato l'odore; che non sarebbe quello della semplice ambra, che da se il manda assai forte, e*  
poco

*poco grato alle narici* ; nec non Bauthschnerianum superius expositum. Sed omnes has imposturas quilibet, qui emunctæ naris est, & genuini aliqualem habet cognitionem, haud difficulter detegit.

Plumbi quoque particulas, atque argenti limaturam, ut ponderosior fiat, jam olim admiscere consueville quosdam, ex *Elluchasem* discimus, quod & postea *Mendoza* &c. tradidit, neque hoc etiam tempore esse insolitum, *Tavernierum* consentit. Idem alii cum arena attentant. Qui sanè licet non minus haud leve committant scelus, præ aliis tamen tolerabiliores se præbent, non ipsam utpote Moschi substantiam corrumpendo, sed ponderis tantum adventitii augmento, nummos emtori suffurando. Rapax verò hæc avaritia, si nimium limaturæ plumbeæ vel argenteæ admiscuerit, pondere notabili sese ipsam est proditura, dum genuinus Moschus, trutinâ examinatus, levem satus exhibet substantiam. Quod si extra folliculos venalis exponatur, metalli limatura viz oculos subterfugiet, arenulas autem mastiatio abque mora manifestabit.

Tandem salis ammoniaci spiritu conspersum, & à vagabundo Myropola aliquando oblatum memorat Excell. *D. Ludovici*, qualem etiam paucis ante annis ad nos, tanquam electissimum transmissum à quodam fuisse, recorder ; quem tamen exoletum esse corpus, paucò odore nativo imbutum, comperit, particula ejus per noctem aëri liberiori, suasu meo, cum exposita fuisset, sic enim avolante urinoso spiritu, qui antea moschato junctus odore acuto nares fallebat, parùm odoratum corpus remanserat, quod itaque Moschi opprobrium mox ad Possessorem remissum fuerat. Haud dispari admodum ratione celebris quondam apud Neapolitanos Pharmacopœus, *Joseph. Donzellus* in Theatr. Pharmaceut. cap. de Elect. alkerm. Mef. idem cum ipsa urina quosdam tentare adnotat : *Falsificano i truffatori il muschio in diversi modi, e specialmente non si vergognano alcuni temerarii buttargli coll'urina, per augmentarli il peso* : Quæ fraus, si Moschus cæteroquin sit bonæ notæ, non facile deprehendetur, nisi quis emundissimarum parium homo fuerit, & veri accuratissimam habuerit notitiam, idque cò facilius, ubi largâ adfusione liquoris istius luerum majus impostor quæsit. Quid cum exoleto Moscho alii, latrinarum fœtoribus cum exponendo, faciant, inferius inquirendi & discutiendi ansa dabitur.

Verùm satis de fraudibus.



# CAPUT XIII.

## De Moschi electione.



**A**dulterini Moschi cognitionem merito nunc genuini signa excipiunt, quæ plurima passim adducuntur. Cum tamen non æquè omnia satisfaciant, singula percurrere, & quantum iis fidendum sit, inquirere necesse est.

Et ut primus iterum de folliculis sermo habeatur, bonum se possidere Moschum nonnulli credunt, modò folliculos integros sibi comparaverint. Quo intuitu Tebeticum *Masudum* apud *Serapionem* præferebat Sinensi, eam quoque ob causam, quòd Tebetienses non soleant eum è vesiculis suis eximere, secus ac Sinæ facit. Si tamen *Monachos*, qui in *Mesuen* commentati sunt, cum *Gesnero* & *Porta* sequi velimus, folliculis istis integris fides statim adhibenda non est, cum impostorum etiam manus simillimos, variisque rebus impletos, & interposito Moscho vero, odore ejus irributos, supponere non ignorent. Et Saracenos ex pelliculis genuinis incisissimum Moschum auferre, easdemque adulterino infartas iterumque, conglutinas dividere, *Platearius* memorat. Quod & *russicos* *Butanen-*ses, nec non *Sinæ*, folliculos genuinis similes efficiendo, probè callere, *Tavernierus* & *Lindschottanus* admonent, atque superius jam *Fuchs* pag. 11. nos edocuit. Ast quòd *Platearius* Moschum hoc modo depravatum, cum pelle sua duplo pondere graviores fieri, addit, cum sincero si conferatur, nullius roboris esse potest. Uti enim fictitius non semper in pondere genuinum superat, si nempe ex rebus levioribus componatur: ita folliculi isti eo repleti graviores minimè redduntur. Imò diversitas ipsa ponderis in genuinis vesiculis sufficienter illud revellit, dum modò majores, minores modò existunt, Moscho quoque magis minùsve, eoque vel humidiores vel sicciores turgere deprehenduntur. Conglutinatio autem venditata ad curati emoris in manus si inciderit, vix latere cum poterit. Neque ex alia hujus alteriusve Animalis pelle unquam naturalibus adeo similes effingentur utriculi, ut non, veros qui probè inspexerit, absque ulla difficultate ab eis dignoscere tales valeat, id quod in primis pili adhærentes, in folliculo longè aliam faciem & situm, quam in reliquo corpore nacti, nec non meatibus in acumine vestigium promptè suppeditabunt.

Ast integri nihilominus folliculis, & nullà prorsus exterius labe comparente, fidem absque ulla hæsitacione minimè adstruerem, cum (ut de Moscho

ſho in odore languſcente, qui intus latitare poteſt, nihil dictum,) ex recentibus illis veſiculis Moſchus naturaliter inibi collectus & adhuc liquidior dubio procul per meatum ſalciformem exprimi, perque dilatatum eundem tum paſta alia aliqua, tum & plumbi &c. particula intrudi queant. Quam ſtandem, exſiccato præſertim poſtea folliculo, contrahente ita ſe meatu dicto, nullo oculis aliòve indicio cognoſcere poterit.

Quod ſi tamen integrum iſtud receptaculum aperiatur, ſuppoſitæ mæſſæ omne periculum evitabitur, ſi nempe conglobatus in eo Moſchus, & pellicula illa tenuis per ejus ſubſtantiam reptans, conſpiciantur. Quod ſanè Naturæ artificium per iſtas meatûs anguſtias nulla ſtrux humana facile imitabitur.

Prout etiam Veſiculas arte conglutinatas non ſimpliciter rejicere decet, quæ optimam nihilominus poſſunt continere moſchum, qualem beatus D. Dan. Ludovici Eph. Germ. Cur. Ann. 1X. obſ. 38. memorat, doctæque conjecturâ dilucidat.

2. Collectionis & præparationis modum quî attendunt, modò vi abrepto, aut ex ſanguine etiam, teſticulari vel carne præparato primum locum tribuunt. Ubi, quæ mea ſit opinio, ex ſuperioribus abunde conſtat, qui, putrulo planè, ceu imaginario, valere juſſo, primum ſemper folliculario illi, humanâ ope exempto, adſtruo, reliquis tamen, dummodo benè ac decenter parati fuerint, & quod magis eſt, fabuloſi haud exiſtant, non omnino damnatis, parùm tamen à me æſtimatis, rarò utpoſt ad nos adportari ſolent; id quod fortè ( ne nugaturum quenkum reum faciam, ) Mercatorum Europæorum, aut aliorum Moſchum ad nos deferentium, ſolertiâ in dignoſcendo ac conquirendo illo acceptum ferre poſſumus.

3. Magnum reſpectum Autores habent regionum, in quibus Moſchus provenit. Eatenus quidem conſentiunt omnes, quòd Orientalis ſit nobiliſſimus, viribusque ſuis Occidentalem longè poſt ſe relinquat. Cujus rei cauſam reddere conatur *Amatus Luſitanius*, Ulyſſiponam per mare ſex menſium ſpaciò advectum ideo alteri illi, terreſtri itinere Venetias delata, bonitate, & conſequenter etiam pretio cedere, ſcribens, quia diu in mari permanens plurimum ſux amittit generoſitatis, ejusve nimia contractâ humiditate hebetetur. Cui patrocinari videtur Nob. D. *Job. Joach. Becherus* *Phyſ. ſubterr.* lib. 1. ſect. 5. cap. 2. pag. 409. Nino &c. ſi pauci inſint ſpiritus, ex Aëis & Onis partibus conſtantes, facile ab inhalantibus aquæ fluvialis vel marinæ atomis & corpusculis ſuperari eos, perhibens, ut potus omnino vappetcat ac deficiat, addens: *Et clarâ experientiâ videmus, ea aromata, quæ per ſeptem ex Oriente Venetias afferuntur, fortiora eſſe, quàm quæ magno iſto*

ſine-

itinere marino per *Belgas*, mari, *Hollandiam* neque *rebuuntur*. Quod equidem de vino, cinnamomo, pipere, similibusque aromatibus haud negaverim: aff idem ad *Moschum* quoque extendere si quis vellet, non parùm fortasse erraret. Dum enim hic accuratissimè ut plurimum, in plumbea etiam pyxide, reconditus adfertur, eo ipso ab humidioris aëris adpulsu satis immunis remanet; cùm e contra dolia vinaria, saccosque aromatibus condendis destinatos longè promptius subire eum, spirituosaque corpuscula abducere secum, valeat. Unde Occidentalem aut negligentius custoditum, aut additamētis quibusdam depravatum pronunciare malle, aliàs eodem in pretio cum Orientali eum habiturus, cui etiam non cedere, plus vice simplici expertus fui.

In specie verò *Ebn Sina* meliorem sequentibus verbis determinat :

*أصوفه بسبب معينه التبي* Optimum est sua *sodina*

(i.e. originis) *ratione Tebetensis*. Atque ita patescit, quàm longè à sensu textûs Arabici vetus aberret Interpret, qui : *Melior est secundum mineram suam Antebium*, reddidit Idem apud *Serapionem* confirmat *Masadin*, *Tebetium* nempe Sinico meliorem esse, tum, quod antea dictum, receptaculi conjuncti causâ, tum pabuli melioris intuitu. Atque illâ ipsâ haud dubiè causâ *Geographum* etiam *Nubiensem* impulit, ut in fine clim quarti : *Moschus Tubetienfis prastat reliquis ex India & Sina*, scriberet. Proinde, verba sunt *Bochari* huic loco addita, *quàmvis etiam in India proveniat moschus, Tubetienfi sâmen Indi lubentius utuntur, tanquam suo prastantiori; utpote quem*

*Damir cap. de caprea* *وإلا* malum adpellat. Quod inprimis de Indi-

co maritimo verum esse, *Ebn Sina* persuadet, Sinensi tamen idem bonitatis encomium non denegans, quod & *Paulus Venetus* eidem largitur, atque non minùs Indico *Tavernierius* pluresque alii. Incertissimum itaque ex hoc capite indicium desumitur. Quod & nobis mediterranea & remota adeò loca inhabitantibus parum emolumenti dare queat, qui per tot Mercato-rum manus, antequam ad nos perveniat, eundem pervagari scimus, ut de patrio ejus loco non nisi infida ut plurimum fides nobis supersit.

4. Viçus Animalis differentiam parit, quàm *Ebn Sina* exponit : *Ratione pabuli fragrantissimum dant Moschum ea animalia, qua utrumque bebbmenum & nardum, deinde qua marrubium pascuntur; cui etiam Masudum consentit, Moschum Sinicum ideo deteriorem esse Tebetienfi, judicans, quòd illius animalia spicâ odoratâ aliisque herbis aromaticis non æquè pascuntur.*

Licet



Licet autem victus ille determinatus sit admodum incertus, & merè potiùs imaginarius, si tamen ejusmodi fuerit, quin odoratis suis particulis Moschum præstantiorem reddere valeat, non est dubitandum. Attamen hac ratione nec Sinicus, nec etiam Indicus, vel ipse maritimus, ultimo loco ponendus erit, cum & ibidem vel nardum istam, vel alias odoratissimas plantas, quæ in pabulum cedere queant, crescere, sit certissimum. Omisâ itaque & hac minus solidâ electionis notâ,

5. Ipsa Moschi se offert substantia, quam siccam esse debere, nonnulli contendunt. Sed qui siccitatem non nisi ab aëris liberiori accessu, ætatisque incremento oriri, humidum verò sic facis ut plurimum in folliculis Moschum contineri, eumque præstantissimum, observavit, palmam huic potiùs, quàm illi tribuet. Ego cæteroquin nec humidum simpliciter laudarem, extra folliculum inprimis exhibitum, eum ab extraneo aliquo humore, illum contrahere madorem, & vel urinoso conspergi liquore potuerit; nec etiam siccam eapropter præferrem, utpote non exiguo odoratarum atomorum effluxu quodammodo depauperatum. Ob id ipsum tamen siccus non omnino rejiciendus erit, qui licet cum humidarum particularum exhalatione odoratarum etiam aliquam fecerit jacturam, potiores tamen & potentes admodum nihilominus in sinu suo abscondit.

Neque 6. quem meliorem judicat *Alex. Benedictus*, conglobato fidem, simpliciter habeo, qui & manuali operâ faciliè talis effingi potest, nec etiam maxime licet genuinus, in ipso folliculo talis semper omnis occurrat.

Neque *Platensis* mihi probatur, eum dilaudans, qui non omnino clares vel splendidus sit, sed cujus grana sint lata, perque totum æqualia, ad modum *xilocaracta*. Verum nec splendorem istum adulterini præbere indicium, Cap. præced jam fuit dictum, nec absentia ejusdem quidquam commendat, cum utramque in Moscho sincero, ex unica etiam vesicula deprompto, quandoque posse deprehendi, ipsa experientia me edocuerit. Grana verò modò latiuscula, modò rotunda, æqualia, modò inæqualia esse, eadem operâ didici, ita ut *ξύλοκεραττα* (*xilocaracta* *Platensis* ineptè, aliis imò multò obscuriùs: *xiloceraunia* dicta,) sive siliquæ, aut earum seminula in pulpa latentia cum Moschi granulis comparari adeo generaliter non mereantur.

7. Multis probatur *Sim. Sethi* in exploratione *εὐπόριστον*: δοκιμάζοντες δὲ τινες τῶτον ὅτως ἐν χειρὶ συρρασμένη λεκάνῃ, ἢ χειρὶ βημῇ τὸ ἑαῖμα ῥῖσαι τιθέασιν αὐτὸν, εἴτα πάλιν ἑαῖμα ῥῖσαι, καὶ εἰ

καὶ τῷ σταθμῷ ὑπερέξει, ἀνόμενον αὐτὸν ἡγῶνται, εἰ δὲ μὴ  
νενοσθευμένον λογίζονται; i. e. *Quidam eum ita probant: postquam ipsum  
ponderarunt, in pelvim humidam aut gutturnium injiciunt, & iterum aquā lan-*  
*ce expendunt, si verò pondere prastat, genuinum ipsum astimant, si secum, adulter-*  
*ratum pronunciant: Martini Bogdani versione.* τὸ: ὑπερέξει itaque  
*Bogdanum: pondere prastat, vertit; Gyraldus etiam, qui legit: ὑπερέξει,*  
*pondere superat, habet; cui accedit Gesnerus, ὑπεράξει tamen legendum,*  
*judicans, licet τὸ: ὑπερέξει MSSorum plurium fide nitatur.* *Ruellius*  
*econtra, Fuchsius & Sylvius eum, qui superferatur, leviorque evadat, præfe-*  
*runt.* Nec fortean adeo malè, cum τὸ: ὑπερέξει tot MSSorum, illo-  
rum etiam, quibus Bogdanus fuerat usus, autoritate polleat. Quamvis revera  
omnia hæc nullius sint utilitatis, siue istam, siue illam quis versionem am-  
plectatur; cum probandi hanc rationem quæ admittere queamus, minimè  
videam. Uti enim diversæ sunt Moschum corrumpendi artes, ita quædam  
earum modò resolubilem magis, modò resolutioni diutius resistentem pro-  
ducunt; unde illum in pondere imminui, equidem non negandum, alte-  
rum verò ob adherentes aqueas particulas crescere potius, necesse est. Imò  
ipse genuinus si humidiusculus adhuc è folliculo depromptus fuerit, aquæ  
præsentiam expertus dein quasdam sui partes faciliùs dimittit, & inprimis si  
paulò diutius aquæ junctus fuerit, absque ullo dubio aliqua ex parte sol-  
vitur, sicque per consequens, lance expensus, levior postea comparet, &  
adulterati suspicionem hoc modo præter meritum incurreret.

Ubi illorum etiam meminisse licet, qui cum *Plateario* laudem isti defe-  
runt, qui neque citò solvitur, neque multum resistit. Id quod in legitimum  
Moschum cadere posse, equidem haud ibo inficias, ast nec semper id est ne-  
cessarium, siquidem humidus magis qui est, promtius etiam solvitur, siccior  
verò & in granula probè compactus diutius resistit. Ut taceam, eandem so-  
lutionis qualitatem in fictitium non minùs quandoque cadere. Humidà id-  
circo exploratione non succedente, quid

8. Ignis δοκιμασία valeat, dispiciamus. Quosdam enim prunis  
ardentibus eum exponere, & si liqueat olei in modum, tenuisque veluti  
pellicula aranei figurâ relinquantur, pro sinceritatis signo habere, sin infletur,  
tumeatque, ac veluti calcis massæ similis reddatur, spurii notam esse, *Aldro-*  
*brandus* memorat. Ast si terrestres multas in Moscho (quas ipsa ejus origo  
testatur) commixtas esse pariter, quis consideret, tenuem saltē pelliculam,  
ab ignis violentia relinqui, nemo ampliùs sibi persuadebit. Unde etiam in  
genui-

genuino si experimentum capiamus, illum prius ardentibus impositum, antumescere, corpusque aliquod crassum relinquere videbimus. Liquefactio aurem ista & tenuior restitans pellicula longè certius à ficticio, qui v. g. ex resinosis effingitur, sunt speranda. Unde neque hæc bonitatis nota attentionem merebitur.

9. Plurimi ex colore signa desumunt, in eo tamen determinando dissidentes. *Ebn Sina* citrinum censet optimum. Nos autem, *Brasavoli* decisione, hujus coloris moschum nunquam vidimus, nisi per citrinum, ferrugineum, colorem habentem intelligat. Et *Jacob. Sylvius* lib. de simpl. medicam. nat. subflavum meliorem judicat, quàm nigricantem; ex Cathai tamen nigrum, præstantissimum hodie adferri, & nostrum ferè esse ferrugineum, non, quem *Avicenna* probat, citrinum, subjungit. Sic quoque subnigrum odoratissimum apud Mercatorem, qui ex provincia Cathai se attulisse eum fatebatur, vidit *Brasavolus* Venetiis. Nigrum etiam pro sincero habet *Alex. Benedictus*. Ommino tamen nigrum non probat *Platearius*, qui eidem subnigrum præfert, optimum tamen & laudatissimum subrusum esse pronuncians, omnino accedentem ad colorem spicæ nardi, qualis habeatur ex capreis, quæ spicam nardi depascuntur, & vix (sed quæso: Cur?) adulterari possit. Subnigrum etiam (dessen Farb auf schwarz oder dunckelbraun fället / ) planè rejicit *Conr. Kunrath* part. 2. Medull. destill. tract. 17. cum effectus sit & virium experts, qui vicissim subluteum commendat, inprimis qui madefactus manui adfricatus luteo eam colore tingit. Quod *ἡρώδιον* Illustr. *Regia Societas* in Anglia perpendens, alias inter quæstiones in Indiam missas, hanc quoque repoluèrat: An verus moschus discernatur à falso per suam flavedinem, si manu fricetur, & per constantiam ejusdem coloris & odorù? uti videre est in Actis Philosoph. A. 1667. 11. Martij. Qua in animorum fluctuatione, à causis tum internis, tum externis colorem Moschi suas intensiones & remissiones suscipere, omnium primò est quod moneam; non secus atque Ambra, quæ primò album, deinde gryseum, citrinum, fulvum nigrumque colorem, secundùm aliquos, suscipere, vel quod certius, ex gryleo in albescentem senio confecta transite dicitur; aut prout Zibethum initio albidum, ætate verò procedente melleum, lenoninum, & subfuscum colorem ostendit; quod idem quoque in Vino, Balsamo, aliisque liquorum generibus, juxta eorum ætates, puritatem, impuritatem, locum, maturitatem, cruditatem, corruptionem, adulterationem, præparationis varietatem fieri, experimur quotidie. Sic nempe in Moscho, ejusdem ab ætate, loco natali, in hoc illove anni tempore generatione, adulteratione, præparatione, Animalis victu, ætate, sanitate &c. admodum variare posse colorem, non est dubium.

An itaque cum *Laur. Catalano* cap. 18. de conf. alkerim. coloris in electione magnam non esse habendam rationem, dicemus? qui ceteroquin obscuritatem & nigredinem hunc ferè commendare addidit. Certè obscurum illum & ferrugineum colorem ut plurimum in Moscho ( loquor autem unice de eo, ex ipsis folliculis deprompto, sincero & genuino ) occurrere scio, nigrum tamen propriè dictum videre mihi nunquam contigit, prout nec luteum, aut qui colorem paleæ habeat; quem ut meliorem commendat *Gul. Placentinus* de medic. flavescentem tamen quodammodo vel potiùs subrufum non unicà vice observavi, imò utriusque præsentia in uno eodemque folliculo aliquoties sese oculis meis exhibuit, qui tamen in odore sibi erant persimiles, ideoq; nullus præ altero prærogativam aliquam vindicare sibi poterat. Hinc neque ad flavum colorem qui accedit, neque etiam subnigrum negandum aut omnino rejiciendum puto. Imò insuper à nulla re heterogenea admixta defædaturum, sed maximè genuinum, eque folliculo ipso à me exemptum, subfuscum, albicanibus, nonnunquam etiam rufis quasi atomis superficietenus conspersum unà alteràque vice observavi. Quo intuitu nec certum à colore bonitatis indicium subministrari, nec tamen ullam ejus in electione habendam non esse rationem, adfirmo. Flavedinem autem illam, à frictione in manu excitatam, in omni, quem eapropter examini subjeci, Moscho conspexi, ut ita eandem in vero folliculario adesse debere, penitus mihi persuadeam; ita tamen, ut præsentia ejusdem infallibile sinceritatis indicium neutiquam præbeat, cùm & in fæditio impostorum manus eandem imitari valeat, quæ aliàs flavedo tam constans est, ut etiam à sicco & diu jam adservato Moscho, si manui vel chartæ adfricetur, impetrari queat; quam ideo odori nativo & constanti junctam ad genuini certitudinem cognoscendam aliquod adferre momentum nullus ambigo.

10. Amaritiem, vel subamarum potiùs saporem in genuino requirunt tantùm non omnes, *Platarius, Catalanus, Donzellus &c.* Ipse etiam subamarum esse, uti *Sal. Albertus* in Orat. de mosch. vocat, vel leviter amarum, ceu *Alex. Benedictus* loquitur, semper hætenus deprehendi. Ut sanè *Dominic. Audas*, de folliculario agens, errasse dicendus sit, dum in Practica de Spetiali illum judicat esse meliorem, qui non sit amarus. Aliàs si ex solo sanguine vel carne paratus scrutinium hoc subeat, quin amaritudo ista absesse queat, minùs dubito. Sed nec amarus sapor ille quidquam solidi largitur, à fraudulentis artibus facillè eidem conciliandus. Cùm itaque Moschus selectior sit amaricans, quid de *Galen* credita positione, lib. 4. de simpl. medic. facult. cap. 22. amarum nunquam odoratum esse, discutiente, sentiendum sit, vel ex hoc solo perspicere quilibet potest; quanvis nuncium subesse

subesse ibidem , alii jam notaverint , unde etiam mox , in odore suavissimis , veluti rosa &c. amaritudinem non paucam adesse , ipsemet subiungit . Majori itaque probabilitate , amarum saporem esse principium grati odoris , odoratumque , quod non sit amarum , difficilè reperiri , *Theophrastus* lib. 6. de caus. plant. cap. 13. edixerat , vel ut *Plinius* lib. 21. Hist. nat. cap. 7. loquitur : *Odorato sapor raro ulli non amarus , è contrario dulcia raro odorata* . Odorata tamen dulcia dari , vel solum anisi semen comprobare valet .

11. Adduci meretur *Scaligeri* sententia , exercit. 21. de subtil. confignata : *Adulterationem aut sinceritatem ita vel deprehendunt vel probant : Sincera naribus adnotum illico sanguinem elicere* . Et exerc. 211. §. 6. *Ejus excellentiam probant Persæ , si odorantibus sanguis è naribus proluciat : sed ita demum , si periculum jejuni faciant* . Quod & antagonista ejus *Hieron. Cardanus* lib. 10. de subtilitat. his verbis exponit : *Ipsum moschum è Perside advehitur : ubi si recens fuerit , & neque adulteratum , tam vehementi odorù esse fertur , ut jejuniis naribus adnota vesica , ex eo statim sanguinem proluciat* . Quod *Vartmannus* quatuor viri , unus post alium contigisse adfirmat . Quam explorationem tanti faciebat *Falkopius* , ut fuerit ausus scribere : *Probatio in nulla ratione consistit , nisi in hoc : quum aperitis vesicam , admove te naribus , si excitas sanguinis fluxum , bonus est ; hoc facit etiam , si quis in toto vita curriculo sanguinem non emisit* . Et *Tavernierus* in Itiner. certum putat , vesicas genuino Moscho instructas , si naribus admoverentur , odoris vehementià sanguinem esse elicaturas ; *Franc. Alexander* verò sincerum ori inclusum , sanguinem è naribus ciere , vel æstum vehementissimumque calorem , aut si præsenti proximus , ingentem capitis dolorem . Cui itaque grave illud sanguinis stillicidium , quod ex frequenti Confectionis alkermes usu cuidam accidisse *Amatus Lus.* retulerat inque lapidem lazuli culpam rejecerat , *Exc. D. Frider. Hoffmannus* in Clav. pharm. Schröder. pag. 181. adsignare rectius maluit . Ast cur , qui ad nos adfertur , virtute illà ἀναγοματικῇ haud polleat , cum raro , aut etiam nunquam sanguinem eliciat , si quærat ? *Sal. Albertus* eundem non tam sanguinem esse in tumorem sub ventrem collectum , respondet , quàm cruorem potiùs , hirudinum suctu , post folliculi avulsionem admotarum , detractum , & perpauçillà quantitate illius efficacissimi , è folliculo depromti , conditum . Quod tamen haud ita esse , ex antedictis jam clarum est . *Cardanus* verò non nisi adulteratum ad nos deferri , idcirco credit , ad quod tamen ut confugiamus , nulla nos cogit necessitas . Aliter statuit *Franc. Perla* de Opoball. orient. *Perrarò* , scribens , eà felicitate naturalia agunt , qua à Scriptoribus predicantur : nec tamen , ubi aliquid non exactè responderet , ut falsum repente proclamandum est . &c. *Moschum*

eàdem ratione rejiciemus, naribus namque admodum, nunquam ferme sanguinosis odoris vehementiâ elicit, ut Scriptores de ipso insinuarunt. At hoc est nimis ex syngrapha agere: neque enim Scriptorum verbis ita inherendum est, quin eorum mens potius spectetur, & quod ducunt, cum salu mica accipitur, aut si quid deterim, aut perperam annotatum ab eis sit, ad veritatis normam redigatur: Scriptores etenim, licet gravissimos non omnia ex propria scientia literis consignasse putandum est, sed multa ex imperitissimorum etiam hominum relatione. Mihi equidem de aliorum fide scrupulum hoc in passu movere, non est animus, ita ut aliquibus Moschum prolicuisse sanguinem, minimè contradicam, aut indubitatum boni id habendum esse requisitum, neutiquam credam. Præsertim verò in loco ipso natali, paulò post Animalis necem, è folliculo aperto exhalantem odorem oscula vasorum, in cavitate narium delitescens aperire, vel sanguinem potius vicinum in motum rapidiorem, & ita per laxiora vasa eruptionem concitare in quibusdam posse, non adeo est incredibile; quod & in Opobalsami, recentissimè è cortice scarificato prolecti, odore acutissimo quandoque contingere, *Prosp. Alpino cap. 14. de plant. Egypt. & cap. 3. Dialog. de Balf.* debemus, quæ tamen odoris acuties ac vehementia tempore obtundatur. Licet nihil obftet, quò minùs nostris quoque in regionibus aliquando hæmorrhagiam talem efficere queat Moschi odor excellentior, si subjectum ad illam dispositum, sanguine nempe in motum rapidiorem prono, laxioribusque vasorum oscillis in naribus prædictum, tempore etiam calidiori, inveniat; prout vicissim ex contrariis causis, recentissimus quoque in loco natali fluxum illum ut excitet, haudquaquam opus est. Ut itaque neque hîc bonitatis adsit index infallibilis. Eadem de capitis dolore dicta velim, quem à Moschi, non quidem præstantissimi, sed boni etiam odore oriendum dixit *Alexander* supra citatus; cum multi absque tali eventu eundem hauriant, multi etiam vel levissimam ejus fragrantiam absque eo minimè perferant.

Tandem 12. Odor quammaximè considerari meretur, quem *Ebn Sina*, Moschi delectum proponens, colori adjungit, scribens: *Quod ad colorem asines & odorem, qui malus est amulus ac luteus, optimus censetur, secundum Plempis versionem; vel aliorum: pomalis, citrinus.* Ubi per pomalem communiter odore pomi præditum intelligunt. Quem tamen nares captare meæ nunquam potuerunt. *Alex. Benedictus*, solitudinis odorem habere, aut anguium quorundam statuto tempore, aut cujusdam avis fimi, perobscure enunciat. Aliis melius, proprii illius odoris determinatione omisâ, fragrantissimus olfactui si occurrat, optimi notam præ se ferre creditur. Cuncta enim odorata, quò odoratiora sunt, eò meliora etiam reputari solent.

Cui

Cui fundamento *Donzelli* experimentum inficit, his verbis ab eo l. c. consignatum : *Si passi un aolio con aco, e poi questo aco si passi per un pezzo di muschio, se la punta dell' aco sentirà d' odor d' aglio, il muschio non sarà del perfetto ; mà se odorerà di muschio , è segno certo esser bono.* Verum non succedere hanc explorationem, expertus sum, siquidem cum acu, postquam bis terque eam allio intruseram, eaque fœtore illius potenter eximibuta fuerat, mox glebulam moschatam selectissimam, & quidem semel tantum compunxi, ac neque in glebula, fateor, neque in acu ullum percipere alii odorem potui, solo prævalente moschato ; id quod tamen etiam successit, quamvis non cum pura è Moscho massa, sed æquali sanguinis hircini parti commixta experimentum hoc tentaverim.

Consuevisse, refert *Platarius*, quosdam Mercatores Moschum emturos, naribus obturatis & respiratione cohibita ad medium jactum lapidis currere, indeque aërem ore ( cur non naribus ? ) attrahentes, si Moschi odorem sentiant, eundem emere atque probare. Plurimum tamen hic refert, quo in loco respiratio ista instituitur. Si enim in aëre liberiori, & vento adverso, aut apud Myropolam, aliorum etiam aromatum copiam venalem exponerem, illa fiat, vix succedet, effluviis nempe moschatatis aut nimium in spatio aëre huc illuc delatis ac divulsis, aut aliorum abreptis, aut denique confusione aliorum oblitteratis vel obtusis. Quin & clauso in conclavi Moschum, ex genuino odoratissimo & alia aliqua re non admodum largè addita commixtum, satis potentem largè dispergere odorem, compertum habeo. Ut ita facillè bonus rejici, adulteratus autem eligi queat.

Nec sileri debet *Hieron. Cardani* monitum lib. 17. de rer. variet. cap. 97. Moschum per se odoratum, ladani &c. tamen parti permixtum, si hujus odore moschatatus obtundatur, falsi indicium præbere. Quod sanè ita se habere facillè crediderim, ita ut Moschus exigua, vel etiam pari ladani quantitati mixtus, si hujus odor alterum illum occultet, meritò falsus aut effectus reputari queat ; cum econtra tamen ladani magna portio addita odorem moschatum in genuino etiam quodammodo obtundat, sicque infidum suspeditare posset judicium.

Cæterum bonitatis ab odore petittum argumentum tantoperè placuit *Wolffg. Høfero*, ut solà fragrantia excellentià dignosci eam posse, certum judicaverit : *Tot enim, addens, fraudulentorum hominum sunt deceptiones, ut neque sapor, neque color, neque gravitas, vel levitas, soliditas, vel friabilitas dolum detegere sufficienter possit.*

Qua in fragrantia, eaque nativa & propria adquiescere, stat sententia, ita ut illa confertim nares subintrans, graveolentiam potius præ se ferat, eminus

aus tamen ob latè dispersos suaveolentes spiritus , qui cominus erant concentrati , singulari gratiâ olfactui blandiatur. Cui odori si ex reliquis supra adductis signis aliqua notatu digniora , veluti integritas folliculi , sapor amaricans &c. respondeant , eò majori certitudine Moschi puritas elucescat ac demonstrabitur.

## CAPUT XIV.

### *De qualitatibus Moschi.*



**Q**ualitatum & temperierum doctrinam à *Paracelsi*, *Helmontii*, aliorumque vilipendio vindicaturus *Exc. D. Wedelius* noster in doctiss. suo de Medicament. facult. tract. lib. 1. sect. 1. cap. 1. citra ejusdem cognitionem impossibile judicat, partibus humani corporis solidè posse succurri, utpote quæ calido innato instructæ subiectum sint Medicinæ, quod ideo à medicamentis vel intendatur vel deprimatur. Quo ipso tanquam indestructibili fundamento innixus de Moschi temperie & qualitatibus agere jam instituo.

Calidum autem esse eum & siccum, cunctorum unanimis est confessio. Calidum esse nemo dubitat, & etiam caliditate insigni, quod sanguinis concoctio indicare potest, præter experientiam, quæ rerum magistra est. Si enim corpori nostro adplicetur, manifestissimè calefacit: uti *Brasavolus* loquitur. Ut verò de sanguinis dicta concoctione, insignem caliditatem indicante, revera tamen dubia multa involvente, nihil dicam, de experientia tamen non est dubitandum, quâ, ex *Galenii* sententia lib. 2. de aliment. facult. cap. 61. si quis ipsam cum propriis limitationibus feceris, facultas ipsa planè invenitur; ubi etiam odore atque sapore plantarum temperamentum omne statim ostendi edocet; & lib. 4. de simpl. medic. facult. cap. 21. odorata omnia calida demonstraturus, eorum substantiam esse vaporosam, vaporum autem copiam à calore provenire determinat. Licet idem lib. 2. cap. 3. non quidquid benè redolet, calidum esse vel calefacere adstruat; quod tamen lib. 4. cap. 23. explicat, scribens: *Odorata tenuia utique sunt quadantenus & calida: verum ejus tenuitatis caliditatemque quantitas haud etiam indicatur. Porro maxima potissimaque causa, quamobrem in odoratis nihil evidens de temperatura indicari queat, inæqualitas est substantia; id quod postea Rosæ exemplo illustrat. Scilicet quasvis particulas odoratas esse calidas, nec Galenus, nec alii negant,*



negant, adjunctas tamen frigidas præpollentes vigorem istarum quasi enervare, & quò minùs calefacere vel possint, vel sentiantur, efficere, haud vanè creditur. Id quod de Moscho dici neutiquam debet, in quo particularum calidarum exuperantiam odoris fragrantia constans, insignis & quasi vehementis abunde ostendit. De cujus itaque caloris gradu, non neglectà alterà illà passivà, eaque, omnium consensu, sicca qualitate, jam potius dispiciamus; in quo assignando dispares admodum foveant sententias.

*Ebn Sina* calidum & siccum ordine secundo ( licet in lib. de Medicin. cordial. eidem adscripto, tract. 2. cap. 3. tertius ei gradus assignetur, ) constituit, quem *Constantinus Afr.* lib. de grad. medic. *Platearini* &c. sequuntur. Plurimis tamen aliis ab eo recedentibus, & tam activam, quàm passivam, qualitatem aliter proponentibus. Illas enim in tertio gradu collocant *Aali Ebn Abbasius* sive *Haly Abbas* theoric. lib. 5. cap. 33. *Isaacus*, Medicus Hebræus, *Israhela* ideo dictus §. theor. cap. 104. *Mescha* apud *Serapionem*, & *Sim. Sethus* l. d. cumque iis *Joh. Prevotus* de remed. mat. &c. Quos postea siccitatis ratione sequebantur *Amatus Lus. Petr. Andr. Matthiolus, Joh. Jac. Weckerus, Joh. Renodius, Joh. Schröderus, & Joh. Georg. Macasius*. Quæ opinio nec *Ebn Sinam* latuit, nonnullos ( confer. *Serapio*, ) siccitatem ejus intensiorem perhibere, scribentem. Est tamen & qui primi gradus siccitatem, adjudicat, videlicet *Joh. Guintherus Andernac.* de Medic. vet. & nov. comm. 2. dial. 5. Ubi difficile satis videtur negotium, tam differentes circa *ῥედων* Moschi versantes conciliare velle sententias. Veruntamen componi forsitan poterunt, si tum varii eum colligendi & parandi modi, ætatisque differentiz, tum multarum ejusdem adulterationes &c. perpendantur, pro quorum omnium diversitate diversos quoque eum sortiri temperaturæ gradus, satis est probabile. Purus enim qui ex folliculo Animalis depromitur, procul dubio majorem caliditatis & siccitatis gradum obtinet illo, qui ex reliquis simul partibus admixtis concinnatur, cum præsertim majori odore polleat, & minori in dosi operationes suas perficiat. Etatis ratione, vires ejus & calorem multum immutari, probatione ullà haud indigebit, evincique illud cum aliorum simplicium, tum ipsius Moschi quotidiana inspectio, ita ut antiquiori, præsertim non exactissimè custodito, multas odoríferas & simul calorificas decessisse particulas, comperiatur. De Moschi etiam adulteratione testem adduco *Ul. Aldrovandus*: *Adparet variare aures in designatione temperamenti propterea, quòd diversimodè corrumpitur atque vitatur.* Quæ ipsæ nempe fraudes in causâ esse possunt, ut modò ca-  
sidior, modò in calore remissior occurrat; illius, cum aromatibus acrioribus, maci, caryophyllis, &c. hujus, cum sanguine columbino, &c. permissio-

ne exemplum suppeditante. Mihi itaque, puro & selectissimo secundi gradus finem, cum *Averrhoë*, adsignare libet, quia sensibilibiter quidem, sed citra manifestam læsionem calefacit; ita tamen ut ad temperaturam maximè corpus, ceu fieri æquum est, habeatur respectus, si enim periculum in calidiori fieret, absque ullo dubio ad tertii gradus medicamina calida foret referendus, cum notum sit, quantas in tali subiecto molestias & læsiones, dolorem capitis &c. inferat. Unde *Haly Abbatem*, & qui cum eo sentiunt, vel hujus phænomeni considerationem habuisse, dicendum est, vel, quod pro conciliatione reliquorum commodius dici posset, finem gradus alicujus sæpe à Medicis initium sequentis, & ita finem secundi initium tertii adpellari. Ita ut *Ebn Sinam* &c. finem secundi gradus innuere voluisse credamus, quem sanè *Averrhoës* lib. 5. Collig. expressè denominat; reliquis ad tertii gradus principium respicientibus. Idem siccitati ejus adplicare si velimus, fortè non errabimus.

In secundis qualitatibus ejusdem λεπτομερέια inprimis, sive tenuitas partium consideranda est, quam & *Ebn Sina*, & *Sim. Setbus*, pluresque alii ipsi adscribunt.

E quibus jam attenuandi & discutiendi, secundùm *Schröderum*, *Masum* &c.; dissolvendi & consumendi juxta *Platæarum*; pituitam præparandi, ex *Primerasio*, *Riverio* &c. vires elucescunt; quæ tamen omnia, prolixius deducere ac demonstrare superfedeo, cum de iisdem in seqq. ubi de viribus vel facultatibus ejus in specie agetur, commodior passim sese offerat occasio.

Utrùm adstringendi aliquam habeat virtutem, meritò hic inquiritur, quam utpote haud obscurè quidam eidem tribuunt. Tradunt, *ambram muscum*, *slypticam* habere virtutem: verba sunt *Marsilii Ficini* lib. de vit. cap. 9. Ast vel Musci vegetabilis vim adstringentem, & nominis ejusdem in Moschum nostrum derivationem induxisse erroneam hanc opinionem, est credibile, vel etiam virtus Moschi corroborans passim decantata, ut tale quid fingeretur, ansam præbuit, dum multi cum antiquis illis Methodicis, à *Galeno* de opt. lect. cap. 51. memoratis, omnem confortandi vim unicè adstringentibus adjudicare solent; quanquam veritati minùs hæc esse consona, alii jam ostenderint, imò nec tenuitas partium, quæ in eo præpollet, facultatem ejusmodi admittat, nec terrestres, quæ eidem commistæ sunt, ullum adstrictorium saporem præ se ferant, terræ mortuæ & evanidæ proptus instar hæc ex parte se habentes, quin & ipse effectus contrarius repugnet, quo, ab ejus usu sanguinem aliosque humores in motum majorem consistari, atque, ut quâ datâ portâ crumpant, agitari ac stimulari, experimur.

**Præter**

Præter manifestas vires, nobiliores atque occultas, si ita loqui cum nonnullis liceat, eundem obtinuisse, vel inde colligere quis posset, quod Alexipharmacorum numero adjungatur, & quidem non saltem specialiorum, sed & generaliorum vocatorum classi, prout paulò post pluribus disputabitur,

## CAPUT XV.

### *De odore Moschi.*

**L**icet ordinis ratio, in præced. CAP. de Moschi odore ut ageretur, requirere utique videatur, cum tamen excellentia ejusdem diligentior investigationem mereatur, cujus utpote beneficio eum, in quo nunc residet, gloriæ thronum occupat, singularem ei locum tribuere æquitas postulabat. Imò non tantum odoris ob præstantiam id fieri debeat, sed & unice eidem vitam suam cum debeat.

Quod *Philipp. Theoph. Paracelsus* clariùs expressit, Moschi vitam non in alio, quàm suavi ejus odore consistere innuens, quo amisso, mortuus & evanidus reddatur. Sic enim lib. 4. de vita rer. natur. loquitur: *Der Aromatischen Dinge Leben / als da ist der Dysem / Ambra / Zibertha / und was da einen starken sieblichen Geruch hat / ist nichts anders / als ihr gueter Geruch / dann so sie denselben verlieren / seyn sie todt / taugen noch solchen nichts mehr.* Cui adstipulatur *Joh. Bapt. Helmontius* tract. Tria prima Chim. princip. &c. §. 84. *Muscu*, scribens, *et aromata moriuntur, si crasis abscesserit, licet corpus in se sossus manserit*; Crasin autem optimam rerum partem, & in specie aromaticorum ipsum odorem aromaticum esse, in præcedd. innuerat. Quamvis nec in terrestriore corpore illo, particulis odoriferis casso, omnis propterea virtus Medica exulet; prout sanè vix ullum. Caput, quod Chemicis ita dicitur, mortuum omni virtute medicâ destituitur, sed respectu tantum ad priorem, quam in vita, ut ita loqui liceat, possidebat, facultatem habito, cadaver adpellari meretur. Sic Moschus, à quo temporis edacitas odorem abstulit, sapore adhuc amaricante pollet, & in ignem si conjiciatur, foetidum eructat fumum, signo ubique evidentissimo, non simplicem evanidam & damnatam esse terram, sed revera adhuc sale, & sulphure aliquo imprægnatam; cui illud *Cl. Bernhard. Svalbii* competit, in *Disquisit. therap. general.* prolatum: *Spiritus solos natura non produxit; etiamque ex fece remedium exurgit,*

Ceterum Moschus, dictante subtilissimo J. C. Scaligero exerc. 21. *rerum omnium odoratissimus, simul earundem omnium acutissimus est.* Acutissimus quidem, quod odor omnis citò penetrans, & foriter celeriterque sine fastidio sensum feriens, acuti nomen apud quosdam meretur; idque Moscho competere, nemo, qui experientia non repugnaverit, negabit. Odoratissimus verò, cum nullum ex Simplicibus in Naturæ regno amplissimo detur, quod odoris suavitatem, magnitudini junctam, eum superet, adeo ut ejusdem intuitu ipsa Ambra, Zibethum, & Opobalsamum inferioris conditionis esse reputentur. Ita Joh. Guintherius Andernacum l. c. Moschum odoratiorem quàm Ambram esse disertè proficitur. Et Haly Abbas d. l. actionem hujus odoriferam, Moschi actioni esse proximam, scribit, ita tamen ut ei in actione subiacet. Sed non opus est, plura congerere testimonia, cum nares cujuslibet sibi ipsis testes sint omni exceptione majores; unde Ambra odorem sine nostro odoramento debilem admodum esse, communiter edicitur. Neque etiam Ambra suavitatem, quàm tamen, simpliciter concesserim, si nempe dispersa magis Moschi atomi cum ea conferantur. Licet concentratarum odor si expendatur, faciliùs accedam Fallopio, de Moscho scribenti: *Superat omnia aromata: adest quoddam aliud cui cedit suavitatem, sed nullam habet se majorem vehementiam junctam suavitati; quadam vehementiam, non suavitatem habent; sed nullum est, quod aequè junctam hac habet.* Reperitur odoramentum, & est ambra, sed non ita validum est. Ubi tamen diversorum nares diversum quoque de suavitatis prærogativa judicium ferre posse scio, cum, uti in aliis, sic in his etiam non omnibus æquè placeant omnia. Hoc interea certum est, tam gratum, amicum & desideratum esse utriusque odorem, ut duo ista Simplicia conjungi in compositionibus medicis ut plurimum experiamur, particulis eorum ita se invicem permiscensibus ac temperantibus, ut gratissima inde prosurgat fragrantia, & unum videantur esse Simplex, unamque etiam spirent *ευωδια*, nec omnimodè divellere ista ullâ arte sit possibile. Quò fortè Huseinus fil. Mansuri, à Muelladiro Bagdadi Ann. Hegir. 309. sive A. C. 921. crucifixus, respexit in versu, cujus aliorumque similium causâ mortem subisse, Georg. Elmacinus refert:

*Ligatus est spiritum tuum cum spiritu meo, sicuti ligatur ambra cum moscho puro.*

Siquidem mox subjungit:

*Cumque prehendo quidquam, ecce tu ego non separamur.*

Noe

Hoc enim archissimam & fidelibus suavissimam Divinitatis cum humanitate conjunctionem, sive CHRISTI salutiferam incarnationem exprimere si-  
bique adplicare unà voluisse cum, reliqua ab *Elmacino* prolata haud obscu-  
rè indicant.

Porro Zibethum recens tetris & horribilis esse odoris, postea verò  
successu temporis ex se non minorem, ac Moschum, spirare, non adeo ta-  
men suavem, *Amatus Lusit.* benè decernit.

Opobalsamum orientale odorem efflare suavissimum, cum *Alpino* con-  
cedit *Joseph. Donzelinus*, sed intra suum proprium Refinarum genus, ita ut  
illas inter sit odoratissimum, ideoque Opobalsamum Moscho suavius olere,  
negat in Apolog. ad suam de Opobals. synopsi. cap. 3. Et Cl. *Joh. Veslingius*  
in Opobals. Vindic. pag. 20. 21. contra *Petr. Servium*, laudatis hoc ævo  
præcipuis Odoribus illud præferentem, hoc modo perorat: *Dissuadebit rem  
omnem, quinquè discernendus odoramentis, non tantum rationis trutinam, sed  
bonè temperatum quoque sensum attulerit: Mihi quidem selectum Opobalsamum  
odoranti (odoratus autem sum frequenter) eximiam semper fragrantiam inges-  
sit, optimi olibani, myrrhaque εὐοσμιά superiorum. Non eam tamen, quam  
simplicium vel ambræ, vel moschi eminens perceptu odoribus præstulerim, quos gestan-  
tium corpori, aut vestimentis conciliant. Et: Habeat Opobalsamum, limatissimo  
Theophrasti judicio, præstans quid, & odore excellens, sed inter ὀσφύριες  
δακρυώδεις, lachrymales humiditates, quales abietis, pini, terebinthi, lentisci,  
olibani, myrrhæ, & si quas hujus ordinis alias Eresia Suada recenset, longè retrò  
actū seculi cognitas; quibus non dissimilia pag. 47. contra *Stephanum de  
Gaspars* innuit. Confer. ejusdem *Veslingii* annotat. 19. propulsi. physicar.  
oppugn. dicti *Stephani*; & *Baldi Baldi* Rom. Opobals. propugnat. f. & 3.*

Unde verò odoris hujus natales deducendæ sint, nunc inquirendum  
venit. Ubi tamen controversiam illam: An odor mediante corporeo a-  
liquo halitu à re odorata emanet? prius tangere utique necesse erit. Id  
quod cum *Galeno* plures adfirmant, & nostro tempore tantum non omnium  
ritè philosophantium est sententia, ita ut qualitas odorifica ad sensorium o-  
doratus cum corpore delata sensationem istam ibidem efficiat. Contradi-  
centibus tamen Peripatheticorum plurimis, omnem odorem, sicque etiam  
moschatum, nudam solummodo esse odoris speciem, reagentibus, à re o-  
dorata planè spiritualiter, sive, uti obscurius & termino intellectu vix con-  
cipiendo loquuntur, intentionaliter prodeuntem. Quamvis autem ipse  
odor, in propriissima sua significatione, & quatenus à sensorio percipitur,  
ævera non sit substantia, sed qualitas potius dicenda, hæc ipsa tamen quali-

tas nunquam merè spiritualiter sive intentionaliter, sed mediante corporeo aliquo subiecto, odoratus organo, à Nobil. D. D. *Conr. Vist. Schneidero* in libello de Oss. cribriform. præ aliis dilucidato, imprimi potest; quod scilicet subiectum ita comparatum esse debet, ut qualitatem illam sensui communicare queat. Sive, ut verbis *Anton. Santorelli* lib. 9. de sanit. natur. cap. 18. loquar: *Oder est non sit exhalatio, fundatur nihilominus in vapore; aut cum Joh. Magiro* lib. 6. Philosoph. Peripath. cap. 9. dico: non me statuere, odores ipsum defluxum corporis & substantiam esse, sed substantiali & corporeo subiecto inesse ipsos in aëre. Neque obstant, quæ hisce communiter olim obijciebantur, videlicet: 1. ab effluxu illo substantiæ vaporosæ, sive, ut alii vocant, fumosæ, necessariò subiectum odoratum imminui debere & contabescere; id quod non fieri, ipsius Moschi exemplo confirmare nonnulli nituntur, quos inter præcipuè est *Sylv. Ratray* de symp. & antipath. Imò ob vastissimum, quod sæpe, & quidem diutissimè, implent spatium Odorata mole perexigua, tantæ corporali expletioni imparia futura, etiamsi tota in vapores resolverentur. 2. Si corporeus esset ille vapor, fieri non posse, ut per quingenta milliaria, si nonnullis credere volumus, ex odoratu multorum cadaverum vultures eò advolasse compertum sit; prout etiam *Plinius* lib. 10. Hist. natur. cap. 6. ex *Umbricio*, Aruspicum illius ævi peritissimo, triduo aut biduo ante advolare eos notet, ubi cadavera futura sunt. 3. Pisces quoque in aqua odores percipere, dum verò odoris natura in sicco & calore elaborato consistat, atque exhalationes sursum adscendant, neque ad fundum aquæ pervenire eum posse, neque integritatem suam in aqua conservare, cum aliàs res odoratæ, si humectentur, odorem amittant. Quæ speciosa equidem satè adparent, facili tamen operâ enervari possunt. Nam 1. Moschum odoris sui exhalatione non imminui, licet quidam statuunt, sunt tamen vicissim alii, contrarium qui adserunt. Et quidem perceptibilem ac valde visibilem eam in Moscho deprehendi, Ill. Com. *Digheus* in Orat. de pulv. symp. tradidit. Id quod oculari etiam fide comprobatur. Respondemus scribit *Sanctor. Sanctorius* Comm. in art. med. Gal. quæst. 57. odorabilia semper solvi & pondere diminui: Si enim pomum hodie ponderaveris, die sequenti illud invenies minoris ponderis: Similiter muscum non occlusum citius minuitur. Et: Si hodie perpendamus lance exquisitè muscum, cras erit ponderis minoris. Conferatur Ill. *Rob. Boyle* de Athmosph. corpor. consist. Audire quoque hac de re lubet *Horat. Augenum* tom. 1. Epist. med. lib. 3. ep. 2. ubi substantiæ à rebus odoratis effluxum aliquando admodum esse sensibilem, aliquando verò sensu imperceptibilem, scribens, addit: Si tenuior est materia, magisque ignea, effluvium sit insensibile, ut in mosco, ambra,

*ambra, & reliquis, quod ex his exhalet quadam substantia, hinc videre licet; quod si hac odorata aliquo tempore teneantur sub dio, odor amittitur, ac ab illis rebus evanescit: si vero clausa retineantur, ut non respirent, longissimo tempore odor conservabitur.* Et licet ob vastissimum spatium, quod Moschi granulum exiguum odore suo adimplet, impossibilis substantiæ corporeæ (quam *Hellmontius* voce: *Gas*, exprimit, uti tr. Magn. Oport. §. 36. *Odor non dispergitur sine odorabili, quod est Gas rei*) resolutio, cumque odore præsentia videatur, si tamen rerum aliarum in minutissimas atomos, cæca corpuscula *Lucretio* eleganter dicta, divisionem contemplerur, non incredibilis adeo adparebit amplius. Sic *Digbaw*, omne corpus, etsi minimæ sit quantitatis, in infinitum dividi posse, scribens, non quidem quod actu infinitas partes habeat, sed possit semper in novam partem dividi, nec tamen ad divisionis finem perveniat, exemplo 3j. auri comprobatur, quam bractearius in mille vel longè plura folia attenuat, è quibus folium dimidium ad deaurandam superficiem massæ argenteæ trium vel quatuor unciarum sufficit, hancque ipsam deauratam massam illi, qui aurum & argentum nere solent, in filam ducunt tam longa & subtilia, quantum quidem fieri potest; qua tamen in longitudine nullum reperietur vel unius atomi spatium in sua superficie quod non sit planè deauratum; Imò autem, subiungit, in quos atomorum decies centena millia inaurata hac linea discendi forsiculâ posset? Idem de stupenda Auri extensione experimentum, cum plurimis aliis, in libello, quo miram effluviarum subtilitatem evincit, Nob. *Boyle* protulit. Quod pertinet, quod *Joseph. Galkaratius* System. renov. physiol. medic. lib. 1. cap. 7. pag. 62: in thuris grano combusto, pisi magnitudinem non superante, *Magnenum* sagacitate suâ demonstrare ceterat, fuisse atomos elementales ad minimum 7776000000000000. (quâ calculi certitudine, oculatiores dispiciant.). Consul. etiam magnus *Dan. Sennertus* Hypoynem. phys. 3. cap. 2. Quamvis de relatione illa, vultures, quinginta licet miliarium spatio diffisos, multorum ad cadaverum odorem advolâsse, dubitari utique posset, ut tamen hac in re faciliores se præberent alii, volatilia ista non ab odore allecta, sed aliâ occasione impulsâ illuc venisse, aut alè volantia, cum sint acuti visus, corpora ista interfecta vidisse, aut denique etiam evaporationem ex eisdem cadaveribus elevatam à vento in distita loca fuisse impulsam, vulturesque odoris præstantiâ commendatos, juxta tritum, quamvis non per omnia adeo verum, versiculum:

*Nos aper auditu præcellis, aranea tactu,*

*vultur odoratu, lynx visu, simia gustu:*

allicere suspicantur, Id quod sanè prælaudatus *Digbaw* illustri exemplo clarum

clarum ex parte reddidit, dum odorem roris marini, qui ex parte Hispaniæ efflatur, maxima intervalla penetrare refert, seque ipsum ter vel quater has oras præternavigando semper observasse, quod nautæ ad unguem quasi teneant, quando 30. vel 40. miliaribus ab hac regione absint, idque ex fragrantissimo roris marini odore illinc efflato. Imò, subjungit, ego etiam ipsemet odorem hunc aquè valide percepi, ac si avulsam roris marini ramum manibus tenerem; accidit autem hac nobis res duobus vel tribus ante diebus, quàm in conspectum terræ propeheremur; tandem, adverso tum temporis vento se, fuisse usos, fatetur. Et Boyleus, ingeniosi cujusdam viri in Indias Orientales profecti relationem cap. 4. de Natur. determin. effluv. adducit, quâ ad littus insulæ Ceyloniæ, cinnamomi & fragrantium gummi copiâ sarnigeratæ, adpropinquantibus ventum tum fortè à littore reflantem, advenisse ab insula aërem omnino odoriferum, narratur, quanquam complura miliaria (fortè viginti aut viginti quinque,) à littore adhuc distarent. Et hæc ipsa odoris in hanc illamve partem à ventis agitatio substantiæ alicujus præsentiam evincit; qualitates enim sic dictas intentionales à ventis non moveri aut impediri, sunt qui animadvertunt, dum ex gr. medio in eorum furore qualitatem visibilem nihilominus perfectè ad oculum deferri observant, ac si tranquilla forent omnia, cum e contra vento adverso odor quidem ad naves feratur, in oppositam verò plagam tendente, planè non perlentiat. Plinius autem omnino nihil huc facit autoritas, partim ex aliena fide illud memorantis, partim meram aruspicinam, ideoque insignem vanitatem involventis, imò de odoris natura nil quidquam insinuantis. Vid. quæ hoc de efflato Pliniano differit Jul. Casserius Placentinus lib. 3. Anatom. sect. 2. cap. 10. & Ulyss. Aldrovandus lib. 2. Ornitholog. cap. 1. 3. Licet odoris naturam in sicco esse fundatam, concedatur, siccum tamen illud cum humido absque sui destructione commisceri vel confundi posse, nemo, qui sensum integritate pollet, negare potest, quod vel numerosa aquarum ex rebus odoratis destillatarum series sufficienter evinciat; imò exigua satis Moschi particula in magna aquæ quantitate diluta odore suo eandem egregiè imbuat. Exhalationes etiam sursum ut plurimum ascendere, conceditur, si nempe sibi selinquantur, & tranquillo in aëre placidè evaporent, ubi tamen hunc ventus &c. agitaverit, tam sursum, quàm deorsum, & quaquaversum, impelluntur, quod in aqua, piscium ferace, nunquam omnino immobili, nullo modo negari potest. Res autem humectatas odorem amittere, omnem est contra experientiam, ut etiam plurimæ antea quasi inodoræ, ab ejus irrigatione odoratas exhalationes spargant, sic ipsa Salia volatilia, omni phlegmate orbata atque ita eleganter fixata, quamprimum liquore aliquo humectan-



nectantur. Pisces tamen, ut hoc quoque moneam, non tam odor rerum, hamo junctarum, quam earundem species, per aquam diaphanam ad oculos eorum delata, sæpius allicere videtur. Quod si immaterialis vel intentionalis tantummodo esset qualitas, ablato corpore odorato, statim etiam odorem cessaturum esse, merito opponitur, cum tamen contrarium fieri, facili negotioprehendatur; Moschus quippe vasculi alicujus fundo impositus, bambacem in summitate, ita ut illum non attingat, locatum odore suo imbuat, tamque constanter, ut ab omni Moscho dein remotissimus diu nihiloscus eandem fragrantiam exhibeat, id quod absque corporali molecularum odoratarum communicatione fieri, nemo imaginari sibi poterit. Alia plura, quæ pro hujus adlerti confirmatione passim adducuntur non omnia contemnenda, brevitatis causâ omitto.

Cæterum odoris suavitatem à siccitatis exacta cum humiditate proportionem, aut secundum alios, ex æreis partibus ab igneo calore exactè mixtis provenire, illi statuunt, qui olim primis qualitatibus nimium tribuere consueverunt; à qua optimè temperata & elaborata substantia dein corpus aliquid vaporosum *Galenus* &c., fumosum *Heracitum* & *Plato*, intentionalem speciem *Aristoteles* emanare docebant. Quam exactam mixtionem, vel proportionem à coctione, cujus instrumentum est calor, proficisci, communior est adlertio. Namque per coctionem suaviora omnia & odoratiora fieri, cum ex opposito imperfectam coctionem foetida designent, tam à Medicis, quam à Philosophis plurimis hætenus fuit creditum. Et hanc in Moscho à calore externo, Solis scilicet ærisque peragi, *Serapio* & *Sethus* existimant, quorum vestigia magnus Scriptorum numerus etiamnum premit, Moschum, per se & naturâ suâ foetidum, tractu demum temporis ab æris bonitate digestum, Solisque calore coctum & elaboratum in suavem, mutari, persuasus. Alii verò internum calorem respiciunt, quem in primis explicare conatur *Sal. Albertus* Orat. de Mosch. eundem in Animali nostro esse maximum, adlertens.

Cum verò à qualitatibus his primis odoriferarum particularum ortum deducere, multis improbetur, in alias atque alias subinde sententias itum fuit. Sic putredinem *Helmontius* tractatu, quo tria Chemicorum principia, neque eorundem essentias de morborum exercitu esse, docet, §. 81. Sinit, inquit, plura simplicia, quæ fragrantiam, quam ante sua in specie non habebant, inveniunt in sinu putredinum, qualia sunt Moschum, Zibetia, ambarum, Baccora quadam brutorum, atque ligna putrescentia. Fracido quippe varia illis suboritur, unde semina fragrantiam sibi hauriunt, transplantantque in novam generationem. Aroma ergo balsamo vite media alligatum, per partium separationem,

M

tionem,

tionem, in putredine non superatur, commodiusque è corruptis sequestratur: Quam putredinem in folliculario Moscho ego quidem agnoscere minimè possum, utpote quem sanguinem esse putrefactum haud facile concesserim, sed alium potiùs humorem à massa sanguinea segregatum, ibique collectum, ac innatà folliculi virtute sive fermento in odoratum istud liquamen elaboratum; non secus ac bilis in vesiculam felleam, & semen in vascula spermatica congeritur, quorum neutrum à putredine ullus hæcenus deducere ausus fuit. Scilicet in folliculis his sanguis convertitur in succum odoratum natura necessitate, *Bartholino* Volum. 1. Act. med. Hafn. obs. 58. adstipulante. De putredine autem cogitandi ansam præbuit erronea illa de præternaturali & apostematis in modum facta Moschi generatione opinio, quâ jam destructâ, altera etiam sponte corruiat. Si tamen putredinis vocem latius quis extenderit, ita ut mutationem solummodo seu alterationem designet, faciliorem is censuram merebitur.

Est ex sanguine etiam, vel carne &c. Animalis si paretur, modis nempe supra propositis, quin primas putredo quammaximè partes teneat, nullum est dubium, quâ nempe particulæ odoratæ, antea in sanguine, carne &c. delitescentes & subjugatæ, in libertatem vindicantur, non secus atque in vegetabilibus etiam inodoris Spiritus ardentibus odorati, & Salia volatilia per putrefactionem sive mixti resolutionem in actum deducuntur, atque à fixioribus inodoris secernuntur. Quam sanè volatiliū cum fixioribus arctiorem, connexionem ipsum Animal moschiferum ostendit, quod vivum, & antequam separationem istam subeat, odore moschato prorsus destituitur. Licet enim *Cardanus* illud, quod *Mediolani* mortuum viderat, totum jucundo admodum odore præditum referat, ob vesicam tamen connatam id accidisse, nec ipse diffitetur, & *Exc. D. Dan. Ludovici* pellem odore magis forinsecò fragrare existimat; cui meum etiam qualemcunque calculum adjicio. Imò si totum odore tali tantoque præditum foret, antequam per putredinem aliam naturam indueret, certè pro cibo vix intervire caro ejus posset, cum tamen à Stinis usui isti adhiberi *Martini* testetur. Tanti hoc argumentum fecit *Chioecum* in descript. Musc. Calceol. ut *Amati Luf.* sententiam de Moscho ex carne & ossibus Animalis parabili exhibilaturus, utriusque Indiæ incolarum carnem istam tanquam escam optimam in deliciis habere, *M. Pauli Veneti* testimonio, ex fide *Catelani*, memoret, quanquam tale quid à *Veneto* scriptum reperire ego nequeam.

Putredinis etiam magnam hoc in passu vim ipsa moschi exoleti à nonnullis credita per fœtores resuscitatio arguere posset, si vera essent, quæ cum in finem passim à nonnullis cum admiratione decantantur, Nam, scribente

*Plan-*

*Plateario, si odorem, siue aromaticitatem amiseris, positum ore aperto suspendatur in cloaca, & recuperabis odorem.* Atque odoris amissi vim in foetoribus atque latrinis recipere, contra foetorem eluctando, & sic quasi luendo reviviscere, ex *Isidoro* habetur. Multorum id experimento comprobatum, *Joh. Bravm* de sapor. & odor. cap. 17. addidit. Cautior *Jacob. Sylvius* similem odoris restitutionem proponens: *Si Plateario credimus, concludit.* Ego sanè, ut candidè fatear, minimè illud credo, nec etiam *Renodae* lib. 4. Institut. pharmaceut. cap. 12. credibile videbarur. Quin &, cum naribus meis hac in parte plenam ut adhibeam fidem, nihil prohibear, ipsèmet Moscho aëri liberiori per longum temporis spatium exposito, sicque omni odore spoliato, crassum istud artificium nihil suavitatis reddidisse comperi. Quod autem illud multorum experimentum attinet, quinam isti sint, ignoro, apud *Beinh. Dessennium* tamen cap. 6. de medic. compos. sequentia verba invenio: *Odorem deperditum cloaca fatore recipere dicitur, quod ego usu verum comperi.* Ne itaque mei experimenti veritatem infringam, fortè Moschum tractu temporis exsiccatum ideoque constiparis quodammodo & arctatis porulis atomos odoratas pauculas restantes arctius complexum, rarasque emirrentem, accedentibus fecibus humidis & volatilibus vaporibus reclusum, atque ideo copiosiori exhalationi aptum fuisse redditum, dicere licebit; cum aliàs idem hic valere mihi persuadeam, quod *Lindschottanus* notat. Moschum videlicet tempore corruptum, & odoris expertem, urinæ puerilis adspersione reviviscere, si modo aliquis vigor subsistat, uti *Salmuthus* interpretatur. Certè si omnes odoratæ molecule avolaverint, superstes corpus effoctum nunquam prioris fragrantiae ne minimum etiam gradum recipiet, nisi ab externo aliquo adminiculo novæ denuo in illud inducantur, quæ sanè à volatili isto foetore nunquam sperari debent.

Chimici ut omnis odoris præcipuam originem à sulphure deducunt, ita in specie boni odoris, & consequenter suaveolentiæ moschatæ causam in purioris sulphuris particulis referunt; quas tamen, si terminis eorum consuetis uti liceat, non sine salis & mercurii connubio esse, autumo, cum eorundem præsentiam & volatilitas & acrimonia abunde ostendant. *Chimici* ortum siue suaveolentia, siue odoris aromatici acceptum solet referri sulphuri puriori, ritè ac singulari concentu cum sale ac mercurio misto &c. scribit *Exc. D. Hermann. Grube* Comment. de modo simpl. medicam. facult. cognosc. sect. 3. art. 2. Confer. *Celeberr. D. Wedelii* Physiol. med. sect. 4. cap. 4. Ejusdem est sententiæ *Joh. Rudolph. Glauberi* part. 3. Furn. philosoph. cap. 26. Zibethum & Moschum fortem illum gratumque odorem à subtilissimo fœtali istorum spiritu urinoso (durch der Râsen subtilsten Urin-Geist) ad-

quirere statuens, quo nempe singularis in corporibus eorum pinguedo digeratur, inque odoratam ejusmodi materiam redigatur. Ut jam erroneam illam de moschato Animali, Catorum familiae illud inferentem, persuasione non reprehendam, num Moschus à pinguedine descendat, solum est tan-  
gendum. *Casalpini* sanè lib. 1. de medic. facult. cap. 13. *Multitudo, scribit, exhalationis odorata magis reperitur in pingui substantia &c. Moschus & Zibethum non sine pinguedine sunt animalium illa ferentium*; quod & jamdu-  
dum *Theophrastus* lib. 9. Hist. plant. cap. 1. docuerat, quæcunque nimirum aliquâ pinguedine constant, odorata esse, econtra pinguedine carentia sine odore provenire. Licet autem ex pinguedine propriè sic appellata, tan-  
quam ex materia, Moschum follicularium ( ut de altero illo ex ipso Anima-  
lis corpore elaborato nihil dicam, ) generari, neutiquam mihi persuadere, queam, pingues tamen & unctuosas, variasque alias sanguini partes inesse considerans, easdem compositionem ejus ingredi non penitus negaverim. Quod si sulphur & pinguedo à Chimicis pro uno hic accipiantur, prout sulphuri pinguedinem, & pinguedini sulphur tribui, non est ignotum, tantò faciliùs locum pinguedo inveniet. Accedit ipsa natura Moschi, quæ cum bile non parvam convenientiam ostendit, quinimo ex sanguine bilioso *Cl. Nathan. Highmore* Exerc. de pass. hist. cap. 6. generari dicitur, hancque multum oleosi & pinguis in naturali statu continere *Celeberr. D. Franc. de le Boë Sylvius* imprimis edocuit. Moschus etiam violentiori ignis examini subiectus, ut alia ex animalibus, oleum quoque foetidum eructat. Hoc itaque sulphur, vel hanc pinguedinem à sale volatili, omnibus animalibus concreto, sblutum, cumque eo unitum ac digestionem exaltatum, in odora-  
rum succum converti non est incredibile.

Tandem corpusculari Philosophiæ addicti moleculas figuratas mirâ quadam harmoniâ, uti *Cl. Grubius* loquitur, à natura inter se mixtas addu-  
cunt, quam *Exc. D. Joh. Ant. Linsdani* Meletem. medic. Hipp. part. 1. §. 126. dilucidat, odoratorum effluvium esse halitum quasi sulphureum statuens, qui si suavis existat, corpuscula habeat lævia, utpote quæ, organo dum in-  
feruntur, amicabiliter se gerant, ideoque illud demulceant. Et *Anton. le Grand* Hist. nat. part. 2. art. 6. suavem ex Moscho odorem ideo emanare refert, quoniam halitus, qui ab eo proficiscitur, filamina subtilia & flexibilia habet, quæ faciliè cerebri appendices penetrant, & absque ulla asperitate se ipsis insinuant, ita tamen ut corpuscula illa sulphure ac sale contineri certum reputet. Diversitatem autem effectuum non solum à moven-  
te materia subtili, verum etiam à motuum particularum figura & quan-  
titate sive magnitudine pendere, *Cornelius ab Hoghelande* in *Oeconom. a-*  
nim,

aiſm. admonet, unde fiat, ut aliter Moſchus, aliter Ambra, aliter Roſa naſum adſciant. Confer. elegantiffimus D. *Nebem. Grezzii* diſcurſus de natura, cauſ. & virib. mixtion. Eph. Cur. Anno X. additus.

Nec illi ſunt prætereundi, qui remotiora tantùm principia ſpectando, in locis, ubi nardus aliæque odoratiſſimæ plantæ naſcuntur, Animal hoc reperiri, illisque pro cibo uti obſervantes, odorem Moſchi præſtantem ab illis iſſis rebus aromaticis provenire exiſtiant. Unum omnium loco teſtem nomino *Ioh. Bapt. Portam*, qui *Phythognom.* lib. 2. cap. 8. Moſchi capreolum herbis odoratis paſci faſetur, ſpicâ nardi & myrrhâ, obque id ſanguinem ejus in umbilico collectum evadere in Moſchum; quæ ex *Elluchaſem* Tabulis primò eſſe deſumpta, nullus dubito, in quibus Animalia moſchifera, in maritimis locis commorantia myrrhâ, remotiora verò loca incolentia ſpicâ paſci traditur, quamvis quod de Myrrha refertur, vix apud me Adem inveniat.

Nonnulli ad occultas qualitates confugiant, quibus præcipuè *Andr. Libavium* & *Sal. Albertum* adnumero, quorum ille *Singular* part. 3. lib. 4. cap. 7. *Natura*, inquit, *inſita iſta proprietas eſt*: hic verò d.l. *ιδιοσυγκρασίας* Animalis moſchiferi neceſſariò cauſis reliquis, temperamento nempe, videlicet bonitati &c. adjungendam eſſe putat.

Mihi neque abſque ullo diſcrimine cuncta hæc jam prolata admittere libet, neque etiam penitus rejicere, habito nempe reſpectu tum ad materiam, odoratis iſtis effluviis emittendis atque conſtituendis aptam, tum ad cauſam, ad tale conſtituendum opus pro eadem requiſitam. Quoad illam, ſingularem ſiccarum, humidarum, ærearum & ignearum particularum mixturam & harmoniam non omnino damnare volo, utpote quas aſſe, ipſi ſenſus noſtri, natura & effectus Moſchi nobis inculcant, ita tamen, ut earum inſufficientiam & obſcuritatem nemo non, præconceptis antiquioribus opinionibus nimium non addiſtus, fateri cogatur; quam itaque Chimici ſulphure ſuo ac ſale, nec non Cartheſiani atomorum gratâ levitate, evidentiorum haud inani conatu reddere laborarunt, ut itaque Moſchum, præter cæteras heterogeneas partes, quatenus nempe eſt odoratus, moleculis temperatis, ſulphureis & ſalinis, iisque levibus conſtare, tandem concludere, queamus.

Neque negandum eſt, nardum, aliaque vegetabilia, ſive actu ipſo odoratas exhibeant particulas, ſive potentiâ tantùm tales contineant, ventriculi demum aliorumque viſcerum digeſtione vel fermentatione evolvendæ & in actum deducendæ, in Moſchi odore augmentando aliquod conferre poſſe momentum, odoratas nempe atomos ſuas moſchatis jungendo, vel in-

moschatas transmutandas suppeditando. Prout sanè alimenta magnam in corporibus animalium alterandis potestatem habere, nemo, qui vel à simplicitate economiam animale contemplatus fuit, dubitare potest. *Compertum est* idcirco omnibus, animalium carnes mirabiliter mutare colorem, odorem, saporem, consistentiam, gratiam, bonitatem, pro alimentorum, quibus vescuntur, naturae varietate. Nam calidiores, frigidiores: duriores, molliores: densiores, laxiores: suavior, insuavior: salubrior, insalubrior: minusve incoctibiles, & ad nutrimentum habiles: pro pastionis diversitate effici, ita notum est, ut neminem id lateat; & quae plura habet *Thom. Erastus* de Auro potab. Et memorari inprimis meretur, quod *Exc. Medicus Tigurinus, D. Joh. de Maralro*, non ita pridem per literas mihi recensuit, vaccas nempe & capras in Alpibus Helvetiorum, Muttelinam Pastorum, sive Meum alpinum umbellâ purpurascens *Cl. Cass. Bauhini*, edentes, non saltem butyrum, sed & carnes styracis instar fragrantis præbere; Confer. ejusdem *Bauhini* addit. ad *Matthioli* Dioscoridem lib. 1. cap. 3. & *Conr. Gesneri* hort. German. Quamvis soli pabulo fragrantiam hanc Moschi non esse adscribendam, *Libanum* & *Alberrum* sufficienter demonstraverint. Ut in specie non urgeam, de spica nardi & behmeni pastu relationem non planè extra omne dubium esse positam, quas sanè plantas in omnibus istis regionibus provenire, quæ Capreolos moschiferos alunt, adhuc probandum esset. Imò & aliis plantis inodoris eosdem inhiare, Tavernierianæ relationi debemus, quæ eos fame pressos tritici & oryzae novam segetem depascere constat, & supra jam Cap. IX. percepimus.

Causam verò materiam hanc odoratam reddens, calor potest constitui. Præterquam enim quod idem generatas jam & explicatas odoratas particulas movendo & agitando ad exhalationem impellit, easdem etiam, antea cum reliquis mixti crudioribus, fixioribus & figentibus particulis connexas, in libertatem ac volatilitatem adserit. Isque est potissimum, quem internum vocant, ab externo tamen adjutus, quandoque & in actum deductus, qui coquendo, digerendo, alterando, odoratasque particulas à cæteris separando & extricando, officio suo defungitur; non quod foetida quævis imperfectam coctionem designare, cum quibusdam, autem, cum v. g. Ala foetida, Opium, ingrato odore imbuta, interno igne illo coquente quammaximè abundant, externo etiam calore, in calidioribus utpote regionibus provenientia, nullo modo careant, & naturalis ac propria cujusque rei perfectio, quæ tam suaveolentiam, quam *aromaticam*, foctorem & graveolentiam complectitur, finis sit perfectæ concoctionis. Iste autem calor non tantum mitis & temperatus, sed & maximus interdum ut sit, requiritur, prout

prout nempe materia magis minusve resistit, & ad emittendas particulas odoríferas disponitur. Moschum tamen maximo calore indigere vix credo, quem temperatus potius & blandus generare valebit, neque enim ipsa Moschi substantia maximum calorem, si gustu &c. expendatur, ostendit, neque etiam folliculi situs & conformatio tam fervidi temperamenti suspicionem præbent, quæ potius blando fotu digerendo operam suam promittunt. Quod & in aliis Moschi speciebus, putrefactione imprimis productis, observatur, putredinem enim absque caloris intervntu dari, nemini unquam in mentem venisse puto, quæ tamen qua ratione hic concurrat, superius jam ostensum fuit. Quod si calorem quoque externum spectare libet, non aëre tantum sub calidiori, sed & temperato Animal nostrum reperiri constat, provinciis Sinicis: Yunnan & Xensi illud confirmantibus, istam enim, Lineæ æquinoctiali vicinam, præ reliquis Provinciis longè calidiori, hanc suavi mitique aëris temperie gaudere, constat, quo de v. g. videndus *O. Dapperus* in descript. regni Sinici.

Ast etiam si hæc omnia ita sese habeant, nihilominus intellectui nostro occulti quid subesse, tandem dicere haudquaquam vereor. Licet enim istis occultarum qualitarum, quas sibi nonnulli olim finxerunt, tenebris immergere me non laborem, revera tamen aliud adhuc, præter, jam dicta, superest, quod nec Peripatheticorum elementa, nec Chimicorum sulphur, nec Corpuscularis hypothesis hætenus satis explicuerunt; idque est ipse odor moschatatus proprius, quo talem suavitatem, nec aliam fragrantiam aliquam, qualem Ambra, Zibethum &c. impressionem organo odoratorio exhibet; quod interea, usque dum commodius aliud suggeratur, feminale principium, specificam virtutem & potestatem, à Summo rerum Creatore impressam, vocare lubescit. Quod cum non minus obscurum sit & intellectu non satis comprehendi queat, præstat tamen, humani ingenii imbecillitatem ingenuè fateri, quàm manifesta, sine omni luce, crepando, culpam quamcunque incurrere.



## CAPUT

## CAPUT XVI.

*De Moschi adfervatione.*

Um in CAP. præcedente viram Moschi in odore ejus consistere, dictum fuerit, & revera potiores ejus virtutes hinc descendant, quidquid ablationem & mortem ejusdem minatur, studiosè cavendum esse, sponte clucescit. Unde etiam de comodo cum adservandi modo nunc quædam subjicienda veniunt, ne præstantis medicaminis & odoramenti loco depravatum, evanidum aut languidum concrementum emergat. Idque non tantum hanc ob rationem, ne sc. aëri libero, in perpetuo motu constituto, negligenter expositus continuam subinde molecularum odoratarum exhalationem patiatur & languescat, sed &, quod negligentius custodito alieni quoque odoris molecule, non sine nativi aliquo detrimento, sese adsociant, id quod à lavendulæ oleo ipsi accidere, *Petr. Andr. Matthiolum* Comm. in Diosc. lib. 1. cap. 6. & *Anon. Mizaldus* in *Alexikep.* camp. 3. aræa 11. tradunt, tum quoque liberius ita exhalando, vicina quæ sunt ex simplicibus aliis, vasis & utensilibus, quod inficiat, non sine tædio & noxa illorum, qui suaveolentia ista averlantur, cum plerunque ex mulieribus hystericae sunt, ex viris, qui debile cerebrum habent. Unde, accidit quandoque, ut quidquid ex pharmacopolio adlatum est, agroti nauseent, quia, uti ajunt, *Σταγνύει*, juxta *Libarium* l. c. vel aliud periculum incurrant, quale strangulationis uterinae perpeffa fuit Venetiis Nobilis quædam à Sirupo, manibus odore Moschi & Ambrae fragrantibus parato, apud *Pist. Trincavellum* de compos. medic. lib. 2. cap. 3. Quare providè satis in *Statutis Medic. & Pharmaceut. Passav.* Anno 1586 edit. §. 12. Pharmacopoeis injungitur, ut Moschum &c. separatim & sedulo adservent, non alia inter medicamenta repositum.

Idem tamen adservandi modus non omnibus probatur. *Haly Abbas* Pract. lib. 2. cap. 57. medicamenta jucundi odoris in vasis argenteis, aut vitreis, quorum capita diligenter obturanda, adservare præcipit. *Saladinus de Asculo* in compend. aromatarior. omnes Species aromaticas in vasis aureis, vel argenteis deauratis, aut in porcellanis, vitreisve conservandas esse inculcat. Vitreum vas, spissum sive densum, & cerâ diligenter oblitum, vel potius plumbæum, ut frigida & humida hujus metalli qualitate cò magis

salvus



Salvus persistat, eligit, vel saltem duo aut tria plumbi frustra adponi jubet, & quò minus odore suo spoliatur, cavendum esse monet *Platearim*, ne quid aromaticum addatur. Pyxidem quoque plumbeam *Alex. Benedellus*, eamque cerà obturatam *Fuchsius*, *Sylvius*, & *Weckerus* commendant. Ad hoc ipsum pariter respexit *Henr. Smerus* lib. 9. *Miscell. medic. pag. 466.* dum pyxidulam plumbeam huic conservationi optimam judicavit, quia fit materia non tantùm frigida, sed & densa, & quæ contenta non nimis exsiccari permittit, quâ nempe exsiccatione non exigua effluviolum odoratorum deperditio contingeret. Plumbeorum e contra vasculorum usum *Libavius* proluxâ disputatione rejicit, cujus ipse compendium his verbis proponit: *Si moschus debet cerebrum & cor defendere, rectius in pyxide ex auro, argentoque; seu electro & succino conservabitur, quàm in plumbo, quod hydrargyri similes halitus exspirans, cor cerebrumq; offendit.* Verùm inanis hic adesse metus videtur. Licet enim plumbeos halitus ab omni noxa esse exemptos, minimè adstruam, eosdem tamen, nisi vehementiore calore plumbum liqueatur, & liquefactione hac poruli ejus aperiantur, spirituosæque noxiæ particulae unâ expellantur, neutiquam emittit. Neque tamen superstitionis adeo nos esse dect, ut Moschum necessariò in plumbeum solum carcerem (de addendis plumbi frustulis, ceu planè superfluis, ut taceam,) esse detrudendum credamus, cum & alia ex materia elaborata vascula scopo eadem optimè inserviant, modò ita comparata sint, ut nec porosa admodum effluviolum moschatorum nimium in se recipiant, eumque ita sensim depascantur, nec proprias particulas eidem communicent. Hinc neque argentea, cuprea, ferrea, si minima quævis curare animus est, pro recondendo Moscho electissimo & recentissimo probare admodum possum, metu, ne humidæ, acres quodammodo & urinosæ Moschi particulae substantiam, eorundem corrodingo, atque æruginem dein vel rubiginem ipso Moscho adfricando, qualemcunque labem & impuritatem imprimant. Aurea verò reconditoria ad pompam magis, quàm necessitatem faciunt; Cui tamen facultates suppetunt, pretioso thesauro pretiosum tale adaptare receptaculum, per me esto liberum. Majorem tamen inde in corde roborando sibi ne spondeat efficaciam, quâ ne hilum quidem ei cedit alius, in vilissimo etiam plumbeo adservatus Moschus. Vitrea quoque divitum, pauperiorumque facultates non despiciunt, si pura sint, officio non usque adeo amplo donata, cerà diligenter obfirmata, vesicâ & chartâ constricta, inque locum ab aère calidiori, humidiori vel liberiori, àque ventis satis alienum reposita. Sed cur *Platearim*, aromatici quid ne addatur, vel ne cum aromatico servetur, cavendum esse monuerit, causam subjungit,


N

quia

quia aromaticitatem suam amitteret, id quod in *Quirici de Augustis Lumin.* Apothec. distinct. 1. descript. 19. vel, qui sub Thesaur. Aromatar. simili-  
lem librum iisdem penè verbis edidit, apud *Paul. Suardum* etiam ex eo  
monitum invenimus, quasi scilicet vim suam & odorem amitteret, si cura  
speciebus aromaticis conservaretur, recuperandum, si in cloacam ponatur.  
Licet autem aliorum Aromatum viciniam & contactum Moschi odorem auferre, nemo facile concesserit, eidem tamen aromaticas alias atomos commisceri, sicque genuinum obtundere quodammodo, haud est negandum, ut ita vel hoc intuitu separatim instituta ejus repositio atter-  
di utique mereatur. Nec simpliciter negaverim, eum peregrino tali odore imbutum, in cloaca odorem suum proprium recuperare, vel potius denuo purum exhalare, avolantibus nempe in aëre liberiori & ampliori heterogeneis aromatum moleculis, quæ superficiem tantum Moschi substantiæ adhaerant, quibus idcirco evanescentibus, aliud radicatæ moschatæ atomi nares dein solæ iterum subeunt, ita tamen, ut Moschus una cum aromaticarum cæterarum fuga, propriarum etiam non exiguum jacturam perpetiatur.

Ceterum Moschum suo adhuc folliculo inclusum melius servari, quod præfati *Quiricus de Augustis*, nec non *Paulus Suardus* volunt, non est dubium, modò ipse etiam folliculus alio in vase, plumbeo &c. abscondatur, cum solus aliàs odoris effluvium cavere sufficienter nequeat.

Quamdiu verò absque virtutis suæ odoriferæ deperditione servari queat Moschus, si *Hieron. Cardanus* de rerum variet. lib. 17. cap. 97. consulemus, centum annos eundem durare, percipimus. Quamvis alii terminum hunc ad decennium saltem constrinxerint. Mihi hac in re nihil certi definire libet, aut licet. Etiam si in vase probè occluso, & ab omni aëris atque caloris accessu, qui odoratas particulas in motum concitare & expellere queant, si conservetur, plurimorum annorum ætatem sustinere posse, nullus ambigam. Ut itaque generali *Renodai* decisione præstet, adquiescere, quàm medicamenta, tam simplicia quàm composita, si sedulo ferventur, diutius durare: si negligenter, celerius senescere edixerat.



# C A P U T XVII.

## De incommodis Moschi.

**D**ifficillimum esse, invenire remedium, quod citra ullam læsionem & noxam magnificè proficit, jam olim Galenus 11. Meth. med. cap. 12. pronuntiaverat. Vel ut Ovidius lib. 1. Trist. eleganter expresserat :

*Nil prodest, quod non lachere possit idem.*

*Eripit interdum, modo dat Medicina salutem.*

Idque sua etiam ex parte esse verissimum, ipse pariter Moschus sufficienter ostendit, cujus immensas virtutes licet omnis deprædicet Orbis, salutaris tamen omnibus medicina nequaquam existit. Quapropter de incommodis, usum ejus haud rarò insequentibus, pauca quædam prælibare necesse erit, quò prudenter eodem esse utendum elucescat.

Antequam verò id adgrediar, principiò *Franc. Perlam*, Odoramentorum noxam in genere proponentem, audire juvat. Sic enim adnot. 2. Propuls. phys. oppugn. Steph. de Gasp. de Opobals. Odores, scribit, non modò quidquid profunt, sed si quid præterea obsunt, id ratione subjecti est, exhalationum nempe, quæ aut nimis copiosæ sunt, aut nimis calidæ & tennes; nam copiosa quidem caput implent, ejusque membranas distendunt, calore alterant & accendunt, vehementique tenuium partium appulsu irritant; ex quo sternutamenta commovent, excitantque dolores à distensione atque intemperie, & ad deliriaque interdum compellunt. Non admodum dissimile de Moscho ferendum est judicium. Ut itaque odoriferæ ejus atomi eâ, quâ pollent tenuitate, vel, ceu Moderni loqui amant, volatilitate, eaque non simplici salî volatili urinoso, sed & sulphureo quammaximè explicato atque activo adscribenda, non sanguinem tantùm biliosum in effervescentiam pronum, spiritusque agitent, & magis accendant, sed & tenuiores alios vitiosos humores in *opçiaçiov* ciant, à quibus dein variorum symptomatum ortus est pertimescendus.

In specie calidum offendere caput ac dolorem excitare, *Ebn Rasai*, vulgò *Rhasis*, *Sim. Sethi*, *Jac. Sylvii* aliorumque est opinio. Unde etiam cephalalgia inter causas Moschi &c. suavi odore alteratus aër sæpiùs à Medicis nominari solet, cujus specimen habemus in Celeberr. *D. Guern. Rolsincii* lib. 2. de dolor. cap. sect. 2. art. 1. part. 1. c. 25. Quò ideo nonnulli referunt aphorismum 28. *Hippocrati* sect. 5. aromatum suffitum, sive uti

N 2

quidam

quidam interpretantur, aromatum odorem *κρηβαρίας* inducere innu-  
 tem; & *Galenus* clarè satis in lib. de arte med. cap. 14. de calidi cerebri signis  
 agens, calidis cibis, potibus & odoribus caput impleri & gravari scribit.  
 Quod imprimis in biliosis ac cerebro imbecillo præditis contingere *Joh. Fer-*  
*nellius* lib. 5. Meth. med. cap. 21. atque moschatum odorem vehementiâ sua  
 & copiâ caput offendere *Joh. Placotomus* pag. 15. Pharmacop. monuit. Non  
 secus ac *Strabo* lib. 16. in Arabia felice eam odorum circumfluere copiam  
 refert, ut fastidium & *κρηβαρίας* inferat incolis Sabæis odoris adûdû-  
 tas. Quo intuitu hic quoque illud: Omne sensite excellens lædere sen-  
 sus, valere judicat *Exc. D. Wedelius* de medicam. comp. extempor. sect. 3.  
 cap. 5. Interdum tamen & absque copia ista eandem læsionem inducit, si  
 debile caput intæverit, & sanguinem biliosum vel mobilem admodum,  
 spiritusque facillè irritabiles offenderit, qualis constitutionis fuit Generosus  
 ille sexagenario major, qui ex Moschi &c. vel levi etiam odore statim de  
 capitis dolore, non sine narium hæmorrhagia leniendo, conquerebatur,  
 apud *Nathan. Highmorum* diss. cit. Et *Rob. Loyle*, hominem egregium, fir-  
 mæ, sed perquam sanguineæ temperiei se novisse cap. 6. de insigni eff. ef-  
 flux. scribit, qui violentos ex odore Moschi percipiat dolores, eundem ad  
 functiones subeundas aliquo modo ineptum reddentes. Ipse quoque Pi-  
 ctorem satis egregium, nativâ tamen capitis debilitate laborantem, ejusdem  
 mox dolore, non sine lipothymia præludiis, correptum vidi, cum vix vel  
 levem moschifici folliculi, aquis antea immacerati, odorem hausisset, ut  
 ita absque mora eundem denuò recondere, desinationemque, huic Operi  
 destinatam, ab alio deposcere cogeret. Ubi sanè cerebrum fragrantia mos-  
 chatæ minùs aduetum impressionem odoratarum aromatum eo promptius  
 perentiet. Quale insuetudinis nocivæ exemplum habet *Auger. Gulen. Em-*  
*bequius* epist. 1. Narcissis & Hyacinthis abundare Græciam, miro fragrantibus  
 odore, referens, sic ut, cum multi sint, odorum hujusmodi inductis ca-  
 put offendant. Hinc & aduetis odoribus fortidus haud difficulter quando-  
 que curantur, qui suavis penè fuerant enecli, quales depingunt *Levin-*  
*Lemnius* lib. 2. de occ. nat. mir. cap. 6. *Henr. Smetius* lib. 12. Miscell. me-  
 dic. epist. 6. *Zacutus Lusit.* lib. 3. Prax. admir. obs. 99. *Phil. Salmuth* cent. 3.  
 observ. med. 71. & *Petr. Borellus* cent. 3. obs. med. phys. 60:

Ex eodem fonte oritur, quòd Moschus catarrhos suscitare dicatur. Un-  
 de odoramentorum usum frequentissimum dissuadet *Dominic. Leonius* Art.  
 med. sect. 2. lib. 3. cap. 4. ne læso cerebro catarrhus excitetur. Nobiliss.  
 quoq; *Henr. Rançovius* cap. 4. de conserv. valet. odores nimis calidos impro-  
 bat,

bat, quia caput repleant & catarrhum generent. Quam repletionem à Moscho induci, credidit *Sanctor. Sanctorum* Comm. in art. med. Gal. quæst. 57. tum per se, exhalatione scilicet calidâ corporeâ, tum per accidens, quatenus cerebrum, ratione caloris, nova attrahat excrementa. Quamvis nec corporea illa repletio magni adeo momenti esse queat, cum paucis sæpe minimisque exhalatio ista consistet corpusculis, nec excrementorum attractio probari admodum possit, quam fusionem humorum potius adpellabimus, prout *Cl. Dan. Sennertus* lib. 1. Medic. præct. part. 1. cap. 10. res vehementer odoratas itidem caput replendo, atque humores fundendo nocere statuit.

Atque causæ huic paralytica quoque adfectio & tremor adscribi possunt, quibus Unguentarios esse obnoxios, *Guil. Rondeletius* Meth. cur. morb. lib. 1. cap. 23. advertit, ob Moschi nempe & Ambrae, vel aliorum odoratorum continuum usum, cerebri & nervorum substantiam, uti is loquitur, exsolventium.

Quam humorum à Moscho &c. fusionem etiam in Septentrionalibus populis, & frigidas regiones qui incolunt, agnoscit *Cass. à Reyes* Elys. jucund. quæst. camp. quæst. 84. quorum corpora esse corpulentiora, humidiora, & excrementosis cruditatibus referta putat, unde ab Aromatum sumtorum vel odoratorum calore crudi illi & excrementitii humores attenuentur, agitentur & contrahuntur, motique vapores crassos excitent, vertiginem & animi deliquia inducentes.

Et talis vertiginosa adfectio atque *καρναρπία* Hippocratica non admodum distat ab ebrietate, quâ nempe, uti *Juvenalis* Satyr. 6. canit:

*vertigine totum*

*ambulat, & geminū exsurgis mensa lucernā.*

Non mirum itaque, quod *καρναρπία* excitare Moschus dicatur *Libanio*. Postquam enim ejus & Ambrae odorem fortorem caput gravare perhibuisset, subjungit: *Ideo inebriantur citò, qui super ambrā & moscho bibunt, vel ex vasis ambram & moschum olentibus.* Modicum etiam Galie moschatæ in vino positæ suaviter inebriare, *Guilelm. Gratarolus* cap. 4. de vino prodidit, aut ut *Porta* Mag. natur. lib. 14. cap. 12. loquitur: *Moschum in vinum additum ebrietatem exasperat.* Spirituosa quippe spirituosos juncta, caput dum ascendunt, citius replent feriuntque, & sanguinem plus justò rarefaciendo vaporesque excitando, tum in reliquo corpore, tum in capite cumprimis turbare valent omnia, ac spiritus animales modò inordinatos in motus & confusiones compellunt, modò halituum è sanguinea massa elevatorum blandiorum copia quasi obruunt, & ad quietem componunt. Ut ideo nar-

oticum aliquod sulphur vel potestatem aliam in Moscho fingere , nequidquam opus sit. De Ambra eundem effectum præstante vid. Exc. D. *Juss.* *Fid. Klobii* histor. de ambr. quæst. 2.

Epilepsiam porro producere in nonnullis , quorundam est sententia. Sic *Joseph. Quercetanus* frequenti se experientiâ didicisse tract. Tetr. graviss. capit. effect. cap. 18. de epilepsia agens testatur , ejusmodi calefacientibus & odoratis remediis auctos potius & excitatos fuisse hos adfectus , quàm imminutos aut superatos. Causam quoque in eo sitam esse suspicatur , quod Moschus & similia odorata sint καρπασαγικά sive caput gravantia , & cerebrum opplentia , causasque plethoricas augentia. Licet verò rationem hanc non omnino rejiciendam putem , insufficientem tamen esse , quilibet judicabit , si epilepsiam non à simplici inanitione vel repletionem oriri posse , consideraverit , cum necesse sit , & aliam aliquam irritantem causam unâ adesse ; quam itaque hoc in casu sanguini bilioso , à moschatis atomis in fervorem actio & quasi excitato , suâque dein acredine , ab ipsis Moschi sulphureis particulis accedentibus adauctâ , nervosum genus debile & ad epilepticas convulsiones jam antea prorum irritanti adscribere præstat. Quin & immediato contactu suo nervis odoratoriis sese insinuantes illæ Moschi particulae , non omni , uti dictum , acredine destitutæ , membranofas maximeque sensibiles partes cerebri pungere , ut & intemperatos animales spiritus in motus irregulares compellere valent.

De lipothymia Moschi odori adscribenda paulò superiùs jam actum fuit ; & quilibet etiam sibi imaginari effectum illum poterit , si non tantum vim ejus in rarefaciendo sanguine , sed & biliosis ejus particulis exacuendis ruminaverit , quæ nempe in animi deliquio producendo non minùs locum habere Celeberr. D. *Franc. de le Boë Sylvii* lib. 1. Prax. med. cap. 35. imprimis edocuit.

Huc commodè uteri sic dictam suffocationem referemus , quam si non ipsam esse synopen , saltem haud multum ab eadem distare , Viri quidam doctissimi ostendere conati fuerunt. In quo uti plenum merentur adscensum , ita ab utero tamen symptomata illa horrenda , in morbo isto occurrentia , & speciatim suffocationis metum quandoque sumere originem , ideoque uterinam cognominari tunc posse , haud absolum videtur. Non secus ac alii quoque adfectus ; epilepsia , cephalalgia &c. uterina adpellari solent. Quâ verò ratione symptoma hoc à Moschi aliorumve suavi odore naribus hausto inducatur , plurimæ passim adferuntur opiniones , multis uterum singulari quadam proprietate & sympathiâ eodem delectari , & ea propter ad jucunditatem istam plenius percipiendam sursum moveri atque adscen-

adscendere, statuentibus, aliis verò in uterum malè adfectum culpam referentibus, ita ut caput ab odore percussum, uterum in consensum trahat, perturbet, & humores pravy in eo agitet, vaporesque indè susciteit, aut etiam vasorum obstructiones augeat, aliis autem aliter sentientibus; quæ tamen cuncta adducere, aut quid in eis placere queat, ostendere, nimia prolixitatis culpam hoc in loco incurreret. Mihi præ omnibus ingeniosa Cl. *Nath. Highmori* sententia hic probatur, sanguinis tenuioris, serosi & flatuosi, in feminis præcipuè cholerici, ebullitionem ac fermentationem, à Moschi tenuioribus, biliosis & igneis particulis admixtis concitatam, ejusdem in pulmonibus stagnationem, vasorumque distentionem & infarctionem, ac consequenter suffocationis periculum inducere, innuens; quam ipsam sanguinis rarefactionem & commotionem, spirituum quoque animalium à tenuissimis Moschi effluviis agitatorum impetuosior in illum insinuatō & commixtio insigniter valet intendere; à qua etiam turgescentium spirituum influentia fibras nervosas, & in specie cordis, multum distendi, contrahi, & sanguinem vehementius in arterias & pulmones propellere, aut etiam ob inordinatum & furiosum quasi adventum in motus irregulares ac convulsivos, ex *Willisi* doctrina, concitare possunt. Quàm creberrimè autem adfectus iste à moschato odore soleat descendere, vel aniculis passim notum est. Memorari tamen meretur, quod *Relationes* sive *Novellæ*, quas ita vocamus, publicæ A. 1667. Mens. Februario indicant, Antverpiæ nempe, trium vel quatuor mensium spatio puerperarum plusquam 120. ob sacchari usum, cui Moschus admixtus, vel saltem adpositus fuerat, Libitinæ censum ingressas fuisse, quod num verum sit, meum non est dijudicare, qui multis sæpe fabulis tales Novellas conspersas esse novi; saltem tamen non est impossibile, præsertim cùm Antverpianas feminas magis, quàm alias, eundem averfari, *Cass. à Rejes* l. c. testetur. Et cùm majori seminarum numero noxam hanc odor ille minuetur, rarissimè, imò nunquam Medicus eundem medicamentis conciliat, nisi probè ipsi priùs, hanc illamve ab eo minime lædi, constiterit.

Ab usu etiam moschatorum, uti conf. alkerm. in dispositis, non minis ac à melle, nasturtio &c. pollutionem nocturnam certò aboriri, monuit in. *Isteris* ad me scriptis Celeberr. *D. Wedelini* noster, sero in ὀρχασμὸν indè magis concitato, hujusque hinc flori, semini, causam tribuens.

In hæmorrhagia insuper qualibet, ubi sanguis sisti debet, Moschum fugiendum *Wolff. Hieron.* lib. 2. *Hercul. med.* cap. 3. admonet, vehementiâ odoris, tenuitateque eximiâ sanguinis fluxum adaugentibus. Oculum huç direxit *Hieron. Mercurialis* lib. 1, de comp. medic. cap. 15. dum Moschum,

omnium

omnium corporum odoratissimum, venenum esse existimat, si ut medicamentum intus capiatur, hac adductus ratione, quod sincerus naribus adpositus statim proliciat sanguinem, hinc & internè vi quadam insigni, quâ pollet in aperiendis vasis, obtenuitatem & acrimoniâ substantiæ, pariter sanguinis exitum esset procuraturus. Cui adstipulari videtur *Paracelsus*, lib. 2. de Tartar. cap. 3. in Comment. omnia, quæ generantur ex elementis, spiritum in se habere mineralem, suo more scribens, qui sit venenum: *sicue anthos, muscus &c. non tam nobilis, qui non in se etiam habet venenum: nam bonum & malum conjuncta sunt in omnibus rebus, quæ produciunt elementa.* Quod & *Helmontius* tract. Pharmac. ac Dispensat. modern. §. 44. confirmat, vix aliquid immune Naturam habere scribens, quod suum toxicum sibi clanculum admistum non habeat, ipsasque rosas & violas sub tanta odoris fragrantia veneni contagia occultare. Quamvis nihil in rerum natura dari, sponte concedatur, quod, juxta cum salutari effectu, nocere nequeat, ob id ipsum tamen venenum mox adpellare, nimium reputo, nisi quàm latissime nomen id acceperis. Non habet Moschus in se venenum, nisi eodem tu abusus fueris. Virgulam ideo censoriam *Joh. Domin. Sala* lib. de aliment. cap. 17. sustinere coactus fuit *Mercurialis*, quâ divites & delictiosi homines cibis ac potui Moschum innoxie, Medici etiam cordialibus medicamentis cum fructu miscentes opponuntur. Imò exteriùs tam facilè & frequenter hæmorrhagiam excitare, *Sala* rectè pernegat. Et *Cass. à Rejes* l. c. mala illa forsan causare potuisse respondet, nisi adsumti vis in corpore statim frangeretur, aut major justo illius quantitas sumta fuisset; Sed, pergit idem, quando in minima datur, ideo minus offendit, & viros tamen præstat effectus, quia in exigua licet portione maximam obtinet efficaciam.

Porro ob ejus odorem in tabem sive corporis extenuationem quosdam incidisse, scribit *Joh. Guintherius Andernacensis* de medic. vet. & nov. comment. 2. dial. 5. Quod à frequentiori usu, præcipuè in habitu corporis ad caliditatem & siccitatem naturâ inclinante, contingere posset, virtute nempe ejus calefaciente atque siccante roridas corporis partes depalcente, sicque tandem ad marcorem deducente.

Pallore etiam corpus inficere, ex *Sim. Sethi* relatione habetur. Causam verò *Sal. Albertus* reddere conatur, quod videlicet sanguinem adurendo, ulteriorem bilis in corpore proventum acceleret, à qua corpus lurido postea colore offundatur. Quam tamen biliosarum partium in sanguine evolutionem vel augmentum colorem istum esse daturum, non, nisi copiosior usus & in corpore bilioso accedat, est credibile. Nec admodum probare possum *Joh. Bapt. Porta* lib. 3. Phytognom. cap. 4. sententiam, dum

flavi



flavi coloris plantas in alimentum adsumtas flavam bilem augere, icterum inducere, & membra decolorare, scribens, Moschum, utpote qui colore est subflavus, membra utentium pallore decolorare, simul notat. Signaturas etenim illas adeo certas, aut tincturam Moschi flavam tam constantem esse, persuadere mihi nequeo, cum illæ in utramque sæpe partem inclinent, ita ut tam bonum, quàm malum effectum exin imaginari sibi quis valeat, hæc autem à tot digestionibus in corpore subeundis pariter immutari diversimodè queat.

Quapropter catum & cautum in rebus, odore ejusmodi quæ sunt imbutæ, exhibendis decet Medicum, ne malum malo adgraves, & leviori ex morbo periculosiorem, vel ex periculoso letalem omnino efficiat. Quem in finem etiam Sirupum de corticibus citri, Confectiones, Species aromaticæ &c. tam completas, quàm incompletas, i. e. cum, & sine Moscho paratas benè constituta Pharmacopolia exhibent, id quod in specie *Augustani* mei, in gratiam inprimis mulierum hystericiis passionibus obnoxiarum, classi. 11. Pharmacop. cap. de Aromat. caryoph. Mosch. diligenter adnotarunt. Nec inutile est *Guil. Rondeleni* Pharmac. offic. hac in parte datum consilium, quo in multis compositionibus odorata ejusmodi auferenda censet, quia in multis morbis, uti adæctibus uterinis, qui per consensum fiunt, dolore nempe capitis, epilepsia, vertigine & scotomate, non convenient, tum quia agri odoratis offendantur, tum remediorum pretium intendunt; Medicus autem si imperet, facillè ista addi à pharmacopola possint.

Et ita de Moschi usu in certis subjectis vitando cautela omnium optimam suppeditat ejusdem correctionem, atque ne noceat, præservationem, ut istà non indigamus animadversione, quæ in libello *Etn Sine* adscripto, de medicam. cordial. tr. 2. habetur, caliditatem nempe ejus cum camphora, & siccitatem cum oleis humidis, violaceo, rosaceo &c. reprimi. Ut taceam, frigidam in Camphora creditam qualitatem esse commentitiam, jam dudum penitus explosam, moschi autem siccitatem tantam non esse quæ correctionem deposceret, neque in parva, quæ in usum trahi solet, dosi quidquam nocere posse.

De horum autem incommodorum omnium curatione speciatim agere, longius à scopo meo esset positum, quam unusquisque, si causam istorum perpenderit, absque magna difficultate deprehendet. Temperatis itaque, vel etiam foetidis, narcoticà virtute aliquantulum præditis odoribus, qualibus ad gravedinem, à florum & fructuum fragrantia contractam, ex asphal. to & tragopogone, vel potius barbæ hircinæ pilis Sabæos fuisse usos, *Strabo* autor est, dum scribit: Καρύμποι δ' ὑπὸ τῶν εὐωδίων, αἰσθῆσι τὸν καίον

καθον ἀσφάλτι θυμιάματι, καὶ τράγῳ πύλωνος : ubi *fragantia eorum induxit, bituminis suffitu est hirci barbâ eum abigunt*, aliisque remediis fervorem sanguinis compescere, spiritus feroces in ordinem redigere, & si quæ vitiosorum humorum abundantia, fluxusve ad hanc illamve partem contigerit, eosdem educere, conveniet.

## CAPUT XIX.

### *De Moschi virtute alexipharmaca.*

**M**edicas inter virtutes, quibus Moschum esse donatum creditur, alexipharmacam primo recensere loco libet, quem nempe Arabum ille Princeps, *Ebn Sina*, antidotum adversus venena, vel ex eo *Christoph. Georg. de Honefius* super Antidot. Mes. theriacam venenorum adpellat. Quo etiam nomine à *Joh. Georg. Macasio* Prompt. mat. med. lib. 2. sect. 10. cap. 1. aliisque alexipharmacorum generalium in catalogo fuit collocatus. Id quod de interno ejus potissimum usu prædicare videntur, de externo tamen & alii similia testantur. Hinc *Ranzovius* cap. 48. de conserv. valet. *Quidam ferunt*, scribit, *ambram, muscum, vel lapidem busonius gestantes à venenis tutos præstare*. Quod encomium num Moscho jure imponatur, ne credulitate nimia errori patrocinari videar, nunc merito disquiritur. Quamvis autem dissiteri nequeam, cum *Exc. D. Simone Paulli* class. 3. Quadripart. botan. cap. de coriandr. ab omnibus Autoribus, qui de venenis commentati sunt, veram & adcuratam definitionem veneni hucusque me desiderare, & ideo non minus ejusdem etiam remedium sive alexiterium eâdem obscuritate involvi necesse sit, si tamen communiori loquendi modo venenum omne id vocare libuerit, quod peculiari facultate cordi est insensum ac deleterium, Moschum alexipharmacâ naturâ esse præditum, non omnino negari posset, cum eundem cordi & spiritibus ejus quàm maximè gratum, amicum & salutarem esse, nemo non fateatur, ideoque istâ cum corde & spiritibus sympathiâ, tutelâ atque medellâ, irruentes in illud qualescunque nocivas turmas abigere posse videatur. Ast cum venenorum maxima in effectu sit differentia, ut modò figendo, modò resolvendo, corrodendo &c. partes vel humidiores, vel solidiores, vel spirituosas destruendo ac corrumpendo, operationes suas peragant, omnibus istis vitæ nostræ hostibus

hostibus efficaciter resistere posse Moschum, nemo, qui rem adcuratius expendere, facile persuadere sibi patietur.

Hinc etiam, si cum *Ebn Sina* lib. 3. tract. 1. cap. 4. illud alexipharmacum esse remedium diceremus, quod ex sua proprietate conservat sanitatem & virtutem in spiritu, ut veneni noxam à se repellat, facilius rem conficere-  
mus. Ast Cl. *Sennerti* hic utique prævalet decisio lib. 6. Medic. pract. part. 5. cap. 6. Cordialia nempe omnia in morbis venenatis esse utilia, quia cor roborant, ut veneno fortius resistere possit, ipsum tamen venenum non adeo expugnare, sicut alexipharmaca propriè dicta, istoque respectu ipsum quoque Moschum in morbis venenatis curandis utilem esse posse, ibidem concedit.

Generale itaque propriè cum non sit Alexipharmacum, an aliquibus tamen venenorum speciebus, ceu adpropriata Antidotus, opponi queat, nunc pariter investigabimur.

Ubi inprimis immanissimum Napelli venenum singulari quadam proprietate profigare, cum *Ebn Sina* plurimi testantur, dummodo tempestivè adhibeatur. Quàm sava autem napellus excitet symptomata, curationemque reddat difficilem, passim in Libris recensetur. Sed determinare, in quo venenum ejus propriè consistat, meum superat ingenium. Tenuissimæ quidem inhærere substantiæ, quâ etiam leviculâ in apice linguæ degustatione, ceu *Helmentio* contigit, (Vid. tr. Demens Idæa §. 12.) vel solo odore, juxta Nob. D. *Joh. Georg. Greselium* in Ephem. Germ. Curios. Ann. II. obs. 78. umbrâ secundum R. P. D. *Athan. Kircherum* in Mund. subterr. lib. 9. sect. 2. cap. 2. & lib. 4. Latii antiq. & nov. part. 2. cap. 6. vel contactu nocet, ex relatione D. *Paterfon. Hainii* Ann. III. dd. Ephemer. obs. 233. & *Petr. Andr. Matthioli* Comm. in lib. 4. Diosc. cap. 73. extra controversiam esse puto, quæ non sine generis nervosi noxa, magnam in sanguine & spiritibus agitationem vel fermentationem, imò destructionem, atque ab hisce labiorum, linguæ & totius faciei intumesceniam, oculorum prominentiam, syncopen, cordis compressionem, partium tremorem, horrorem, vertiginem, lethargum, aliæque symptomata, pro subjecti scilicet, cujus interitum molitur, inprimis diversitate, efficiat. Ast cujus naturæ sit subtilissimus ille virosus spiritus, in tam parva etiam mole tam magnam, quale corpus humanum, est, molem, & brevissimo quidem temporis spatio pessundans, quis nobis sufficienter explicabit? Certè nec sola caliditas, nec etiam salino-alcalica volatilitas rem sufficienter expedient. Symbolum quidem addere aliquale possunt, verùm necessariò aliud aliquod esse conjunctum, arbitror, quod si à Deo, omnibus mixtis ingenito principio sperare quis velit, equidem non

repugno, ast diversitatem ingentem ejusdem, pro maxima videlicet corporum mixtorum varietate, nec non abstrusas proprietates considerando, in eo ipso occultum aliquid subesse, fateri cogimur. Licet enim occultarum qualitatum, eo modo, quo olim à plurimis obtrudebantur, incertitudinè mancipare me nolum, respectu tamen ad nostrum intellectum habito, revera occultas istas dari, & ita, omnia ad manifestas velle reducere, non quidem cum nonnullis dementiam, sed impossibilitatem hucusque esse, adfero. Et quamvis ex corpusculari Philosophiæ fundamentis res clariùs proponi possit, quâ sanè ratione in suæ Cicutæ aquaticæ historia curiosissima Celeberr. D. D. Joh. Jac. Wepferum egregia nuper præstitisse nemo diffiteri queat, ita ut Napellum etiam, succo acri & mordaci præditum, aculeos ejusmodi continere dici possit, qui nervosum genus ubi attigerint, pungere illud, vellicare, sicque ad convulsiones irritare & symptomata illa horrenda suscitare soleant, cum tamen & alia, si non longè acriora & mordaciora, saltem non inferiora, gustum ubi consulere volumus, uti piper &c. dentur, quæ tamen symptomata ista haud inducunt, eo ipso vel aliud aliquid unâ latere, vel saltem in ipsis corpusculis istis aculeorum hætenus impervestigabilem diversitatem occurrere necesse est. Unde etiam, si Moschus tam specificum contra Napellum sit venenum, (id quod experientia confirmandum relinquimus,) nec tantum, naturalem sanguinis & spirituum *νεκρόν* conservando & intendendo, aut spiritus animales vel systematis nervosi præsidem demulcendo, eidem contrarietur, occultam pariter in eo opitulandi virtutem hic producere cogimur; cum certè, quâ ratione spicula illa pungentia extrahere aut obtunderè &c. valeat, intelligere hucusque nequeam.

Porro Coriandri succum venenis adeenseri debere, nonnulli *Dioscoridem* lib. 3. de mater. med. cap. 61. & lib. 6. cap. 9. sequuti adscriuunt; de quorum sententia quid sentiendum putem, prolixius in Pharmacop. August. Rescit. class. 20. pag. 425. & seq. exposui. Propriè non esse venenum, quod minima in dosi magnam nocendi potentiam ostendat, extra omnem est controversiam, & inprimis à D. Simon. Pauli l. c. egregiè fuit ostensum; largiùs tamen sumtum mentem turbare, & alia quandoque symptomata, vertiginem, somnolentiam &c. inducere, iidem constat. Quam itaque noxam cerebri illatam Speciebus diamoschi & ambre expugnari monstrat *Matthiæus* Comm. in lib. 6. Diosc. cerebrum nempe & spiritus animales confortandi, eorumque *δυσχεροσία* frigidam corrigendi vi præditi; quin & cum narcoticum vel stupescitivum aliquod Ꝟ Coriandro viridi inesse, incommoda uimium ejus usum insequentia, tum & ipse odor foetidus persuadent, tali

ali quoque intuitu Moschus ob  $\text{Ar}$  suum contrariâ qualitate donatum, suavi & maximè mobili suâ volatilitate poros cerebri aperiendo, spiritusque animales resolvendo & suscitando, pristinam capiti serenitatem conciliare valet.

Quo respectu etiam Moschus à plurimis Opiatorum medicamento- rum compositioni adjicitur, non tantum ut tetrum odorem istum, sed & venenum, aut, ceu nonnullis videtur, frigiditatem nimiam Opii emendet, virtuteque suâ confortante à noxis pertimescendis præservet. Hinc in Philonis antidotum quosdam Moschum recipere *Mesue* in Antidot. monuit, suoque in Anodyno specifico *Paracelsus*, in Laudanis *Crollius*, *Agricola*, *Pep- pins*, *Beguinus*, *Freitagius*, *Poterius*, *Mynsichtus*, *Hartmannus*, *Tillingius*, *Augu- stani*, pluresque alii, in Tabulis vel Trochiscis narcoticis *Platerus* locum, eidem aliquem concesserunt. Opium tamen ab ista veneni labe esse im- mune *Exc. inprimis D. Georg. Wolffg. Wadelius* lib. 2. Opilog. sect. 3. cap. 4. nec etiam tantam inesse frigiditatem lib. 1. sect. 1. cap. 5. eruditè osten- dit. Quamvis frigidum id esse, ab effectu demonstrare placuerit nuper, Celeberr. *D. Ol. Borrichio* in tr. de somno & somnif. Doctissimorum ita- que hac in re Virorum *Grægoris* nullatenus displicet, opiata nempe medi- camenta, prudenter administrata, satis per se esse innoxia, nec, ut Moscho alio- ve additamento corrigantur, opus habere. Interea tamen non negaverim, si quæ ab inconsiderato usu noxa contingat, à Moscho præsidium aliquod sperari quandoque posse, prout sanè *Discorides* veterinosos ab epoto papa- veris succo factor odoratis excitandos esse admonet, quæ inter *Matthiolum* in Comment. Moschum in specie commendat.

Præterea sub umbra Juglandis arboris si quis diutius versetur aut dor- miat, ingenti capitis dolore, vertigine, apoplexiâ, vel epilepsiâ corripì, id- eoque plantam illam ostendere venenatam naturam, tum alii, tum *Dan. Sennertus* lib. 6. Med. præct. part. 7. cap. 17. innuit, atque exemplis *Bald. Timæi* lib. 7. Caf. medic. 8. illustrat. Quale quid etiam de juniperi um- bra *Virgilus* Eclog. 10. cantare voluit; Vid. tamen *Ill. D. Februi* nostri Scor- zoneræ curios. pag. 123. Ipsam quidem umbram malorum adeo effectuum ream non esse, meritò cum *Ill. Boyleo* cap. 5. de nat. determin. effluv. dici- tur, vicinæ tamen arboris nuciferæ effluvia noxia satis capiti esse possunt, cujus dolorem sibi metipsi in æstuantibus regionibus induxisse, itidem fate- tur. Satis enim efficacia esse ista effluvia, ipse odor, quem graviter olen- tem (sive quod *Clusius* lib. 1. rar. plant. hist. cap. 10. de Lentisco habet, cum quadam gravitate jucundum) *Matthiolum* vocat, evincit. Nocere itaque, nonnullis, ratum habeatur, quosdam tamen, inculpatæ qui sunt valetudi- nis,

nis, seu vigilantes, seu dormientes, impunè sub arbore ista morari, atque ut noceat, corporum dispositionem certam requiri, *Timæo* non minis adscriptior, quæ scil. Æreum istarum improporcionatarum atomorum impulsu, sanguinem & spiritus inordinatum in motum concitari, & energiam earum corpori imprimi facilius patitur. Quibus tamen incommodis *Species diambrae*, *diamoschi dulcis*, & *Trochiscos galie moschatæ* opitulari, *Sennertus* tradidit, quibus nempe naturæ amicis pristina tranquillitas reducitur.

Compertum etiam esse scribit *Arnoldus Villanovanus* de dosib. theriacal. Moschum singulariter obviare letali veneno, quod dicitur Cornu spicæ, id quod ex *Ebn. Sina* adscripto libello de medic. cordial. ab eo latinitate donato, ubi idem adseritur, dubio procul hauserat. Esse autem hoc Cornu fructum seu additamentum quoddam, in Spicæ cujusdam specie horribilis odoris enascens, *Sant. Ardoynus* lib. 3. de venen. cap. 2. prodidit. Cum verò nondum satis naturam Vegetabilis hujus perspectam habeam, commemorasse ista, sufficiat.

Felis cerebrum quî hominem dementare observarunt, hi, exigente necessitate, singulo mane diamoschi Confectionem, tribus vel quatuor horis ante cibum ægrotanti offerunt, quinimo Moschum per se ad ʒß. cum vino, antidotum veluti excellentem, absorbere præcipiunt. Similiter felium, adversus pilos deglutitos, earundemque halitum naribus attractum commodè usurpari eum, autor est *Matthiæus*, atque cum ipso *Macasius*. Et quidem felis cerebrum esse venenatum, vel potius noxium, nemo amplius dubitat, idque exemplo stoliditatis, ab eo comesto inductæ *Henr. Salmuth* cent. 1. observ. med. 47. & cent. 3. obs. 99. confirmat. Cerebrum enim felinum siccum valde esse *Ferdin. Ponzettus* lib. 2. de venen. cap. 26. statuit, si cum hominis temperie conferatur, unde meatus cerebri obstruendo, transitum spirituum animalium ad ventriculum posteriorem prohibere autumat, addens: *Tunc prohibetur memorari, ideo reputatur sine mente.* Quamvis hic sola illa siccitas (ut non tangam reliqua) inepta planè sit, quæ tantum efficere defectum queat, nec ipsa etiam cura à *Ponsetto* tradita, per aromatica, Diamoschum & Vinum clarum, siccitatem istam admittat, à medicamentis talismodi, sicandi virtute præditis, potius adaugendam. Meatuum, verò vel pororum cerebri aliqualem (non universalem, apoplexiam minantem,) obstructionem probabilius defendere potuisset, quæ nempe spirituum animalium naturalis transitus, & in debita quantitate prohibita generatio ac distributio metuenda est, sicque mentis quandam imbecillitatem accersere valet. Licet hæc potiore culpam in ipsis spiritibus sitam esse, credere

credere malim, qui à cerebri felini in caput delatis particulis nonnihil figantur, & in torporem conjiciantur, vel alio modo turbentur aut corrumpantur. Idque eò magis fieri, credibile est, si felis, antequam neci tradatur, prius in furorem concitetur, qua ratione ipsa etiam ejus caro, comedentibus eam, noxia evadit, quod egregio exemplo *Athan. Kircherus* sect. 2. cap. 2. de pest. illustrat, quam aliàs absque omni periculo devorari Ill. noster *Præles, D. D. Joh. Mich. Febrin* in Anno VI. Miscell. Germ. Curios. obs. 88. *Bald. Ang. Abbatum* cap. 6. de viper. & *Henr. Salmuth* cent. 1. obs. 47. scribunt. De pilis felinis, utrùm venenatæ æmulam vim possideant, non parùm dubito, qui, si laryngi illapsi suffocationis metum non inducant, vix alio modo nocere poterunt. De halitûs etiam noxa major fortè in plurimis metus subest, quàm periculum, cùm, ut *Sennerti* verbis loquar, sæpe videamus infantes gestare feles, & secum in lectis cubantes habere sine damno. Quibusdam tamen, cæteroquin sanis, singulari & explicatu vix possibili proprietate halitum istum naturalem felium nocere posse vix dubito, quâ ratione etiam multis magnam cum felibus esse antipathiam passim est notissimum, ita ut eorum vel in obscuro latentium præsentiam iudens, mox exhorrescat. Marasmodum tandem vel tabem nonnullos à crebriùs attracto in pulmones felium halitu incidere non omnino negabo, ita ut sanguini ibidem mixtus tandem à statu naturali eundem dimoveat, temperiem & consistentiam ejus debitam immutet, sicque nutritiâ in eo particulas enervet, quo tamen, venenum subesse, minimè evincere potest.

Fel denique viperinum perniciosum adeo depingit cum aliis *Matthiolum*, ut animi deliquium statim adferat, id quod de felle deglutito esse intelligendum, vomitus, ab eodem summopere commendatus, evincit, post quem Moschum &c. exhibitum esse saluberrimum, pronunciat. Id quod etiam jam dudum *Rases, Albucases, Avicenna* & *Guilelmus Placentinus*, à *Sant. Ardeyno* lib. 3. de venen. cap. 14. citati, tradiderunt. Ast hoc remedio non esse opus, ipsa fellis viperini natura evincit, in qua venenum, ita corpori illatum non consistere *Exc. D. Franc. Redus* præcipuè & *Mos. Charas* exposuerunt.

Idem dubio procul judicium Fel Leopardi, cum Cerebro Ursino merebitur.

Ad ipsum porro venenum pestiferum debellandum, sive id præservando, sive curando fiat, utiliter adhiberi Moschum, sunt qui statuunt. Hos inter *Jul. Palmarinus* lib. 7. de morb. contag. cap. 18. de simplici materia, in febre pestilente in usum trahenda, agens, Moschum odore suo suavissimo

mo

mo ac fragrantissimo pestilentem aëris perniciem repellere, dissipare, atque extinguere posse, vires præterea cordis recreare, spiritus omnes erigere, dissipatus colligere ac refarcire, cerebrum sensusque omnes roborare, & partium omnium, maximeque cordis languorem discutere, decantat. Unde & apud ipsum, aliosque tot passim eum in finem, pro interno pariter & externo usu, variaz exstant conscriptæ formulæ, Moschum recipientes, v. g. apud *Joh. Cratonem* Consil. à *Laur. Scholzio* collect. 166. 275. 276. 277. *Dan. Sennertum* lib. 4. de febb. & Fascicul. medicament. contra pest. *Philipp. Höchstetterum* decad. 7. obs. med. cap. 2. *Matth. Urtzerum* lib. 2. de luc. pestifer. *Thom. Jordanum* de pest. phænom. tr. 3. cap. 2. 7. *Jac. Theod. Tabernamontanum* de pest. *Gerbrandum Hui* medic. pestifug. mixt. var. *Theodor. Turquetum D. de Mayerne* consil. medic. *Laurent. Joubertum* de pest. *Ambros. Paracum* lib. 21. Oper. *Nicol. Massam* de febr. pestil. *Marc. Anthon. Florium* de morb. epid. &c. Quin & suaves odores jam olim scopo huic inservisse, *Hieronym. Mercurialu* lib. de pest. cap. 22. ex *Herodiano* docuit. Et ipsum *Hippocratem* (quod & ante eum *Acronem Agrigentinum* fecisse, scribitur,) pestem ex *Æthiopia* ad *Grecos* venientem non alio præsidio repulisse *Galenus* cap. 16. de theriac. ad *Pison.* autor est, quàm aërem ignibus, tum è simplici materia, tum beneolentibus coronis floribusque, accensis purificando, addens: *Talia siquidem ignibus alimenta subministrari consului, & ut unguenta quàm pinguisima infunderent, & id genus alia bonum odorem fundentia, ut hoc pacto civis bonum odorem institantes ab imminente lue tuti forent.* Unde etiam à Senatu populoque Atheniensi magno honore privilegiisque ornatus fuerat, ceu Atheniensium Senatusconsultum, *Hippocrati* Operibus adiutum, edocet.

Hanc verò odoratam in aërem inducere qualitatem nulli eum in finem laborant, quò putredinem ejusdem, in qua contagii pestilentis hanc consistere arbitrantur, siccando deleant, foetoremque ejus obtundant atque emendent, incertissimâ tamen hypothese innixi, cum non tantum putredo ejusmodi sæpe nulla adsit, sed etiam nec foetor ullus percipiatur. Id quod ipse *Jacob. Trunconum* lib. 4. de pest. cap. 4. ex parte fateri cogitur, dum pestilenti aëri foetorem quidem adesse, inde colligit, quia putrefactus sit, per olfactum tamen prævum illum halitum non adscire, mox concedit. Licet aliàs speciatim Moscho quoque in corporibus à putredine præservandis non omnem laudem adiniam, ast num excitatam jam reprimere sufficienter valeat, admodum dubito, quin & ipsius substantia ab eadem omnino sese vindicare nequit, odor autem solus corporum tam violentam resolutionem vix potest sistere. Hinc alii, quos inter *Joseph. Quercetanum* lib. 2.



lib. 2. pest. alexicac. cap. 5. & *Athan. Kircherum* scrutin. pest. sect. 3. cap. 8. nominare libet, Moschum virtutis tantum, quâ pollet, corroborantis ratione prodesse in peste affirmant, quâ nempe cor, vel potius ejusdem spiritus, cum sanguine, primario à virulentia impetiti, suscitari, augeri, inque lætitiâ, pavori pestilentiali contrariâ, deduci queant. Id quod paucis exposuit *D. Nicolaus Ellain*, Medicus Parisiensis, tract. de peste, suaves odores ad aëris noxii susceptionem impediendam opportunos esse existimans, eo quod facultatem animale[m] vitalemque confortent, ob eamque causam cuilibet corruptioni facilius obstant. Conferatur etiam noster *Raym. Mindererus* cap. 16. de pestilent.

Hicce tamen alii sese opponunt, & Moschum non tantum non juvare, sed & nocere in dira lue, acriter insistant. Ita *Clar. Joh. Rhodius* Analect. in Septal. lib. 5. cum, ut nimis aerem & calidum, ad aëris in peste mutationem non convenire, spiritus enim levioribus odoramentis resciri, gravioribus dissipari, vel etiam evocari, unde promptius inficiantur, & cum odore grato tanquam vehiculo venenum crebrius inspiratum, cor promptius subire, ex *Th. Grossio* aliisque ostendit. Sic & *Angelus Victorinus* consult. medic. 69. valde odorata rejicit, à quibus spiritus confundantur, calidum innatum exterminetur, proinde & putredo accersatur. Cl. *Paulus Barbette* tr. de pest. quanquam medicamenta inter pesti contraria Moschum sub Aromatum titulo denominaverit, & in Julapium etiam ipsa in febre pestilenti præscriptum receperit, postea tamen, cum de remediis prophylacticis ageret, eundem non solum malignitatem non corrigere, sed venenum magis attrahere, &, experienciâ juxta cum ratione id confirmante, valde nocere, adstruit. *Joh. Zvelserus* etiam class. 13. Pharmac. Reg. contagium pestiferum cuilibet naturali corpori, unico excepto Sulphure, (id quod ex *Helmontii* Tumulo pest. desumerat; licet & ipsum Sulphur in se consideratum pro insonti haud facile reputaverim, accensione tamen resolutum aliam rationem habere concesserim, prout & alia quædam corpora in actum deducta miasma potius enervare, quàm propriè suscipere, dicendum est,) ipsi proinde Moscho sese adglutinare, animadvertit, adeo ut, unde sibi panacæas homines compromittant, arcanas insidias ac deleterium virus experiantur, moschata etiam, ambrata, delicatiora inventa, nonnisi speciosos titulos alexipharmacos mentientia, (qualia tamen ipse class. 12. pag. 132. & 133. Trochiscos nempe sublinguales, & class. 17. Unguentum cordiale, proposuerat,) plus palato, quadris aut bellariis, quàm cordi in malignis tuendo, dedicata sint, virulenta autem effluvia nolentibus etiam ac sponte ingruant, ut odoris fragrantia allicere eadem non opus habeamus. Sed, omnibus

hæc quodammodo ut satisfaciam, odorata ista, ad aërem purificandum & alterandum adhibita, tantæ caliditatis non esse, *Trunconim* l. c. respondet, ut scilicet tenuior ab illis exhalans materia ambientis caliditatem adaugere valeat; vel, ceu *Pimæneus Caprilus* lib. 2. de febb. putr. habet, non tam caliditas quàm virulentia considerari debet; aut, quod alii observant, Medicus prudens temporis, frigidioris nempe vel calidioris, diversitatem hæc perpendere non intermittere, imò & temperamentorum in individuis, ætatis, sexûs, consuetudinis, & mediocritatis, nunquam non ipse sponte recordabitur. Et quamvis cum odoratis atomis ipsæ quodque malignæ inspi-  
rentur, harum tamen ab ingressu per nares, os, poros, etiamsi odoratis non utaris, minimè te vindicabis, cum perpetuâ aëris inspiratione corpus vivum carere nullo modo queat, præstabit itaque, cum hostili turba auxiliatrice etiam copias, spiritus animales atque vitales ad certamen quasi provocatos confortaturas, ingredi, quàm sine his majorem nocendi libertatem illi relin-  
quere. Ast adpropriata magis & certiora odorifera Alexipharmaca haberi posse, si quis instet, non nego equidem, hæc tamen illorum usum propterea non omnino tollere, regeo. Imò, si omnibus corporibus, Sulphure excepto, malignæ atomi adherere queant, nec Acetum, nec aliæ quævis alexiteria, ore, naribus, poris hac ratione haurienda forent; quanto eum fructu, similes Censores per me experiantur licet. Moschum autem pravas moleculas istas attrahere, hisque veluti analogum & homogeneum esse, neutiquam *Zvelser* concedere possum; postquam enim ipse pag. 140. Amuletum ex pulvere bufonum, serpentum, succino citrino, ladano, pane trito, moscho, & Zibetho parare docuisset, atque egregiè commendasset, pag. seq. 144. Amuleta hæc talit'us constare debere, necesse arbitratur, *qua veneno sint veluti analogæ & homogeneæ*, sive quæ ratione symboli venenum ad se alliciant & attrahant. Quis verò unquam attractivam illam in Moscho vim observavit? quonam certo ratiocinio fundatur? Ut virulentas aporrhœas à moschata pasta copiosè attrahas, unâ cum hujus continua exhalatione copiosius etiam ad nares ascendere, & consequenter, promptius inficere debere, contra *Zvelserum* jam non urgeam. Imò ipsum in corpus admissus non saltem venenum illud non attrahet, sed & virtute suâ, quâ sanguinem rarefaciendo, ad diaphoresin laticem ejus disponit, per poros ut eliminetur, compellet, quam nempe vim sudoriferam ratio ei satis vindicat, non repugnante omnino experientiâ, quâ v. g. quartanam in Aromatario quodam perfectè curatam, apud *Laç. Riverium* obs. med. cent. 4. obs. 35. legimus. Conferantur *Gabriel. Fallopi* lib. 1. Secret. & *Andr. Libavii* epist. 248. Cist. med. Hornung.

Ego cæteroquin in hisce trepidè satis in hanc illamve sententiam flectere me patiar. Postquam pestiferi veneni naturam exactamque cognitionem nostrum intellectum adhuc latere, & revera *Τὸ Θεῖον*, sive divinum Hippocraticum imitari, omnes fateri cogimur. Si, verbis Barbettianis loquor, *ex aliis quæras, quæ in re contagium illud consistas, multa quidem respondebunt, sed ne gry quidem digna sunt.* Accedit & ejusdem morbi diversitas, quâ multabili semper hucusque facie sese ostendisse eum, historiarum ex collatione, discimus. Quo in labyrintho constituti solo experientiæ filo ad remediî impetrationem deducimur. Multa sanè passim remedia proponuntur antiloimica moschata, quæ utiliter fuisse in usum ducta, fide digni Practicî adnotarunt. Econtra *Librand. Diemerbræck* lib. 2. de pest. cap. 5. Suffitus suaveolentes in peste Noviomagenâ, quam describit, non tantum parum profuisse, sed plurimis maximè noxios extitisse, aëreque calidiore inprimis caput tentasse, illos etiam, qui gratis adsueti erant odoribus, si fortè malum quendam fœtorem alicubi persentiscerent, magis ab eo exterefactos & gravius adfectos fuisse, & annotat. 15. ad lib. 3. cap. 5. Moschum hoc tempore agros omnes, viros aequè atque mulieres, ægerimè tulisse, & post ejus usum se multò pejus habuisse, observat. Neque id mirum, cum symptomata inter, febrem malignam, æstum internum magnum, ingentes capitis dolores, hæmoptyles, narium & uteri hæmorrhagias &c. frequenter adfuisse, referat, quorum sanè intuitu Moschus, inprimis liberaliori in dosi & crebrius adhibitus, non adeo prodesse poterat. Si itaque natura ægri & symptomatum admitteret, suaveoleantia non planè proscriberem, ita tamen, ut ea alexipharmacis longo usu adprobatis non anteferrem, nec sola, sed hisce commixta in usum traherem, quâ ratione spiritus vegetiores redditos alacrius sese & fortius hosti esse opposituros, haud vana magni *Sennerti* est sententia. Nec damnosum adeo esse moschatorum in peste usum, diræ quæ nuper Lipsiam invaserat lues ostendit, confectiône alkermes completæ ad vires sudore ac vomitu fatiscentes instaurandas utiliter ibidem in usum ductâ, testante id ex autopsia *Exc. D. D. C. W.* in tr. german. de ea emissio §. 19. Quinimo & corpuscula moschata pestiferis non ex ipsa natura sua esse contraria, eademque haud interimere & destruere, nondum est comprobatum, neque enim *Helmantio* simpliciter crediderim, qui venenum hoc aromaticis junctum, ab iisdem saturari tantum, vel simpliciter sese eis commiscere, eaque comitari tradiderat. Imò si in dictâ modò Lipsiensium peste alcalica medicamenta, tum fixa, tum volatilia, palmam aliis præripuisse, saniorum Practicorum experientiâ edocto, amicissimo meo *D. D. Gabrieli Clandero*, ut &, quod in nuperis suis ad me literis statuebat, causa-

mali in acido volatili constiterit, credere, uti quidem Vir optimus meretur, velimus, Moschi indè virtutem antiloimicam divinare faciliè poterimus.

## CAPUT XIX.

### *Moschi virtus confortans, in genere.*

**E**gregiam in confortando opem corpori præstare Moschum, quis nesciat? Cujus intuitu omnibus odoriferis confortantibus ab *Avershoë* lib. Collig. antepositur. Et aromatico odore suo vires & spiritus corporis omnes, idque momento, propter partium tenuitatem, corroborare, *Gesnero* dicitur. Spiritus autem proximum animæ instrumentum, & vehiculum facultatum animæ nonnullis audiunt, cum, norante Nob. *D. Joh. Theod. Schenckio* Schol. part. sect. 1. part. 1. cap. 2. sine illis humores & partes solida non sufficiant; quin tantum fortior quæ altero habetur, quantum spirituosior existit. Atque hæc roborandi intentio eò magis obtineri ab ipso potest, cum immediatum cum spiritibus odores habere, contactum non ineptè *Helmontius* adferat, nec Moschi, aliorum quorundam more, citò resolvatur vis odorifera, sed tenuissimas suas aporrhæas longo satis temporis tractu sensim, liberali tamen, ut ita dicam, manu emittat, modò violentiori igne non omnino destruat.

Quam blandissimam potestatem suam non externè solùm, sed & internè in corpus exercet. Sic *Aben Mesuai* apud *Serapionem* scribit: Fortificat cor & membra interna, quando bibitur aut ponitur exterius in emplastris. Hinc Ambra moschata minimà etiam in dosi deglutita omnium viscerum confortativum maximum passim salutatur. Inter externa verò, quæ spiritus quantitate deficientes regenerant, ex odoratis, Moschi granum unum plus facere, quàm dimidium Ambra scrupulum, *Joh. Walam* in Meth. med. c. dissert. Ideo etiam variis remedium generibus adaptatur, qualia sub Pulveris, Unguentorum, & Massæ forma *Joh. Renodam* lib. 5. Institue. pharm. sect. 3. cap. 26. ad spirituum robur parare edocet. Et *Gesnerus* Cataplasmatibus in formam reductum non modò cor & viscera omnia roborare, sed membris etiam omnibus, quin ipsis ossibus quoque vires copiosè largiri proficitur.

tur. Quod, si spirituum in toto corpore, adeoque ipsis non minùs solidissimis in ossibus præsentia, & omnium partium communis conspiratio perpendatur, non incredibile omnino videri potest.


Hanc ipsam virtutem respexisse *Aërium* credidit *Gesnerus*, dum medicamento ex *Hermodystilis* purganti, *Arthriticis* dicato, *Moschum* quoque intulit tetrabibl. 3. serm. 4. cap. 46. *restaurandi nimirum causâ, particulas vi pharmacorum debilitatas.* Quam ejus cum catharticis commixtionem & aliis non displicuisse, *Electuarium rosatum Mesues*, quod *Galiam moschatam* recipit, & apud *Petr. Joh. Fabrum* *Pilulæ mercuriales Myrothec.* spag. lib. 7. cap. 1. *antimoniales* cap. 2. *vitriolatæ* cap. 3. *ebulinæ* cap. 4. & *agarici* cap. 6. nec non *Sapient. univers.* lib. 3. cap. 5. *Extractum helleborinum* testantur. Admodum etiam liberalis hac in parte fuit *Leonhard. Floravantium* lib. 2. *Cogitat. variar. sive Caprice. medicin.* cap. 8. 12. 13. 15. 35. 59. & 70. variis compositionibus eundem adjungens. A quibus tamen discedit *Andr. Tenzelius* *Exeges. chimiæ.* part. 3. sect. 3. *Moscho*, ut vehementer odorato, nullum eum catharticis consortium esse debere, statuens, cum inde medicamentum in humores directum, cor, caput & uterum simul impetuosius feriat, spiritus resolvat, & quandam molestiam intolerabilem inferat. Et *D. Frid. Hoffmannus* lib. 1. *Meth. med.* cap. 7. *particularia alterantia & confortantia ex Moscho &c. purgantibus addere, risu ac sibilo dignum* judicat; quæ ipsa ex *Joh. Zwellero* hausisse videtur, qui inprimis *Ansmadvers.* in class. 4. *Pharmac.* August. de *Elect. rosat.* *Mesparum* tamen urbanè, *Galiz moschatæ* additionem perstrinxerat, *Species* etiam cordiales purgantibus miscere, rationi non consonum esse class. 5. edixerat. Verùm roborantia, & in specie odorata, purgantium compositionem intrare posse, *Hippocrati*, *Galeni*, aliorumque *Medicinæ Procerum* exemplo, rectius dicemus, quos præterea neque experientia, salubriter id fieri confirmans, neque rationis robur destituunt, scilicet non tantum insuavitatem medicamenti ut emendent, ejusque tarditatem stimulent, sed & noxiam qualitatē quæcunque corrigan. Quo in censu itaque *Moschus* etiam tolerari utique poterit, qui odorem ingratiorem cathartici gratiâ suâ occultare, tardiores ejus operationem calore & tenuitate suâ promoveri, simulque spiritibus, tum a morbo vim passis, tum ab ipso pharmaco labefactandis subvenire valet. Sic *Gabr. Fallopius* de *medicam. purg. simpl.* cap. 27. insuavitatem purgantium, quatenus olfactui talia adpareant, *Moschi admixtionē* removeri scribit. *Turberthum*, quoniam *ventriculum & totum turbet*, tardeque operetur, *Galii moschatæ*

schata corrigi *Jul. Caf. Claudinus* lib. 2. de ingr. ad infirm. sect. 2. cap. 11. admonet, & *Cass. Marcus* in *Quadripart. melanchol. part. 4. cap. 12.* confortantia ejusmodi, in melancholicorum imprimis curatione, purgantibus summa cum ratione sociari ostendit. Tenzelianam quidem objectionem in quibusdam subjectis locum habere aliquem, non penitus negabo, quorum nempe natura eundem etiam alias perferre nequit, ceu in antecedd. fuit dictum, aus morbi ratio prohibet, quibus utique non solum purgantibus, sed & quibusvis aliis medicamentis, odorem ejus exhalaturis, permistum exhibere nullo modo addeceat. Ast usu ejus propterea non omnibus est interdendum, quem tamen moderatum, semper, & ex arte commensuratum esse debere, prae-supponitur, quâ ratione nec cor, nec cerebrum &c. impetuosiùs feriet, spiritusque resolveret, sed suaviter potiùs adficiet & confortabit. Fundamentum etiam, cui *Tenzelius* opinionem suam superstruxisse videtur, incertissimum est, quo nempe huiusmodi certis partibus adpropriata credita Simplicia (v.g. Moschum cerebro, cordi, utero,) reliquorum in compositis additorum, pharmacorum vires secum ad partes istas adducere statuuntur, id tamen, quâ ratione fieri queat, ego quidem capere nequeo, multò minùs concedere, quòd adpropriata ista ad loca tantùm illa sua abeant, & non æqualiter in totum corpus distribuuntur, licet in hac vel illa parte virtutem, suam exferere magis valeant. *Zuelfero* autem pag. 88. 91. & 92. Pharmac. August. Rest. cum abunde, nemine hætenus contradicente, responderim, eadem hic repetere nil attinet. Et certè illum Moschus rigorem si mereretur, penitus videlicet à catharticorum consortio excludendus, nihil prohiberet, quò minùs aromatica quævis eadem sententiâ damnanda forant, quod tamen nec ab ipso *Tenzelio*, *Hoffmanno* & *Zuelfero* facillè concessum fuisset, utpote qui omnes odorata & aromatica purgantibus jungere neutiquam intermiserunt.

Ubi non possum non illorum Globulorum, majorum minorumque, facere mentionem, in plurimis pharmacopoliis prostantium, ex saccharo, amylo & moscho confectorum, æque nostris: *Wysen* vel *Wind* *Rugeln* vocatorum, qui inter *Excoptotica* locum communiter inveniunt, dum in anum immissi, feces emolliendo, faciliorem excretionem earum procurant, de quibus Nobil. *D. Melch. Sebizius* Manual. medic. pract. part. 1. sect. 1. cap. 1. videri potest. Quin & stimulando aliquid conferre, & ubi flatuum in cavo intestinorum dominatur sævitia, discutiendo, imò & in debilioribus subjectis simul confortando, nullus dubito;

bito : Sic puellæ 7. septimanarum , præ torminum magnitudine continuò ejulanti , abdomine distentæ , tandemque lipothymia correptæ intrusum , hujusmodi globulum , alvo copiosissimè deturbatâ , sanitatem reddidisse , Exc. *Joh. Nicol. Binningerus* cent. 2. observ. 70. recenset. Verùm satis de solutivis.

Nunc quâ ratione illam roborandi facultatem Moschus exlerat , dispiciamus , ne & ipse censuram illam *Henr. Smetu* incurram , quâ nihil quidem magis in ore Medicorum , & nihil magis usitatum , interim tamen etiam nihil minùs apud Præcticos esse cognitum , quàm roborantium naturam , lib. 1. Miscell. med. epist. 4. scribit. Ubi præter reliquos *Jul. Caf. Claudinnus* l. c. cap. 2. monstrare id laborat , dum Moschum , Galiam moschatam &c. quantitatem spirituum illico refarcire perhibet. Latius illam extendit *Andr. Casalpini* lib. 1. de medicam. facult. cap. 14. odores nempe suaves , ratione temperamenti naturalem spiritus qualitatem conservare , ratione verò substantiæ familiaris eundem nutrire , utriusque autem ratione vires collapsas utilissimè restituere. Mihi non tantùm spirituum frigidiorum attemperatio , deficientiumque aliqualis tum ab ipsarum Moschi volatilium particularum , naturâ suâ , vel sale volatili animali , spiritibus nostris analogarum accessione , tum sanguinis & seri fixioris ab iisdem in spirituositatem vel volatilitatem deductione , restitutio , sed & languentium eorundem excitatio hic locum habere posse videtur. Ut ideo *Joh. Veslingius* in Parænes. ad rem herbar. jucunditatem ex cultu plantarum exponens , odoris in eis suavitati non deesse eximium usum , sive bonam valetudinem , sive adversam spectemus , optimè peroraverit ; utpote qui hominis spiritus recreet , & inspirato purioris conditionis halitum ; vitæ flammulam blandè excitet , subjungens : *Atque hæc potissimum causa est , ut tradit Justus Lipsius , quod veteres illi Sapientes in hortis habitarent ; Eruditi hodie doctique viri delectentur hortis , & in iis divina illa pleraque scripta procusa , quamirantur , quaque nulla temporum series , aut senectus abolebit.* Hinc etiam Platonicos quatuor inter spirituum alimenta odorem etiam , juxta cum tactu , sono , & lumine , eleganter reposuisse novimus.



# CAPUT XX.

## Moschi virtutes cephalicae, in genere.

**M**oschum insignem obtinere virtutem cephalicam, extra omnem est controversiam, quam in ipsa capitis tum sanitate integra defendenda, tum vacillante eadem restituenda praeclare ostendit. Hac sanè ratione ipsum etiam animum reficere Suffimigia & Odoramenta perhibentur, quorum nempe finem esse *Lubert. Ephius* de formul. tract. scribit, qui sese in animum intendat; & *ὑμνίσματα* sint quasi *ὑμνίων ἰάματα*, praesidia animos reficientia. Unde etiam ad vitae longevitatem non parum praesidii quandoque adferre valent, quâ ratione *Marsil. Ficinus* lib. 2. de vita cap. 15. maximum vitae sibi vindicare adjumentum putat, quicunque inter res Medicorum arte laudatas potissimum eas eligit, quæ corpori simul & ingenio prosunt, in quarum dein numero Moschum quoque collocat.

Ceterum quamvis similia, juxta tritum axioma, conserventur similibus, cerebrum autem communiter frigidus inter & humidus corporis partes recensetur, num Moschus dici cephalicus mereatur, dubitari posset. Sed frustra, cum Cerebro aliarum quarundam partium, & cordis imprimis, respectu tantum temperies ista adjudicetur, quod aliàs revera in se, atque ut vitâ praeditum, calidum dicemus, sanguine utpote, caloris vehiculo, abunde perfusum. Hac ideo naturali temperie si fruatur, Moschum non planè respuit, ejus nempe ab effluviis moderatissimè advenientibus in statu isto facilis conservatur. Ut eapropter ab *Ebn Sina* temperatum cerebrum confirmare rectissimè perhibeatur. Siccandi autem in Moscho virtus, ob exiguum, in qua is propinatur, dosin, tanti momenti haud est, ideoque ut magnopere hic attendatur, minùs requirit.

Sin verò à mediocritate illa recedat, & frigidam humidamque temperiem, cui satis frequenter est obnoxium, induat, à Moscho magnum experitur praesidium. *Τονοί τὴν κεφαλὴν τὴν ὑυχρὰν*, frigidum corroboret caput: scribit *Sim. Sethus*. Et ante ipsum ad frigidos in capite adfectus omnes perquam utilem *Rhases* lib. de simpl. pronuntiaverat,

Quam



Quam laudem utramque ipsi competere, dicemus, quatenus atomi ejus odoratæ cum animalibus spiritibus magnam habere adfinitatem creduntur, ideoque etiam facile in eorum consortium admittuntur & in eosdem converuntur. Sunt enim tenuissima, subtilissima & purissima corpuscula, non solum tantum animalia volatili, qualem tenuissimum in ipsis quoque dictis spiritibus hospitari, doctores fert sententia, sed & sulphure suavissimo prægnantia, quo æthereas illas substantias mirum in modum illustrare, demulcere, inque sui amplexum & connubium concitare possunt. Quin & torpidiores si existant spiritus, hac ratione eosdem excitant, inque motum celerem adigunt; aut impuris obnubilatos halitibus pristinae serenitati, discussis istis, restitunt. Nec spiritus tantum sed & sanguinem ipsum, ferumque tam cum sanguine adfluens, quam nervosa corpora irrigans, non minus respicit, hujus incrassationem tenuitate suâ præcavendo & emendando, ac superfluitatem exsiccando, illius verò æquidiv. conservando, atque intemperiem, paupertatem & coagulationem particulis suis calidis, sulphureis, homogeneis atque spirituosissimis emendando, supplendo ac tollendo. Quo facto, robur debitum capiti non potest non suppetere, ita ut actiones suas nobilissimas absque ullo impedimento facillime obire valeat.

Idque cum internè, tum externè adhibitis operatur. Ibi quidem, dum ori immittitur quibusdam suis particulis sese mox nervis in lingua papillis insinuat, & hinc (si Recentiorum nonnullorum sententia accedere liceat,) per nervos ad ipsum cerebrum abripitur. Etsi enim nervosum succum spiritusque conjunctos à cerebro potius & plerumque promanare, admodum sit credibile, aliquando tamen retrorsum quoque tendere, Clariss. Viri, Franc. Glissonus Anat. hepaticæ cap. 45. Thom. Willis cap. 20. Anat. cerebri. Marcell. Malpighius, & Carol. Fracassatus in Epist. de lingu. adserunt, ideoque etiam alimenti ingesti tenuiores quasdam particulas in illos recipi suspiciantur; quod & alibi in corpore fieri, Willis non dubitat, filamenta nervosa, non tantum quæ gustus sensorium, sed viscera quoque coctioni inservientia obducunt, libamina quædam ab ingestis alimentis & cardiacis immediatè excipere statuens, quibus in magna media & spirituum exolutione ipsi cerebro suppetiæ citissimæ ferantur. Nec sanguinea venosa vascula planè excluderim, quorum osculis in nerveam ventriculi & intestinorum tunicam dehiscensibus sese insinuare facile possunt moschata molecula, atque ita sanguini immediatè confundi. Si enim, quod prælaudatus Willis part. 1. Pharmac. ration. sect. 1. cap. 2. habet, chyli subtilior portio in illa valet irreperere, multo magis subtilissimæ istæ odoratæ atomi illuc peringere & penetrare poterunt. Patientiori autem, certiori, & quasi regiâ viâ

Q

in

in venas lacteas receptæ, atque hinc thoracicum ductum permeando, tandem in venâ axillari & ulterius in corde cum sanguine confusæ, posteaque per carotides arterias sursum delatæ, cerebrum attingere quod valeant, longè est certissimum. Quod & de Moscho exterius in usum ducto dici debet: ita ut & nervosa, & venosa, imò & serosa vascula intromissas per cutis poros subtilissimas Moschi aporrhæas suscipiant. Quam inspirationem Clar. Guil. Harvejus cap. 16. de motu cord. & sangu. exterius scilicet adplicata, medicamenta vitæ intrò exercere suas, ac si intrò sumta fuissent, intuitus, constare hinc posse arbitratur, non esse irrationabile, dicere, venas per orificia ab extra admotis absorbere aliquid, & intrò cum sanguine deferre. Sed hæc per sanguinea & lymphatica vasa ad cerebrum virtutis moschata adductio licet per longiores fiat ambages, non tamen omnino nulla est. Evidentior tamen & celerior longè, per nervos quæ absolvitur. Atque ad hocce etiam cephalica Moschi naribus objecti vis merito refertur, dum odorata ejus aromi inspiratione ad earum membranam internam derivatæ, fibras nervæ processuum mammillarum in eam extensas attingunt, penetrant, inque cerebri interiores recessus sese insinuant.

Diversimodè autem hunc finem impetrare communiter laborant Prædici, varia sub forma Moschum offerentes, quas omnes hic recensere superledeò, duobus saltem, tam internis, quàm externis, usûs exemplis adductis. E quibus primi sùnt Trochisci cephalici *Timaani*, ad eodem in fine Casuum medic. descripti, ex Magist. succin. alb. Spec. diamb. diamosch. dule. ā. ʒiij. cardamom. min. ʒiij. ambr. gr. v. mosch. gr. iij. cum tragac. in Aq. apoplect. solut. conficiendi. Tincturam cephalicam ambratam in Append. Ann. VI. Ephem. German. Curios. Nobil. D. Martin. Bernhard à Berni? communicavit, è Spec. diamb. ʒʒ. lign. aloës, carpobals. ā. ʒij. ambr. ʒj. mosch. ʒʒ. sacchar. Canar. ʒj. cum Elix. Matth. Aq. carbunc. ā. ʒij. Spir. rosar. & Aq. Ipirituos. cinnam. comp. ā. ʒj. extrahendam. Balsamum pro cerebri corroboratione, occipiti & cervici inungendum, ex Balf. majoran. succin. ā. ʒj. Ol. N. M. expr. ʒiij. Ol. stil. salv. caryoph. ā. gr. iij. mosch. ambr. ā. gr. iij. descriptis *Augustin. Thonerus* consult. medic. 12. Præter alia, Odoramentum ad cerebrum frigidum confortandum, mirabilis effectus, solutis in aq. majoran. ʒiij. moschi gr. v. inter Empirica *Epiphani Contr. Gesnerus* exposuit. Quæ omnia, pro varia Medici intentione, voluntate, & necessitate, mutari, emendari, minui, vel augeri poterunt. Id quod sanè unicuique perito Medico, artem componendi & præparandi pharmaca edocto, longè erit facillimum.

## CAPUT

# C A P U T XXI.

*Moschi vires cephalicae, in specie, ad certos  
adfectus determinatae.*



Uamvis cephalicum Moschi usum in genere consideratum qui cognoverit, facile, ad quos capitis adfectus in specie conferat, perspecturus sit, cum tamen hinc inde in plurimis ejus passionibus ab Autoribus commendetur, in specie easdem adduxisse, non plane erit superfluum.

Inprimis verò Dolorem ejus abigere, multorum constat testimonio, ubi quidem mox Hippocrati autoritas, experientia crebra confirmata, obstare videtur, quā Aromatum suffitum vel odorem capitis inducere gravitatem perhibetur. Quod tamen superius à nimia tantum copia atomorum in caput admissa, vel sanguine bilioso, & ejus in debili capite mobilitate nimia, spiritibusque facile irritabilibus fieri, adeoque non in omnibus locum habere, reipsa patescit. Scilicet

*est modus in rebus, sunt certi denique fines.*

Sic & in dolore capitis ex pituita oriundo medicamenta calida & odorata, nocere posse, bene animadvertit Alex. Massaria Pract. med. lib. 1. cap. 7. si quis ante universi corporis & capitis evacuationem illis utatur, post celebratam verò istam, eadem dissolvere materiam, nullumque dolorem, tum interne, tum externe usurpatum, inducere. Unde communiter etiam in illa tantum Cephalalgia, quæ ab intemperie frigida ortum habet, laudari solet. Sic Ebn Sina Moschum unà cum croco & modica camphora naribus inditum, capitis dolorem ex frigiditate ortum lenire scribit; quinimo solum quoque præstare id posse, quia discutiendi & roborandi facultate polleat. Scilicet non cerebri tantum dyscrasiam frigidam calore suo emendat, sed & spiritus à tristi sensatione agitato ad quietiorem statum blanditiis suis componit, vapores conjunctos tensivos & gravativos tenuitate sua resolvit, atque serosam vel pituitosam materiam ab evacuatione antecedente residuam attenuat ac discutit, imò & punctioris doloribus, ab acore præternaturali excitatis, sale suo volatili eundem enervando, contrariatur. Quem in finem commendari potest Cucupha à Joh. Costero Tabul. med. 2. præscripta. Et D. Petrus à Castro in Pract. MS. inunctionem ex ʒj. Ungu. dialth. cum gr. ij. moschi subtilissime triti ultimum remedium in ejusmodi forti dolore

lore capitis appellat. *Joh. Agricola* animadvers. in Popp. medic. chim. part. 2. tr. de laudan. Aquam verbenæ à flor. rosar. &c. in B. abstractam, & ambræ ac moschæ imprægnatam vocat incomparabilem in cephalalgia, non tantum externæ, sed internæ pariter in usum trahendam. Et *Zacutus Lusit.* in Conservam, contumaci & rebellis cephalæ utilissimam, quæ solâ per mensem oblatâ juvenis quidam, per biennium graviter afflictus, fuerit persanatus, moschi etiam ʒj. receperat, lib. 1. Prax. hist. cap. 3.

Ob eandem roborandi, calefaciendi & siccandi facultatem, in ipsis etiam Catarrhis passim præscribitur, ideoque Pulveri nicorianæ non absque ratione Moschum &c. admisceri, *Gregor. Horstius* Probl. medic. dec. 1. quæst. 4. arbitratur, & lib. 2. obs. med. 4. eundem Trochiscis pro fumo adjungit, nec non Pulveri pro fuffitu *Dan. Sennertus* lib. 1. Med. pract. part. 2. cap. 34. unâ cum Erthino ex aqua majoranæ conflato. Oleum auri bus naribusque inungendum, Saponem pro capite abluendo, Ceratum commissuræ coronali & sagittali adplicandum; cum Moscho proponit *Joh. Bapt. Montanus* consil. med. 144. Lixivium moschatum profert *Adrian. à Mysische* Arment. medic. chim. sect. 9. Pomum odoriferum *Arnold. Villanovanus* tr. de catarrh. cap. 5. Pilulis quoq; internè usurpandis eadem intentione inseritur, quales in Theophrast. pharmaceut. Hoffmannianis sect. 26. leguntur.

Ubi Hydrocephali etiam aliqua mentio facienda, cui ob vim corrodendi, calefaciendi, exsiccandi, resolvendi, & discutiendi opem ferre non omnino recusat. Atque idcirco à *Sennerto* lib. de infans. curat. part. 2. cap. 6. Balsamo naribus illinendo, nec non à *Jac. Primerosio* de morb. pueror. part. 2. Oleis aurium & narium cavitati immittendis admiscetur. Confer. *Petr. Forestus* lib. 3. obs. 6. Ipse quoque *Paracelsus* lib. 2. de Tart. cap. 6. septem hydropis genera recensens, Pulveri internè in cerebri hydrope summendo eum adjecit. Quò tumorem referre liceat, infantium recens natorum in capite quandoque conspicuum, & frequenti Italorum experimento, gossypio moschato impósito curabilem, memorante nostro *G. H. Welschius* cent. 2. Mictomim. obs. 32.

Porro memoriæ defectui opitufatur, quatenus illa cerebri frigida vel humidam quoque intemperiem, spirituumque animalium defectum, debilitatem, impuritatem, vel obfuscationem pro causa agnoscit. Hinc *Floravantium* l. c. lib. 2. cap. 11. Moscho tale tribuit encomium: *Fæla memoria quasi incorruptibile, i. e. memoriam quasi incorruptibilem efficit.* Cui non minimam idcirco laudis partem debet Diamoschi confectio, quam inter remedia ad memoriam ex morbo deperditam utilia commendat *Zacutus Lusit.* l. c. cap. 9. *Gul. Gratiarolus* lib. de memor. præter Oleum auri-  
bus

bus instillandum, vel Unguentum naribus illinendum cap. 2. descriptum., Catapotia insuperad memoriam efficacia Moschi additione cap 5 perficit. Cui jungendum Oleum *Fumanell* in *Gesneri* Euonymo pag. 221. delineatum, nec non Pessulum erthinum *Christophori à Vega*, de quo agit lib. 3. de art. med. sect. 1. cap. 10.

Nec minùs in Fatuitate salutariter adhibetur. Unde *Lelius à Fonte* consult. med. 129. Nobili Veneto, post diuturnas animi curas molestiasque, nec non immoderatam Venerem Morosi adfecto, præter alia remedia, Odores quoque conducere plurimum posse arbitratus fuerat, quos inter Moschum præcipuè denominaverat, ut qui internè & externè usurpatus prærogativâ quadam cerebro opituletur, exuberantem ipsius humiditatem, exsiccans. Magnam nempe spirituum animalium exolutionem ab immoderata Venere contingere, extra dubium est, qui ita imminuti ac debilitati, quin & consequenter à liquore nerveo inertiori reddito impediti, in naturali suo motu & operatione admodum turbantur atque impediuntur. Quin & violentas animipassiones spiritus cerebrales plurimum dissipare atque ab invicem distrahere, ut priorum motuum suorum vestigia repetere possint, nequeant; ingeniosa *Th. Willisii* de anim. brut. lib. 2. cap. 13. est sententia. Quare Moschus spiritus istos confortando, augendo, demulcendo, suum persiliumque humorem exsiccando vel volatilizando non poterit non plurimum prodesse.

In ipsa Phrenitide *Penoti* Epithema cephalicum celebratur, quod ex Moscho, camphora & aqua rosarum tincturâ santalinâ imprægnata paratur. Id quod somnum conciliando & cerebrum confirmando præstare, *Laç. Riverius* Præx. med. lib. 1. cap. 11. autumat. Maximâ tamen hic opus est cautione, ne febrilis, qui adest, calor magis inde exacerbetur; ideoque temperatis magis remediis qui insister, majori cum securitate medebitur.

Nec satis video, quomodo in Mania idem medicamentum, ceu à nonnullis deprædicatur, nullè certo præbere operam queat. Quæ nempe licet sine febre existat, revera tamen; omnibus id attestantibus, non sine spirituum animalium exaltuatione & fervore subsistit. Unde vel omnino non proderit, vel, si prosit, spirituum fervorem amicâ suâ præsentia compefcendo, aut etiam succi nervei & sanguinis qualemunque dyfrasionem emendando, illud fiet. Quin & confortantia cardiaca in hoc adfectu esse necessaria judicans, iisdem Moschum in specie adnumerat *Sebizius* l. c. part. 2. sect. 2. cap. 6. Licet *Willisius* d. l. cap. 12. in hoc morbo analepsi opus non esse, & nec vires resumtivis restaurandas, nec spiritus cardiacis refici-

ciendos voluerit. Sed quod *Paracelsus* tr. 2. de morb. ament. cap. 2. duplicem manie curam exponens, in priori materiam peccantem refrigerari & congelari scribit, hoc etiam addito medicamento, ex Ol. camph. 3j (vel, ut alii legunt, 3j) & Ol. mosch. 3j. mixtis, dimidia drachmæ pondere sumendo, aut etiam fronti temporibusque illinendo, quod mirabiliter maniam auferre, calorem corporis extinguere, fervorem sanguinis tollere, & materiam non secus, ac in glaciem à frigore aqua cogitur, coagulare testatur, id, inquam, mihi ingens est paradoxum. Quis tantam sibi à tam fervido medicamento refrigerationem spondere audeat? nisi frequentiori & liberali nimis usu, ipsius caloris naturalis suffocationem, & consequenter frigidam mortem adducere voluerit.

Quid in Melancholia valeat, *Ebn Sina* edisserit, hilaritatem ab eo induci, tristitiamque melancholicam dispelli scribens, cui consentit *Averrhoës* lib. Collig. melancholiam cum abigere testatus. Quem in finem etiam, dubio procul *Joh. Mesue* divinum suum Electuarium, quod confectio Alkermes dicitur, & *Alstunus* Linctum lib. de medic. composuit. teritis & atrabile vexatis dicatum, Moscho exornaverant. E Recentioribus etiam, ut reliquos taceam, *Honor. Heringius* sect. 1. de Melanch. cap. 9. eundem commendavit, & *Balth. Brunnerus* ex medicamentis interioribus Melancholiam hypochondriacæ adcommodatis Moschum & Ambram præcipua esse Consil. medic. 7. pronunciavit, nec non Pilulas ex Ambra & Moscho, cum Extr. Alkerm. & gumm. ladan. huic scopo idoneas *Joh. Hartmannus* in Prax. chymiatr. Electuarium verò & Aquam perlatham *Claud. Deodatus* Panth. hygiast. lib. 3. cap. 21. proposuit. Externè insuper Pilæ odoriferæ, ac Limento odorem illum jungere libuit *Hieron. Mercurialis* de adfect. capit. lib. 1. cap. 10. Cerebri nempe confortandi causâ id fieri inprimis solet, cum spiritus animales in hoc adfectu maximè lædi credantur, quatenus & impurius redditi sunt, atque variè in tranquillitate sua ac temperie impediuntur & depravantur; ut massam sanguineam in acorem pronam & sulphure suo depauperatam à Moscho correctionem expectare hic non urgeam.

Præterea Paralyti contrariatur. Nervis enim dicata est medicina, qui frigidis offenduntur, calidis verò siccisque delectantur. Videlicet istâ in nervorum resolutione cum spiritus animales motui dicatas partes sufficienter irradiatæ cessent, sive nervosos funiculos frigidus crassior humor, lymphæ, vel pituita obstruens, transitum ipsis liberum denegat, sive etiam qualiscunque frigidior adflatus aut narcosis torpidiores reddiderit, & quasi coagulaverit, Moschum resolvendo, attenuando, discutiendo, exsiccando, calesfaciendo, excitando, conducere mox elucefcit. Quocirca si naribus cum aliqua

aliqua croci parte inferatur, prodesse dicitur *Haly Abbati Theor. lib. 5. cap. 33. & Isaac. Israelita lib. pantechn. 5. theor. cap. 104.* Quem etiam Balsamo, Cucupha, & Rotulis addidit *August. Thonerus lib. 5. consil. medic. 5.* Et membra paralytica à Moscho cum petroleo mixto roborari *Euchar. Roslinus Herbar. part. 3. perhibuit.* Nec sileri debet Melicratum vel Claretum à *Joh. Anglico in Prax. med. lib. 1. pag. 89.* descriptum, atque ex vini, mellis à. *ssij. cinnam. 3v. spic. aromat. 3j. Zingib. ligni aloës, maais. à. 3iij. salv. 3ij. croci 3iβ. moschi 3j. concinnatum.*

Dum verò Paralyfi maxima cum Caro, Lethargo, & Apoplexia est adfinitas, & judicio *Pauli Barbette Prax. lib. 1. cap. 3.* gradibus saltem differunt, eandemque partem adfectam & causam agnoscunt, vel potius, uti *LaZ. Riverius tom. 1. Prax. med. lib. 1. cap. 2.* habet, pro majori tantum vel minori humoris copia, plures aut pauciores cerebri partes magis aut minus adficiente differunt, ideoque iisdem remediis omnes hi adfectus curari possunt, Moschi virtutem ad illos quoque sese extendere, nemo dubitabit.

Sic in Lethargo, qui vel à spiritibus animalibus narcosi perculsis, vel etiam extra corticales cerebri debilis, humidi nimis aut frigidi poros ejectis, doctâ *Willisi* sententiâ, oritur, proderit. Unde tum in ipso paroxysmo, tum extra eum utiliter odorata adhiberi plurimi observarunt, Balsamum capropter & Moscellos *III. Guerner. Rolsincio in Ord. & meth. medic. spec. consult. lib. 2. conf. 5.* Pulverem sternutatorium, Electuarium, Cucupham, Balsamum *Joh. Costero Tabul. med. 3.* Moscho exornantibus.

In Caro etiam, qui Lethargo major censetur adfectus, paulò aliùs versus cerebri meditullium penetrans, capropter conducit, atque à *Valesco de Tharanta lib. 1. medic. pract. cap. 4.* externè & internè commendatur. Quin & præter alios utendi modos, sæpius vel continuò ad odorandum esse porrigendum *Joh. Stephanus paraphras. in 1. sen Avicenn. lib. 3. tr. 4. cap. 3. & Dominic. Leonus art. med. sect. 1. lib. 2. cap. 3.* admonens. Hunc tamen, ipso in paroxysmo neutiquam, sed fortida potius convenire, ne humores in caput trahantur, post accessionem tamen & capitis expurgationem demum ex usu esse *Benedict. Silvaticus cent. 1. conf. med. 75.* scribit, præunte *Hier. Mercuriali l. c. cap. 7.* Quod monitum licet omnino non sit inutile, limitationem tamen aliquam pati, si adfectiones has ab humoribus, non tantum quantitate, quàm qualitate, eaque narcoticâ tantum lædentibus, aliquando excitari, consideretur. Videantur etiam, quæ hac de materia *Nob. D. Contr. Vith. Schneiderus lib. de morb. capis. tract. de Caro cap. 7.* disseruit.

Nec

Nec Apoplexia, interna cerebri penetralia obsidens, eundem planè respuit, laudatum ideo à *Joh. Wutichio* in Consil. apoplect. inque varia medicamenta illatum. Quibus accensere etiam licet Pilulas àb *Abrah. Seyler* in *Lauf. Scholzi* Epist. med. 8. descriptas, easdem ferè cum illis, quas *Riverius* l. c. in adfectuum soporosorum, apoplexiæ &c. curatione, ad caput roborandum exhibuerat, & Exc. D. *Joh. Dan. Majors* in Delic. hybern. sive Trib. nov. invent. med. cap. de inunct. vertic. recensitum pretiosissimum Magni Ducis Etruriæ Liaimentum, vertici in apoplexia inungendum, ex oleo moschi orient. ambr. N. M. expr. & bals. Peruvian. concinnatum. Hinc tot porro Balsamorum & Aquarum apoplecticarum occurrunt descriptiones, Moscho nobilitatæ. Quas tamen Aquas, ( quibus & Balsama odorifera moschata &c. jungemus ) licet ob vaporum humorumque frigidiorum discussionem & dissolutionem, caloris nativi & facultatis sopitæ excitationem, cerebri roborationem, ac spirituum animalium conservationem vel à natura sua degenerantium in pristinum statum reductionem, in minima etiam quantitate maximam vim obtinere, ac subito penetrare, inque apoplexiâ à vaporibus narcoticis, & spirituum animalium vitio, aut pituita sine sanguinis permixtione inducta, frigida constitutionis & senilibus subjectis commodissime posse exhiberi, *Sennertus* Med. pract. lib. 1. part. 2. cap. 33. quæst. 4. concedat, in apoplexiâ à sanguine ortum habente, vel etiam ubi sanguini humores jam permixti abundant, mox in principio non satis tutò usurpari monet, cum humores fundendo & caput replendo morbum augeant. Qua de materia non minùs legi meretur *Phil. Höchstetterus* noster. Observ. med. dec. 9. cas. 5. & Ill. D. *Paulus de Sorbais* observ. medic. cap. 7.

Quamvis autem in soporosis istis adfectibus Moschus conducatur, & ipse tamen in Vigiliis compescendis, somnoque blandiori corporibus frigidioribus & humidioribus inducendo, aliquid confert; quem in finem *Celeb. D. Joh. Crato* in consil. 118. apud *Scholz*. Pilulas ex Specieb. diamb. diamosch. dulc. &c. nec non Elecquarium cum eo parare edocuit, medicaminum horum calidâ atque odorâ virtute vaporum in Senibus contemperationi studens; quo de elegantius differentem consulere juvabit Exc. D. *Wedelium* lib. 1. de medic. facult. sect. 3. cap. 1. nec non *Cl. D. Simonem Pauli* Quadripart. botan. class. 2. cap. de Iride.

In Epilepsia debitè adhibitus laude suâ non caret. Quo itaque varii Pulveres antepileptici exornantur, quales delineant *Matth. Unszerus* *ἰερότοσολογ.* chimiatr. lib. 2. cap. 11. *Petr. Joh. Faber* Sapient. univers. lib. 3. cap. 15. *Laç. Ræverius* l. d. cap. 8. *Guern. Rolsincim* Chim. in art. form. redact. lib. 5.



lib. 5. sect. 5. *Dispensatorium Noricum ult. edit.* class. 1. sect. 5. pag. 38. & *Achilles Gasserus* in *Sylog. observ.* à *Welschio* edit. obs. 7. Inter externa quoque occurrit Emplastrum in *Frid. Hoffmanni* Thel. pharmaceut. sect. 10. pag. 63. Moschum recipiens, id quod *Joh. Cræonus* inventum esse, ex *Scholizian.* Epist. 161. constat, tam in pueris quàm senibus bono cum successu adhibitum. Cæterum in specie puerorum in epilepsia eundem commendat *Jac. Primerosius* part. 2. de morb. puer. Eamque Moscho cum viro subtili curatam refert *Thom. Bartholinus* in *Welschii* Chil. 1. exoteric. observ. med. 562. Quod ipsum remedium etiam ex *Georg. Kùfnero* *Joh. Georg. Schenckius* exoter. experim. cent. 5. observ. 85. laudaverat. Ubi præfatus *D. Hoffmannus* in *Clav. pharmaceut.* Schröd. lib. 2. cap. 76. de *Crolliano* odorifero verba faciens, odoratis talibus multis excitari animadvertit, non quod planè morbus inde tollatur seu curetur, sed quòd via præparetur: per virtutem enim odoris corpori communicatam sanguinem moveri, & cor supra modum refocillari. Ast si epilepsie causam, & Moschi naturam perpendere velimus, in ipso etiam morbo isto tollendo Moschum posse quandoque efficacem esse, fateri cogimur, utpote quem, si non semper, ab acido tamen aliquo heterogeneo, nervosas cerebri partes irritante & vellicante sæpe oriri, tum apud plures est in confesso, tum & curatio per acorem illum hostilem absorbentia volatilia, quibus Moschus jure adnumeratur, & fixa ostendit.

Unde non minis in Convulsionibus & Motibus convulsivis, parùm scilicet à morbo sacro differentibus, conducit, prout Balsami, in tremore manuum, jectigatione, spasmo, tortura, stupore, à *Petr. Foresto* lib. 10. observ. med. 99. & *Nicol. Pisone* lib. 1. de cognosc. & cur. morb. cap. 21. pro spinæ & nuchæ inunctione commendati, virtutem accessione suâ exaltat. Et in specie Caninam sic dictam convulsionem citò, tutò, & jucundè Bolo moschato, l. c. cap. 12. exstante, curari *P. I. Faber* proponit.

Nec in Vertigine debellanda, dum cerebrum infirmum roborat, & vaporum, spiritus animales in motum perversum concitantium, discussionem promovet, auxilium denegat. Cui nempe opitulari, capiti & naso illitum, *Conr. Kunrath* *Medull. destill.* part. 2. tract. 17. & *Franc. Fogeroles* de senum affect. part. 2. cap. 5. consentiunt, exemplisque salutarem usum testantibus comprobant *Martin. Rulandus* cent. 2. curat. empiric. 66. atque *Georg. Hier. Welschius* in observ. med. Reusner. 10. & *Hecatoest.* 2. observ. med. 28. quibus merito jungitur *Fidejussus Reineccerus* lib. 1. thesaur. chim. experimenta inter usu probata Linimentum ex oleo N. M. lil. convall.

vel succin. ambra, moscho, & Zibetho  
adducens,

R

CAPUT

## CAPUT XXII.

### *Moschi usus ophthalmicus.*



*Ngentibus & variis casibus oculi nostri patent. Qui cum magna partem ad vitam simul & usum, & dulcedinem conferant, summa cura tuendi sunt: ut C. Celsus lib. 6. de re med. cap. 6. loquitur. Ubi nec Moschus salutarem denegat operam, cujus vires ophthalmicas tum recentiores, tum antiqui Medici nobis proponunt.*

Hos inter inprimis *Ebn Sina*, robur oculis illum addere, eorum humiditates exsiccare, & ténues Albugines extergere fatetur. Quod & *Hachim Ebn Hunam* pronunciat, Interpretum verbis sic apud *Serapionem* locutus: *Administratur in medicinis oculi, & abstergit albuginem subtilem, & deasciat ejus humiditatem.* Hinc Aquâ forniculi eundem solvere, oculisque immittere *P. A. Maestholius* lib. 1. Herbar. cap. 15. præcipit. Et *Nicolaus Myrepsus* Aquæ sæz, sect. 24. de comp. medic. descriptæ immacerat, quam præter alios usus, etiam ad albugines crassas & nubeculas oculorum probatam deprædicat. Albugo autem docente *Sennerto*, vel ab humore pituitoso, vel sero crassiori corneæ impacto, vel, quam major Autorum pars vulgò tradit, à cicatrice cum oriatur, in hac posteriori specie curanda tantopere prodesse vix poterit, quæ emollientia, quâ virtute is destituitur, potius requirit. In priori tamen vi suâ resolvendi, attenuandi & discutendi, ut & abstergendi locum utique inveniet, præcipuè cum volatili suâ tenuissimâ exhalatione densam corneæ tunicæ substantiam penetrare, ejusque lamellis sese insinuare egregiè valeat. Nec ténues ideo tantum caliginis istas, sed & crassiores paulò seri stagnantis coneretiones & nebulas dissipandi robore pollet.

In constrictione etiam pupillæ ab humiditate ortâ Collyrium præscribit *Hieron. Mercurialis* l. c. cap. 35. cui Moschum adjungit. Cum enim uvea tunica pupillam constituens ob humiditatem laxatur, & quasi enervata in se ipsam collabitur, vel ab ejusdem humoris nimio adfluxu, aut etiam humore flatuoso intumescit, Moschus eadem virtute, quâ serosos humores disgregare, & juxta cum flatibus discutere, sicque partem exsiccare potest, hic etiam operabitur, & naturalem partii temperiem restituet.


Quapro-

Quapropter in ipso quoque Suffusionis principio medelam aliquam conferet, atque ita non incongruè à *Ioh. Bapt. Montano* conf. med. 84. & 101. Mixtura cephalicæ, nec non Saponi, pro lotionē capitis composito, fuit aditus; aut alio modo administrari poterit.

Pelliculam ab eodem detrahi *Conr. Kunrath* l. c. autor est, quæ oculis supercrefcere soleat, quâ dum procul dubio *πτερυγιον* sive Unguem oculorum, quem nervosam membranam vocat *Celsus* lib. 7. cap. 7. innuit, num utilis in eo esse queat, meritò dubitatur, quia exsiccano quidem, ulteriori ejusdem incremento obfistere, generatam autem vix tollere, nedum detrahere potens est. Licet aliquam faciliùs inveniatur locum, si *Pterygium* nihil aliud esse dicamus, quàm carunculam in angulo interno oculi extensam, dum humore viscido, ut cum *Cl. Anton. Molineto* loquar, imbuta caro illa, expandens se adinstar membranulæ, multam oculi partem obnubit, vid. ejus Dissert. anat. pathol. de sensib. cap. 6. Quo certè in casu humoris istius viscidæ fusionem, rarefactionem & dissipationem particulæ Moschi volatiles promittunt.

In Lippitudine porro, sive Lachrymis involuntariis curandis locum invenit, non siccandi tantùm, & ita lachrymalia vasa constringendi vi quadam effluxum illum moderando, ipsumquæ abundantem humorem, discutiendo, sed & cerebrum partesque nervosas ac glandulosas calefaciendo & roborando, sicquæ nimiam seri generationem & separationem præcavendo. Unde ita dictas Pleres cum moscho & ambra Species pro usu interno commendat *Piso* l. c. cap. 27. Moschum ipsum odorandum *Christoph. Wirsungus* Medic. part. 1. cap. 7. §. 7. consulit, & Collyrio *Ioh. Meisner* de morb. intern. curand. immiscet.

Nec humiditates solùm morbosas, verùm & flatuosos oculorum affectus, ceu *Constantinus Africanus* scribit, eadē efficacîa dispellit; imò spirituum animalium vigorem & augmentum procurando, visioris unâ eundem fructum impertitur, sicquæ præstantissimam illam actionem, quam visum adpellamus, variis modis adjuvat, atque emendat.



# CAPUT XXIII.

## *Moschi virtus in Aurium morbis.*

**Q**UAM miseranda Surdorum, & tædiosa Surdastrorum sit conditio, neminem, qui divini illius sensus, Auditus nempe, usum perpendit, latere potest. Illis autem, medelam sæpè Moschus adferre promptus est. Quod jam olim *Averrhoës* tradidit, Surditati eum mederi testatus. Et *Hieron. Mercurialis*, *Galen*i doctrinæ innixus, quâ medicamenta adfectibus istis adcommodata calefacientia, incidentia, extenuentia, & altè penetrantia esse debere monet, hisce tract. de aurium affect. Moschum adnumerat. Proderit autem, sive in tympano, sive in remotioribus magis partibus causa mali lateat. Illud enim ab humoris frigidioris adfluxu humectatum incrassescit, àque naturali sua tensione remittit; hæc verò vel crassiore humore obliniuntur, implentur, ac ita allidentis aëris percussione non, vel imperfectè sentiunt, vel deniq; ipsi spiritus animales cerebri intemperatoris culpâ pauciores geniti parcè admodum communicantur. Unde Moschus humores illos attenuans & discutiens, calorem torpidum suscitans, & spiritus adaugens, debitum siccitatis ac tensionis gradum, calitatum puritatem, meatuum libertatem, spirituumque copiam abundè suppeditando, *κωφωσιν* & *βαρανοίας* quamoptimè debellabit. Majorem hinc virtutem Oleum illud auri instillandum nanciscitur, quod ex *Alexandro Benedicto Joh. Georg. Schenk*i observ. atque exper. cent. 3. obs. 50. & cent. 7. obs. 67. adducit. Id quod, sed paulò, Moschi inprimis duplicato pondere, mutatum, magnoperè extollit *Barth. Montagnana* consil. 65. canon. 12. suum id inventum adserens. Aliud simplicius habet *Dom. Leonus* l. d. lib. 5. cap. 2. aliudque cap. 5. Trochiscos etiam, usus tempore, raphani &c. succo solvendos, cum Moscho parant *Joh. Zecchi* consult. 43. & *Fel. Plateri* Prax. tom. 1. lib. 1. cap. 3. Aurem insuper, post liquoris instillationem gossypio, quod Moschum conservaverit, occludere jubet *Reiner. Solenander* sect. 1. consil. medic. 4. idque aliàs etiam aëre frigido, humido, & nebuloso observandum præcipit consil. 10. & 11. Non minùs in gravi auditu Liquores auribus dicatos eodem imbuiere suadet *D. Bernhard. Verzascha* obl. med. 91. Moschum gossypio involutum auribus noctu indere *Roderic. à Fonseca* tom. 1. Prax. med. 14. idem etiam ad boreale & aquilonium frigus arcendum *Aloys. Mundella* Epist. med. 20. consult.

fit. Tale remedium perpetuò usurpatum Viduam quandam Delphensem à surditate satis diuturna liberaverat, apud *Forestum* lib. 12. observ. 15. Vid. quoque ejusdem observ. 7.

Similis remedii applicatio depravato auditui, sive aurium tinnitui medetur, commendata propterea ab *Hier. Mercurialis* tom. 1. consult. med. 48. *Benedicto Silvatico* cent. 2. conf. 22. *Thom. Mermano* lib. 1. consult. med. 33. aliisque. Cui & aliàs diversimodè opponitur; inprimis verò cum aliis distemperatus & mixtus auri instillatur, usui huic inserviente Aquà à *Petro Bayro* Enchirid. pract. dist. 4. cap. 4. recensitâ. Vel Moschus cum aliquot olei fœniculi guttis, notante *Gregorio Horstio* lib. 2. de sanit. tuend. cap. 4. bambace exceptus cavitati auris imponatur; ut plurima alia passim notata, præteream, quæ ab odoramento nostro non minimam virtutem mutuata flatulentos illos & vaporosos halitus, aërem aurium internum replentes & agitantes, versusque sensorium impellentes, valent dispellere.

In aurium dolore non minùs utiliter adhibetur, sive à flatulento spiritu, vehementer membranas tum in auribus internis, tum præcipuè in exteriorè earum cavitatè distendente, sive ab humoribus frigidis simulque acribus, & acore præsertim mordacibus ille proficiscatur. Hinc oleum moschelinum ab *Arnoldo Villanovano* Breviar. pract. lib. 1. cap. 31. Oleum chamæmelinum, vel Castoreum Moscho permixtum à *Petr. Andr. Matthiolo* lib. 1. Herbar. cap. 15. laudatur; & gossypio etiam moschato auris occlusio à nonnullis præcipitur.

Idem dolor, & quidem ut plurimum à pure circa partem illam coærvato ac generato oritur, in quo casu Moschus pariter conferre creditur, teste *Theodor. Corbejo* Pharmacop. bipart. lib. 2. class. 1. sect. 2. cap. 7. Et *Forestus* multos, quibus auris sanie longo tempore maduerat, solâ impostâ bambace, in qua is reservabatur, curâsse se l. c. testatur. Si enim serosi humoris collectio in aure, ob partis hujus intemperiem accidat, longiori dein in anfractu illo morâ in purulentum quid ejusmodi faciens, vel etiam excrementitia ista humiditas ab aliqua cerebri humiditate p. n. vel imbecillitate generetur, & illuc descendat, corroborante virtute suâ cephalicâ, & vi serosos humores discutendi ac siccandi, ulteriori puris produ-

ctioni posse Moschum resistere  
existimo.

## CAPUT XXIV.

### *Moschi vires in narium vitiis.*



um narium inprimis dicatus videatur Moschus, quas benè temperatas, odoris sui singularem ob præstantiam, mirè adficit & demulcet, indignum laude ejus foret, malè adfectis iisdem opem si denegaret. Odoratis sanè nocu- mentis sive impedimentis, si ab intemperie frigida, utpluri- mum contingente, dependeant, alia inter etiam Moschum narium haustum proponit *Joh. Mesue* lib. de morb. intern. Potestate ita- que suà calidà id præstabit; quamvis & alio modo languescentem, vel obli- teratum sensum illum suscitare ac restituere valeat. Cum enim ejusdem diminutio vel abolitio non organi solùm, quod odorabilem atomor- um tum receptioni, membranz videlicet narium internæ, nervosis à processibus mammillaribus & tertia nervorum conjugatione fibrillis co- piose instructæ, tum ad ipsum τὸ πρῶτον ἀσθητικόν delationi & dispensationi inservit, sive nervorum jam nominatorum intemperiei simpli- ci, sed & obstructioni sit adtribuenda, reserationem horum particulis suis pe- netrantissimis utique promover, pituitosos humores incidendo, ad exitum vel in vasa receptionem disponendo, organum roborando, sicque & atomis o- doriferis ad nervosas fibrillas, spiritibusque animalibus, earundem vectoribus, ad ipsum cerebrum liberam viam sternendo. Quod agnoscens *Platerus*, ad olfactum excitandum sæpe Moschum ei esse offerendum statuit tom. 1. Prax. lib. 1. cap. 8. Ideoque etiam non inutiliter Pulveribus sternutatoriis eum, in finem adhibendis permiscetur, cujus exemplum delineat *Franc. Osvald. Grembsius* Arb. integr. & ruin. hom. lib. 2. cap. 1. §. 11.

In Fortore quoque narium passim adhibetur, quem non tantùm odo- ratissimis suis moleculis palliando vel obfuscando quasi, sed & ipsa in cau- sæ remotione operam suam conferendo, emendat. Cum enim semper ali- cui partis intemperiei humidæ, imò putredini etiam debeat, unde exha- lantes foetidæ moleculæ ad sensorium delatæ graviter illud inficiunt, Mo- schus vi suà exsiccatoriâ, balsamicâ & aromaticâ intemperiem corrigit, & putredinis fomitem ac subjectum alterat atque extinguit. Quapropter, *Gul. Rondeletius* lib. 2. de compos. med. in languentis ad Oæcnas præpa- randis odorata, Moschum &c. admiscendum, & *Riverius* tom. 2. Prax. sect. 3. cap. 4. ad fallendum setrum istum odorem Galiam moschatam in vino odora-

odorato dissolutam saepe esse attrahendam monuerat. Quod ipsum etiam remedium in *Gesneri* Euonymo, & *Sennerti* Medicina practica producitur. Mesue quoque Pilulas oleo nardino, vel aquâ rosarum solvendas, aliasque naribus insufflandas, huic usui destinatas l. c. descripseras.

## CAPUT XXV.

### *Usus Moschi in oris fœtore, & odontalgia.*



um perquam molesta sit adstantibus ex ore foetida quorundam exspiratio, imò ipsis etiam symptomate hoc adfectis noxia, continuâ nempe inspiratione pulmonibus & consequenter vitali sanguineo liquori spiritibusque vitalibus, nec non ipsis quoque animalibus communicata, rectè omnino Medici emendationi ejusdem omni tempore studium & operam impenderunt. Cui fini Moschum nostrum dicare non omiserunt. Id quod *Ebn Sina* his docere verbis voluit :

**يقبح اذا وقع ثب الطبيع** Quæ licet ab aliquibus : *Animam reddit fœtentem, vel : facit oris fœtorem, quando porrigitur in cibo, vertantur ; alii tamen : Animam pellit fœtentem, legunt, nonnulli verò simpliciter interpretantur : evaporat, & præciso fœtore, quem quidam tunc generari persuasum habent, ne quidem in rebus coctis eum vim suam amittere censent : Prout hæc supra laudati D. Frischmuthus benevolæ communicationi debeo. Ubi sanè alteram versionem esse præferendam existimo. Ebn Sina utique textui illi titulum *Decoracionis*, uti *Gerardus Carmonensis* vertit, præposuit, eo ipso, de Moschi virtute, quæ ad corporis, & in specie oris decorem conciliandum efficax est, sese acturum inueniens. Neque experientia aliud persuadet, quæ cibus odore forti alio non præditis recentem injectum odoris suavitatem, non fœditatem conciliare ostendit, indeque ori ingestos cibos hosce fragrantem atomos ei inspirare, ac tetros reliquos suppressere, consequitur. Namque fœtorem radicitus tollere licet rarò soleat, egregiè tamen sulphur illud impurius atomis suis purissimis sulphureis emendat atque obnubilat. Hinc parum Moschi si manducetur, oris fœtorem palliari, *Joh. Placcarius* perhibuit. Quo sensu etiam eum à rebus fragrantem odorem*

rem

rem spirantibus obscurari, Moscho nempe, Trochiscis bechicis albis cum opoparatis, Moschardinis, Confectione alkermes, Aquâ rosarum cum Moscho odoriferâ, Nob. *Melch. Sebizius* Spec. med. pract. part. 2. sect. 4. cap. 25. tradidit. Nec alium in finem Aquæ oris collutioni dicatæ à *Guintherio Andernacensi* de Med. vet. & nov. comm. 2. dial. 8. immiscetur. Quibus selectiora addantur, quæ ex Moscho parata exhibet remedia Ill. *Guern. Rolfinius* Ord. & meth. medic. spec. comment. lib. 7. sect. 2. cap. 11. Licet in ipsa insuper mali hujus causa tollenda non omnem operam denegat. Uti enim genuina cura ejus vel in sordibus circa dentes & gingivas hærentibus emundandis, vel in putredine, si quæ partibus quibusdam in ore subest, tollenda consistit, ita Moschus sulphureis suis, calidis & siccis particulis ejusdem exsiccationi opitulabitur, quin & ventriculi cruditates, aut pulmonis ulcera cum sæpe in culpa versentur, idem virtute suâ stomachicâ, caloris naturalis confortationi debitâ, pulmonibusque amicâ, quâ de inferius discurrere dabitur, ne generari tam promptè queant, anam præscindet. Quò respexisse puto *Alexandrum Benedictum*, Tragematum mixturæ additum oris halitum commendare, scribentem, quibus jungere licebit Vinum & Eleetuarium, à *Bened. Vistorio* lib. 1. cap. 11. tanquam experta remedia singulariter commendata. Sed hujusmodi ad odorata nonnisi post ipsius causæ sive putredinis remotionem esse deveniendum *Job. Bapt. Montanus* advertit, cum aliâ fætor magis adaugeatur, quem tamen metum esse inanem ipse usus demonstrat, modò particulis odoratis in decente quantitate oris cavitas imbuatur, atque mephitis exhalans summo in gradu non sit foetidissima.

Quid in dolore dentium præstare queat, ex relatione laudatissimi *D. Wedeli* constare potest, qui in Marchia superiori Belgam militem vidit, odontalgiam miro cum adplausu in plebeis grano uno vel altero piperis in cochleari aquæ leviter cocto, in divitibus autem grano uno moschi, saltem in cochleari super prunas calefactione factâ, curantem, dum liquorem istum tepidum in aurem lateris adfecti injiciebat. Cujus medelæ rationem ex Anatome patere, ejusdem *Wedeli* eruditum est judicium, succedente scilicet, ob consensum meatû palatini & nervorum, eorundem roboratione, ac discussis humoribus serosis frigidis ac dolorificis. Similes innuit vires *Georg. Bertinus* lib. 18. medic. cap. 16. dum frigidum dentium dolorem mitigare perhibet, non determinato tamen ejusdem operandi vel utendi modo, quem tamen ad normam prædictam *Wedeliani* posse exigi, sufficit.

## CAPUT



## CAPUT XXVI.

### *Moschi vires pectorales & pneumonica.*



Illis jam superioribus corporis partibus, ad medi-  
dii ventris considerationem progredior, ibique Pulmonibus  
prodesse Moschum deprehendo. Ut ideo Thoracis cale-  
facientibus, attenuantibus internis rectè cum adcescant.  
*Mich. Schönbornus* pag. 60. *Manual. med. Pract. & Joh. Ti-*  
*lemannus* sect. 2. de mat. med. ac inter specifica Arteriaca.

reponat *Gorhostr. Möbim* Synops. epit. medic. pract. tab. 18. Idque nec Si-  
nenses latere Medicos, ex *Mich. Boymii* Flora Sin. discimus, qui pectori ma-  
lè adfecto prodesse, & humores abigere malos statuunt.

Quapropter in Asthmate imprimis, ut singulare adpropriatum, passim  
adhibetur. Sic in Trochiscos pectorales ab *Augustanis* meis, in Elixir pecto-  
rale asthmaticum à *D. Guern. Rolfincio* Chim. in art. form. red. lib. 4. sect. 2.  
cap. 3. in Tragma pectorale Dissert. chim. de ♀. cap. 13. recipitur. Tro-  
chiscos suos, *Alipzæ* moschatz nomine descriptos *Nicolaus Alexandrinus*  
pueris asthmaticis & pectoris angustia, vel anhelitus difficultate pressis com-  
mendat tr. de comp. medic. cap. 368. nec immerito, non styracis tantum &  
ladani, sed & ipsius Moschi intuitu, ut ideo haud ob stare queat, quòd *Jo-*  
*hannes de Sancto Amando* in exposit. ob odorem solum, non virtutem pecto-  
ralem, hunc esse additum voluerit, quæcunque enim *Nicolaus* fuerit inten-  
tio, sufficit, quòd virtus ista Moscho ratione, nullà denegari possit. Cele-  
bre autem imprimis, atque à plurimis laudatum est medicamentum, de  
quo *Joach. Camerarius* in Hort. med. & philos. cap. de croc. pag. 50. se-  
quentia habet: *Crocus adeo est thoracis affectibus amicus, ut sint qui ad ʒss.*  
*atque etiam unum, cum dimidio moschi grano & vino optimo calido, propinan-*  
*do asthmaticos curaverint. Ad respirationem ex nimio frigore prohibitam eo-*  
*dem modo plurimum conducit. Quod ipsum, paulò tamen immutatum, ab*  
*aliis quoque recensetur, prout Osvald. Gabelkroferus* lib. med. part. 1. sect. 2.  
croci scrupulo moschi grana duo, vel croci granis novem moschi grana tria  
misceri admonet, & *Nob. D. Joh. Ferdin. Hertode* cap. 7. *Crocolog. in.*  
*Moschardinos* crocatis croc. ʒj. & moschi ʒss. cum sacch. & tragacanth. de-  
coct. rad. iros solut. redigit, atque in magna morbi istius ferocia.  
*Pilulam* ex croci gr. iij. opii gr. iij. moschi gr. j. *Petr. Peterius* curat. & ob-  
serv. cent. 3. cap. 22, exhibet. Conferantur quæ hoc de remedio *Welshum*

Exoteric. curat. & observ. med. chiliad. 1. obs. 144. memorat. Vid. etiam *D. Dan. Sennertus* Med. pract. lib. 2. part. 3. cap. 2. Nec tantum hac ratione deglutitus, sed etiam in vaporem resolutus ad pulmones detruditur. Quale suffumigium, ut vocant, humidum ex Moscho in decocto seminis ocyimi soluto prostat apud *Jul. Casp. Claudinum* consult. med. 120. & *Joh. Freistagium* Auror. med. lib. 2. cap. 25. Scilicet cum Asthma saepe ab humore crasso & viscido, bronchia pulmonum obstruente oriatur, Moschus virtute sua attenuante eundem resolvit, & faciliorem ad ejectionem disponit. Quin & dum à tenuium serosorum copia non minus quandoque inducitur, illam quoque calidà suà potentià diminvere valet. Quod si in ipsis vesiculis, aut venosis, nervosis, vel lymphaticis pulmonum vasibus causa mali lateat, inque his vel sanguis vel serum coagulationem passa fuerint, vaporesve aut status ea distenderint, rarefaciendo, resolvendo, discutiendo non parum emolumenti promittit.

Ex quo insuper vis ejus auxiliatrix in Tussi patescit, quem ideo *Joh. Crato* in Oxytel confil. 79. descriptum immiscuit, & Pulvere cum Trochiscis galiz moschatz parato feliciter in quodam infantulo se usum fatetur. *Phil. Gruelingus* cent. 1. curat. 45.

Nec dubito quin & in ipsa Phthisi aliquando conducere queat, cum *Galenus* ad exsiccanda pulmonis ulcera Hedychroum, spicata & foliata Unguenta assidue naribus admota laudaverit, & *D. Christian. Langius* Miscell. curios. med. cap. 9. penetrantem Odoramentorum fragrantiam phthysicis summum solamen adferre perhibuerit; id quod non tantum exsiccando ulcus, & expectorationem promovendo, sed & sanguinem insigniter corruptum restituendo prestare *D. Hermann Grube* de simpl. med. facult. cognosc. sect. 3. art. 4. commentatur. Et secundum *Willisium* part. 2. Pharmacop. rat. sect. 1. cap. 6. Vaporations & Suffitus in Phthisi nondum deplorata, plus quam alia quævis remedia interdum prodesse solent, quatenus pulmonem ipsum attingunt, adeoque adfectione immediatà materiam impactant solvunt, expurgant, exsiccant, aciditates p. n. destruunt, à putredine vindicant, corroborant, ejusque ductus aperiunt.

Tandem & à *Sennerto* l. c. part. 2. cap. 17. memoratum aliorum. *εὐπρεπὸν* in Pectoris vulneribus penetrantibus (quorum in curatione, sanguinis etiam, qui in thoracem effusus est, evacuationem indicari prædixerat,) adduci meretur, nimirum: Si accepto vulnere nullum sanguis effluat, nq̃ in pectore detineatur, ager granum unum moschi sub lingua teneat. Ita enim statim sanguis fluere incipit; quod nonnulli pro secreto habent. Licet verò

verò in sanguine commovendo Moschi virtus negari nequeat, utrum tamen in exigua adeo mole, & tam repente sanguinem, eumque vel ob extravasationem jam grumefactum, expellere queat, non nihil dubito; & sanguinem, si quis ab ejus usu efflueret, ex ipsis potius vas in labia vulneris deflucens, proditurum, suspicor; sicque usus iste Moschi tantopere probari haud deberet. *Höferus* tamen *Herc. med. lib. 2. cap. 3.* remedii hujus aliam paulò rationem adsignat: *Ubi in pectoris vulneribus*, scribens, *sanguis nullus profuit, ne in cavitationem ruat, immitte ori sub linguam gr. j. moschi, &c.* Sed neque hoc modo satisfacit. Sanguinis enim è thorace sic perforato effluxus sistetur, sive quòd vasa sponse cruorem stillare intermittant, sive quòd vulneris labiis coincidentibus exitus ei denegetur. Si illud, Moschi exhibitione vitalis liquoris non necessaria, imò periculosa expulsio tentatur: sin hoc, nisi labia vulneris arte dilatentur, & æger situ conveniente locetur, frustraneus erit Moschi conatus, sanguine aliàs faciliè non minùs in ipsam cavitationem penetraturo.

## CAPUT XXVII.

### *Moschi virtus cordialis.*



Uàm insigne in corde roborando, illudque à quamplurimis malis vindicando robur insit Moscho, tum crebra experientia, tum infinita penè Medicorum doctæ testimonia. Sic *Haly Abbas Theoric. lib. 5. cap. 33.* confortandi ejus facultatem proponit, eamque in cordis intemperie frigida, mediante Sirupo pomorum, cum moscho, spica & aromatibus condito, vel per Confessionem Diamoschi dulcis cum vino, in *Pract. lib. 6. cap. 16.* propinat. Simili eum maculat encomio *Ebn Sina*, eptumque & illitum *Matthiolus* omnibus cordis adfectibus opem præstare adfirmat. Cor etiam confirmare *Seribo* dicitur. Et in *Raym. Lulu lib. 3. Secret.* medicamenta inter cordialia Galangam, Melissam, & Moschum esse mirabilia, scribitur. Idem innuere voluit *Marsil. Ficinus lib. 3. de vit. long. cap. 1.* dum solaribus medicamentis eum adposuit, Solem verò cor vitalemque spiritum significare, tum alii, tum idem *Ficinus* cap. seq. 6. adnotat. Et quidem calefacientia esse, quibus Mars & Sol dominantur, in *Iatro-mathematicis Pseudo-Hermetii* legitur, quæ inter *πᾶσι τοῖς εὐωδῶν*,

omnia grati odoris in specie recensentur. Hinc Liquorem exornat cardiacum apud *Angel. Salam* tract. 2. de var. Chemic. & Galen. errorib. Spiritum in *Andr. Tenzelii* Exeg. chim. part. 1. sect. 1. Aquam apud *Joh. Agricolam* animadv. in Poppii chim. part. 2. Sirupum in *Dispensatorio Norico novo*, class. 2. sect. 2. & *Londinensi* pag. 100. Nec decantatum illud cordiale magnum Anglicum *Walters Ravvlechi* inter præcipua ingredientia eundem respuit, cujus examen *D. Albert. Otto Faber*, Reg. Maj. Angl. Medicus & Chim. Prof. publico scripto edidit, Germanicè etiam nuper *Medicina experimentalis Digbeana* parti secundæ, Noricis typis excusæ, adnexum, sed falsò *D. N. de le Febure* adscriptum. Hinc porro externè Balsama cordialia ingreditur, quale est illud *Schönbornii* Manual. pract. pag. 98. memoratum. Hinc Peruanos etiam ad Epithemata cordis usurpare, in *Joh. Fabri* Hist. nat. Mexic. recensetur. Quà verò id ratione peragat, lib. 2. Meth. ad prax. clarum quodammodo facere laborat *Joh. Heurnius*, & Simplicia quædam spiritus lætiores reddere scribit, totâ, ut ajunt, substantiâ, quædam autem aperta & occultâ potentiâ permixtis, istis Rubinum, Sapphyrum &c. his Moschum &c. adnumerans. Quam tamen à multis creditam occultam confortandi proprietatem rectius alii non admittunt. Genuinam rationem in compendio exhibuit Nobil. *D. Widelius* Theorem. med. part. 5. sect. 7. theor. 15. *Cardiaca vel rarefactionem sanguinis secundum naturam restaurant, vel præternaturalem impediunt, vel resolutionem sanguinis auferunt, vel grumescentem resolvunt, & theor. 16: Rarefaciunt tum sulphurea spirituoſa &c. tum salina &c. volatilia, nec non theor. 19: Quæ statum sanguinis in motu, calore, consistentiâ respiciunt, sunt Cordialia.* Moschus autem cùm sulphure spirituosissimo & sale volatili abundet, his mediantibus, sanguinem ad grumescentiam prorumolvere, ac partes ejus in debita unione conservare, frigidum, effloctum ac torpescentem particulis activis calidis instruere, rarefacere, ac consequenter etiam spiritus languidos suscitare, deficientesque restituere aptus est; sive jam per poros corporis cutaneos intret, ac externè ad motus sanguini & lymphæ præterlabenti sese adfociat, sive cum aëre per fistulam pulmonariam ad pulmones deferatur, sive stomacho oblatus, venis vasisque lymphatis & chylosis se insinuet, ubique ad sanguinis vivifici miscellam tandem deportandus. Et sic vigore sanguini aucto vel reddito, ipsum etiam cor roborare dici potest, quatenus motus ejusdem à spirituum vitalium, h. e. partium sanguinis subtilium defectu impeditus, ab alterato ac mirificè correcto sanguine corrigitur ac immutatur. Conf. *Cl. Grubius* l. c. sect. 7. art. 2. Quin & cephalica Moschi virtus, quâ nervorum incolas, animales spiritus, grata ejus fragrantia demulcet, suscitatur, auget, cordi non

exiguum addere robur, dici debet, ita ut spiritus isti copiosi & vegeti influentes actionem cordis in sanguine elaborando, vigorando & circumpellendo egregie adjuvent, quo de ubetiùs agit *Thom. Willis* Pharmac. ration. part. 2. sect. 6. cap. 1. Quàm potenter verò odorata ejusmodi confortandi virtutem suam exserere queant, cum viribus sic satis integris ad ipsum cor penetrent, singulari observatione docuit *Exc. D. Joh. Sigism. Elsholtzius* in Ann. VII. Ephem. Germ. Curios. observ. 225. Unde etiam virium per odores restaurationem meritò tantopere extollit *Helmontius*, quos contactum immediatum cum spiritibus vitalibus servare, tract. Complex. atque mission. elem. figm. §. 34. scribit, & tr. Imag. ferm. impragn. & c. §. 18. & 19. odore spiritus delectari adferit, eò quòd odor illos, etiam abstractos, immediatè attingat, ac penetret.

## CAPUT XXIIIX.

### *Moschi usus in quibusdam cordis adfectibus.*

**N**unc famosissimis cordis passionibus, Palpitationi, Lipothymia & Syncopi quàm eximie conferat, speciatim inquirere adlubescit.


Et Palpitationi imprimis mederi, *Ebn Sina* scripserat. Quod ad illam tantum alii restringunt, quæ vel flatibus, vel intemperiei frigida ortum debet. Quamvis non desint, qui & in causa calida eundem non planè exclusum velint, ceu *Mart. Gatina* Prax. med. cap. 30. in simili casu aërem ad frigiditatem per odores frigidos, acetii, rosarum, camphoræ, alterandum, semper tamen odoriferum aliquod & aromaticum calidum, Moschum &c. eis jungendum esse scribit, ut faciant frigida penetrare; Supervacaneâ prorsus curiositate, cum & frigida ista credita odorifera per se satis superque in corpus penetrare valeant, ipsaque experientia edoceat, nec oleum igni addere conveniat. Adfectum autem, hunc humoribus, ut & vaporibus frigidis ut plurimum deberi, quandoque etiam à sanguinis crassi multitudine, vasa sanguifera & cordis ventriculos nimium gravante, aut lymphæ in pericardio magna copia concitari, communior jam olim fuit sententia. Cl. *Franciscus de le Boë Sylvius* lib. 1. Prax. med. cap. 35. humoribus flatibusve multum viscosis simulque acribus, &

præsertim acidis potiorē causam tribuit. *Willisus* verò vitium hoc maxima ex parte aut sanguini, aut vasis cordi adpensis l. c. cap. 3. imputat, ibi nempe sanguinem aquosum, particulis seignioribus & non satis activis constantem, ideoque ad effervescentiam minus aptum, è cordis sinibus non liberè & expeditè ejici, unde stagnando accumulatus, à corde summo nisu propellatur, aut etiam grumescens, sanguinis exilitionem liberam & totalem impediatur: hic verò causam metè convulsivam adesse, quâ nervi arteriæ aortæ trunco circumligati, eum coarctando, sanguinem è corde non nisi per minutas portiones exsilire permittant. Sanguinem itaque in concretionem istam abeuntem, sero crasso, viscoso mixtum, aciditate inimicâ contaminatum, vaporibus flatibusve turgidum, innatis activis particulis depauperatum, Moschus egregiè ad statum naturalem reducere potest, dum sulphureis suis & salinis tenuissimis atomis massæ sanguineæ debitam fluiditatem tribuit, principia ejus activa evehit, multiplicat, crassos humores attenuat, acorem hostilem extinguit, vapores & flatus discutit, sicque naturalem sanguini motum restituit; imò spasmodicas etiam adfectiones fugat virtute suâ, quâ cerebro nervisque gratus adeo exsistit. Spiritus nempe tumultuantes suaviter ad tranquillitatem deducendo, ut & irritantem causam enervando. Hinc spiritum suum, quem ita vocat, regium, Moscho imbutum, in ejusmodi pathemate maxime proficuum se deprehendisse *D. Frid. Hoffmannus* Meth. med. lib. 1. cap. 19. scribit. Et præter alia, Trochiscos inprimis moschatos deprædicat *Jacob. Hollerius* de morb. intern. lib. 1. cap. 29. Salutare Electuarium *Epiphanius Ferdinandus* observ. medic. hist. 22. quo, ut & Confectione alkermes, Diamoscho dulci, nec non Pomo odorifero, Epithemate, ac Sacculo cordialibus, moscharis, Viduam quandam à magna cordis palpitatione cum animi deliquio liberaverat. Et Unguentum exhibet *Laurentius Riverius* tom. 1. Prax. med. lib. 7. cap. 2. ex Ung. ros. ol. cinnam. & caryoph. moscho & ambra confectum; quamvis Unguento rosato axungiam gallinaceam, ob majorem penetrationem (quæ tamen hic necessaria tantopere haud esse videtur) *Joh. Crato* in consil. Scholz. 104. præferat. Videatur etiam *Eustach. Rudius* lib. 1. de hum. corp. affect. cap. 54.

Ποτὸ ἐκλύσει & ἀπεψυχίας, exolutionis & deliquii animi Moschus præsentaneum est remedium, prout in defectione cordis ex frigore & membris deficientibus confortantem ejus vim recenset *Isaac Israelita* lib. Pantechn. 5. theor. cap. 104. Utilem quoque eum ad revocandos animo deficientes viriumque resolutionem *Sethus* pronunciat. Atque præter experientiam ratio idem dicat, à vi ejus rarefaciente penetratissima petita, cum uterque adfectus à sanguinis circulatione, ob hujus coagulationem, & spiri-

spirituum influxum imminutum vel inhibiitum proveniat. Tenuēs itaque atomi illa corpus ingressæ non sanguinem solum corpulentem crassiorem alterant, attenuant, eique volatilia sua effluvia confundunt, sed & languentes animales spiritus excitant, sicque continuato itinere ipsam etiam cordis regiam invadunt, pristinam ei serenitatem motumque restituunt, sive jam per se, aut aliis solidioribus, liquidioribusve corporibus permixtus ori immittatur, naribus obiciatur, aut alibi eutaneis poris adponatur. Prout eum in finem internæ & externæ adhiberi potest Elixir vitæ, nec non naribus & ori insufflari Pulvis, à *Gul. Fabricio Hildano* lib. de gangr. & sphac. cap. 20. descriptus.

In ipsa tandem Syncope cum auxiliari, *Averrhoës* lib. de reb. marin. tradidit, quæ cum gradu saltem magnitudine à Lipothymia & Eclysi differat, eundem juvandi modum pariter obtinet. Atque virtutem hanc tam in accessione, quam extra ipsam exserit, quare eundem per se, aut in Sacculis vino odorato conspersis admoveri debere *Christophorus à Vega* de arte med. lib. 3. sect. 6. cap. 9. monuit, cum vitali & animali spiritu per illos recreato, vires quoque subito recreentur; Nam, addens, quandoque vidimus imminuentem accessionem syncopes bonis odoribus, naribus admotis, propulsatam. Moschum similiaque jucundè odorata non saltem ægrotantis naribus admovenda esse, vult *Dionys. Fontanonus* de morb. intern. curat. lib. 1. cap. 2. atque ex eo *Nicol. Piso* de cogn. & cur. morb. lib. 1. cap. 17. sed & tenuissimum in pulverem redacta naribus insufflanda. Et in Pract. theor. empir. *Joh. Marquardus* in paroxysmo Aqua rosarum cum pulv. caryoph. & moscho remixta circa infirmum spargenda, extra tempus verò illud Sacculus moschatus gestandus proponitur. Internè autem conducit medicamentum, quod ex quodam Hugone *Petrus Aponus* addit. in libr. Mef. de Morb. int. cur. adducit, integram Moschi drachmam recipiens, Pulvis item cum Aqua perlata *Claud. Deodati* lib. 3. Parth. hygiast. cap. 33. nec non Eleotuarium *Petri Hispani* ( qui postea, cum Pontifex Romanus esset creatus, *Johannes XXI.* dictus fuit. Vid. *Platina* de vit. Pont. ) in Thef. paup. cap. 23. descriptum.



## CAPUT XXIX.

### *Moschi virtus hepatica.*



**I**N hepate curando Moschum aliquod symbolum conferre, *Albertus M.* de rer. propr. existimat, dum in ejus imbecillitate illum commendat, & *Zacutus Lusit. Medic. princ. hist. lib. 3. hist. 2.* hepar frigidum ab eo sanari, edocet. Unde etiam à *Petro Joh. Fabro tr. insign. curat. var. morb. cap. 69.* in curatione juvenis hydropici, anasarca laborantis, ad hepar & ventriculum roborandum, Electuarium moschatum per mensem felici cum successu usurpatum fuerat. Quibus sanè contradicere vix quisquam sustinebit. Si enim varias sanguinis dyscrasias, & in specie, quam frigidam vulgò vocant, consideremus, sanguis autem copiosè ad hepar feratur, eo ipso frigidam ei intemperiem vel hac ratione communicari, nemo diffiteri potest, à quo etiam imbecillitas ejusdem, ob contingentem unà spirituum paucitatem & inertiam, ortum habet. Hisque positis, cum sanguis crassescens & effusus promptè stagnare, inque viscere, cumprimis illo, tot minutissimis vasibus copiosè instructo, obstructions parere soleat, imò nec bilem inertem & viscidam sufficienter colare & à sanguine separare hepar valeat, talique in rerum statu hydrops facilè producat, Moschus ubique remedium, adfert, calorificis suis particulis intemperiem frigidam corrigendo, spirituum defectui succurrendo, sanguinem attenuando, atque ad motum majorem incitando, imò iisdem sulphureis Ajs & alcalicis spiritibus, ac revera biliosis atomis inopiam bilis sup-  
plendo, visciditatem resolvendo, inertiam,  
que stimulando.



CAPUT



CAPUT XXX.

*Moschi vires splenetica.*



Unc, quid in morboſo liene curando efficiat Moschus, paucis inſuper indicandum erit.

In melancholia quidem hypochondriaca, lieni utplurimum (utpote quod viſcus ſæpe hic coadſci certum eſt) adſcripta, ejusdem uſus ſupra jam fuit oſtenſus, ubi de Capitis morbis agebatur, cum tamen hæc non aliam tunc, niſi quatenus capitis vel cerebri ſobolem, animales ſpiritus, læſam reſpicit, conſiderationem ſubierit, merito hic etiam in adſectum illum, hypochondriacum dictum, melancholici quid ferè ſemper habentem, inquiritur. In quo Moſchum confortantis præcipuè vicem ſubire paſſim docetur. Prout *Malachus Geigerus* tract. de melanch. hyp. cap. 12. & 28. ejusdem uſum, externum, & cap. 27. internum quoque commendat. Et in Elixirio citri cordiali *Rolſinciano* Moſchum vires cordis in tali caſu graviter laborantes mirum in modum reſicere in *D. Herm. Grubii Analyſi mal. citr. cap. 2. art. 1.* Cachunde etiam confectionem ſingulariter prodeſſe apud *Paul. Zacchiam* lib. 1. cap. 32. de affect. hypoch. legitur. Verùm & in ipſa morbi cauſa, ſive melancholico humore præparando, *Riverii* judicio lib. 5. Inſtit. medic. part. 2. ſect. 1. partic. 1. cap. 4. conducit, qui equidem, cum frigidus, ſiccus, craſſus & terreſtris eſſe ſtatuetur, talia potiùs, quæ juxta cum calefaciendi, attenuandi & incidendi virtute humectandi unà vim obtineant, requirere creditur; impoſſibile tamen judicat *Riverius*, aliquod reperire medicamentum, quod calefaciat & attenuet, ſimulque humectet, unde effectum hunc aliorum admixtione, quæ peculiarem humectandi vim præ ſe ferant, eſſe obtinendum. Quæ cuncta nunc rigoroſius diſcutere non lubet; mihi ſufficit, quòd Confectionem alkermes & Diamoſchum dulce præparantibus iſtis adjunxerit. Cateſum ſi in hoc quoque viſcere copioſa & minutiffima vaſa ſanguifera, adeoque faciles in iis à ſanguine & humoribus junctis craſſioribus, tartareis ac evanidis obſtructiones & inflationes, ut & humoris ſeroſi, naturaliter ibi, ſecundùm, quosdàm, ſegregandi in acorem vitioſum, humori melancholico Veterum reſpondentem, pronitatem perpendamus, quid Moſchus hic præſtare queat, ex ſæpiùs jam dictis principiis ſponte eluceſcit, quibus nempe ſanguinem ejusque ſerum attenuat, vigorat, in motum liberioſorem agit, ab acore inimico liberat, ſtatuſque exortos diſſipat.

# CAPUT XXXI.

## Usus Moschi stomachicus.

**V**entriculo Moschus salubres inspirat atomos, eundem confortantes, coctionemque ciborum promoventes. Ad ipsum enim non minus, quam ad alia prioris ævi odorifera pertinet, quod *Galenus* lib. 8. de comp. med. s. l. cap. 3. quemadmodum scilicet graveolentia omnia stomachum subvertere solent, sic odorifera confortare, scripserat. Ut ideo bene stomachica inter medicamenta simplicia à *Joh. Georg. Macasio* lib. 2. Prompt. mat. med. sect. 10. cap. 9. fuerit relatus, & à *Joh. Guintherio Anders.* de medic. vet. & nov. comm. 2. dial. 5. ventriculum corroborare & exsiccare, nec non humores in eo pituitosos à putredine vindicare perhibeat.

Hinc ad intemperiem ejus frigidam alterandam Moschus à *Sebizio* laudatur part. 4. Manual. pract. sect. 1. cap. 2. atque Sirupo, ad ventriculi frigidi ac phlegmate vitioso laborantis curationem destinato, à *Constantino Africano* lib. de stomach. cap. 1.1. ut & Diaromati ad frigiditatem stomachi ex phlegmate præscripto permiscetur. Externè etiam, inter ventriculum calefacientia, Ceratum *D. Joh. Tilemanni* sect. 2. de mat. med. eodem extornat, Scutumque stomachicum, mediante cotone moschato; autore *Casparo Bravone de Sobremonte Ramuz* sect. 6. Tyrocin. pract. cap. 9. effingitur.

Eam ipsam ob causam & ventriculi inflationi succurrit. In hoc siquidem symptomate, *Sebizii* judicio l. c. cap. 2. flatus discutiuntur & ventriculi calor augetur iisdem remediis, quæ in frigida ejus intemperie profunt. Sic *Arnoldus Villanovanus* Pulverem huic scopo optimum, cum vino vel cibo sumendum, lib. 2. Breviar. Pract. cap. 13. & *Thom. Fienus* lib. de statib. cap. 18. Unguentum, regioni ventriculi inungendum, describunt.

Nec minus dolori visceris illius idcirco medetur, prout contra stomachi dolorem ex frigidity Moschum simpliciter cum vino, vel aliis exhibendum esse *Plasearum* cum *Ssidoro* præcipit.

Sic in Cardialgia, purgato prius ventriculo, Electuarium Moscho comeditum proponit *Petr. Joh. Faber* Sapient. univers. lib. de morb. ventr. cap. 3. Et celebre, nec inelegans est Emplastrum ex ambra, alypta moschata, & *Ayace* concinnatum, à *Nicol. Monardo* simpl. med. hist. cap. 7. delineatum.

Quam

Quam ipsam quoque Massam in Pilulas redactam statim discutere, & dependentiam excitare, & concoctionem juvare, idem Autor perhibet. Debili nempe ciborum digestionem juvanda Moschus non minus conducit, ideo Pulveris aromatum in *Mesues* Antidotario, Spiritui vini aromatizato *N. de le Febvre* part. 2. Chim. nec non Aromatico rosato Gabriellis additus, in quo Moschum cum Ambra &c. ut basin esse considerandum, *Gabr. Fallopius* de comp. med. cap. 30. statuit, Externa inter præcipue memorandum est Ceratum stomachicum, Monardiano illi ferè simile, quod Regi Hispaniæ ejusque Proceribus esse familiare, in *Joh. Prævotus* Hortulo med. pag. 15. refertur, ab Exc. etiam *D. Casp. Theoph. Birlingio* Advers. Curios. append. cap. 23. pag. 144. sed paululum aliter enarratum.

Et in specie Puerorum debili stomacho convenire medicamenta moschata *Sebast. Astruc* cap. 36. de puer. morb. ejusque Commentator *Nicol. Fontanus* consentiunt.

Nauseam insuper abigere, & adpetitum restituere, *Ebn Rasam* autor est, prout & Trochiscos aliptæ moschatæ Pilularum formâ translutitos adpetitui prostrato conferre *Joh. Platearius* in addit. Antidor. Nicol. testatur. Sic juvenis quidam toto anno cibi fastidio laborans Pilularum cum Moscho paratarum usu fuit restitutus, apud *Zacutus Lus.* lib. 5. Prax. histor. cap. 1. Videantur etiam Pilulæ lib. 2. cap. 12. obs. 1. exstantes.

Quamvis autem eam hic Moscho laudem assignare nolim, quâ laudatissimis aliis stomachicis præferri aut conferri queat, virtute tamen suâ calidâ, tenui, volatili & alcalicâ non sanguinem tantum, & consequenter calorem ventriculi confortare, languidosque in nervis spiritus excitare & roborare potest, sed phlegma etiam, salivam, vel pituitam viscidiorē, gravantem, aut fermentum obtundentem, aut fomitem flatibus præbentem incidit & attenuat, aciditatemque p. n. destruit, atque ita inflationes morbosas discutit, dolores abigit, nauseam dispellit, adpetitum auget, fermentum libertati restituit, concoctionemque promovel.

In Bulimo denique à nonnullis usus ejus adducitur, licet ut plurimum ad symptomatis tantum conjuncti, i. e. lipothymie curam & præservationem ille dirigatur, quâ ratione agrum odore Moschi, Ambra &c. excitari, ipsique pullum assatum & aquâ rosarum moschatâ adpersum odorandum & comedendum offerri debere, monet *Leonellus Faventinus* Pract. med. cap. 33. Ipsam tamen etiam causam morbificam ex dictis fundamentis enervare potest, tum in morbi principio, spiritum esurinum acidiorē quasi dulcificando, tum in ejusdem progressu, cruditates viscosas incidendo & corrigendo. Hinc minùs adquiescere possum in *Viss. Trincavelli* judicio lib. explan.

in lib. 1. Galen. de art. cur. ad Glauc. cap. 14. dum pro curando animi deliquio in bulimo non quoscunque, vel etiam gratos Moschi &c. odores, sed esculentos offerri scribit; cum delectando tantum illi, non alendo spiritus confortent. Ut enim scrupulosius hæc jam examini non subijciam, sufficit, quod Moschi odor spiritus deliquium passus suscitare & vigori suo restituere queat, requisitam enim simul in adfectu isto nutritionem prout Moschi, ita vini quoque tostarumve carniū nidor haudquaquam præstabit. Aliud itaque erit: lipothymiam in bulimo abigere, aliud: ventriculi & partium aliarum indigentiam necessario comæatu instruere.

## CAPUT XXXII.

### *Moschi virtus anticolica, & anthelmintica.*

**I**N torminibus ventris, colicisve doloribus Moschum facultate calefaciente, discutiente & absorbente, prodesse aliquando posse, nullum videtur esse dubium, siue jam frigida aliqua intemperies intestina adfecerit, siue flatūs illa distenderint, aut infesta vel acrior acida unā materia vellicaverit. Quin & cum colicam sapius ab humore nervo impuro in mesenterio congesto, crassiore, viscoso, & in lymphæ ductus excipi, aut in cavitatem intestinorum deponi minus apto, generari, faciliè Cl. Willisio credere debeamus, hæc quoque ratione Moschus conveniet, dum vitiosam istam lympham attenuabit, alterabit, atque resolvet. In colica sanè crassos intestinorum flatūs ab eo resolvi, jamdudum Auerhoës tradidit, cum quo, præter multos alios, facit *Georg. Bontinus* lib. 18. de nat. medicam. cap. 16. colicum dolorem ab eo dissipari scribens. Et tantū hanc potestatem fecit *Paracelsus*, ut in quibusdam colicis doloribus tanquam specificum & arcanum quoddam extulerit. Unde *Paragran.* tract. 1. morbos ab arcano siue remedio denominandos esse docens, colicam Zibethianam, colicam muscatam siue moschatam, non ventosam, biliosam esse vocandam adstruit. Hunc in finem Aquæ suæ carminativæ procul dubio eundem addidit *Ang. Sala* append. ad hydrelæolog. cap. 14. & Bolo anticolico *P. I. Faber* d. l. de morb. intest. cap. 2. nec non in colico dolore, à crassa lentaque pituita orto, ad noxiū humoris à purgatione reliquias, frigidamque ventriculi & intestinorum intemperiem emendandam, alvumque roborandum Diamoschum consuluit *Nicol. Abrah. Frambesarius* Consult. medic.

dic. lib. 5. tit. 5. conf. 2. Externe non minus conducit. Eapropter in-  
ventris torminibus Olei moschelini inunctionem suadet *Jac. Theodorus Ta-*  
*bernabonius* de therm. & acidul. cap. 6. & Moschum oleo rutaceo solutum  
*Jacob. Hollerius* de morb. intern. lib. 1. cap. 41. laudat, non solum parti  
dolenti inungendum, sed & cum clysteribus injiciendum. Quare ipsum  
etiam Elixir vitæ *Matthioli*, scilicet tum aliorum, tum Moschi ob acces-  
sum, in clysteribus colicorum, præsentaneo auxilio, ubi à flatu aut frigidi-  
tate morbus provenit, addi, *Augustani* mei class. 15. Pharmacop. suæ te-  
stantur.

Vermibus insuper, in intestinis communiter stabulantibus, cum resi-  
stere, eosque in corpore necare, in *Conr. Kunrathi* Medull. destill. legitur.  
Quare in Pulveres anthelminticos à *Barthol. Montagnana* cap. 10. Antidot.  
receptus, & Compositioni ad vermes commendatæ *Joh. Bapt. Montano*  
conf. med. 222. additus. Nam dum balsamica suâ & amaricante virtute,  
putredini resistit, eamque quodammodo tollit, eo ipso vermes, in putredi-  
ne, vel cum ea persistentes enecat, atque ne amplius generentur, prohibet.  
Ut symptomatum gravissimorum, verminantibus familiarium, àque Mo-  
scho debellandorum nullam mentionem faciam, quale exemplum apud *D.*  
*Joh. Nicol. Binningerum* cent. 2. obs. 83. invenire dabitur.

## CAPUT XXXIII.

### *Moschi vires uterinae.*



Tercio Moschum esse pergratum, à plurimis  
passim adseritur, medicamentis idcirco hystericis adjun-  
ctus à *Macasio* in suo Prompt. mat. med. Licet Moscho &  
*Zibetho* nihil videatur vilius & abjectius, inter odoramenta  
tamen utero indenda principem habent locum: verba sunt  
*Zacuti Lusit. Med. princ. hist. lib. 3. hist. 9.* Inque inpri-  
mis ex illo phænomeno communiter sibi persuasum olim habuerunt, quod  
ab ejusdem odore naribus hausto feminæ ut plurimum in suffocationem di-  
ctam hystericam, sive uteri adscensum incidant, ab eodem autem infernis  
partibus admoto iterum restituantur, ita ut ad ejusdem exhalationes captan-  
das uterus motu aliquo sursum deorsumve feratur. Imò tanti hoc non-  
nulli fecerunt, ut animal aliquod esse uterum confinxerint, *Platonis* autori-  
tate

tate ita persuasi, ζῶον ἑστὶ θυρωτικὸν τῆς παιδοσκοπίας, animal generandi avidum, in Timæo; nec non Αἰρεται, σπλάγχνον γυναικείον ἀγχατα ζωῶδες, muliebres viscus, animalis ferè naturam adeptum, & ὁμοίον τῇ ζωῶν ἢ ζωῶ, velut animal in animali lib. 2. de caus. & sign. 2. out, cap. 11. vocantis. Hoc autem suaveolentium desiderium & concupiscentiam Franc. Perla lib. de loc. in hom. ex benè elaborati seminis grato odore deducit, quod semen cum naturali instinctu uterus avidè adpetat, alia quoque odorata quælibet analogià quadam sub seminis specie eum desiderare putat. Verùm nonnullæ feminx ex Moscho graviter interdum, cum adficiantur, opinionem hanc minùs adprobat Joh. Bened. Sinibaldus Geneanthr. lib. 10. tr. 3. cap. 2. idque eò magis, cum uterus odores, quæ tales, percipere nequeat, organo utpote odoratorio destitutus. Αἰρεται verò uterum non esse animal, sed cum animali quandam saltem habere similitudinem, ipsa ejus verba evidenter edocent; apud Platonem etiam duntaxat secundùm analogiam aliquam sic dici, benè animadvertit Mæsch. Sebiziū Manual. med. pract. part. 5. sect. 1. cap. 8. Conferatur quoque Joh. Langius lib. 1. Epist. med. 23. Iste autem uteri adfensus, præsertim qualis olim ad præcordia usque venditabatur, uti merè est imaginarius, ita etiam Moscho nullam vim uterinam hic adstruere potest. Quamquam aliàs virtute suâ, quâ cerebrum & cor, eorumque humores nativos, ac nobilissimæ contentæ, spiritus, respicit, utero tum sanitate prædito, tum etiam quandoque morbofo egregiè prodesse queat.

Licet itaque Moschi odor hystericam dictam passionem in multis, ceu Cap. XVII. ostensum fuit, producat, eandem tamen curare quoque posse, communiter statuunt, Averrhoem secuti, Collig. lib. 5. de reb. mar. suffocationi matricis eum subvenire, scribentem, idque imprimis, partibus inferioribus si admoveatur. Quibusdam mulieribus, inquit Jac. Sylvius meth. medic. comp. ex simpl. lib. 1. cap. de animal. meri præparationem adfert, aliis in pessa contra hanc mirè prodest, utero valde gratus. Maximum ideo ejus usum in Pessis M. A. Brasavolus Exam. Sirup. monet, quales passim plurimi proponuntur, inferius CAP. XL. explicandi. Quin & inunctio cum eo facta laudatur, qualem ex oleo de behen cum moscho consuluit Rodericus à Fonseca tom. 8. consult. med. 33. & lanam xylinam oleo moschelino, in quo Moschus fuerit resolutus, madentem suadet Platearum, summeque utilem, inunctionem istam deprædicat atque exemplis confirmat Petr. Forestus lib. 28. observ. med. 26. & 33. nec non D. Joh. Schröserum in Consil. medic. à Joh. Wutishio collect. consil. 54. & 55. Emplastrum etiam huic malo, sed præcipuè

cipue ad præſervationem deſtinantur , quæ modò ipſi imponere umbilico præcipiunt , quale eſt Ceratum *Ioh. Bapt. Spuntoni* ; inter Selecta remedia reſenſitum , ad retinendum videlicet uterum furentem , Tacamahaca item in emplaftri formam cum Moſcho ac Ambra redacta *Nic. Monardi* in *Hiſt. med. ſimpl. & ſimile P. Fr. Berardini Chriſtini* cent. 1. obſ. med. 2. & 16. nec non cent. 4. obſ 26. modò infra illum , umbilicum nempe inter & peſtinem , adplicant , cujus exemplum in *Dien. Fontanoni* lib. 3. de morb. int. cur. cap. 20. & *Gul. Rondeletii* meth. cur. morb. lib. 3. cap 69. habetur . In fumum quoque reſolutus in uterum immittitur , uti ſpecimen ejus proferunt *Ioh. Agricola* animad. in *Poppii* part. 1. tract. de Vitriolo , & *Horat. Augenus* Epiſt. med. lib. 12. ep. 7. Aut inter coxas tantum adligatus conſulitur , cæu videre eſt in *Horat. Guarquanti* reſponſ. var. tract. 4. Quæ dum ſunt , graveolentia ſimul naribus adplicare , corpus verò reliquum diligenter munire , Præctici præcipiunt , ne ſuaveolentiâ ſua caput petat , morbumque adaugcat . Verum , ut liberè , quid hic ſentiam , edicam , iſte Moſchi & conſimilium ſuaviter fragrantium , circa inferiores corporis partes , uſus ex falſa illa , de uteri è loco ſuo verſus ſuperiora motione & adſcenſu , nec non ſingulari erga odorata illa ſympathia & adpetitu , hypotheſi enatus , iſtis in corporibus , quæ à gratè odoriferorum halitu naribus admiſſo ſuffocationis periculum incurruunt , neuiquam convenire poteſt , cum enim & ibi moſchata atomi nervos uterinos , arteriaſque & venas penetrando , ſpiritibus ac ſanguini morboſum illam rarefactionem & agitationem inducere valeant , eo ipſo ſanè adfectum fovebunt potiùs & contumaciorem reddent , quàm proſtigabunt . Quod ſi tamen ab ejusmodi adplicatione ceſſare quandoque videtur , partim rerum ſectidarum & graveolentium eodem tempore naribus majori quantitate objectarum , validiori operationi , quâ ſulphureis ſuis & narcoticis quaſi atomis ebullitionem præternaturalem ſopiunt , ſpiritusque animales compeſcunt , partim etiam , quòd ab alia cauſa , quàm ſanguinis tenuitate & caliditate , eodem nempe craſſiore & ſtatuſo , ortum trahat . Cæterum nec planè rejecerim *Ludov. Septali* animadverſionem lib. 7. §. 161. conſignatam , quâ Cerata prædicta ex tacamahaca , cum duobus aut tribus Moſchi granis medietati horum impoſitis , facta felici cum ſucceſſu imponi negat , cum ex calore corporis & lecti elevati benè olentes vapores præfo- cationes potiùs concitent , ſi nempe ex omni parte cuti artè non adhæſerint . In ſuſſitu porro dum Moſchus in uſum venit , ſuaviter odoratæ ejus moleculæ ab ignis violentia combuſtæ & in ſectidas converſæ ſpiritus animales non ampliùs demulcere , & in tripudia quaſi concitare , aut ſanguinem admodum rarefacere , ſed coercere poſſunt . Imò ſi Linimentorum & Peſ-

ſorum

forum adplicationem consideremus, non tam ab ista, quàm juncta vel jun-  
genda ei confricatione & titillatione adfectum, à genitali humore oriun-  
dum, cessare, fateri cogimur, quam scilicet confricationem studiosè nonnul-  
los, & vel *Ebn Sina* lib. 3. sect. 21. tr. 4. cap. 18. talem spurritiem consulen-  
tis, autoritate permotos, præcipere scimus, sic e. g. *Fontanonus* l. c. obstetri-  
cem duobus digitis, indice & medio, Linimento mosehato inunctis, os vul-  
væ oblinire, ac intrinsecè fricare tantisper jubet, dum humor corruptus è  
vulva excidat, quod & religiosæ Virgini consuluit *Nic. Abr. Frambesarius*  
Can. & consult. med. lib. 5. tit. 14. nec non Juvenulæ cuidam veneræ è  
suo consilio benè cessisse *P. Fr. Berardinus Christinus* cent. 1. obs. med. 2. re-  
fert, & *Anton. Gwainerus* Pract. de ægri. matr. cap. 6. *Sapissimè*, ait, *corrum-  
ptum sperma seu humor alius venenosus ex confricatione salu egreditur, & præs-  
cata ab aegritudine solvitur.* — Quæ ratione etiam *Galenus* lib. 8. de loc. adfect.  
cap. 5. Viduam quandam à gravi adfectu hysterico liberatam fuisse recenset,  
cùm à omnibus obstetriciis titillatione obscenâ inter curandum subortâ, se-  
men crassum plurimumque excrevisset. Unde ipsum coitum paroxysmo  
tali mederi, Practici notant; nec tamen necessarium adeo est aut utile,  
membrum genitale mariti prius oleo moschatelino, aut alio quovis, in-  
quo Moschi granum fuerit dissolutum, allinire, seu hujusmodi usûs meminit  
*Joh. Riolanus* in Instit. medic. de morb. curand. Illam titillationem tamen  
& frictionem à Christiano homine omnino ablegandam, præter alios,  
merito judicat *Septalius* l. d. §. 159. eamque ob causam Pessos non minùs  
odoratos, cùm tentiginem maximam promoveant & satyriasin sæpe indu-  
cant, in ista suffocationis specie, ex retento quæ sit semine, non ita tutò in-  
usum duci, §. 160. concludit. Licet etiam hac methodo usurpatus Mo-  
schus, dum vasa aperit ac sanguinem fundit, hystericeis, quas menstrua sup-  
pressa tales efficiunt, non possit non conducere. Ubi sanè *Galeni* consilium  
lib. 1. de arte cur. ad Glau. cap. 14. locum invenit, dum in defectu animi ex  
utero, parti huic odorata, & ea, quæ lavare ac calefacere possunt, medica-  
menta offerre suadet. Confer. Cl. *Franciscum Bayle* probl. phys. med. 78.

Nunc quid de interno Moschi usu in hac uterina credita adfectione te-  
nendum sit, pariter discipendum. Ubi suum maximopere commendat  
experimentum *Augenium*, quo moschi gr. v. cinnam. caryoph. N. M. ā. ʒj.  
vino odoratissimo distemperata propinat; & *Bened. Victorinus* lib. 1. Empir.  
cap. 35. moschi gr. ij. cum Spec. aromat. ros. Sir. cort. citr. & Aq. rosar. de-  
glutire præcipit. Aliam potrò ex *Solenandro* potionem magnopere extol-  
lit *La? Riverius* tom. 1. Prax. med. lib. 9. cap. 6. & cent. 1. obs. med. 65.  
moschi nempe & sanguinis dracon. ā. gr. xij. in aq. flor. aurant. ʒiij. so-  
luta,



Tuta, adstipulante ipsi M. D. D. Paulo de Sorbais tract. 1. Med. pract. cap. 78. Pilulas quoque suas proponit Barth. Montagnana conf. 226. quas de musco nominare solebat, ab *Augenio* etiam, paululum tamen immutatas, immensâ laude decoratas. Et *Joh. Zvelferus* Pharmacop. reg. class. 6. cap. de Pil. de cynogloss. anodyn. Moschum intrò propinatum summo esse emolumento scribit, cavendo tamen, ne nares feriat. Videatur etiam lib. 3. observ. *Nicol. Chesneau* cap. 14. obs. 1. Ast malum hoc muliebre si à sanguine tenui, bilioso & igneo dependeat, minùs moschata ejusmodi convenire, etiamsi odor eorum naribus non hauriatur, ex dictis jam elucescit, eum & in stomacho ac intestinis sanguineos, lymphaticos atque nervosos ductus intrare, & sanguinem in motum concitiores instigare valeat. Unde si tali in casu cum fructu adsumatur, ille reliquis admixtis gravi odore præditis, & volatiles biliosas Moschi particulas obtundentibus ac contemperantibus debetur, vel saltem adfectus ab alia causa, uti sanguine ad fusionem non ita proclivi, sed crassiori, obstruente vel flatuoso forebitur.

Quæ morbi etiam diversitas in causa esse potest, quòd dentur hysterice, à suavolentibus in ipso paroxysmo odoretenus summum levamen, à gravolentibus autem majorem potiùs afflictionem percipientes. Quamvis consuetudinem quoque multum hic conferre posse, negare omnino nequeam, quæ sanè, quò minùs in motus inordinatos sanguis & spiritus rapiantur, sed potiùs retrahantur, efficere valet. Nec traditam à quibusdam *ιδιόσυρραγσία*, sive singularem & inexplicabilem penè certorum subjectorum naturam, quâ isto ab odore minimè offenduntur, sed summo perè delectantur, penitus explodere velim: *Dantur*, inquit *Sennertus* Med. pract. lib. 4. part. 2. sect. 1. cap. 4. *qua nullo modo moschi, ambræ vel sinisium odore offenduntur, sed eos bene ferunt: quales multa reperiuntur in gynæcen Principum & Nobilium, quæ vestibis moschi vapore, & fumo infectis utuntur.* Conferatur *Franc. Morani* de malign. febr. parox. tr. 1. cap. 13. obs. 6. Gravissimè adfectus hysterici exemplum adnotat *Gregor. Horstius* obs. med. part. 2. lib. 1. obs. 24. in Matrona ab adhibitis medicamentis adpropriatis foetidis graviora symptomata perpessâ, à Moscho autem & Ambra feliciter restituta, & obs. 38. nobilem Virginem religiosam in ipso paroxysmo ab odoratissimis, Moscho & c. mirè refectam adducit; idem & se observasse *D. Guern. Rolfinus* Epitom. meth. cogn. & cur. partic. corp. affect. lib. 3. cap. 24. *D. Thom. Bartholinus* cent. 3. hist. anat. 28. & *Nicol. Chesneau* l. c. testantur. Matronas à foetidis valdopere læsas, benevolentibus verò itidem sanatas *D. Simon Pauli* cl. 3. Quadrip. botan. cap. de angel. & *D. Cass. Theoph. Bierlingius*

Advers. cur. 14. Virginem etiam adfectibus hystericeis spasmodicis exagitata, & Ambræ odore mirè resectam *Phil. Höchstetterus* dec. 9. obs. med. cas. 1. recensent. Et hæc verissima esse, in praxi sua sæpe expertus fuit, hancque diversitatem A. 1680. deprehendit in duabus Virginibus illustribus Magnificus noster *D. Fehrm*, quarum altera 26. annos nata ex diuturna hæmorrhoidum & mensium obstructione subito in convulsivos dolores lateris sinistri ad collum descendentibus abtipiebatur cum metu suffocationis, syncope, palmo cordis & levi delirio modò cum risu, modò cum lachrymis, cum pavore continuo, præsertim noctu, & aphonia interpolata: Præcedebant nausea, vomitus, ventris inflatio, murmura, sternutationes crebræ inter tres & quatuor horas (quod rarum & mirum) continenter explosæ, dolor item dorsi & lumborum, capitisque quandoque intensissimus, à quo plerumque gravissimi paroxysmi exortus, qui non nisi suavissimis moscho & ambræ prægnantibus remediis sistebatur, cum econtra castorium ipsi adversissimum esset, quod tamen illustri Sorori natu majore nuptias penitus averfanti, ideoque sæpius hoc malo correptæ in hoc adfectu Panacea unica, & à suaveolentibus tantus horror, ut nec aquam rosarum aut cinnamomi perferre potuerit. Prior autem illa meliori fidere afflata paulò post febris tertianâ correpta cum sternutatione semper incipiente, duplici hoc irritamento concussa, mensibus confertim prorumpentibus, evasit.

Ad uteri porrò prolapsum sive descensum, aut, ut ipse loquitur, matricis præcipationem, conducere Moschum, si naribus odor illius attrahatur, ex *Plateario* patet. Ambram, Moschum, Galiam moschatam, Aliptam, moschatam, & his similia naribus continuo admovenda, usque dum insuam redeat sedem, *Lud. Mercatus* de mulier. affect. lib. 2. cap. 11. suadet, inguinibus etiam Unguenta, Cerata, & Emplastra moschata tum ad retrahendum, tum retractum in sede sua conservandum æterum, ibidem proponit. Ad quem posteriorem scopum etiam in *Roderus à Castro* lib. 2. de morb. mulier. sect. 1. cap. 16. duo Emplastra, è regione umbilici utrique lateri admovenda, recensentur, quorum unum 3 β. alterum 3 β. Moschi recipit, quamvis typographicum hic subesse mendum, nimia Moschi dosis persuadere queat. Et *Amatus Lusit.* cent. 1. cur. med. 14. in juvençula, uteri procidentia adfissa, Moschum & Galiam moschatam naribus, econtra graveolentia pudendis, nec non Ceratum moschatum pubifeliciter adplicitum memorat. Verùm hæc ipsa in symptomate illo Moschi administratio priori illâ erroneâ opinione nititur, quâ uterus odoratis, quâ talibus, delectari, atque ad ea motu locali ferri putatur, quæ odoris infectatio cum sit fictitia, non minùs omnis ille usus ejusdem valoris erit æstimandus. In *Amari Sanè* exem-

exemplo nisi manuali operâ facta repositio accessisset, neque supernus, neque infernus Moschî usus quidquam conduxisset. Interea tamen, ne omnino frustraneam hanc & frivolum adhibitionem proclamare velle videar, (licet minoribus sumtibus, remediisque magis adpropriatis hic rem peragi possit, non diffitear,) Moschum roborando cerebrum & nervos, sanguinem porro emendando, & spirituosius ac calidis particulis instruendo, symbolum aliquod ad curam facilius absolvendam quandoque contribuere arbitror, cum plerunque procidentia ista nimia partis illius & vicinarum à laxitate, ob frigidam humidamque intemperiem productâ, descendat, sive jam ipse uteri globus propendeat, quod licet à *Theod. Kerckringio* Spicileg. anat. obs. 20. & §3. *Henr. Roobusio* lib. 2. obs. chir. & *Joho Mekerano* obs. chir. cap. 51. impossibile judicetur, interdum tamen, & præcipue post partum, fieri posse, non omnino negaverim, sive vaginæ tantummodo rugosa tunica ampliata & dilatata illum ementiat.

Menstruum insuper proficere fluxum, non immerito statuitur. Cum autem Emmenagoga triplici communiter sub capite proponantur, debiliū, nempe vel mitiorum, mediocrium, & validorum, mediis ad censere Moschum consueverunt, quos inter est *Jacob. Sylvius* comm. de mens. mul. *Lud. Mercatini* l. c. lib. 1. cap. 9. *Rodericus à Castro* d. l. lib. 1. sect. 1. cap. 4. & *Joh. Prevotus* de morb. uter. cap. 4. Quin & ad ipsum pertinet, quod *Hippocrates* sect. 5. aphor. 28. scriptum reliquit: *γυναικῶν ἀρωγὸν ἢ ἐν ἀρώμασι πύριν*: *Suffumus*, vel odor *aromatum*, rerum bene olentium, muliebria, menstrua educit. Quo ipso vim expultricem uteri excitari, atque venarum, quæ uterum attingunt, obstructions aperiri, compactiorem uterum rarefieri, algiosum recreari, & materiam lentam incidi, *Joh. Heurnium* aliique interpretantur. Scilicet Moschus virtute suâ attenuante non picuitosos tantum humores, obstructions valorem uterinorum concitantes fundens atque resolvens, sed & sanguinem ipsum crassiores & ad motum tardiores rarefaciens inque *ὀρυσμὸν* concitans deprehenditur. Idque tum internè, tum externè in usum ductus efficit: Sic profuit Pilulæ de moscho, sive uti corruptè vocat, de dyamosco, *Barthol. Montagnana* in Antidot. cap. 20. Pilulæ & Pulvis *Prevoti* l. c. *Morselli Anton. Cermisani* in Consil. med. cap. de ægrit. matr. cap. 6. Cum Moscho, qui miram habeat sanguinem eliciendi facultatem, pro ditioribus confici Pellarium, in *Joh. Varandæ* de morb. mul. lib. 1. cap. 2. legitur, quales Pelli & Nasalia passim plura describuntur, v. g. in *Jacob. Holleri* lib. 1. de morb. int. cap. 58. *Fel. Plateri* Praxi lib. 2. cap. 14. *Cermisani* cap. de ægrit. pect. consil. 13. cap. 7.

*Zacuti Lus. Prax. hist. lib. 3. cap. 10.* Feminam, quæ ex solo Moschi odore, menses suppressos provocaverat, Neapoli invisit *D. Thom. Bartholinus*, cui refert cent. 2. hist. anat. 87. In Suffitus etiam utero dicatos, qui capite munito, ne fumus ad nares pertingat, excipiendi sunt, adsciscitur, qualem ex pulvere aromatico & Galie moschata, carbonibus accensis injecto, convenire *Jul. Caf. Claudinus* de ingr. ad infirm. lib. 2. sect. 2. cap. 26. arbitratur. Neque negandum, satis efficaces hos esse posse, cum penetrantissimorum Galino-sulphurei halitus ipsum uterum immediate attingant, crassitiam vel lentorem humorum egregie incidant, si quod acidum oscula vasorum constringat, illud absorbeant, sanguinem ut moveatur exagitant, sicque vasorum sanguiferorum extremitates reserare valeant. Ast Moschi pretiosum corpus effumationi huic destinare, opus haud est, cum leviori pretio aliud aliquod comparandum facile eundem præstare queat effectum, Moschus autem carbonibus vivis injectus, suavitate exuta, ingratum potius in fumum abeat & destruat.

Sed quod nonnulli immoderato in Mensum fluxu itidem eum adhibeant, non semper probari potest. *Prevotum* quidem l. d. cap 5. medicamenta fluxum istum sistencia interdum cum vehiculo exhiberi notat, quando nimirum vasa uteri constringere consilium est. Ast cum medicamento, simplici ingredientium mixtura vel confusione paratorum tanta non sit unio, ut unum nexu indissolubili alterum ad hanc illamve partem comitetur aut dirigat, sed magis resolubilia, quale imprimis Moschus est. Stomacho elabantur, non expectata cæterorum fixiorum, uti adstringentium, actione & distributione, vinculi istius infirmitas abunde elucet. Imò Moschum esse specificum uterinum, ita ut partem hanc magis, quam aliam, quamcunque, nervis aliisque vasis abundantem, & nescio quâ occultâ proprietate respiciat, magnum adhuc est dubium. Licet fortasse in utero veniente aliquando possit, si fluxus ille uterinus à frigida humidaque uteri intemperie, eundem debilitante, osculorumque laxitatem efficiente produceretur, ubi virtute suâ roborante, calefaciente, & exiguum illud si attendendum, siccante aliquid contribueret; vel si grumescens unâ sanguis, juxta cum adstringentibus, dissolventia requirat.

Cæterum facultate, quâ menstruum remorantem sanguinem propellit, Lochia non minùs segniùs prodeuntia exterminat.

Prout & Secundinas abigere, fœtusque exitum hac ratione urgere vel facilitare creditur.

De Secundinis retentis testatur *Kunrathus* in Medull. destill. quòd carboni-

bonibus injecti Moschi fumus per infundibulum corpori immixtus citò eadem expellat.

Ex Sinis etiã didicit *Boymius*, facilem partum reddere doloresque abigere parturientium. Id quod interno pariter & externo usu efficit. Sic Trochiscorum Galiz moschatæ pulverem cum vino albo datum difficulter parturientibus accelerare partum, fœtum quoque mortuum & secundinæ exterminare, *Gualth. Ryffius* Enchir. med. lib. 2. cap. 3. §. 89. scribit. Roborando imprimis hoc præstare, clarè satis *Varandam*, *Rondeletium*, *Plaserm*, & *Sennertus* innuunt, Confectionis ideo alkermes, & Pulveris diamoschi exhibitionem laudantes. Ipsi imbecillis parturientis naribus Moschum admove præcipit *Dion. Fontanonne* l. c. cap. 25. addens: *Nec verendum, matricem, qua bonus odoribus delectatur, sursum revocari, sicque partum impediri. Nam fœtus gravitas uterum deprimis, sursumque ascendere prohibet, atque interius bonus ille odoribus parturientis vires & spiritum roborantur valdeque juvantur.* Quod & *Zacutus* Prax. hist. lib. 3. cap. 18. nec non *Joh. Wistichium* Consil. pro gravid. & partur. monuerunt. Ast feminis adfectui isti hysterico obnoxii moschatorum ejusmodi usum minùs commodum esse, posse, nullus dubito, quem sanè fœtus gravitas nullo modo inhibet, cum creditum illum adscensionem esse commentitium, ex superioribus pateat, inque gravidis & parturientibus eadem sanguinis & spirituum dispositio esse queat, quæ à Moscho excitari, symptomatumque istorum productionem causare valeat: Prout vicissim femina, aliàs adfectui huic ex suaviter odoratis minime obnoxia, præstans indè remedium in partu facilitando sibi polliceri utique possunt. Quales fuisse suspicor, quarum inter parturientium deflectionibus moschata plus vice simplici securè exhibita memorat. *D. Dan Ludovici* Pharm. mod. sec. adplic. pag. 646. Quin & in Suffimigiis usus ejus ab *Ebn Sina* lib. 3. sect. 21. tract. 2. cap. 23. & c. commendatur, quæ ratione magnum iterum encomium meretur Galia moschata à *Joh. Plateario* addit. in Antidot. Nicol. & *Hier. Mercuriali* de morb. mul. lib. 2. cap. 3. Ipse quoque Moschus & c. prunis ardentibus impositus partum facilem procurare, locos muliebres aperiendo, & ad inferiora trahendo, dicitur *Joh. Guentherio* *Andern.* in Gynæc. comment. Et difficili admodum in partu Linimento moschato uteri collum frequenter illinire docet *Johannes le Bon* cap. 2. therap. gravid. Vid. Nec cerebrum & nervos cum roborat, coipso etiã uteri, ut corporis maximè nervosi, vires egregiè adauget, ita ut expulsiõnem fortius peragere valeat, imò totius corporis vires ad actum illum concurrentes firmando prodest, spiritus etiã conturbatos & inordinatè se moventes dolorificos compescit, ac suavitate suâ


Emulcet. In fumum autem resolutus acribus suis effumationibus uterum ad expulsionem stimulat.

Aliàs etiam, ubi tempus maturitatis foetus nondum advenit, usurpatus, moderatè tamen, ne nimio usu sanguis justò commotior abortum potiùs acceleret, gravidas conforat, abortumque inhibet, Mixturæ ideo à *Roderico Castrensi* l. c. lib. 3. sect. 1. cap. 22. pro foetu roborando præscriptæ (pro cordis etiam cæterarumque partium in gravidis conformatione à *Zacuto* cap. 15. paulò tamen aliter propositæ,) additus. Emplastrum quoque vel Cerata hic trahi in usum solent, quale ex *Claudino* desumptum sibi multà experientiâ & usu familiarissimum deprædicat *Nobil. B. Franc. Ignat. Thiermasium* lib. consil. med. 1. cap. 13. uteri regioni admovendum. Sin ex humiditate aliqua aut frigidityte præternaturali uteri metuendus sit abortus, Suffimenta, Linimenta, Emplastrum *Rodericum à Castro* lib. 4. cap. 4. Pessaria cum Moscho parata *Arnoldus Villanovanus* in breviar. præct. lib. 3. cap. 3. proponunt.

In Uteri dolore, si à sanguine crasso & coagulato fuscitetur, Pastillorum moschatorum suffitum describit *Rodericum* modò nominatus, quo grumosum dissolvi sanguinem, atque tenuiorem reddi, verissimè pronunciat, Aquam theriacalem etiam & Laudanum opiatum contra affectum hunc internè sumenda adjungens. In eodem à flatuum copia orto Emplastrum odore isto imbutum, maximi semper fuisse momenti *Ludov. Mercatini* lib. 2. cap. 14. pethibet.

Unde non minùs in Uteri inflatione fumum ex Trochiscis moschatæ ei immittendum præcipit *Balth. Brunnerus* consil. med. 67. & Moschum ac Zibethum singulariter uteri tumoribus conducere, cum modica lana suppositum, *Joh. Guintherus Andernac.* de med. vet. & nov. comm. 2. dial. 6. arbitrat.

Ex quibus jam sponte elucescit, quòd in Uteri debilitate, intemperie frigida, vel humida utiliter adhiberi queat; quales remediorum formulæ tum apud dictum sæpius *Castrensem*, tum alios pro lubitu videri possunt.



## CAPUT XXXIV.

*Moschi vires venerea.*

Moschum insigne pharmacum esse aphrodisiacum, omnibus in confesso est. Quod ex Veteribus jam olim Averrhoi notum fuit, dum coitum augere docuit. Unde etiam pollutionem nocturnam producere in nonnullis solere, supra jam percepimus.

Zibethum in folliculis animalis sui abundans, quia ad excretionem sui ipsum irritat, Naturam nobis per id vim ipsius ad coitum incitandum significasse putat *Castellus* cap. 10. de Hyaz. odor. Idem de Moscho dicere possemus, quem abundantem in folliculo suo, dum veneris stimulis agitur, animal magis stimulare non omnino negabimus; modò naturales illæ signaturæ & indicia aliquod in Natura fundamentum haberent, ingenii quæ signamenta non existerent.

Hinc Indi, si in venerem procliviores esse volunt, ex Banguæ, plantæ cannabi haud absimili, nec non Moscho & Ambra, cum Saccharo Electuarium conficiunt, referente *Christophoro à Costa* libr. Aromat. cap. 55. Hinc & apud alios frequens in Electuariis ejus usus solet esse, quale magnopere dilaudat suum lib. 2. Prax. med. admir. obs. 120. descriptum *Zacutus Lusit.* aliudque sub Confedionis magnanimitatis nomine *Hadr. Mynsichius* sect. 13. Armament. med. chim. Elegans est, quod tum *Bald. Timæus* lib. 3. cas. medic. 51. tum juxta cum Mortulis delineat beatus noster *D. Phil. Jacob. Sachsium* lib. 2. Gammar. sect. 1. cap. 6. sect. 6. ut & Spiritus radicum saryrii III. *Guerners Rosfincus* Chim. in art. form. redact. lib. 3. sect. 1. art. 2. cap. 7. Tabellæ *Riversiana* cent. 4. obs. med. 70. & *Pilulæ* obs. 79. aliæque *Cardani* observ. 5. inprimis verò *Wedeliana*, sæpius expertæ, quas sect. 2. de medicamento. compos. 8. pag. 117. describit, ex ambra, moscho, resina xylaloës, & laudano opiato (quod concentrando spiritus prodesse statuit,) compositas. Porro Aqua vitæ diasyrionis *Ang. Sala* cap. 8. App. hydrel. Rotulæ, Pulvis & Aqua *Thom. Mermanns* lib. 5. consult. med. 29. proposita. Pretiosi & regii sunt Trochisci viperini confortantes in App. Ann. VI. Eph. Germ. Curios. à Nobil. *D. Mars. Bern. à Bernis*, juxta cum aliis medicamentis huc facientibus, tit. 20. memorati. Sexagenario, ut se virum ostenderet, Moschi grana aliquot cum olei ex pini nucleis 3j. bibenda fualit *Henricus ab Heer* obs.

obf. med. 9. Ova quoque aliosque cibos eo conditos *Barth. Brunnerum* conf. med. 64. Externum pariter ejus usum ex Medicis Persicis tradit *Scrapio*, si nempe cum oleo cicino resolutus virgæ illinatur, cum sit in eo humiditas quædam, per quam coitum excitet. Cum oleo verò sambucino femoribus vel ventri inungere quosdam, *Constantinus Africanus* autor est. Cum Balsamo distemperatum laudat *Barth. Montagnana* consil. 65. canon. 12. Et Regum impensam esse scribit *Petr. Forestus* lib. 26. obf. 19. virilitatem Opopassamo, & renum partes cum mero diluto Moscho inungere. Quem cum vino distemperatum Moschum, & membro virili adpositum, in veneris impotentia ex *Gilberto* quoque laudat *Petrus Hispanus* cap. 45. Thes. paup. Nec nominari recusat Linimentum à *Rein. Solenandro* sect. 4. conf. med. 17. præscriptum, alterumque *Riverii* l. c. obf. 70. parùm ab illo differens, sed ob Ambræ accessum multò pretiosius; ut & Balsamum *Tymeanum* loc. cit. ac Linimentum *Mermannianum* consult. 30. Quæ inunctiones non virili tantùm membro, sed & vicinis partibus, scroto, perinæo, lumbisque destinantur. Ast quòd à nonnullis ipsæ etiam plantæ pedum, aut dextri pedis pollex, seu illius exemplum apud *Guainerium* tr. de ægri. matr. cap. 24. hujus apud *Mysichetum* Artam. sect. 34. prostat, inungi præcipiuntur, partim superflitiosum, partim supervacaneum, aut nõ usq; adeo valde proficuum est censendum. Licet prodesse nonnihil queat, cum & suavis exhalans odor ipsas etiam nares feriat, sicque cerebro &c. communicetur, & per poros cutaneos subtiliores quædam atomi penetrent, sanguini ac lymphæ mox commiscendæ. Quà ratione non minùs aliqualem usum præstabit, si gossypio interpersus in sacculo cordis regioni adpendatur, prout tales *Mermannus* conf. 28. & *Claudianus* conf. 12. & 103. consuluerunt; vel Unguenti formâ pectori inungatur, seu exemplum habetur apud *Brunnerum* l. c. vel si cum eo in spirituosissimis liquoribus soluto cordis regio foveatur, qualem forum profert *Rod. à Fonseca* tom. 1. conf. med. 10. Quam Moschi energiam, jucundo halitu genium titillantem, libidinemque vellicantem ponderans, eandem ob causam, antiquâ consuetudine, nuptiales thalamos floribus & jucundissimò thymiamate perfundi solitos, ac *Commodum* Imperatorem, grassante peste, Unguentis cum esset usus, majores ad libidinem flammæ concepissee, ex *Niceto* refert *Joh. Bened. Sinibaldus* Gencanthrop. lib. 2. tract. 2. cap. 11.

Cum verò ad actum illum, propagationi generis humani dicatum, non parciùm tantùm solidarum, vel pudendarum, sed & feminis inprimis, sanguinis atque animalium spirituum vigor requiratur, Moschus quàm commodè hic operetur, facilè colligitur. Utpote qui sanguinem activis calidis, spirituosus particulis non sufficienter instructum, ipsæ exornat, agit, & impel-



Impellit, spiritus animales torpidiores excitat & quasi vivificat, succum nervum vel potius serum attenuat atque emendat, semini turgescientiam conciliat, eique acrem nonnihil stimulantem virtutem imprimit, sicque genitales partes calefacit, inque debitam tensionem deducit. Utrum verò semen ipsum adaugeat? quod *D. Joh. Tilemannus & Joh. Georg. Macasius* innuunt, si materiam seminis spectemus, negatur, sin ejusdem perfectionem, haud gravatim admittitur. Ast flatuosam in eo humiditatem, quā *Ὁσφροδισία παρρησιαν* creditur, cum *Sal. Alberto* adsignare ei nequeo, quia neque flatuosa ei inest substantia, nisi vocabulo hoc ad spirituosam denotandam abuti quis velit, neque humiditas singularis aut aphrodisiaca in corpusculo ejus sicco dominatur.

Ipsas denique feminas in venerem irritare valet. Qualem prolis quidem cupidissimam, sed veneris desiderio nullo modo iacessitam enarrat *Petr. Pachecus* in obs. Riverio commun. 19. cui Electuario, Confectione alkermes & Moscho exornato, stimulos istos sopitos voluptatemque restituit. Pariter cum oleo liliaceo moschato perunctum veterum mulieris ignaviam ad venerem discutere, immisso etiam in dormiturae sinum, Pessario *Joh. Hucherus* lib. 1. de steril. pag. 8. scribit. Mulieribus porro, quæ minus propense sunt in venerem, Moschi externum usum suadet *Forestus* lib. 28. obs. 58. quem noctu sub pulvinaribus habere debeant, aut, suffocationi uterinæ si obnoxia sint, coxis adligatum.

## CAPUT XXXV.

### *Virtus Moschi in sterilitate muliebri.*

**L**icet variae conceptionis impeditæ sint causæ, in uteri tamen intemperie aliqua frigida aut humida, vel etiam vasorum & ductuum uterinorum obstrukcione sæpius consistere certum est, quod *Hippocrates* sect. 5. aphor. 62. his verbis expressit: *Quæ frigidos & densos uteros habent, non concipiunt. Et quæ humidos uteros habent, non concipiunt: Extinguitur enim in ipsis genitura.* Quam spissitudinem etiam ab humorum crassorum & frigidorum copia prodire arbitratur *Lud. Mercatus* lib. 3. de mul. aff. cap. 3. Uteros verò, si humidiores, quàm eorum naturæ conveniat, extiterint, succandos, iisque suffutum esse admovendum *Hippocrates* lib. 1. de morbo.

morb. mul. prodidit. Quibus consideratis, posse Moschum huic malo mederi, concluditur, dum sanguinem & serum frigidiora calescit, crassiora dissolvit, justò humidiores partes exsiccet, pituitosos & mucosos humores attenuat, sicque obstructions tum vasorum, tum aliorum meatuum & pororum aperit, quò nempe semen virile immissum nec obtundatur & enervetur, nec ab ulteriori penetratione prohibeatur, sed calore moderato fovetur, actuetur, atque ad muliebri ovarium absque impedimento deferatur, sicque fecundatis ovulis, eadem liberum nata transitum in uteros temperatos recipiantur. Quem in finem *Dom. Leonus* in arte med. sect. 3. lib. 6. cap. 13. Electuarium in multis expertum profert, cum Moscho compositum. Et ovum recens exclusum, unico illius granulo admixto, absorptum, ad conceptionem juvandam optimum se reperisse *Iob. Bapt. Porta* refert lib. 8. Mag. natur. cap. 7. Suffitus & Pessus moschatus legitur in *Rodericus Castrensis* lib. 3. sect. 1. cap. 11. Pluresque alias hujusmodi Pulverum, Confectionum, Injectionum, Suffimentorum, Pessariorum, Linimentorum &c. formulas tum alii, tum *Platearius*, *Sennertus* lib. 4. Med. pr. part. 2. sect. 4. cap. 2. *Platerus* Prax. tr. 1. lib. 1. cap. 17. 19. & observ. lib. 1. *Ben. med. Silvaticus* cent. 4. conf. 23. 34. 36. 46. *Riverius* Pr. med. tom. 1. lib. 15. cap. 15. *Wittichius* de steril. mul. *Hucherus* d. l. lib. 2. *Rochus* de morb. mul. cap. 20. *Ruffus* de generat. hom. lib. 6. cap. 7. consignantur.

## CAPUT XXXVI.

### *Moschi usus arthriticus.*

**I**N malis arthriticis Moschum nonnulli medicamentis permiscere consueverunt: Qualis est Aqua illa, quam *Conr. Gesneri* Euonymus pag. 430. contra omnes morbos frigidos, epilepsiam præcipue, membrorum mollificationem, podagram & articulorum dolores producit, nec non altera Aqua vitæ, arthriticis & contractis pag. 454. dicata: Quibus addantur, ex Consiliis medic. *Scholziæ*, conf. 229. Pilulæ, quas in arthriticis multis, saluberrimas fuerat expertus *Hieron. Donzellinus*. Licet, cæteroquin, cujusvis arthritidis curationem omnem à Moscho posse absolvi, nequaquam adstruam, aut præ infinitis aliis remediis singularem prærogativam habere eum credam, quandoque tamen in ejus perfectiori curatione symbolum posse conferre arbitror, cum eadem cerebri sapæ vitio, serosas, & vel

vel per ipsos nervos, fluxiones ad articulos concitantis, oriatur, quo itaque fonte non exsiccat, constans & firma medela haud est speranda. Unde, ad cerebri corroboracionem, frigidos humores generantis, Specierum diambræ, diamoschi &c. usum tum alii, tum una cum Balsamorum moschatorum temporibus, vertici, & naribus inunctione. *Martin. Pansa* cap. 14. Conf. antipodagr. non ineptè proposuit. Imò ipsis quoque membris dolentibus commodè quandoque adplicatur, iisdem, si ab humore calido & bilioso non occupata fuerint, virtute suâ attenuante, resolvente, ac discutiente succurrens, cujus etiam intuitu, non grati tantùm odoris causâ, in Pulverem antipodagricum *Cnöffelianum*. in Append. Anni VI. Miscell. Germ. Curios. tit. 22. cap. 4. fuisse receptum, suspicari liceat. Ut acoris hostilis, in arthriticis sæpe furientis, à Moschi sale volatili qualemunque mitigationem, haud improbabilem, pluribus non persequar.

## CAPUT XXXVII.

### *Moschi virtus contra fœtores.*



**T**ædiosus admodum & abominabilis adeo quorundam è toto corpore, ejusve partibus, alis præcipuè pedibusque (de narium & oris fœtore supra jam fuit actum) exhalans est odor hircosus, ut passim exprobrare eundem, Poëtæ non omiserint. Prout pessimum illum Poëtant, *Mavium*, à *Virgilio* quoque Eclog. 3. inculpatum, *Horatius* Epod. 10. cùm naufragium ei imprecaretur, satis mox in principio se perstrinxisse credit, olentem *Mavium* ipsum adpellans, & Epod. 12. Anum libidinofam increpans, gravem hirsutis cubare hircum sub alis &c. objecit. *Plautus* porro in *Mercator*. Act. 3. scen. 3. Seni venereo sic accinit:

*Jam plenus atar, animaque fœtida,  
Senex hircosus, tu osculere mulierem?  
Ut si ne adveniens vomitum excutias mulieri.*

*Casullus* etiam *Rufus* hoc epigrammate irridet:

*Ladis te quadam mala fabula, quâ tibi fertur  
valle sub alarum trux habitare caper,*

X 2

*Hanc*

*Hanc metuunt omnes; nec mirum, nam mala valde est  
bestia. Ecce.*

& : *crudelem nasorum interfice pestem.*

Quàm graphicè *Thaidm* foetorem exagitet *Martialis*, lib. 6. Epigr. 93. videre est.

Cùm verò mephitis illa non naribus tantùm sit execrabilis, conversationi humanæ contraria, & conjugalem sæpe amorem suppressens, (exemplum præbentibus apud *Antigonum* cap. 13. rer. mirab. Lemniis mulieribus,) imò quorundam populorum, præsertim Græcorum consuetudine, *Joh. Isac. Pontani* in rer. Danic. histor. indicio, sufficiens divortii causa, ideoque artes inter amandi ab *Ovidio* munditiarum studium inculcetur:

*Nec malè odorati sit tristis anhelitus oris,  
nec ladat nares virque paterque gregis.*

fed ipsi etiam corpori non parùm noxia, sanguinem & spiritus inficiens, omnesque corporis partes pervadens, meritò ejusdem quoque curationi operam navant Medici. Quam equidem ipsius causæ eradicatione omnium convenientissimè tolli, facillè conceditur, antequam tamen id impetretur, suaviorum odorum usu ut obscuretur, non minùs requiritur. Quo in passu Moschi odor nobilissimus prima inter remedia facillè locum inveniet. Quantumvis enim humiditatem illam corruptam & putrescentem discutere & exsiccare quodammodo valeat, debiliior tamen hîc ad perfectam curationem absolvendam, aut magnopere adjuvandam vis ejus comperitur, ita ut palliativam, quam vocant, curam potius peragat.

Hoc igitur respectu contra virus axillarum, si eo inungantur, atque diligenter confricentur, commodum judicavit *Platearius*; quod in earundem, nec non interstitiis mammarum foetore cum eo in olei caryophyllorum & cinnamomi guttulis aliquot, vel, quæ Moschi intuitu, ob odoris, quæ relinquuntur, libertatem, commodior est, lavendulæ aquâ soluto, peragere *Kunrathus*; & *Sennertus* lib. 5. Med. pract. part. 3. sect. 1. cap. 9. Limenta moschata alia conficere, aut etiam Pilam odoratam sub alis gestare edocuit.

Quamvis ea sæpe ingratarum ejusmodi atomorum sit multitudo & efficacia, ut nec validissimi odores eundem obfuscare, si loqui ita liceat, valeant. Quales tanè fuisse certum est in Literato quodam, quem beati *D. Sachsii* scholion obs. 191. Ann. II. Miscell. nat. Curios. indicat, quibus nec penetrantissima tot odoratorum ingredientium effluvia, in Theriacæ magna

mixtu-

mixtura contingenti praevaluerant, quod & in *Thaide Martialis* notaverat hoc disticho:

*Cum bene se tutam per fraudes mille putavit,  
omnia cum fecit, Thais Thais olet.*

Scilicet major odor, siue jam ille foetidus, siue suavis existat, obscurat minorem. Prout nempe in cujusvis pharmaci operatione, si scopum praefixum attingere debeat, proportionata ejusdem quantitas, quae morbo major sit, eumque debellare consequenter valeat, requiritur: sic & in hoc passu eadem requisita proportio est attendenda, ita ut suaviter odorata exhalationes & numero & virtute superent foetidas, quae ingratum alias odorem accessione sua potius adaugerent. Quam sane explicatione problema *Aristotelicum* commodè satis resolvitur, quo: Cur unguentorum magna pars sudori permixta male oleat, quaedam verò suaviter aut non pejus? quæritur.

Hæc Moschi fragrantia in aliis etiam foetoribus suppressendis capropter utilis esse potest, cujus idcirco usum in Pomis, Aquis, Balsamis & Chirothecis, ad Anatomicos foetores fallendos tangit Ill. *Bartholinus* Consil. de Anat. pract. qui ipse tamen nunquam, cum sacra hæc tractaret, Unguenta placuisse sibi testatur. Nimium sane delicatae nares ad Sacra ista utique minus quadrant, inprimis si manus unâ scitioni admoveat lubeat, ubi semel remotis istis deliciis odoratis, continuo naribus objici inter secundum, cum nequeant, foetor cadaverosus eo potentius nases feriet, quo alias semel imbutæ magnopere postea eundem haud perferant, aut ab eo contristantur; quinimo, si necessitas urgeat, ab alio aliquo, juniperino &c. fumo penetrantissimo &c. longè feliciter præservantur.

Eadem foetoris tollendi intentio in Cadaverum vulgata conditura Moschum admittit, quem sæpius scopo huic adaptari novimus, exemplum suppeditante *Petr. Foresto* lib. 29. obs. med. 29. in schol. *Wolffg. Hofers* Herc. med. lib. 5. cap. 2. & *Georg. Hser. Welsch* observ. Reusner. 100.

Idem fallendi artificium considerantes Practici, in Scabiæ etiam Moschum adhibent, dum topicorum quorundam ingratum odorem ab eo obtegi vident. Multi enim, teste *Petr. Borello* cent. 2. obs. med. 7. ob Unguentorum foetores sæpe curare scabiem renuunt, quod non facerent, si aliquod jucundum, facile & non foetidum exstaret remedium, cujus deinde formulam subjungit; quamvis hæc, quoad Moschum, ab unctuofo corpore reliquo obtusum, voto minus respondeat.

**Quod in Fomiculis quoque** *Cass. Bauhinus lib. 1. de remed. form. cap. 63.* observat, linteolum vel pisum in aqua rosarum moschata humectatum iis, si foeteant, imponendum monens.

Talis etiam ejus usus in Lue venerea quibusdam arridet, quem Unguentis & Suffitibus mercurialibus, ob foetorem concomitantem, adjungunt. Quamvis nonnulli, ut hydrargyri, morbi istius alexipharmaci quali specifi- ci, corrigens addere, aut etiam ut per se singulare remedium ipsi oppone- re ament, qualem nimirum curandi, & Moschi exsorbendi integram drach- mam pro dosi requirentem modum *Leonh. Floravantius lib. 2. Thes. vij. hum. cap. 20.* habet, siccandi, tumores gummosos resolvendi, atque sudo- rem provocandi vim Moscho tribuens, prout *Rondeletius* pariter eundem Pi- lulis ad tophos digerendos, doloris materiam absumendam &c. destinatis admiscet lib. de morb. Ital. hancque vim hydroticam in fumum quoque re- soluto *Alex. Massaria Med. pract. lib. 8. & Gabr. Fallopius cap. 74. de morb. Gall. adjucant.* Quam operandi potentiam negare etsi minimè velim, cum tamen siccandi illa, & sudorem eliciendi vis violenta admodum sit, & sanguinis atque humorum aliorum violentam nimis agitationem includat, adpropriata verò alia, tutiora ac certiora plurima prostant, pretiosà istà pro- digalitate rectius omnino ablineabit Medicus. Nec cinnabaris, corporis ut- pote mercurialis, virulentiam à Moscho corrigi *Paracelsus lib. 1. de morb. Gall. objicit*, quod uti de usu ejus in suffitu, à *Paracelso* propriè indigitato, haud gravatim admittitur, ita inunctione vel deglutitione adjuncti malignos effectus, nervis adversos, emendare quodammodo posse, nullus dubito. Hinc quoque *Rondeletius* lubens accesserim, qui cinnabarinis istis suffumigiis, (aliàs tamen omnino à *Clar. D. Godofr. Schultzio* trig. cinnabr. membr. 2. c. 4. & 10. nec non membr. 3. c. 4. non sine ratione damnatis,) ad odorem ingratum retundendum, Moschum rectè addi pernegat, non quidem ob rationem ab ipso adductam, quâ sudorem virtute ejus adstrictiori retardatum iri credit, sed quia accensus odoris gratiam cum foetore commutat, cateroquin nec singulare adstrictionem ostendens, nec sudorem prohibens.

Lapidis tandem Bononiensis, qui vehementiori igne calcinatus redditur foetidissimus, & ob causticam inductam potentiam psilothrum peropportu- num præbet, Moschi additione odor ingratus corrigitur, ceu cum *Petro Poterio lib. 2. Pharm. spagir. Fortun. Laccus cap. 23. de lap. Bonon. admo- nuit.*

Id quod ad alios etiam foetores retundendos perquam commodè ad- plicabitur.

## CAPUT XXXIIX.

### *Dosis Moschi.*

**P**ondere vendi non minus in foro civili, quam in medico dispensari Moschum, mos est vetustissimus, justitiae & aequitati, naturaeque consentaneus.

Mercatorium quidem, ponderis ratione variantem, aut etiam ex folliculorum numero dimetiendum, hic non tangam, qui medicam saltem, hodie usitatam, per uncias drachmis octo, singulis tres scrupulos, vel sexaginta grana continentibus, circumscriptas, methodum seclabor.

Misso librae pondere, quod rarissime à Medicis, in similibus pretiosorum & efficacissimorum medicamentorum simplicium usu, praescribi solet, nec etiam, quantum ego memini, si unicum ex antiquis *Aetium* tetr. lib. 1. quo *Nagler* *exemplan* tradidit, integram Moschi libram ei admiscentem; atque inter recentiores *Petr. Joh. Fabrum Myrothec.* spag. lib. 1, cap. 26. Moschi libram unam aut dimidiam, pro Quintae Essentiae preparatione, denominantem excipias, in ullo Dispensatoriorum, Practicorum, imò aliarum quarumvis professionum libro reperitur; rarissime unciali pondere compositionem pharmatorum intrat, frequentius drachmis, frequentissime autem solis grana dispensatur, cui nempe sepiissime *Ant. Guineb. Billichii* judicium, lib. 2. cap. 2. observ. & paradox. chymiatr. de oleorum vegetabilium stalaeticorum dosi prolatum, accommodare liceat, ut nimirum dosin non granulis, sed granula dosibus dimetiri aequum statuatur. Quò respectu videtur *Paul. Suardus* in Thes. aromat. Moschum in modica quantitate magnae esse qualitatis & operationis, parumque ejus in compositione sufficere pronuncians, ne in magna quantitate noceat, aut reliquorum operationes corruptat aut occultet, quod pariter *Eust. Rudius* lib. 1. de hum. corp. affect. cap. 54. advertit, eum nempe, aut alia valde aromatica, Antiquorum exemplo, in parva dosi, comparatione facta ad alia, permiscenda esse.

Aliquam tamen hic parit differentiam Medicamentorum diversitas, quae officinalia & magistralia (vid. *Petr. Morelli* Meth. praescrib. form. existunt. Illa enim quovis tempore, absque speciali Medici praescriptione, in Officinis prostantia, multorumque usui accommodata, majorem utique: haec verò extem-

extemporaneâ dispensatione, à Medico in rem præsentem ut plurimum pro uno agroto ordinatâ, minorem, hæcque pro una pluribusve dosibus, intensiorem vel remissiorem recipere solent quantitatem.

In speciali quoque hoc usu non uno semper præscribi & ægris offerri pòdere posse, morborum diversitas, ægrotorum temperamentum, ætas, sexus, consuetudo, anni tempus, regio abunde ostendunt. Nec ipsa medicamenti raritas, ideoque carioris pretii æstimatio hîc negligenda, cum indistinctum præscriptum, non habitâ simul ad facultates ægrotorum ratione, Medici famam facîle ambiguum reddere, pauperiorum verò ægroforum crumenam, nimium offendere valeat. Sed & cum alijs ejusdem, quæ in Moscho quæritur, virtutis simplicibus vel compositis permixtum, minori in præbio sufficere, satis per se est notissimum. Internus potro vel externus adhibendi modus dosin variare potest, cum hîc plurimæ ejus particulæ quò minus inutiliter in auras evaporent, prohiberi sæpe nequeant, ibi verò integræ corpus ingredientur, ideoque, factura ista ut relaxariatur, major copia requiratur. Quanquam etiam externus ille usus non unus existat, natibus enim in Balsamis, Erhinis, Suffumigijs &c. dicata, cum potentiori effectu se exferat, & facîle *καρπὸς βαπτὰν* aut alia mala inducat, minor paulò dosis sufficit, cordi autem, pulsibus &c. adplicitus majorem admittit. Quin & præscriptionis finis rem variat, qui si medicus verè sit & primarius, morbi natura cum cæteris coindicantibus perpendatur necesse est, sin ad odoris gratiam medicamento conciliandam potiùs tendat, præter ægroti desiderium, & voluptatem, ingredientium reliquorum natura potissimum rem determinat; quæ ipsa ingredientia præterea vel per se suaviter odorata, vel foetida, vel inodora deprehenduntur, hisce, inodoris nempe, exigua accessione contentis; istis diffusiores, si odoratarum quædam harmonia, aut etiam longè majorem, si moschatarum eminentia quærat, deprecensibus. Ut itaque Medicus in hisce & similibus ubique tempori & occasione sese accommodare debeat, eoque ipso prudentiam suam, à Medicæstrorum indocto vulgo bene discernente, ostendere queat.

In genere tamen, ut aliquid certius determinetur, à dimidio grano ad ij. iij. & x. usque Medici communiter ascendunt. Quam dimidii scrupuli dosin ultimam eidem quoque tribuit Cl. D. Gerard. Blasius pag 408. Medic. general. Licet alii, notante Gesnero & Aldrovando, dosin ejus quatuor aut quinque ad summum grana faciant; prout grana ij. iij. iij. vj. pro interno usu Phil. Grulingius part. 1. cap. 1. Florileg Hippocr. Galen. chim. iidem posuit, alii verò etiam dimidium transcendere scrupulum non dubitent, id quod cuilibet patere ex antecedd. potest.



## CAPUT XXXIX.

*De medicamentis è Moscho liquidis.*

**M**agna cum sit medicamentorum compositorum varietas, ad necessitatem pariter & jucunditatem comparata, Moschus autem rariùs in substantia & per se exhibetur, quibusnam admisceri potissimum soleat, aut mereatur, vel in quam redigi formam queat, nunc ut dispiciatur, ordo deposcit.

Ubi liquida inter pharmaca primò omnium Aquæ destillatæ sese offerunt, quarum connubium sæpius obtinet, ita ut vel cucurbitæ immittatur, sicque odoratas suas aporrhæas calore resolutas cum aqua in alembicum elevari permittat, in vase excipiente recolligendas: vel ipsius alembici rostro impositus à sensim adpellentibus halituosis, atque adfluentibus aquosis guttulis paulatim resolubiliorem sui partem dimittat: vel etiam destillatæ jam aquæ immerfus eandem ipsi communicet.

Hinc Aquas imprimis odoriferas, ob gratæ fragrantæ eminentiam, tam narium oblectamento, quam corporis refectioni destinatas exornat. Cujusmodi describunt *Augustani* class. 15. Dispens. *Thom. Bartholinus* Consil. de Anat. pract. *Frid. Hoffmannus* Thes. pharm. sect. 2. *N. de le Febure* Chim. part. 1. *Ang. Sala* Hydrel. app. cap. 3. & 4. *Joh. Carol. Rosenberginus* Rhodolog. part. 2. cap. 22. *Claud. Deodatus* Panth. hygiast. lib. 1. cap. 14. *Joh. Ernestus* tr. de oleis chim. destill. *Joh. Bapt. Porta* Mag. natur. lib. 11. *Alexis Pedemontanus* de Secret. part. 1. lib. 2. *Dominic. Auda* in Secret. *Andr. Furnerius* lib. de decorat. nat. hum. Inprimis verò Aqua moschata dicta est celebratissima, quam modò simplici Moschi odore, modò etiam ambracæ & Zibethico simul imbuunt. Qualem simplicissimam *Bulcasses* profert, Aquæ nempe rosacæ libras ij. à Moschi aureo j. abstractas, aliamque *Ferdin. Epiphanius* in Empir. Zibethi scil. & Moschi à 3j. cum Aqu. rosar. lbj. infusionem. Et *Lubert. Ephrus* de formul. tract. part. 1. sect. 8. cap. 8. ex Moschi 98. ambr. & Zibeth. à gr. v. cum aq. rosar. lbj. infusis, Solisque calore digestis, vel etiam simplici destillatione, aut quod ipsi placet, nodulo moschato alembici proboscidi immisso, similem proponit. Eadem *Rosenberginus* paucis indicat, Pharmacopœos nonnullos Moschum & Ambram pro placito in aqua rosarum fragrantissima dissolvere, eamque infusionem Aquæ rosar. moschatæ nominæ venalem habere scribens.

Multi adjectâ Lachrymâ odoriferâ Javenſi, ſub Benzoini nomine vulgè cognitâ, idem tentant, Aquam indè odoriferam, cum ſimplici fontana multiplicandam conſcienties. Quos inter *Leonh. Floravantium* lib. de' Capricci medic. cap. 20. Moſchi in mortariolo aurichalceo contriti, & cum ſaliva ſoluti grana decem, benzoini verò unciam unam in aq. roſar. opt. ℥vj. uſque ad hujus quartæ partis conſumptionem decoquit, remanentem verò cum aquæ communis, priùs per horam dimidiam ebullitæ ℥xx. commiſcet, hac inſuper additâ cautelâ : *Avertendo, che ſe ſale acqua comune non foſſe bollita, e calda, quando ſ' accompagna con l' acqua roſa, e muſchio, che l' odore non penetraria : e perciò ſi bolle.* Aſt præterquam quòd iſtud multiplicationis encomium omnibus quoque cæteris Aquis odoriferis ritè paratis, aliquibus etiam in excellentiori gradu competat, Moſchi cum ſaliva vel ſputo ſolutio ſorditiei vituperio digna eſt, & ſuperfluum curioſitatem redolet, elegantius multò & commodiſſimè in aquæ roſarum particula inſtituenda, Benzoinum quoque, licet paucas aliquas odoratarum ſuarum atomorum, inſpiret, penitiùs tamen in aqua roſarum non diſſolvitur, ſuæque reſinoſitate vel vaſis adhæret, vel aliàs conglobatur : Aquæ verò moſchatæ ad quartæ uſque partis conſumptionem ebullitio ( quam *Deodatus* in vaſe *probe clauſo* peragendam eſſe monens, impoſſibilitatem adjungit ) excuſationem non admittit, tum quia absque illa, ſimplici tantùm digeſtione, eadem moſchatarum & benzoinarum particularum per univerſam aquam diſperſio obtinetur, tum coctio maximè damnoſa exiſtit, ita ut, quæ odoratiſſima poterat eſſe Aqua, maxima ex parte fragrantiffimis atomis, unicè hîc deſideratis, in auras propulſis, orbata compercat. Neque etiam aquæ fontanæ per dimidiam horam ebullitio eſt neceſſaria; quia ſola, breviori multò tempore impetranda, ejusdè calefactio odoratorum effluviolorum motum, inque auras ſeceſſionem abunde promoveret. Imò ipſam frigidam adhibere præſtaret, cum omnis illa maxima quantitas non pro una vice in uſum trahatur, ideoque poſt mixturam etiam, Autoris monitu, (*lactia ſtare coſi, e ſi raffreddera* ) refrigerationem ſubire debeat, facilè, ſi in uſum veniat, excelleſcienda. Magis ergo placet *Gabr. Fallopi* processus lib. 2. Secret. quo aquæ roſar. Menſuræ iiij. à Moſchi 3j. & benz. 3j. in Balneo abſtrahuntur, quòd tamen deſtillatam hanc Soli per 1 ſ. dies exponi vult, & aquæ font. Menſuras xij. remanentiæ adfuſas, per inſolationem pretioſum pariter odoriferum liquorem præbere putat, ibi ſuperfluum, hîc voto non benè reſpondentem laborem requirit:

Ubi tamen meritò diſquiritur : An Moſchus deſtillationi dicatus reſtius ipſi cucurbitæ, vel Alembico, vel vaſi recipienti, i. e. liquori deſtillando,

do, destillantī, vel destillato imponatur? Mihi, pro varia intentione, modo hunc, modo alterutrum modum esse eligendum, videtur. Si enim solus odor, & quidem in liquore pellucido non colorato desideretur, omnium optimē ipsi cucurbitæ Moschi, corpus injicitur; secus, si unā terrestriores vel fixiores ejus partes expetantur, nec color flavescens, in his subsistens, displiceat. Ubi tamen, sive alembico, sive receptaculo immittatur, nihil refert, ubique eadem partium salutarium extractione succedente. Unde, *Ang. Sala* (Vid. etiam *Joh. Agricola* comm. in Popp. part. 2.) minū consentire possum, rectiūs eum facere judicanti, qui Ambram & Moschum vel in substantia, vel in spiritu vini, aliove liquore adproprio solutum, ad usum eligit, quā qui alteri horum adfusus spiritum, aut aquam destillatione iterum abstractam usurpat: *quandoquidem præcipua & balsamica, ac imprimis ambræ substantia, perpetuō in fundo vasis destillatorii hæreat.* Quod equidem ratione Ambræ adeo impugnare nolo, de Moscho tamen inanis metus est reputandus; quanquam etiam jam destillatum spiritum, aut aquam aliquam, ob unicā Moschi extractionem, denuo destillationi subijcere velle, inutile laboris augmentum foret. Hinc non minū jam patet, quid de *Joh. Zwelferi* sententia statui debeat, dum in *Animadvers.* class. 15. Disp. August. Moschi nodulo inclusi pro extractione in destillato liquore suspensione neglectā, eundem capitello destillatorio imponere præceperat, ut & in ipsam cucurbitam conjicere, class. 15. Pharm. Reg. pag. 252. prohibuerat. Absurda quidem, in Arte pharmaceut. *Jacob. Primersii* pag. 173. cap. de Aquis, proclamatur Moschi & Ambræ in rostro alembici repositio, vel cum liquore permixtio, *non enim, uti verba ipsius habent, virtus ejus cum aqua miscetur, aut exhalat,* sed revera, si Moschum spectemus, ipso sensuum testimonio, judicium hoc absurditatis vincitur. Conferatur historia de aliquot Chemicis à Moscho alembici rostro, ipsis insciis, indito & aquam prodeuntem suo odore imbuente, egregiè delusus, ab *Exc. D. Joh. Georg. Elsholzio* Destill. curios. cap. 6. recensita.

Huc etiam Liqueores Spirituum nomine insigniti commodè reducuntur, dum ille præcipuē è vino vel rosīs prolectus Moschi virtute imprægnatur. Quales in *Rolsinciana* Chimia in art. form. red. lib. 3. sect. 1. art. 2. cap. 7. & 25. exhibentur. Huc porro spectant: Spiritus vini ambratus *Ang. Sala*, in quo tamen (alia ut taceam) S.V. dosis, 3ij. designata, typographi fortè errore, nimis concisa est, facillimè tot uncis designanda: Spiritus ambratus in part. 2. Medic. experim. Digb. Spiritus regius *D. Frid. Hoffmanni* in Meth. med. lib. 1. cap. 19. ut & Clav. pharmac. Schröd. pag. 337. atque Thes. pharm. sect. 26. pag. 102. nec non Aqua odcrans potentillima *Joh. Bapt. Besardi*, in Antr. philosoph. part. 4. pag. 155. descripta, Pau-

Paucis quoque hic tangenda sunt Fermentata, i. e. Hydrosacchara & Hydromelita prædicti *Sale* in Saccharol. part. 2. proposita, è quibus compositum cap. 7. spirituosum cap. 8. & cordiale cap. 11. Moscho exornantur. Licet verò Moschus per se satis jam liberus & resolubiles partes contineat, simplici mixturâ liquoribus promptè communicandas, quin tamen fermentatione accedente magis eadem exaltentur, atque per minima cum reliquis misceantur, nullus ambigo.

Potionem muscatam in Dispensat. habet *Nicolam Præpositus*, quam etiam exhibet Antidotarium *Arnoldi de Villa nova*, variarum rerum mixturam continentem, quæ tamen pulveres solo rosaceo Sirupo excipi jubens, quâ ratione titulum istum sibi vindicet, nescio, cum potius Lincius vel Electuarium dici queat. Magis nomen illud tuebitur Claretum moschatum *Myrsichis* Armament. sect. 22. cui jungendum Vinum Hippocraticum *Digbaanum* l. 6. *Alex. Pedemontani* part. 1. lib. 2. de secret. & *Joh. Bapt. Porta* Mag. nat. lib. 14. cap. 11.

De Vinis moschatis sive moschatelinis dictis, aliisque Poruum moschatorum generibus ad delicias comparatis, inferius agendi locus erit.

Nunc ad Olea deveniendum, quæ inter antiquitate se commendat. Oleum moscharum *Nicolai Myrepsi*, Moschelæum, ab aliis etiam moschelinum, muscelinum, muscatellinum &c. corruptè adpellatum, quod nunc à Moscho, vel à Nuce moschata nomen impetraverit, scire, parum quidem æfferret, à Moscho tamen id nominis habere, facilius credo. Cujus compositio mirè variat, ita ut consilio hic opus esse judicaverit *Cass. Hofmannus* lib. 2. de medic. offic. cap. 162. §. 125. Alia ut præteream, Moschum nonnulli ab eo excludunt, arboreum muscum à *Nicolao* indigitari, ideoque ab hoc, non illo, nomen mutuari somniantes, quorum tamen error, cum Græcis muscus ille. *Ρέσων* dicatur, *Nicolam* autem τὸν μόσχον ponat, mox patescit. In ipsa quoque Moschi dosi plurimum variant: Si *Nicolai* textum consulamus, ejus 3vj. comparebunt. Minus tamen errant, qui eandem quantitatem pro varia intentione auctam vel diminutam sumunt, prout *Augustani* quoque dosi minor placuit; modò enim Medicus ipsius descriptionis, in hoc vel illo Pharmacopolio usitatæ, notitiam habeat, errare minus poterit, efficax in qualibet descriptione Oleum habiturus, cui dein, si lubeat, aliorum, ipsius etiam Moschi, additione vires intendere, perquam erit facillimum. Utut hoc ipso Oleo, prout pluribus aliis passim usualibus, ad pompam magis, quàm ad usum idoneis pharmacis, carere Officinas posse credam. Modum ideo præparationis tum *Veterum*, tum

*Zuerli*

*Zuſſerianum* excutere, & quid utrinque erratum fuerit, diſpicere hic, vel illam ob cauſam ſuperſedeo.

Per additionem materiæ cuſdam oleaginoſum quid, pretioſum & ſuaviſſimum exprimi poſſe *Kunrathus* innuit, modum tamen ipſum ſilentio involvens. Favere ei videtur *Ceſalpinus*, cui Moſchum non ſine pinguedine animalium eſſe illum ferentium, ſupra jam adnotavi. Quod ſi certo modo admittatur, tantum tamen pinguedinis aut oleoſitatis in eo nemo deprehenderet, multò minùs adeo liberum à cæteris terreſterioribus &c. particulis, ut, relictis iis, in oleoſa forma ſua tam facili negotio conſpiciendum ſe præbeat. Licet addito cuidam corpori oleoſo particulas quasdam ſui ſpecas communicare, adeoque olei proprii formam ludere poſſe non contradicam. Id quæ ratione fieri queat, (*Kunrathus* ſecretum ſuum, ſi aliud fuerit, ut ſibi reſervet,) vel ex antiquiore, quàm ipſe eſt, Scriptore jam videbimus, videlicet *Alexio Pedemontano*; qui lib. de Secret. fructus Ban in quatuor partes diviſos & cribro injectos, ſuppoſitis in vaſe amplo terreo Moſcho & Zibetho, aquâ roſarum ſolutis, & igne ſubtus locato incaleſcentibus, vapore odorato imbuere docuit, torcularis ope poſtea exprimendos; vel amygdala in duas partes diſſecta & aquâ roſarum Moſcho imbutâ uſque ad molliem macerata, in Sole demum exſiccanda, tandemque labore hoc quinquies vel ſexies peracto, exprimenda propoſuit. Faciliorem etiam alium modum commonſtravit idem, pretioſo ſorum aurantiorum oleo, ex amygdalis dulcibus, priùs per ſtratiſicationem cum dictis floribus odore iſto amœniſſimo imbutis, expreſſo Moſchum admuſceri, perque oſtiduum Solis radiis exponi volens. Id quod Oleo è *Balano myrepſica* expreſſo, cùm rancori magis reſiſtat, fieri commodiùs poſſet, aliove aliquo conſimili, ceu *Porta* lib. 10. Mag. nat. cap. 5. Oleum è ſemine citri hoc modo prolectum ad extrahendum è Moſcho odorem, optimum menſtrum judicat. Nec ſikri debet modus, lib. 11. cap. 3. ab eo propoſitus, quæ Moſchus cum amygdalis repurgatis, inque ſenas vel octonas partes conſciſſis, pixidi plumbeæ per 6. dies includitur, atque per expreſſionem poſtmodum oleum odoratiſſimum educitur, licet hac ratione moſchæ atomi parciſ nucleos iſtos ingrediantur, unde etiam ab operatione iſta Moſchum non admodum deteriore reddi, *Porta* benè ſuſpicabatur. Imò ſi de omnibus prædictis modis experimentum ſumamus, parum proſecto Moſcho decedere comperiemus, illudque ipſum, quod fortè cum eo copulatur, à viſcoſis vel unctuoſis olei particulis ita obtunditur, ut gratiam ſuam omnino deperdat. Id quod ſanè mihi, cùm hæc experiri laborarem, contigit. Num alii exercitatiores & feliciores, inſuper hac in parte ſint, me latet.

terea uti prædictos Scriptores multas præparationes alias, solius ingenti immaturos quasi partus, successu omnino carentes, audacter satis tradidisse, nemo negare potest, ita quoque his in Oleis calamum eos solum excuississe, nec manus ipsas operi admovisse, suspicari mihi liceat. Ut ita alia, quæ in processibus istis censuram deposcerent, excutere lubentiùs superfedeam.

Qualiter verò se habeat Oleum moschi orient Florentinum, cujus ex Deliciis hybernis Nobil. D. D. Jo. Dan. Majoris supra CAP. XXI. feci mentionem, & an prædictorum censuram mereatur, hæcenus me latet.

Pet destillationem insuper parare odoratissimum & pretiosissimum Moschi oleum, sunt qui intendunt, modumque, Balnei calore absolvendum, præliùs demonstrat l. IO. c. 9. *Porta*, qui sanè Balnei calor, si tantum oleosarum particularum, destillatione, expellendarum, in Moscho luxuriaret, non esset spernendus, cum revera tenuissima quidem ei insit essentia, blando solum calore impetranda, olei tamen formà nunquam est proditura. Et si auctiori ignis gradu oleiforme quid tandem obtineatur, non nisi foetidissimo combustionis nidore infectum erit. Moscho enim non iniquè aphorismus chimiætr. 18. sect. 2. *Ang. Sala* adplicatur, quo impossibilis esse decernitur Oleorum è sanguine & carnibus quorumcunque animalium sine adustione destillatio. Videatur etiam ejusdem tractatus de erroribus Pseudochimicorum, ubi falsitates eorum, circa Oleum quoque Moschi commissas cap. de Balf. aromat. perstringit. Nec verè Oleum Moschi est dicendum, quod, additis aliis quibusdam rebus oleosis vegetabilibus, mitiori igne propellitur, cum saltem quædam Moschi subtiliores particule, oleo vegetabili mistæ, eidem odorem qualemcunque impertiantur: cujusmodi Oleum in *Joh. Bapt. Besard* Antro philos. part. 4. pag. 157. legitur. Et tale etiam foret, nimis Ambræ & Moschi prodigalitati junctum, quod in lib. 1. cap. 18. *Secretor. Much. Nostradamus* legitur, si tueri sese ab empyreumatis labe posset.

Tandem se Tincturæ, Essentiæ, & Elixiria sistunt, quæ medicamenta equidem aliquam inter se distinctionem licet patiantur, sæpissime tamen eorum nomina confunduntur, unumque pro altero accipitur. Mihi itaque, præcipue dum curiosior illa distinctio parum utilitatis importat, istis, quibus ab Autoribus suis proponuntur, nominibus insistere, est constitutum.

Tincturam Musci *Paracelsus* Gerard. Dornem Falcicul. Parac. medic. tract. 2, ex lib. 1, de virib. membr. cap. 4. defumatam exhibet, eundem in

vino

vino vitæ in succum instar styracis liquidæ coquendo, quam ipsam Extracti Moschi titulo dignatur *Andr. Libavium* lib. 2. Alchim. tract. 2. cap. 2. & cum infusione Melissæ, vini spiritu factâ, parare edocet:

Quintam Moschi Essentiam per Spiritum vini terebinthinatum extrahit *Kunrathus*, eamque Moscho in substantia exhibito, utpote penetrantioris sicque efficacioris præfert. Spiritumque illum tanquam pro Moschi proprio dissolutivo *Joseph. Quercetanus* de medicam. spagir. præpar. sect. 2. cap. 4. reputat; quem equidem nonnullas ab eo partes extrahere vel à crassioribus separare, negari nequit; ast proprium ejus propterea vocare dissolutivum vel menstruum, nimis libera est assertio, cum idem encomium cæteri quoque liquores omnes, in quibus Moschas diffluere quasi amat, veluti quivis alius Spiritus, Aqua destillata &c. imò & acetum, (vid. Exc. D. Phil. Jac. *Sachsus* Ampelogr. lib. 2. sect. 2. cap. 3. pag. 572.) mereantur, quin & eorum nonnullos magis proprios dici posse, certum est, si nempe, menstrua intentioni medicæ, aut cuivis alteri magis respondentia, extractioni adhibeantur.

*Paracelsus* Archidox. lib. 4. Moschum oleo amygdal. dulc. macerat, donec instar pastæ fiat, cui expressæ Spiritum vini adfundit, eumque essentiâ Moschi imprægnatum, post 6. dierum digestionem, calore cinerum destillando separat, relicto in fundo amygdalorum oleo, ipsum autem Spiritum vini in B. denuo abstrahit, remanente in fundo oleiformi quintâ Moschi essentiâ. Quem modum *Ioh. Bapt. Porta* lib. 10. Mag. nat. cap. 13; à Paracello mutuatum paulò aliter describit, oleum balaninum pro maceratione etiam admittens, decem dierum digestionem præcipient, & vini spiritui aquam fontanam ter quaterve destillatam jungens. Quem *Porta* processum pariter *Andr. Libavium* part. 3. Singular. lib. 4. cap. 9. & lib. 2. Alchim. tr. 2. cap. 6. repetiit.

*Petr. Ioh. Faber* lib. 1. Myrothec. spag. cap. 26. Ambram, Moschum & Zibetinum totâ suâ substantiâ, modò pura sint, in essentiam converti, (quod tamen de Moscho pernego,) aliquando tamen indigere scribit, ut partes heterogeneæ, non solum à natura, sed etiam impostura adjunctæ separentur. Moschum ergo in Arcanum sive Quintam Essentiam redactus, spiritu vini alcoholisato solutum, in vase vitreo oblongo, optimeque clauso, igni lenissimo, pro penitiori partium solutione & heterogenearum separatione exponit. Spiritumque per inclinationem depletum, in alio vase vitreo oblongi colli per 15 6. ad partium resolutarum ulteriorem depurationem in MB. digerit, toties laborem hunc repetendo, usque dum omnimodè à fecibus depuratus sit, tandem lentissimo igne ad consistentiam mellis destillans.

Supr.

Superius citatus *D. Faber*, Anglus, in *Examine Cordial. magn. Ravvlich*: Moschi Essentiam hac ratione parandam edocuit, eum nempe in mortario marmoreo cum paucis saccharo cantho albo pulverisatum, & Pelicano inditum in B. vaporoso cum spiritu vini circulandum, spiritumque dein calore blandissimo in eodem Balneo usque ad Sirupi consistentiam esse abstrahendum perhibens.

*Hieron. Reusnerus* in suo tract. MS. de Pollinct. cadaver. Q. Moschi Essentiam itidem exhibet, eundem cum spiritu vini ad iij. vel iiij. digitorum eminentiam superfuso, in vitro Sapientiae luto ocluso & panis medullæ indito, calore fornacis pistorii solvendo, atque post filtrationem spiritum in M. B. abstrahendo, remanente sic in fundo Moschi extractione.

Sed ut jam non urgeam abusum epitheti Tincturarum, aut Quintæ Essentiæ nomen labili admodum fundamento inniti, quod imprimis *Ioh. Bapt. Helmentius* tr. Asthma & tuss. §. 44. & 79. ostendit, has saltem jam recensitas omnes inter non *Entia* refero, Anonymum autorem sequutus, qui Q. E. Moschi, in qua odor & virtutes incredibili modo sint auctæ & exaltatæ, & quæ extractione subtilissimarum partium paratur, pro non Ente reputat. Si enim præparationes istas spectemus, inutiles revera labores, & magnæ conatu præstantiorum atque essentialium Moschi atomorum disperditionem ubique inveniemus. Quid enim, quæso, opus erat Moschi cum oleo amygdalino impastatione, cum ipse vini spiritus substantiæ Moschi adfusus eundem mox satis superque dissolvere vel extrahere possit, oleum contra ejusdem actioni admodum resistat? Quid tot dierum, & vel in clibano ac pasta frumentacea digestionem, cum vel intra horulæ unius spatium Moschus contritus menstruo succum suum simplici labore impertiat? Quid sacchari canthi additione, quæ laborem, quo partium terrestrium inodoratarum segregatio intendebatur, suo exigui hîc valoris corpore irritum reddit? Ultima autem ubique requisita ad extracti liquidiusculi consistentiam abstractio præcipuarum odoriferarum atque essentialium atomorum, cum spiritu vini separationem procurat, quamvis enim lenissimo tantum igne hujus evocatio quærat, Moschi tamen atomos odoratas præ illis, quæ vini spiritum constituunt, esse fixiores ut credam, nemo me adeo facile permovebit, ita ut hæ solæ, relictis illis, in alembicum elevari nequeant, quin magnam moschatarum unâ copiam secum abripiant, id quod Spiritus vini sic destillati odor abundè docebit. Unde quotquot hac ratione odoratæ apothecæ ex Moscho cum spiritu vini junguntur, tot necessario Essentiæ remanenti decesserint.

Quo



Quo itaque intuitu vel ipsum Moschum in substantia exhibere, vel simplicem solutionem & filtrationem suadere, plurimum praeſtaret. Cum Moschum sit sanguis animalu concretus & calore Solis coctique bonitate satis elaboratus, non indiget ulteriori extractione aut preparatione chimicâ. Cum enim odor iste in tenui atque aërea ejus substantia consistat, affusione aquarum aut liquorum ad extractionem nihil, odorata qualitas dissipatur ac diminuitur: (scilicet accedente postea insuper eorundem liquorum abstractione aut exhalatione,) hinc vel in substantia ad solidiores compositiones assumitur, vel odor ejus in aquas cephalicas aut cordiales, ut est aqua carſunculi & alia, transfertur: verba sunt Laurent. Euchſtadii cap 13. de confect. alkerim. Hinc sanè etiam Petr. Poterius, multos spiritus perire, Moschum verò ipsum veluti quintam quandam essentiam esse, considerans, meritò à sordibus eo tantummodo repurgato nos uti lib. 1. Pharmac. spagir. sect. 6. subjungit, & lib. 3. sect. 3. Ambram & Moschum adeo à natura esse exaltata, scribit, ut preparatio eorum frustranea videatur. Atque pro Arcani Lulliani compositione, quam Cl. D. Joh. Gerardus, Professor olim Tubingensis, cum tractatu Medic. univers. defend. edidit, requisita Quinta Moschi Essentia, simplici ejus in vini spiritu solutione paratur, optimâ sanè intentione, quam tamen subséquens dein in ipsius Arcani mixtura destillatio non parùm enervat. Ut ideo hac quoque ex parte verissima sit Helmontii <sup>671</sup>1615 §. 45. Nat. contrar. nesc. scribentis: *Ut Spagyria deducit multa ad gradum majoris energia, quatenus ens novum suscitât: sic aliàs rursus multa clam suffurando debilitat. Naturam scilicet ignavia atque imperfectionis accusat, quinque eandem citra ignem nil exsoluisse autumat.*

Et cum hac inutili mensurâ abstractione Moschi quoque decoctio quodammodo convenit, non exiguam utpote odoriferarum partium jacturam urgens, cujus exemplum præbeat Oleum Floravansii, quod Oglio excellentissimo per far buona memoria vocat, cujus preparatio uti plura animadversione digna, ita etiam in specie Moschi coctionem inutilissimam continet. Genuina namque & hic est Helmontii censura §. 40. tract. Pharmacop. ac dispensat. modern. Cum Aromatum vis generalis atque præcipua sit in odorabilis, hac si ultro evanescat, & sponte odoratum feriat, quid tandem bulliendo & affando non fiet, præcipue ubi gradus accesserit? quod nostra nos docens odoriferorum destillationes. Id quod perantiquus ille Scriptor, Arnoldus Villanovanus cap. 9. Antidor. jam innuerat: Sciendum, inquit, quòd sunt, quæ non sistent decoctionem, ut moscu. Et Jacob. Sylvius lib. 2. de medic. simpl. præpar. Moschum ab igne depositis, & jam tepentibus Decoctis esse injiciendum monuit. Idem & de Emplastrorum preparatione Jac. Pri-

*merofus* in Art. pharmaceut. & *Joh. Heurnius* Meth. ad prax. med. lib. 1, nempe Moschum &c. cum Emplastrum jam refrigit, esse admiscendum, perhibent, id quod tamen non de omnimoda refrigeratione adcuratam mixturam prohibetur, vel difficilem admodum redditur, intelligi debet. Cui convenit ipsius *Galenii* quoque sententia, qui lib. 6. de comp. med. s. l. Myrrham & Crocum in fine coctionis, aut ollâ jam in terram positâ, adjicienda voluit, cum ampliori cocturâ aromaticorum medicamentorum facultas destruat. Qui utique, si Moschum habuisset cognitum, id multo magis de eodem monuisset. Unde nec parvam cocturam absque quarundam partium subtilium deperditione Moschum admittere, certum est, secus ac *Quirism de Angustia* & *Paulus Suardus* in suis Dispensat. voluerunt, qui medicamenta in illâ, quæ multam, parvam, & mediocrem sustinent decoctionem, dividentes, mediis illis Moschum adposuerunt.

Huc spectat etiam Magisterium Moschi, inter Selecta remedia à *Joh. Bapt. Spuntono*, cum de Pulvere vipersino egisset, recensitum, dum à Moschi recentissimi ʒij. per retortam vitream in B. M. tota humiditas, tanquam pars mercurialis, evocatur, atque à remanentia Spiritus roris majalis abstrahitur, eidemque postea super porphyritem tritæ redditus, denuo calore cinerum instar aquæ crocæ destillatur, tandemque per B. M. spiritus, pro hujus ipsius laboris iteratione adhibendus, separatur, remanente in fundo Moschi essentia sulphuræ, feces autem tredecim dierum spatio calcinantur, cumque priori spiritu sal elicitur, solutionibus & coagulationibus depurandum, cumque mercuriali liquore, & sulphureo extracto permiscendum. In quo sanè processu magnas conatu magnò agi nugas, severior aliquis Chemicus exclamaret. Ut enim labores plurimos omnino inutiles & penè ridiculos taceam, Spiritus ille roris majalis, qui tamen mixturam illam ultimam non ingreditur, potiores Moschi odoríferas particulas continet, Sal autem ex fecibus vel nullum, vel tantillum, & imò hoc ipsum nullius virtutis singularis præ quolibet alio, ex vilissimo etiam ligno &c. collecto, separari debet.

His sanè omnibus judicium *Ang. Sala* l. c. cap. de Extr. quadrat, quo extractiones istas rerum aromaticarum peragere, perinde esse innuit, atque cum evolavit avis, caveam claudere; quamvis residuum illud non nisi spissitudinem terrestrem, omni potentia & virtute exspoliata esse, propterea cum *Sala* decernere nolim, qui aliqualem, satis tamen castatam, ei denegare niteo.

Hic etiam Essentia ambræ, quæ aliquando ob majorem Moschi, quàm Ambra dosin, nomine moschatum, vel utriusque, quorundam

imita-

imitatione , essent dignæ , tangendæ sunt , quales nobis *Miscellanea Natura Curios.* Append. Ann. VI. Ill. *Collegium Noricum* Dispensat. sui A. 1666 studio nunquam satis laudandi *D. D. Joh. Georg. Volckameri* editi pag. 165. & *Hafnienſe* classi. 20. Nobil. *D. Guerner. Rolſincium* Chim. lib. 4. sect. 1. art. 2. cap. 3. Exc. *D. Joh. Lud. Hannemannus* Id dispens. sui, *Mindererum* noster in Dispens. August. Mantiff. hermet. *D. Christophor. Glaserm* Manudu. ad Chim. lib. 2. cap. 21. *D. N. de le Febure* part. 2. Chim. *Joh. Zvelſerus* Animad. pharmaceut. aliique exhibent. Quibus conſimiles qui parare voluerit, diverſis pro lubitu in ſ. q. adfuſis menſtruis & præviâ vel paucarum horarum digeſtione, absque ulla deſtillatione impetrare facile poterit.

Elixiria denique huc ſpectant, quorum ſpecimen Elixir vitæ *Matthioli*, in Officinis noſtris Auguſtaniſ proſtans, Elixir vitæ *Flaravante*, Elixiria citri *Rolſincianum*, *Feburianum*, nec non *Barth. Pielas* in Laborat. Ceylon. pag. 114. & 115. ſuppeditabunt.

## CAPUT XL.

### *De medicamentis è Moſcho ſiccioribus.*

**I**N ſicciorum claſſe primò de Pulveribus agere, non erit inconveniens. Quos tamen exornare neutiquam poſſet, ſi *Monachos*, qui in *Meſuen* commentati fuerunt, ſequi vellemus, utpote non conteri debere eum, opinatos. Id quod ob virtutis, dum pulveriſatur, evaporationem eſſe omittendum, *Quiricus de Auguſtin* & *Suardus* admonent. Nonnulli tamen ſententiam hanc mitigantes, trituram quidem, ſed minorem, quàm aliis Aromatibus, ei deberi ſtatuunt, prout *Joh. Bravus* de ſapor. & odor. cap. 10. de Moſcho, Ambra &c. verba faciens, hac aromata, inquit, ſeruntur quidem, quanquam minus, quàm alia &c. quia cum tenuia raraque exiſtant, & facultatem ſuperficiariam ſint adepta, violento, aut magis quàm par ſit, diuturno ſitū facile exolvuntur, celerrimeq; languens, meliore illarum parte in tenuiſſimum pollinem abeunte: accedente etiam & calore, ex attritu corporum durorum genito, imbecillam medicamenti facultatem diſſipante. Et *Hier. Mercurialis* lib. 3. de comp. med. cap. 5. Moſchum craſſo modo eſſe contendendum, arbitratur, quia, cum ſit variſſima ſubſtantia, facile evaporat; imò

Z. a

qui

qui volunt conservare musci facultates, inter conterendum addunt saccharum, quia, si per se solum conteratur, facile ejus facultas tota moritur. Alii verò, uti *Joh. Renodam* lib. 2. Instit. pharm. cap. 6. si terendus sit, humectationem ejus suadent, ne subtiliores partes ac magis odoratæ dissipentur: vel, quod *Jac. Primerosius* Art. pharmaceut. pag. 55. habet, ne vis odora exhalet. In qua tamen opinionum varietate nulla est, quæ mihi placeat, qui trituram Moschi nullatenus rejicere sustineo. Quamvis enim, recens si fuerit, in pulverem, ob humiditatem nativam conjunctam, contereri per se nequeat, tractu tamen temporis exsiccatus, aut siccoribus aliis admixtus, cur redigi in pulverem non debeat, sufficientem causam haud video. Aëri quidem libero expositus, interno inprimis agitante spiritu, quasdam odoratas sui atomos subinde emittit, easque calor externus trituram inductus eò promptius expellit, nec non corpus ejus in minutiores particulas divulsam, plura etiam quasi emissaria nanciscitur, tantum tamen in operatione illa non decedit, ut propterea eandem sæpe necessariam omnino omittere, aut facultatis notabilem exsolutionem, dissipationem vel languorem pertimescere debeamus, præcipue quia compactæ adeo non est substantiæ, quæ violentam nimis ac diuturnam trituram requirat, facile à pistillo in corpuscula minutiora dispendenda, multò minùs autem pollinem ejus tenuissimæ adeo texturæ esse scio, ut melior illa pars pulverulenta avolare queat, ac ita aquæ rosarum &c. pulverisationem potius inhibituræ, (quam quidem à vini aut aquæ irroratione facilitari, *Primerosius* pag. 59. credidit,) atque ob humiditas suas exhalationes moschatarum quoque fugam aliquam promoturæ, asperione indigeat. Moscho autem superficiariam aut imbecillam facultatem adjudicare, experientiæ repugnat, quæ tam potens & altè radicata illa comperitur, ut etiam magnam aquæ quantitatem exigua ejus particula odore suo imbuere valeat, remanensque corpus terrestrius quasdam nihilominus odoratas sibi reservet moleculas. Ratum ergo sit, Moschum contereri omnino posse, idque vel per se, ubi siccor fuerit, aut in liquore hac ratione dissolvi debeat, vel, si humidior præsertim existat, cum aliis, quæ ratione saccharum, ubi medicamenti desiderati forma & operatio non reluctatur, neutriquam rejecerim, non quòd ipsam Moschi facultatem artificio hoc à morte præservari credam, cum ob majorem partium à sacchari interventu disgregationem major etiam odoratarum atomorum (si minutias istas cum Autoribus illis attendere velimus,) exhalatio potius contingat, quia Moschus, distans *Dan. Sennerto* de cons. & diss. Chim. cum *Aristot. & Gal.* cap. 11. quò in minores partes dissolvitur, eò plus odoris spirat, sed quia partes ejus hac ratione, uti dixi, meliùs divelluntur, sicque copiosiora odoris

ris effluvia impetrantur, vel saltem humidiores in pulverem ut abire queant, disponuntur.

Varii itaque Pulveres Moscho, non odoris saltem ob gratiam, sed etiam virtutem, sicque ut basi, adjuvante, corrigente, aut dirigente, nobilitari passim soliti, omnino hic recensendi sunt, quos partim in substantia, ut dictum est, partim & quod nonnunquam melius, rosarum aquâ &c. dissolutus ingreditur.

Hos inter Species aromaticæ vulgò in Officinis dictæ plures eundem recipiunt. De quibus, uti Diarrhodon, Diambraz, Diamoschi &c. *Gul. Rondeletii* censuram, quâ, unum eorum medicamentorum qui habet, altero carere posse tract. Pharmacop. offic. innuit, non omnino rejecerim, nec omnino adprobaverim. Ut jam plurimas similitum Specierum huic vel illi parti, morbo, aut aliæ indicationi magis minusve competere non urgeam, multas earum virtute convenire, nemo sanus inficias ibit. Merito autem, si unus tantum Medicus in loco aliquo praxin exerceat, aut plurium consensus obtineri queat, carere tot descriptionibus Officinas posse adstruitur. Ast sæpe, imò, ubi plures degunt, tantum non semper idem, quod contra *Zwelferum*, multitudinem Pilularum reformatem, in Pharmacop. Aug. Rest. pag. 96. dedi, iudicium, quor capita nimirum, tot esse sensus; huic Medico hanc, illi aliam compositionem magis arridere atque in usu esse; varietatem insuper delectare, est decernendum. Licet cæteroquin, nec omnino damnanda sit illa *Asclepiadis à Scribonio Largo* adducta, & huc quadrans sententia, quâ ultimæ sortis esse Medicum contendit, qui non ad singula quæque vitia binas ternasve compositiones & expertas protinus paratas habeat. Ut verò reliquas jam missas faciam, solas Diamoschi dulcis Species attingam, quarum plures equidem apud *Mesuen, Rasenum* ad Almanf. lib. 9. cap. 69. *Isaacum Israelitam* Pantech. lib. 10. pract. cap. 42. *Altuarium* de medicam. composit. *Nicolaum Myrepsum*, *Joh. Renodum* Offic. pharm. lib. 3. sect. 1. cap. 4. descriptiones prostant, Mesuianæ tamen illæ, in nostro etiam Dispensatorio Augustano propositz, in Officinis frequentiores existunt, quas absinthii, rosarum, aloës, castorei & levistici additione, amaras & efficaciores præterea reddere *Mesue* laboraverat, ob omnimodam tamen gratiæ jacturam ex Officinis jamdudum proscriptas. *Rondeletium* tamen (confer etiam *Renodum*) & alterum illud, dulce vocatum, medicamentum relegendum putat; tum quia ob paratum jam Diambraz pulverem, qui ejusdem sit facultatis, & Moschi in eo dosi augeri facillè queat, carere eo possimus, tum varia sit ejusdem descriptio, tum & multa parùm probanda recipiat, Cui, cæteris paribus, refragari admodum nollem. Li-

et enim diversæ descriptiones scrupulum hic movere nullum debeant, à determinata earum una, Medici rationalis iudicio facta, electione mox eximendum, revera tamen Diambra Species eundem effectum spondent; aliqua etiam absque ulla hesitatione omitti possunt, imò, veluti sericum crudum tostum, si minutissima quævis prosequi opus sit, debent.

Cæterum communiter cum & sine Moscho paratæ Species istæ adservantur. Causam superius, cum de Moschi incommodis agerem, attuli. Unde cum *Job. Ans. Lodovico* Pharmacopœos fraudis accusare simpliciter, nolo, si in Aromatico rosato aliisque compositionibus Moschum excludant, Medici intentioni, & ægrorum necessitati ita attendentes, prout tamen, si qui solius lucri causâ incompletas ejusmodi Species pro completis distrahere præsumant, reprehensionem poenamque severam utique merentur. Alias, quanquam similes Pulveres, negligentius præcipuè adservati, multorum annorum ætatem vix perferant, sed sensim exsolvantur, ideoque rectè eos facere meritò statuatur, qui ad mentem *Hier. Mercuriali* lib. 3. de comp. medic. cap. 13. in exigua semper copia parantes, eoque sæpius elaborationem eorum iterant, ne sine optato Medicis frustretur, eosdem tamen propterea planè rejicere, quod fecit *Fallopium* de medicam. comp. cap. 30. 31. cum de Aromatico rosato, & Diambra ageret, nimis rigorosum foret. In Electuarii quidem formam, Mesues exemplo, effingi Diamoschum &c. commodè potest, tanti tamen auctoritas illa non est efferenda, ut eapropter non etiam Pulveris sub specie, aut etiam sacchari &c. accessu, Rotularum formâ proflare queat, præcipuè cum hæc, benè adservatæ, citæ corruptioni non fiant obnoxie, ille autem quovis tempore, addito melle aut Sirupo aliquo commodo, Electuarii faciem induere valeat. Interea tamen, res mei si foret arbitrii, *Rondeletii* iudicium tract. Pharm. offic. prolatum amplecterer, quo, consimiles Species sine odoratis istis si pararentur, nec Medicis, nec Pharmacopolis, illis nempe imperare, hisce exequi, molestum fore statuit, ubi ea ex tempore, usu exigente, jungerentur.

Pulveres hosce Ambra moschata *Mynsichti* scilicet. 1. Armam. med. chim. excipiat, qua cum magnam adfinitatem habent: Ambra essentificata vel rectificata, Augustissimi RUDOLPHI II. CÆSARIS, & Seren. Anglorum Regine ELISABETHÆ medicamentum, à *Job. Hartmanno* in Prax. chimiatr. & not. in Basil. chim. Croll. descriptum, atque à *Gul. Maxwello* lib. 2. de medic. magnet. cap. 15. Zibetho auctum, nec non Ambra moschata & Elæosaccharum cordiale compositum Appendic. Ann. VI. Ephemer. Germ. Curios. pag. 92. 97. Essentia ambrae sicca *Dispensatorum novi Norici* pag. 166.

Haf-

*Hafnienfis* class. 20. Diaromaticum essentiale ambraz - moscharum *Rolfincianum* Chim. lib. 4. sect. 1. art. 2. cap. 4. Elæosaccharum moschardinum, ambratum sect. 6. cap. 2. ut & cephalicum Ejusdem Meth. med. spec. comment. lib. 7. sect. 1. cap. 4. Diaromaticum essentiale *Ang. Sala* descript. Antid. pret. ejusdemque Pulvis ambraz aut Saccharum ambratum descript. Aq. sudoris. Diamoschum ad Magnatum corda roboranda *Andr. Tenzelus* Exegesi. chim. part. 1. sect. 1. & Diamoschum dulce sect. 3. ut & Spiritus rosarum compositus *Christoph. Glückradt* not. ad Joh. Beguin. tyrocin. chim. lib. 2. cap. 2. Tinctura confortans *Tob. Dorncrius* Dispensat. nov. part. 1. cap. 6. aliæque, facili operâ, subtrahendo quædam, vel adjungendo ingredientium dosi, aut numero, imitanda, ita tamen, ut requisitam à quibusdam Ambraz & Moschi &c. cum rosarum spiritu repetitam irrorationem, ceu inutilem & aliquo modo damnosam, aliamve justo curiosiorem digestionem minus necessariam, aut deprædatoriam evaporationem haud ineptè omitti possent, obiter animadvertam.

Tabacinos, sive sternutatorios Pulveres odoris sui gratiâ & virtute non minus commendat. Licet enim caput, uti Exercit. 8. §. 5. de Tabac. loquitur, replere potius Moschus, quàm ei exonerando prodesse, si ad eerta quædam individua id restringatur, *Joh. Chryst. Magneno* sponte largiar, omnibus tamen, præcipuè viris, quorum delitiis ille magis inservit, eundem effectum minimè causare, sed caput potiùs quibusdam roborare, crassorumque excrementorum attenuationem promovere passim videmus. Ipsum tamen Moschum esse caputpurgium, vel sternutatoriam vim possidere, quam nonnulli ei tribuunt, haud observatur, cum tam acres non exferat particulas, tactu suo vellicationem istam in narium membrana quæ ciere possent, nisi tenui & calidâ suâ facultate serum attenuando & agitando aliquid præstet, aut etiam salino suo principio sensibiles admodum nares offenderit. Tot autem inter descriptiones unicam *Augustanorum* class. 9. Dispensat. loco secundo exhibitam indigitasse sufficiat, vel, si potentior Pulvis desideretur, *Rolfincianam* sect. 2. de purgant. veget. art. 1. cap. 30. propositam.

Suavitatem etiam odoris, in delicatiorum præsertim usum, densificiis Pulveribus conciliat. Quos inter ad dentes dealbandos pumice pulverisato nihil esse præstantius *Alexis Pedemontani* part. 1. Secret. lib. 4. putat, quem Moschi & Ambraz momento conditum tanquam pretiosam rem quandam nonnulli divendant, qui etiam granorum chermes, vel fantali tincturâ imbutus, alumine auctus, & Moscho rosarum aquâ soluto ornatus in *Joh. Bapt. Zapata* Secretis dilaudatur.

Pulve-

Pulveres itidem, crassiores ut plurimum, Cucuphis parandis destinati, non bambace tantum moschato excipiuntur, sed ipsam etiam Moschi substantiam sæpiusculè admittunt. Cui usui intersunt Pulveres violacei odorati in *Dispensatorio August.* & à *Joh. Freitagio* lib. 2. Auror. medic. cap. 25. propoliti.

Cum quibus Sacculi cordiales, aut vestibus interponendi, nec non Scuta stomachica coincidunt.

Tandem non indici abire debent Pulveres dicti Cyprii, ornatui præcipuè non solum capillorum, sed & capitis interdum exsiccationi ac munditiei, imò ægotantium utilitati dicati. Qualem moschatum *Vidus Vidus* de curat. membr. lib. 2. cap. 3. descripsit. Ceterum hi ut plurimum (ut de aurea scobe, quam *Verum Antoninum*, *Commodum*, & *Gallienum*, Impp. Romanos, comis adpersisse referunt, nihil dicam) ex musco aliquo arboreo, querno &c. variarum rerum, Moschi præcipuè odore, tum per effumationem, tum stratificationem, tum substantialem admixtionem imbuto, parantur. Aliis pulverem resinofum è musco terrestri clavato collectum, ossa sepiæ, ovorum cortices, lignum cariosum, aut etiam amyllum usui huic inservire novimus. Bononienses pigmentarios marmoris vel alabastri pulverem cum Moschi portiuncula usurpare *Petr. Poterius* Pharmacop. spag. lib. 3. sect. 3. refert, qualem marmoreum, aut etiam ex concha margaritifera paratum *Joh. Bapt. Besardus* Antr. philosoph. part. 2. pag. 169. delineat, eundem quò antiquiorem, cò meliorem esse pronuncians. *Alexim Pedemontanum* sterus vaccinum in mense Majo collectum, exsiccatum & pulverisatum, Moschique &c. odore exaltatum part. 2. Secret. commendat. Alij verò aliter procedunt. Quamvis si intentionem medicam, capitisque corroborationem respiciamus, pulverem aliquem ex herbis cephalicis concinnatum omnibus reliquis esse præferendum, vix superfit dubium, pro exsiccando tamen capite muscus imprimis commodissimè inservire potest. Ast solius voluptatis, aut artificiosæ cantitiei causà qui eam frequentant insersionem, quid eligere debeant, parùm curo. Nemo autem nisi vanitati isti impensè deditus ultimo in modo sciens volensque delicias facillè capiet. Moschus cæteroquin omnium optimè in aqua aliqua odorata solutus fragrantiam suam per illos pulveres dispergit; id quod etiam de aliis rebus, si ve corpore tenus, si ve in liquorem fragrantem resolutis dictum velim, cum in effumatione & stratificatione nimium de odoratis particulis disperdatur, satisque tædiosus labor sit subeundus.

Plures Pulverum species ut jam sicco pede transeam;

Nunc



Nunc ad aliud medicamenti genus me converto, Moscellos nempe, Moschi itidem præsentia sæpe condecoratos, quorum selectiores formulas Ordo & methodus medic. special. comment. *Rolsinciana* lib. 8. sect. 2. cap. 4. Exc. *D. Wedelini* de medicam. compos. extemp. sect. 2. cap. 12. & *D. Joh. Tisemannus* sect. 2. de mat. med. suppeditant.

Quò spectant etiam Rotulæ, quales elegantes Imperialium nomine insignitos *Hadr. à Mynsicht* sect. 7. Armam. ut & alios *Rosenbergium* part. 2. *Rhodolog.* cap. 22. describunt.

Quibus Tabulæ, Manus Christi vulgò dictæ, jungendæ, ab *Ang. Sala* de var. Chim. & Galen. error. tr. 2. *Rosenbergio* l. c. *Claud. Deodato* Panth. hygiast. lib. 2. cap. 2. nec non Tabellæ à *Riverio* cent. 4. obs. med. 70. & *Tragea* magistralis à *Zacharia* à *Puteo* clav. medic. ration. sect. 20. descriptæ.

Qua ratione verò Moschus medicamenti hæc recensitis commodius adjiciatur, *Joh. Schröderus* Pharm. med. chim. lib. 2. cap. 69. docere voluit: *In morsulis parandis olea destillata si occurrerint, in fine ea instillare oportet, vel parati morselli illinire. Idem judicium de Moscho ac Ambra, qua in aqua rosarum dissolvuntur, atque parati tabulis illinuntur.* Verùm quod illinitio- nem hanc concernit, cum superficialia illa Moschi cum Morsulis Rotulisve unio non diu duret, sed justo citiorem odoratum aromorum exhalationem admittat, nisi accuratissimè in vase aliquo recondantur, simulque breviori tantum usus dicata sint, non adeo comoda esse potest. Cui meritò itaque ipsa cum saccharo cæterisque ingredientibus incorporatio præfertur, sive jam cum sacchari particula aliqua, aliisque pulveribus probè tritus, inque minutiores particulas segregatus, sive, quod ob pellicularum aut etiam pilorum mixturam, ad medicamenti elegantiam impetrandam necessariò separandorum, imò Moschi ipsius meliorem disgregationem, est convenientius, in portione aliqua rosaceæ alteriusve appropriatæ aquæ dissolutus, in fine demum coctionis, saccharo jam ad debitam consistentiam deducto, pro minori fragrantie jactura, admisceatur. Pro minori, inquam, fragrantie jactura; omnem enim, minimam etiam, præcavere velle, non est possibile, nec adeo necessarium. Sed quòd *Zacharias* à *Puteo* Moschum & Ambram non esse commiscenda seriò hortatur, antequam saccharum caliditatem dimiserit, quoniam, ut verba ejus habent, omnis eorum præstantia & odore facillimè spoliarentur, sed ejusdem sacchari tepiditatem expectandam esse, non satis capio. Saccharum enim adhuc calens, fluidum, & antequam in-tepescat, esse in requisitam formam effundendum, omnibus Pharmacopœis est notissimum, cum aliàs mox, conrescendo, nec Moschi aliorumque pulverem amplius recipere, nec debitam in formam effundi queat.

Hiscæ subjungo Pastam regiam , panis dulciarii genus , cui interdum Moschum addi posse *Casp. Bauhinn* de reined. form. lib. 1. cap. 27. & *Joh. Heurnim* Med. ad prax. med. lib. 1. monuerunt.

Ejus speciem quandam constituunt Mostaccioni, sive Mustazzuoli, Italia ita dicti, aut etiam Muscardini à Moscho, ab eodem *Heurnio* descripti. *Confer. Th. Jordanus* de pest. phoen. tract. 3. cap. 6.

Nec multum differt Massa illa , quam Panem Martium , Mazam panis &c. Italicè Marzapane, (vid. Celeberr. *D. Olfavii Ferrarii* Origin. lingu. Ital. pag. 200. (Latine autem Diamygdalatum, vel Pineolatum vocant, cuius cum Moscho parandi rationem exposuit *Joh. Renodani* lib. 5. Inst. pharm. sect. 1. cap. 10.

Accedant & Marmeladz, (vid. laudatus *Ferrarius* pag. 199 ) qualem cordialem, ac cephalicam moschatam *D. Barth. Pielas* pag. 88. & 89. Labor. Ceyl. exhibuit.

Trochiscos inter Galia moschata eminet, vulgò Galliz moschatæ nomine nota, de cuius etymo *Renodani* lib. 3. Antidot. sect. 3. cap. 5. evolvì potest. Sed tali sub titulo duplex diversæ descriptionis medicamentum in Antidotariis cum proponi solcat, unum à *Mesue*, alterum à *Nicolas Alexandrino* delineatum, probè hæc esse distinguenda *Joh. Jac. Manlius* in comm. Lumin. maj. sect. 1. & *Laur. Joubertus* Pharmacop. sect. 3. rectè monuerunt. Ideoque in nonnullos *Pharmacopœos*, hac in parte imposturam committentes, *Joh. Anton. Loderus* meritò passim in suo tract. de fraud. pharm. invehitur.

Galia itaque *Mesues* xylaloës part. v. ambr. part. iij. mosch. part. j. recipiens, cum mucilag. tragac in aq. ros. solut. conficitur, prædicta nempe tria simplicia per se pulverisata & trita, vel &, quod alios facere *Mesue* notat, Ambram in vase vitreo cum paucò oleo de been priùs dissolutam, cum glutine isto in trochiscos compingendo. Id quod verno tempore, manè, aëre fereno, in aureo, marmoreo, vel vitreo mortario peragere jubet *Arnoldus Villanovanus* Antid. cap. 14. hyemali & humido tempore medicamenti corruptionem, calido verò multam virtutis exhalationem veritus, cupreum, etiam vel ferreum vas Moschum & Galiam corrumpere, aureum contra virtutis suæ aliquid communicare ipsi autumans. Ast vanà admodum persuasione, præcipuè si glutinis tragacanthini nimium non fuerit assumtum, sed tantum, quantum ad uniendos pulveres unice suffecerit, nec parati Trochisci aëris libertati omnino subtrahantur, aut fervidioribus Solis radiis exponantur, quo in passu neque corruptio, neque fragrantiz nimia exhalatio, quocunque tempore parentur, est metuenda. Quo dubio procul respexit

*Guth.*

*Guil. Rondeletius* Pharmac. offic. in pauca quantitate conficiendos esse notans, quia *semper* liceat eosdem parare.

Hanc ex Oriente adferri, sed non benè præparatam, *Ioh. Manardus* annot. in comp. Mel. eandem tamen faciliè parari posse, lib. 18. Epist. monuerat. ( Vid. etiam *Gualt. Ryffini* Pract. part. 1. cap. 3. ) Ex quo jam, *Hier. Reusneri* in observ. à *Welschio* edit. 98. decisio quousque locum invenire queat, perspicimus, quâ nempe Galiam moschatam veram haberi vix posse innuitur ; Sive enim ex Oriente solum olim adlata, mangonii metum, ob pretiositatem suam, incusserit, sive Ambræ & Moschi, prout ad nos adferretur, adulterationi quammaximè, & nonnullorum sententiâ, semper obnoxio substantiam perpererit, magnopere ipsi succensere haud possumus. Licet cæteroque *Welschiana* animadversio minimè excludenda sit, quâ veram Galiam istam nos habere aut parare cur nequeamus, causam nullam fingere licere adnotat, cum certè simplicia ista apud nos genuina inveniri sit certissimum.

Ex istis autem jam elucescit, dolosè agere eos, qui Ambræ gryseæ loco nigram illam minoris pretii, fragrantiz, & virtutis sumere, aut etiam largo sacchari additamento quantitatem augere consueverunt, eandem dein isto, quo legitime paratam, pretio dividentes.

Cæterum Meluanæ huic suam præfert, ac maximopere commendat *Leonh. Floravanti* lib. 5. de Secret. cap. 27. dum ligni aloës ʒiij. ambr. gryf. ʒiij. Moschi Orient. ʒij. N. M. cinnam. ā. ʒj. in spiritu vini anisato, inque hoc postea tragacanthum dissolvit, mixturam istam post debitam evaporationem in Trochiscos compingens. Verùm licet major additio Moschi efficaciores hos utique reddere queat, Ambræ tamen minor, cæterorum respectu, dosis unâ occurrit, Nux moschata verò & Cinnamomum tantum eis encomium minimè conferunt, aut præparatio singulare quid ostendit, quamvis enim spiritus vini anisatus Ligni aloës inprimis extractioni, & Ambræ dissolutioni satis quadret, scire tamen vellem, an spiritus vini tantum, quantum ad integram istarum rerum extractionem ac solutionem requireretur, sit adsumendum ? Hoc enim si fiat, eum ultimò ejusdem exhalatio sit instituenda, magnam unâ partium utilissimarum ac subtilissimarum copiam in auras secum abripiet, sicque medicamentum longè deterius efficiet. Sin pariori manu adfundatur, parum etiam pro extractione & solutione conferet, imò cum trochisci exin, absque sacchari alteriusve siccæ corporis sufficientis additione, sint compingendi, necessariò omnis penè iterum exhalare debet, sicque resinolarum partium prægressâ solutio parum utilitatis contribuit,

*Nicolai* verò Galia moschata ( quam rectius mastichinam vocari posse *Job. Steph. Strobelbergerus* in *Masticholog.* pag. 67. & 69. arbitrat ) nobis minus usitata, minoris etiam, quàm illa *Mesues*, valoris, præter Moschum, insuper mastichis ʒij. gummi Arab. ʒj. camphor. ʒj. caryophyll. cinnam. N. M. ā. ʒß. aquam rosarum moschatam, & oleum sambacinum sive jasminum recipit, cujus ultimi quidem communiter ʒiiij. præscribere solent, cum tamen *Amati Lusit.* censurā, ( ut alios taceam, ) cent. 6. curat. medic. 83. rectius quartam tantum unciae partem sumendam esse, ipsa ingredientium series commonstret. Prolixiori autem à *Nicolao* ostensâ præparatione, haud indigemus, dum simpliciori mixturâ gummi Arabico priùs in aqua moschata, & camphorâ in oleo sambac. solutis, commodius fieri potest.

Sequuntur ejusdem Autoris Trochisci aliptæ moschatæ, vel potius moschati aliptarum τροχίσκοι ἀλειπτικοί, „ literatissimi *Welschus* nostri Variar. lect. lib. 2. MS. judicio dicendi, quorum parandorum modus fuit antiquissimus, ut diebus canicularibus Ladanum & Styrax in catino, tenui linteolo adversus pulvisculos illapsuros cooperto, soli exponerentur, cujus vi remollita, in mortario æneo, Sole exalefacto, cum pistillo ferreo itidem calido validè conterenda, donec nigrescant, addito dein Xylaloës pulvere, Ambra, & Camphorâ, ac tandem Moscho in tribus aquæ rosarum uncis dissoluto. Solari tamen illi calori strictè nimis inhære non est necesse, cum vel *Dd. Haffnensium* exemplo, Dispensat. class. 11. lenis Balnei calor, vel, quem *Renodam Antidot.* l. c. cap. 6. & *Phil. Gubertus* in *Medic. offic.* innuere mihi videntur, alius quivis idem præstet, adeoque non tantum canicularium, sed alio etiam tempore confici queant. Tanta autem rosaceæ aquæ additio minùs probari potest, quia necessaria ejusdem exhalatio multorum simul odoratarum particularum fugam ex reliquis procurat, cui itaque longè minor, & quæ sufficiat pro Moscho ac Camphora diluendis, subrogari potest.

Tandem se Trochisei moschardini sistant, quos aliàs etiam, cum non semper Pastillorum forma eis concilietur, sed in oblongiora, vel rotunda granula, aliâve figuram quandoque, modò cum tragacanthi mucilagine, modò solius caloris & manuum beneficio, compingantur, moschardinam vel moschatam Confedionem, imò Corpus sine anima nimis licentiosè appellare solent Officinæ, cum revera satis nobilem animam spirituosissimæ Moschi atomi eidem inspirent. *Pastilli sunt*, inquit *Petr. Morellus Meth.* præscrib. formul. lib. 1. lect. 3. cap. 6. *ab odore, quem à moscho habent, sic dicti &c. Componuntur vel simpliciter ex ambra, moschi gr. iij. ʒc. ut voluerit, & saccha-*

*sacchari soluti in aq. ros. q. s. cum amyli tantillo 3. vel sunt compositius ex pulv. rerum aromaticarum suavis odoris, ut cinnam. sandali 3j. moschi, ambræ pr. iij. iij. pro lubitu, sacch. &c. Joh. Schröderus Pharm. lib. 2. ad Moschi aq. ros. dissol. 3j. sacch. albissi 3vj. amyli 3v. recipit, ex massa cum mucilag. tragac. facta grana instar hordeaceorum conficiens, Petr. Poterius verò Moschi 3j. cum sacch. alb. 15j. & amyli 3iv. in trochiscos effingit. Petr. Andr. Matthioli Comm. in Diosc. Sanguinem draconis superaddit. Alii etiam plura alia adjungunt, quales in libr. Secretor. passim cum & sine Amylo, cum, Sandalo rubro, albo, Cinnamomo, Mastiche conficere edocet Pedemontanus, cum Ammoniaco gummi & Terra sigillata Joh. Hucherus lib. 1. de steril. cum Ireos Florent. radice August. Thonerus lib. 2. obs. med. 14. Quæ sanè pro varia Medici intentione variè murari absque ulla difficultate possunt. Hanc ipsam, simpliciore tamen, confectionem Saponæ nomine, à saporis suavitate orto, inter Condimenta retulit, atque elaborare edocuit Joh. Manardus lib. 20. epist. medic. 1.*

Pilulas insuper, utero dicatas, alicubi esse monet Cl. Cass. Hoffmannus sect. 3. Paralip. officin. cap. 38: quibus nomen Pilularum Moschi sit impostum, & ὀσφύρεον, cum hircum oleant. Illas autem Georg. Melichini Dispensat. sui sect. 9. sub titulo Pilularum muscatarum magistralium inseruit. Nihilominus tamen Moschus, sive tritura, sive liquore disgregatus, Catapotia ingredi utique aptus est, variis adfectibus, & vel ipsi uterini adhibenda, cum illud Pilulæ superius jam recensitæ, quas de musco nominare solebat Barth. Montaguana, nec non alteræ ejusdem de dynamisco testantur. Alias ut jam silentio præteream.

Prout & aliorum Globulorum structuram non respuit, quales sunt, illi pro alvo cienda supra memorati, nec non Lapides badzhardici artificiales à Spuntono descripti.

Sic & Massæ illæ, vulgò Pomambræ, vel Poma ambræ dictæ, tum in aliis morbis, tum peste præcipuè usualia, sive jam nudis tractentur manibus, sive involvantur lindone, sive capsulis aureis, argenteis &c. includantur, Moschum frequenter recipiunt, quæ itaque & Poma moschata non minus dici possent, vel saltem Poma odorata, cum sæpè nihil vel parum Ambræ, plurimum autem Moschi aliorumque aromatum adjunctum habeant, unde etiam Germani Wysemäpfel / vel Wysemäpfel ea vocare consueverunt. Componuntur igitur ex pulveribus odoratis (terrâ sigillatâ, bolo Armen. coraliis &c. à quibusdam præscribi solitis, ut planè inodoris, penitus exclusis,) addito ut plurimum Moscho, Ambrâ, vel Zibetho, interdum & Oleis

destillatis, ac modò cum resinosis, uti Ladano, Stryace, Balsamo Peruviano, Terebinthina, modò cum cera, oleis, aquis, succis, tragacanthi mucilagine, gummi Arabico, modò seorsim, modò uno alterove permixto, in massam compinguntur. Solum Ladanum cum Stryace calamita, non alio nominato excipiente, habet *Arnoldus Villanovanus* de ornatu. mul. ut & cum Benzoe, Mastiche, Olibano *Joh. Schröderus Pharm.* lib. 2. cap. 75. Ladanum cum rosarum aqua *Joh. Fernelius* lib. 4. Meth. med. cap. 21. & *Bern. Desjennius* lib. 10. de medicam. compos. Ladanum cum succo meliss. buglossi. & aq. ros. *Arnoldus prædictus* cap. 3. de conserv. juvent. Stryacem & benzoeën cum aq. ros. *Jacob. Sylvius* cõmm in Mef. antidot. Stryacem liquidam cum majoranæ aqua *Gualt. Rysius* part. 1. pract. cap. 3. cum ejusdem succo *Dam. Leonus* sect. 1. Art. med. lib. 1. cap. 9. Balsamum Indicum vel Peruvianum *Ang. Sala* tract. de pest. Eundem cum aqua rosarum *Joh. Schröderus*, Terebinthinam idem *Schröderus*, & *D. Gerard. Blasius* in Medic. gener. nec non eandem cum tragacanthi mucilagine, vel aqua rosacea *Dispensatorium Augustanum* class. 1. 1. Ceram *Paul. Suardus* in Thef. aromat. *Pline. Eneas Caprius* lib. 2. de febb. putt. *Rein. Solenander* sect. 2. conf. med. 29. & sect. 3. conf. 23. additã à quibusdam vini portiunculã. Oleum amygd. dulc. præter Aquam Damascenam *Jul. Palmarius* de morb. contag. lib. 6. cap. 13. Oleum florum aurantium & caryophyllorum *Hier. Mercurialis* lib. de pest. cap. 22. Mucilaginem tragacanthi *Alexius Pedemontanus* part. 2. de Secret. Eandem cum gummi *Joh. Guntherius Andernac.* de medic. vet. & nov. cõm. 2. dial. 8. Quis verò jam modus, Moschi nostri respectu, melior sit statuendus, meritò quæritur. Solum excipientis loco adhibitum Ladanum, aliæve duiores resine, licet calore liquatæ Specierum receptioni sic satis favent, nox tamen iterum obdurescunt, & sic conglutinatiis poris, exhalationem odoriferarum, præcipuè etiam moschatarum atomorum admodum impediunt. Sin cum aquis saltem Ladanum cæteræque Species subigantur, friabiles nimidum relinquunt massas. Peruvianum balsamum & Stryax liquida Moschi odorem glutinosi & oleosi suis particulis admodum obtundunt. Tragacanthi mucilaginem (quod & de Gummi Arabico intelligendum voluit *Joh. Heurnius* lib. 1. Meth. ad Prax.) improbat præfatus *Sala*, quia massa cum ea elaborata sæpe ita induratur, ut odorabilem rerum qualitas suffocetur & exhalare nequeat, quam citam indurationem, atque ab ea odorabilem effluviarum aliquam quasi fixationem, si sola illa, quod rarissimè fit, adhibeatur, nemo unius negare potest, à Terebinthina quidem &c si, quod crebrius fit, unã accedat, præcavendam, quæ ipsa tamen resina, si a quosâ mucilaginis partes exhalaverint, viscositate suã Moschum involvendæ ejus

ejus odorem supprimit. Quare non minus Oleum amygdalinum &c. unctuosus lentore suo moschatos poros obviscans, gratiamque odoris imminuens, excludendum videtur. Quæ sanè incommoda me faciliè permoverent, ut Moschum ab harum Massarum odoris gratiâ expectitarum mixtura omnino exterminandum censerem. Ut itaque hoc respectu, si tantopere ejus consortium expetatur, eum non admiscendum, sed Pomi superficiei sapius tantum oblinendum esse, *Heurnio*, *Solanandro* & *Morello* promtius adfentiar. Ubi, foraminula etiam massæ insculpta Moscho repleti posse, nonnulli admonent, exemplum præbente *Christoph. Wurfungo* part. 1. Medic. cap. 2 § 1 & part. 2. cap. 2. §. 1.

Huc Odoriferum *Crollianum* pertinet, *Basiliæ* chim. cap. 7. propositum, nec non Specificum odoriferum *Paracelsicum* lib. 7. Archidox. descriptum, quod equidem, licet ob longas, sed minimè necessarias digestionem animadversionem mereatur, non prorsus rejici potest, ut omnibus tamen cæteris Odoriferis palmam præripere, cum *Claudio Deodato* l. c. lib. 1. cap. 14. dicamus, nullam causam video. Referre etiam huc licet *Ambram facitiām*, *D. D. Joh. Pontani*, à *Joh. Wutichio* consil. medic. 77. &c. memoratam.

Ad Pessorum insuper, ut & Nascaliū dictorum compositionem frequenter cū Moschus adhibeatur, de illis quoque commodè hic aliquid dicendum est. *Bambax* itaque moschatus, sive odore Moschi imbutus, idem Moscho conspersus, oleum Moscho perfusum, *Galia moschata*, *Alipta moschata*, ab *Hollerio* lib. 1. de morb. intern. cap. 49. indicata hic conducunt. Sic lanam xylinam Moschelæo madentem, & in quâ resolutus fuerit Moschus, *Placcarius*, atque periam tenuem *Galiā moschatā* ad castaneæ quantitatem infarctam *Leonellus Faventinus* cap. 1. de matr. adfect. commendant. Idem etiam Moschus aliæque aromata &c. non saltem cum oleo & bambace, sed & terebinthina, cera, melle, balsamo, styrace liquida, ladano, vitello ovorum, coagulo leporino, adipe, vino, aquâ rosarum &c. excipitur, & ita in digitale formam fastigiatus, immediatè & per se, si fuerit solidior, vel, quod præstat, linteolo tenuiori ac molliori, aut rarioris texturæ sindoni inclusus, in sinum pudoris imponitur, vel ipsi uterino collo intruditur. *Sunt qui majusculum ficum sindant, inversumq; ambrā, cinnamomo, moscho, aut aliis conveniente pulvere faciant, deinde, fastigiatum in orbem, circumdant ac consuunt, siccatum demum compungant, ut conglutium aroma posset transpirare;* verba sunt *Lubert. Esthi* de formul. tract. part. 1. lect. 8. cap. 1. Sed exsiccatio ista ut fiat, non opus est, quam itaque *Heurnius* non determinavit, dum ficum inversum diambra, cinnamomo, & Moscho implendum, filo sericeo in orbem consuendum, & tandem sæpe pertundendum esse prodidit.

**Art.** Ubi etiam non possum non Pessarii saccharini mentionem facere, quod *Ralb. Brunnerus* Consil. med. 64. proposuit, Morfellum nempe in formam pessarii, vel veretri efformatum, in impotentia aphrodisia devorandum, qui ut Ambrā, ita & Moscho perquam apte condiri posset, & non tantum virtute sua medicā confortationem partium generationi inservientium respicit, sed & formam istam ob externam, facultatem imaginativam consopitam, cum objecta moveant sensus, quodammodo excitare potens est. Quamvis ex figuratis illis pharmacis nemo fortē alius, quā lascivior aliquis delectationem capere, & Medicus absque honestatis macula, similia coordinare vix posse, videri queat.

Nec Saponem tandem moschati, tum capiti in remedium cedentes, tum odoris, in lavando & mundando capite, manibus &c. gratiā expetiti, hic sunt tacendi, quorum varias descriptiones, majoris minorisve adparatū, occurrunt in Secretorum Scriptoribus, *Floravantis*, *Pedemontano*, *Nesfradamo*, *Fallopio*, *Auda*, nec non *Dispensatorio Augustano*, class. 13. Exc. *D. Cass. Theoph. Bierlingii* Advers. curios. append. cap. 24. *Joh. Bapt. Porta* Mag. natur. lib. 11. cap. 7. *Lub. Esthio* l. d. sect. 9. cap. 6. *Greg. Horsio* de tuend. sanit. lib. 2. cap. 1. *Joh. Agricola* in Popp. chim. part. 2. *Hadr. Mynsichti* Arment. chim. sect. 9. *N. de le Febvre* Chim. part. 2. *D. Joh. Helfr. Jünken* chym. exper. cur. sect. 2. cap. 11. aliisque. Hisce jungere liceat Unguenta saponaria, Saponis Neapolitani nomine, qualem plurimum laudatum nostro hoc tempore Monachi Olivetani vendere Neapoli solent, insignita, quorum parandi rationem *Alexius Pedemontanus* part. 1. lib. 2. de Secret. & part. 2. edocuit, cui aliam addere libet, ab *Hieron. Reusnero* in suo tract. MS. de pollinct. cadaver. recensitam, àque *D. Simone Simonio*, Professore quondam Lipsiensis acceptam, qui Sapo ex *ssij.* pſgued. cerv. & *ssj.* lxxvii acris cum calce viva facti, invicem lento igne permixtis, sensimque Solis vel fornacis calore, ad debitam consistentiam redactis, sive quousque inter agitandum quasi fila ducere incipiat, conficitur, admixtā tandem aquæ rosaceæ librā dimidiā, in qua prius *styrac.* calam. *ssj.* cinnam. caryophyll. ā. 3ß. N. M. *ssj.* ambr. mosch. ā. gr. x. trifol. odorat. *ssij.* in M. B. vase benè clauso infusa fuerint. Quæ ipsa ab artis perito facile mutari inque elegantiorē formam redigi possunt.

De Candelis fumalibus, *Aviculis* Cypriis vulgò dictis, sæpe cum Moscho componi solitis, nihil dico, quia ingratum potius foetorem, dum comburuntur, inde adfricat, cum tamen odoris se gratiā commendare debeant,



# CAPUT XLI.

## De medicamentis moschatidis medie consistentie.



**I**N medicamentorum, medie quæ sunt consistencie, serie primum locum Electuariis tribuo, interque illa nobilissimo, ab *Ebn Masvis*, sive ut communiter vocatur, *Joh. Mesue*, Damasceno, invento, ex granis tinctoriis sive Kermesinis, aut Cocco baphica parato, quod sub Confecionis Alkermes nomine in Officinis ubique ferè locorum proflare solet. Cujus tanta est dignitas & præstantia, ut *Joh. Schyrenio* lib. 2. Meth. med. cap. 44. mortuorum vita audiat, iis nempe, quibus mors est in propinquo, auram vitalem promptè excitans, cujus purpura, auro conspersa oculos pascit, odoris suavitas spiritus recreat, & dulcamara, saporis amcenitas vires instaurat, sicque virtutum suarum gratiosâ & immensâ congerie vix ulli cedens remedio. Nec, alios ut præteream, consensus dandus *Joh. Manardo* annot. in compos. Mes. in hac, scribenti, nunquam jactare pecunias, cum neque in serico, neque in cocco aliam nisi vim adstringentem agnoscat, rubricæ coloris ratione cor potius lædat, quàm juvet, spiritus nempe & sanguinem, propter similitudinem trahendo, cyaneus verò lapis vomitum & secessum prostrat quidem, præ exigua tamen, ejus quantitate non promovendo magis noceat. Sericum equidem magnum compositioni momentum addere non credo, ita ut absque hæsitacione ulla omiti posse facile largiar, ob id ipsum tamen compositum, totum, rejicere, nimis rigorosum est judicium, cyanei vero lapidis & cocci innocentiam Nob. *D. Guerner. Roslincius* Ord. & meth. med. spec. comm. lib. 3. sect. 2. cap. 31. satis vindictam exhibuit. Prout nec audiri meretur *Joh. Zvelferus* in Vindic. contra Vernium, odoris saltem gratiâ Moschum additum perhibens, cum revera cordialem imprimis propter virtutem; huc accedere dici queat, quam rectius insinuant *Joh. Ludov. Borsaldus* tract. de conf. alkerm. & *Joh. Bapt. Corresius* Miscell. med. dec. 9. epist. 4. non quidem ob reliquorum ingredientium virtutis ad cor deductionem, sed propria ejus ab energia sperandam sanguinis & spirituum refocillationem. Et ab eo, non secus ac granis coccineis, ambra, xylaloë & cinnamomo medicamenti efficaciam, gravis aliâ ejusdem censor *Ang. Sala* de Chim. & Galen, error. tr. 2.

B b

dedu-

deducit. Hinc sanè minùs improbandum erit consiliùm , quod olim *Ioh. Falco*, Universitatis Monspeliciacæ Professor, dederat, suorumque Collegarum consensu, Moschi pondus auctum, ab aliis dein tantò pariter adprobatum, voluerat. Quamvis enim Ambræ dosin ob majorem tantum, quàm nobis conveniat, à *Catelano* creditam, & bituminosæ sulphureæ, atque ad inflammationem propensæ naturæ adscriptam caliditatem, imminuere haud deceat, cum tantus ipsi calor non inhareat, qui in parvula illa dosi magis, quàm auctum Moschi pondus nocere queat, qui Moschus utriusque caliditate Ambram faciliè superat; neque etiam altera à *Catelano* adducta ratio, quàm Moschum occidentale, quò nos hodie uti cogimur, orientali, Veteribus quondam usuali, puritate & perfectione longè inferiorem esse, multisque modis adulterari solere scribit, multum evincat, dum uterque orientalis & occidentalis, impetrari hæcenus haud difficulter potuit, imò hunc alteri illi bonitate minimè cedere, superius jam demonstratum fuit; & utrumque eidem adulterationis periculo, imò Orientalem, ut cariorem, magis quàm illum, esse obnoxium, est certissimum. Nihilominus ipsius Confæctionis virtutem, cordis spirituumque confortationi ac serenitati dicatam, audior pondere egregiè adaugere poterit. Cur autem *D. Falco* Ambræ dosin immutare voluerit, *Laurent. Joubertus* sect. 3. Pharmacop. verosimiliorem causam assignaverat, videlicet: *ut minus carum esset medicamentum, Moschi econtra adauctum: ut satis odoratum maneret medicamentum.* Quà verò ratione Composito huic is admisceri debeat, peritum pharmacopœum latere nequit, atque ex superioribus, Aqua rosatæ, vel etiam ipsius Sirupus chermesini particulâ solutum commodissimè eidem uniri, faciliè colligitur. Qui modus etiam *Catelano* placuit; in pulverem tamen redactum addere quòd veritùs fuerit, ne in vapores evanesceret, supervacaneum ejus fuisse, timorem, meritò adstruitur, illis, quæ antea de pulverisatione ejus fuerant dicta, abunde id testantibus. Ut ignorantia idcirco maculam, quam *Augustanis* ipse, circa ambræ admixtionem, inurbaniùs voluit inurere, si retorqueere luberet, haud foret difficile. Licet enim Confæctionem alkermerarò esse in usu, propter *operosam* ejus compositionem, scripserint, *operosum* tamen illud ad Ambræ artificium difficile restringere non decet, cum *operosum* esse, & difficile esse, non parùm differant, Ambræ autem in Sirupo Kermesino facilem liquationem jam antea *Augustan.* vel ex ipso *Melesus* textu, satis cognitam habuerint. Cæterùm omitti olim potuisse, & bene etiam posteriori in editione omissa fuisse verba ista in nostro Dispensatorio, præfatiòne non negaverim.

Ipsam

Ipsam descriptionem lib. de antid. *Mesue* tradidit, quam tum alii, tum *Augustani* Dispensatoriis suis inseruerunt. Mutatam quodammodo illam in usu habent *Monspelienses*, jam in antecedenti discursu ex parte indicatam, sed peculiari scripto à *Laurent. Castelano* Gallicè publicatam, Latinè postea per *Strehan. Ströbelbergerum*, omisiss inutilibus, edito notisque illustrato. Alià longè & duplici quidem facie eam exhibuit *Herc. Saxonia*, dulcis & amara nomine insignitam, àque *Phil. Müllero* lib. 5. Mirac. chim. & *Iohann. Prevotio* de remed. mat. descriptam. Eandem non minus alià facie indutam produxerunt *Nicolaus Myrepsus* in Dispensat. sub titulo Antidoti è lapide radiante; nec non *Nostradamus* in singulari libello.

Chimico etiam labore, vulgari rejecto, concinnatas delineant *Laurent. Eichsladii* tract. special. de conf. alk. *Petr. Ioh. Faber* Myrothec. spag. lib. 9. cap. 6. *Ang. Sala* de Chim. & Gal. error. tract. 2. & *Petr. Poterius* lib. 3. Pharm. spag. sect. 3. Quæ tamen, si examinare cuncta esset animus, censuram non effugerent. Placet, magni Viri *D. Sim. Pauli* iudicio, huic vel illi magis minusve competente, in class. 2. Quadrip. botan. p. m. 69. stare: Ex confusione altherimes extractum parare velle, quid aliud est, quam actum agere, cum ipsa per se ritè parata satis sit elegans medicamentum, quod hac arte solum pretiosum, non efficacius redditur.

Quid *Zwelferus*, & quo successu immutaverit, pluribus in class. 14. Pharm. August. Rest. pag. 246. & seqq. ostensum fuit.

Imò ipsis in *Mesues* operibus, tract. de Simpl. cap. de lap. Rell. alia ponitur ejus descriptio, tum cæterorum ingredientium quantitate diversa, tum lapidis imprimis lazuli dosi auctâ conspicua, quam cum fortè *Herc. Saxonia* vidisset, illam priore improbare part. 2. Prælect. cap. 1. sustinuit, licet xlii. errori Scriptoris *Jacob. Sylvii* not. in Mes. adscribere maluerit, quam, item tamen eam non faciam, cum utraque, pro diversa intentione medica, locum habere queat.

Usum attamen ejusdem non omnibus convenire, præcipuè ob Moschi odorem, plures adnotarunt, & rectè quidem, unde etiam nonnulli in Pharmacopoliis incompleta, i. e. sine Moscho & Ambra parata, prostrare solet.

A quibusdam, ut & hoc memorare hic liceat, in formam siccam transmutatur, quod jam olim *Anut. Foissin* sect. 1. Pharmacop. adnotaverat, quam ipsi consistentiam largior sacchari additio faciliè conciliat, ut plurimum verò in Trochiscos, mucilagine tragacanthi insuper, pro firmiori partium unionem, accedente, compingitur, Moschi etiam & Ambra augmento

facchari moles compensatur, qualis v. g. præparationis modus nonnullis  
*Augustanorum* Officinis probatur sequens: ℞. Conf. alkerm. Mes. compl.  
 ℥ij. succi Kermes ℥ij. moschigr. viij. ambr. gryf. gr. vj. sacch. Tabarz. penid ā.  
 ℥ix. cum mucilag. tragac. aq. rosar. fact. q. l. F. Trochisci. Aliis verò: ℞.  
 Conf. alkerm. ℥i℔. sacch. alb. ℥xvj. moschi, ambr. gryf. ā. 9℔. mucilag.  
 tragac. c. aq. rosar. fact. q. l. F. Trochisci. Quam utramque composi-  
 tionem à D. Parente meo communicatam Exc. D. D. *Cass. Theoph. Bierlingius*  
*Advers. curios. append. cap. 18. pag. 91. nuper inferuit. Quales Ampliss.*  
*Collegium Medicum Noricum* in usu habeat, in Dispens. novi class. 1. sect. 4.  
 tit. Trochiscorum sublingualium monstravit. Color saturatio non succi  
 tantum Kermes, sed & particulæ Laccæ Florentinæ melioris, aut ipsius  
 Cochinellæ ope tutò conciliari, Ambra quoque & Moschi dosis pro cuius-  
 que lubicu augeri potest.

In Tabellas tamen, & ita consequenter etiam Trochiscos efformatam,  
 multò esse inefficaciorē *Bertaldus* admonet, id quod ob largum sacchari  
 additamentum negari nequit, nisi aucta postea Moschi &c. dosis istum de-  
 fectum suppleat.

Plura porro Electuaria alia moschata apud *Mesuen* inveniuntur, nem-  
 pe Aromaticum moschatum, simplicitate pariter & virtute se commendans,  
 Electuarium dulce è Moscho, Tryphera moschata, Tryphera falsò *Galeno*  
 adscripta, pluraque alia. Nec inelegans, sed minus usuale Electuarium  
 moschatum apud *Ebn Sinam* lib. 5. sum. 1. tract. 3. invenitur. Aliquot  
 Antidotorum è Moscho nominatorum compositiones habet *Nicolaus Ale-*  
*xandrinus* in suo Dispensat. Confectio porro hyacinthina, passim nota,  
 eodem exornata est, cujus tres species diversæ apud *Petr. à Castro* sect. 8. de  
 febr. punct. malign. aph. 17. 18. & 19. existant. Alia videatur in *Pharma-*  
*cop. August.* & prolixissima apud *Zacchariam à Puteo* sect. 20. clav. med. ra-  
 tional. Moschi quoque largam satis quantitatem medicamentum illud *Si-*  
*nicum*, Cachunde adpellatum, à *Zacuto Lus.* lib. 1. de Med. princ. hist. 36.  
 & lib. 2. Prax. admir. descriptum, atque ex eodem tractatui de Adfect. hy-  
 poch. à *Paulo Zacchia* insertum, recipit.

Conditis etiam quandoque Moschi odor conciliatur, quorum exempla  
 in Citriis pomis, Aurantiis, Persicis, & Cydoniis habentur in cit. *Pedemonta-*  
*no* p. 1. l. 2. & *Franc. Alexandro* Apoll. rad. 7. &c.

Conservam citri moschatam profert *Joseph. Quercetanus* Pharmacop.  
 dogm. recit. lib. 1. cap. 21.

Nunc ad Unguenta progrediamur, quæ equidem non aliud quàm Olea  
 apud Antiquos fuerant, à quibus odoris saltem ratione, non consuetudine  
 dissi-

differebant. Vid. *Vidus Viduus* lib. 8. de medicam. cap. 12. Quia ratione *Paulus Aegineta* lib. 7. cap. 10. Unguenta inter, quibus ad gratum duntaxat odorem utuntur, Moschella quoque recenlet. Licet Romanorum quosdam Unguenti crassitudine maxime delectatos; *Plinius* jam lib. 13. *Hist. natur.* cap. 3. scripserit, qui illini jam, non solum perfundi Unguentis gaudebant. Quale etiam, moschati sub epitheto, habet *Annus* te-  
trabil. *term.* 4. cap. 115. *Εὐερόμυγος* i. e. *Unguentum succum* illud, ad differ-  
rentiam alterius, Olei consistentiam fluidam habentis, adpellant. Aliud  
moschatum *Joh. Georg. Schenckius* in lib. 4. *paternar.* observat. cap. de uteri  
suffoc. delineat, ex Zibethi gr. iij. Ambr. & Moschi a. gr. j. cum succini o-  
leo incorporatis, compositum. Simile ex iisdem tribus odoramentis, &  
quali in dosi, cum oleo amygdalino dulci subactis, invenitur in *Secretis*  
*Pedemontanis*, quod etiam *Joh. Guinsberius Andernac.* de Med. vet. & nov.  
com. 2. dial. 8. protulit, iisdemque verbis recensuit *Joh. Heurnius* Meth. ad  
prax. med. lib. 1. pag. 57. Cui amygdalino *Joh. Bapt. Besardus* Antr. phi-  
los. part. 2. pag. 162. oleum jasmini & florum citri substituit. Alii a-  
liam dosin observant, prout Moschi 3 iij. Ambr. 3 ij. Zibethi 3 j. cum o-  
leo amygd. subactas, ex *Isabella Coreisia Joh. Jacob. Weckern* lib. 5. de  
Secret. cap. 5. exhibet, & Ambræ gr. x. cum Zibethi ac Moschi a. gr. iij. in-  
terventus aliquot succi limoniorum spiritusque rosati guttularum, in Un-  
guentum componit *D. Otto Tackenus* cap. 9. *Hippocrat.* medic. clav.  
Plura alia ut præteream.

Hæc merito adnumerantur Balsama odorifera, Linimentorum nomi-  
ne quandoque prostantia, exempla suggerente *Matth. Unzerus* lib. 2. cap. 7.  
sect. 2. part. 1. de lue pestifera, Moschi additamento nobilitata; atque  
*Tontzelius* Exeg. chim. part. 2. sect. 1. superius traditam ex Moschi, Ambræ,  
& Zibethi partibus æqualibus mixturam, cum rosarum oleo institutam,  
Balsamum odoriferum adpellante. Iprimis verò Cephalicis Balsamis com-  
positis, Apoplecticorum nomine passim exstantibus, sæpe utiliter admisce-  
ri solet Moschus, qualia describuntur à *Cekb. D. Dan. Senbert* Med. pract.  
lib. 1. part. 2. cap. 32. *Magnif. D. Guern. Rolivius* Chim. lib. 4. sect. 5. cap.  
3. *Augustaui* in Mant. hermet. Cl. *Georg. Huer. Welsch* obs. med. Reusner.  
10. *Off. Cralio* Basil. chim. *Hadr. Mynsicht* Armam. med. chim. sect. 34.  
*Joh. Marxam. Khumelio* in Balsamotechn. P. Fr. *Bernhardino Christino* in Ar-  
can. River. atque nuper à Cl. D. *Joh. Helfric. Jünken* chym. experim. cur.  
sect. 6. cap. 7. Quibus adnumerandum & illud, quod in Aula Branden-  
burgica Olei apoplectici (Aulicis *Schlag. Salbe*) nomine in frequenti o-  
lim usu fuisse scripsit *Franc. Hildesheim* de cerebr. & capit. morb. intern. spi-

cheg. 6. & quod Elixir balsaméum ad apoplecticos vocatur in *Andr. Li-  
bavii* lib. 2. Alchim. tr. 3. cap. 1. Celebre apud plurimos est, quod Romanum  
adpellatur, in Collegio Romano S. I. parari solitum, à Nob. *D. Mart. Bern.  
de Berniz* in Fasciculo 2. medicam. Cnöffel. communicatum, nec non *Mi-  
chaelitanum*, celeberrimo quondam Medico Lipsiensi usuale, cujus descri-  
ptionem dederunt Viri clarissimi, *D. D. Frid. Hoffmannus* Thesi pharm. sect. 4.  
& *D. Cassp. Theoph. Buerlingius* l. c. pag. 54. Licet paululum in Ambrae dosi  
eædem invicem differant, prout & iple ab Amicis acceptas alias duas ha-  
beo, utramque Zibethi non ineleganti accessione, ut & asphalto, pro ni-  
gredine inducenda, conspicuam, alteram etiam in quantitate ingredientium,  
ol. N. M. ʒ viij. moschi, ambrae, Zibethi ā. ʒij. ol. cinnam. ʒij. caryoph. ʒij.  
lign. rhod. ʒvj. Bals. Peruv. ʒvj. requirente, admodum variantem, licet...  
ob plurium testimonium, priorem illam genuinam magis esse facilius cre-  
diderim. Nec sileri debet *Wedelhanum*, inter prima faciliè collocandum, quod  
tum *evooρίας* causâ, tum pro vertice, naribus, temporibus & lingua  
inungendis, usui ejus inserviens, mecum tamen, imò occasione hac ferente,  
Tecum etiam, Lector benevole, communicare voluit, olei nuc. mosch.  
expr. ʒß. caryophyll. cinnam. ligni rhod. succin. rutæ, spicæ, salv. ambrae  
liq. ā. ʒj. moschi, Zibethi, ambrae ā. ʒß. bals. Peruv. ʒj. gum. asphalt. ʒß.  
vel j. recipiens; id quod, addendo particulæ, v. g. ad ʒj. guttas aliquot.  
olei C. C. foetidi, hystericum ex tempore reddere solet. Ubi sanè nulli  
horum suavitatis eximie laudem denegare, aut unum alteri præferre sim-  
pliciter aut pertinaciùs vellem, cuilibet proprium ut placeat judicium, per-  
mittens; qui nonnullis Zibethi, Cinnamomi alteriusve à prævalente odo-  
re gratiorem comparere mixturam, haud ignoro. Ut enim, verba sunt  
*Joh. Heurnii* Med. ad præx. ubi de Pomis odoratis medicinalibus agit, huc  
maximè adplicanda; varia hominum facies sunt, ita ferè nihil commune ha-  
bet cum alio, cujusque suavissimi odoris judicium; hic mosco fragrantius est cin-  
namomum: illi utriusque caryophyllus: adeo ut nulli sit de odoris dulcedine ju-  
diciū idem. Quod & in saporum judicio, ut reliquos sensus præteream, aliis  
in sacchari dulcedine, aliis in absinthii amaritie delicias palati quærentibus,  
observatur. Nihilominus tamen, ut, quid mihi videatur, edicam, confu-  
sam obtinuisse fragrantiam, ita ut distinctorum ex ingredientibus effluvio-  
rum, in suo per aërem meatu se adsociantium, coalitio unam in sensorio,  
ut Ill. *Rob. Boyle* de nat. determ. effluv. cap. 3. loquitur, *evodias* pariat;  
sive, ceu *Cas. Cremonius* lect. 16. de sens. extern. habet, novum aliquem  
odorem faciat, artificii laudisquæ palmam mereri, credibilius videtur.  
Quam tamen harmoniam non certa ingredientium quopad pondus deter-  
minatio

minatio infallibiliter spondere valet, ob eorum in vigore, modò validiori, modò remissiori, maximam discrepantiam; vel in solo Zibethò, olea ut raceam, à Nob. D. D. *Claudio* cap. 4. meth. balf. corp. hum. pag. 89. & 90. luculenter ostensam, sed ipsa potiùs mixtura providè instituta, & sincero narium iudicio comprobata. Quàquam cateroquin ullius suavitatis laudem in majori Unguentorum horum parte, si præscriptum methodum simpliciter imitari quis velit, à Moscho conciliari, ob excipientis, quod totum oleum est, unctuositatem moschatarum atomorum exhalationi reluctantem, minimè persuadere mihi valeam, atque ita, moschata fragrantia si consideretur, frustra hac ratione eandem expectari, Moschumque inutiliter, profundi arbitrer, nisi Spiritus rosati, alteriusve alicujus humidi aquosi consortium, quo cum Moschus ante mixturam teratur, accesserit, odoriferis ejus particulis ab oleosarum penitiori obfuscatione hoc modo præmu- nitis, & liberius ita exhalantibus.

## CAPUT XLII.

### *Moschi usus sacer.*



**Q**uod divina res est: inquit *Jul. Cas. Scaliger* Exerc. de subtil. 104. § 4. Divinam esse rem, priscis ceremoniis Veteres prodire. Suffragibus enim præstebantur aëri locorumque naturam apram reddi ad Numina suscipienda. Quibus honorem cultumque eis sacrare, sicque & iram eorum, si quæ impenderet, placare, & in vota sua DEUM trahere superstitionis laborant. Hinc sanè tura priscos Ethnicos adolere frequenter consuevisse, proditum est. Et magnus ille *Alexander, Macedo*, in pueritia sine parsimonia aris tura eum ingereret, à *Leonide*, præceptore suo, idcirco reprehensus, utque illo modo supplicaret, admonitus, eum turiferas gentes devicisse, postea Arabia potitus, onustam thymiamate illo navem ei miserat, exhortatus, ut large DEOS adoraret, eum loquitur *C. Plinius* Hist. nat. lib. 12. cap. 12. Hunc in finem Cyphæos odore templa quotidie in DEORUM honorem suffraginasse Ægyptios, & ad similitudinem ejus *Andromachum* dein illud Cyphoidis medicamentum, pro elaboratione Theriacæ requisitum, composuisse notat *Galenus* lib. 3. de comp. medic. sec. loc. cap. 7. Neque hodierno adhuc tempore Paganorum in Indiis quidam Deos suos odoratis venerari sumis intermitteunt. Id quod ex quodam *Ludovico*, de Sumatra

matræ insulæ incolis apud *Ioh. Langium* lib. 1. epist. med. 62. in specie recensetur, quorum nempe Sacerdotes, Dæmonum cultores, fragrantibus suffimentis plurimum in sacrificiis utantur.

Scilicet superbus ille Spiritus, divinos adfectans honores, hac quoque ex parte DEI simiam agere voluit; Cui suavia placuisse thymiamata, à que Populo suo in Veteri Testamento religiose accendi, imò & Sacerdotes, Templum, & Suppellectilem sacram odorato Unguento perfundi iussisse, non ignorabat. Vid. *Exod.* cap. 28. 29. 30. 40. & *Levit.* 8. 16.

Quin & hodierno adhuc tempore Odorum in templis quorundam Christianorum frequentatum usum perspicies *Scaliger* exerc. 203 §. 1. laudatissimam illam vocat consuetudinem, spiritusq; hominum ad mentis suscitationem eos disponere concludit. Quæ equidem examinare, mei non est fori. Hoc tamen indubitatum habeatur, suffitus illos, licet pretiosissimos, nihil omnino valere, si cordis puri ac pii fragrantia non concurret. Atq; Divinæ Majestati hos potius esse abominabiles, ex Prophetis, *Esaiâ* cap. 1. v. 13. ac *Jeremia* cap. 6. v. 20. colligimus. Ut ideo commendari mereatur illud Arabum proverbium, quod *Mahommed*, pesti illi Christianæ Ecclesiæ aliâ pernicio sissimæ, adscribunt:

لخيل زى الصاييم اطيب عند الله من ريع المسك

*Graueolentia oris jejuni gratior est DEO, odore moschi.*

Quæ ut hic adducam, Medici illius Cæsarei, *D. Petr. Andr. Matthioli, Senensis*, verba, Comm. in lib. 1. *Diosc.* cap. 20. scripta, me permoverunt, qui & Moschum in orbiculos à quibusdam componi, eisque funiculi trajectis, angelicas salutationes, ut ipse loquitur, in cælum eructari, notat, ut DEI param Virginem odoris suavitatē concilient. Quamvis nec DEUS ipse, nec Cœlicolarum ullus hisce adficiatur, nisi, ut alia taceam, Animas illas beatas corporeas dicere, atque Creatorem impie quis creaturam proclamare vellet.

Ipse Preces pio corde effusus, verum illud sunt Incensum vel Suffimentum (*Psalm.* 141. vers. 2. & *Apostolus* cap. 5. vers. 8. cap. 8. vers. 3. 4.) quod Divinam nobis gratiam conciliat, à corporali isto fumo suaveolente & alta petente quasi adumbratum, ideoque etiam, *Zachariâ* adolente, Populum adorasse, ut *D. Lucas* cap. 1. vers. 9. habet, memorari meretur.



## CAPUT XLIII.

*Moschi usus politicus.*

**S**Vavia Odoramenta & Aromata priscis jam temporibus fuisse Regiis in deliciis, vel ex Sacro Codice novimus, Thesauros utpote inter Judaicos Regis *Hekia*, 2. Reg. 10. vers. 13. 2. *Paralip.* 32. vers. 27. & *Esau* cap. 39. vers. 3. Babylonico Legato ambitiosè ostensos, reposita; & Regibus digna inter donaria reputata, qualia Reginam illam Arabicam Sapientissimo *Salomoni* obtulisse, 1. *Reg.* 10. & 2. *Paralip.* 9. legitur. Moscho autem nostro quamvis yllior ortus Magnatum ad Aulas adspirare vix concessisset, odoris tamen nobilitas, virtutis excellentia, ipsaque ejus raritas, ut magno habeatur in pretio, efficit. Hinc & dona inter Regia locum invenit, quibus tum fœdera confirmantur, tum Principum gratia sollicitatur. Sic non ita dudum Serenissimis Saxoniz Ducibus à Magni Moscoviz Ducis Legatis Folliculorum quoque moschiferorum donaria fuisse oblata, ex Cl. *D. Dan. Ludovici* relatione in Ann. V. Ephem. Germ. Curios. obs. 205. percepimus. Et Augustissimo CÆSARI, MATTHIÆ, Ann. Chr. 1615. Turcicum Legatum, alia inter munera, Moschum quoque attulisse, ex *Metterani* lib. 22. Hist. Belg. *D. Just. Fid. Klobius* in sua Ambræ histor. jam notaverat. Quem & Sacratissimæ Cæsareæ Majestati, LEO-POLDO nostro, ad Cujus Augustissimos Pedes Thesauros suos, Victoriz signa, supplex ut Oriens deponere porrò cogatur, Cælum devotè veneramur! à regnante hodie Turcarum Tyranno transmissum Ann. Chr. 1665. fuisse recordamur, inque *Theatr. Europ.* Tomo 9. pag. 1510. videri potest.

Moschi sanè pretiositas in causa est, ut thesauros inter regios eum reponere Peguani soleant, testante id *Cass. Balby, Venero*, in Itinerar. Orient. Vid. & Nobil. *D. Erasmi Francisci* pars 3. des Ost. und West-Indischen Lust-Gartens. Quod etiam apud Turcas observari *Tavernierum* in libello: Relation del' interieur du Serrail du grand Seigneur cap. 8. perhibet.

Quàm proficiuus sit Moschi proventus Sinarum Imperatoris arario ditissimo, ex *Joh. Mendozæ*, lib. 3. descript. regn. Sinic. cap. 4. notum est, cum priscis temporibus vectigal, à Moscho contributum, subsequenti tempore

Cc

etiam

etiam longè auctius, decies centena & triginta quinque millia Taës annuatim addiderit, quæ nostræ monetæ æquiparata, summam Imperialium tredecies centena & viginti unum-millia, octingenta & nonaginta quatuor, cum tribus unius partibus constituit; Monetâ utpote illâ Sinicâ Taës trecentos sexaginta quatuor Marrevadis Hispanicos, Imperiali verò ducentos octuaginta quinque Marrevadis adæquante.

## CAPUT XLIV.

### *Moschi usus æconomicus.*



**H**ic primò ad Culinas divertere animus est, in quibus sæpe, pro condiendis cibis, Moschus consumitur. Licet autem Cl. *Joh. Bapt. Montanus* consil. de febb. 23. perspectissimum illud esse judicaverit, res nullas sibi invicem magis adversari, quàm egregium coquum, & præstantissimum Medicum, cùm contraria penitus sint eorum instituta, hoc utilitatem & sanitatem, illo delectationem & adulationem pro fine habente, ideoque Moschi etiam odor à Medico aliisque sanitatis avidis coquorum manibus subducendus videri queat, id quod aliquando non improbaverim, interdum tamen & prodesse, & delectare simul cibus ita conditus valet. Unde *Joh. Domin. Sala* lib. de aliment. & eorum rect. administr. sect. 1. cap. 8. de alimentorum condimentis agens, sæpe esse ea necessaria statuit, ut cibi indè vires aliquas adquirant, nocumenta amittant, atque ideo ad sanitatem magis conducant. Quæ inter etiam, ut benè oleant, requirit, atque tanti equidem, addens, facio hanc conditionem, ut parum absit, quin odorata tanquam alteram condimentorum differentiam à sapidâ proponam, Moschum deinde iisdem adnumerans. Scilicet cùm alimenta vix dentur simpliciter talia, quæ non medicamentosa simul existant, & alterandi aliquam vim possideant, cur Moschus admisceri iis nequeat, nullam causam video, hinc ab eodem *Sala* alimentis, attenuandi, discutiendi, vernerem stimulandi, & cor roborandi virtute præditis Moschus quoque ad censetur cap. 15. & 16. Quæ alterandi potentia licet Odoramento nostro denegari nequeat, ipse tamen an benè alimentorum solidioribus corporis partibus dicaturum in catalogo reponatur, disquiri potest? Si non aliud, quàm sanguis, caro, renes, aut testiculi animalis moschiferi foret, aliquam nutritionem.

nutriendi vim utique possidere non dubitarem, si tamen eadem partes putrefactionem, antequam in odoratum istud liquamen abirent, parerentur, cum hac ratione gelatinosa illa, fibrosa, crassa, & concretescibiles particulae nutritivae attenuentur, ac quasi destruantur, nutriendi potestatem retinuisse, dici amplius vix possent. Ast dum singularem aliquem succum in folliculo collectum esse ipsum innuitur, nec sero nutritivo, glutinosiore, scil. fortè omnino destitueretur, à quo etiam compaciore illa granula in folliculo qualitatem istam, trituram nonnihil difficiliorem reddentem, nascisci autumo. Cùm tamen minima in mole, quâ famelicus venter nullo modo saturatur, in usum venire soleat, eo ipso magna nutritivæ in eo facultatis consideratio haberi haudquaquam debet. Utrùm verò, quatenus odoratas continet particulas, nutriat, magnà vix opus est disquisitione. Licet problema hoc de odore nutriente tot aliis ad nauseam usque pertractaverint. Paucis: Nutritio quatenus & evidens est, & solidiores corporis partes respicit, odori moschato, subtilissimo cuidam & quasi incorporeo Gas aut exhalationi, nullo modo competere potest, quatenus autem subtiliores corporis partes, Spiritus, una spectat, revera eosdem nutrire, augere & restaurare, non inconcinne adstruitur. Quò spectat Hippocraticum illud lib. de alim. *Quicumque celeri adpositione indigent, humidum medicamentum ad resumendas vires optimum: quicumque celeriori, per falsum.*

Misâ idcirco nutritivâ illâ, ut & medicatâ potentiâ, alteram istam, quâ odoris gratiâ cibos, tum fami sedandâ, tum gulæ demulcendâ destinatos, perfundit, paulisper intuebimur. Moschum sanè primas inter hominum in cibus delicias haberi, Anton. Fumanellus cap. 4. de pest. scribit, & à Georg. Bertino lib. med. 18. cap. 18. alimentorum inter odorisamenta & condimenta reponitur. Hinc in Gallia aliisque locis aves eodem, cujus tandem odorem referant, enutriti, Burrhum etiam Ambrâ & Moscho gallinas cibasse, ovis earum inde odorem istum suscipientibus, D. Gregor. Horstius in Gesnero suo aucto, lib. de quadrup. prodidit. Quanquam curiosa hæc sint, & Moschum adsumtum in foetorem non commutari, quod innuere videtur Io. Bapt. Helmontius §. 46. tract. de flatib. adprobent, si culinarium tamen saltem spectemus usum, prolixitate illâ haud opus est, cum ipse Moschus cibis immixtus odorem facile suum eisdem largiatur. Hac ratione quosdam salaciores, ut potentius in venerem ruant, ovis sorbilibus vel frixis vesci cum multo Moscho, Ioh. Renodam lib. 2. Instit. pharmac. cap. 28. testatur. Istâ tamen ipsius Moschi immixtione, haud exiguo cum emolumento, carere liceret, si artificium ab Hier. Cardano lib. 13. de subtil. pag. 696.

propositum, eventu responderet; hæc autem sunt ejus verba : *Modus asine in hu Apiti ad compendium rei familiaris, quo odor & sapor manet, semuncia, cinnamomi in totum annuum sufficit. Cinnamomum tenuè odoratum, divisum, in frustula semuncia pondere inter 12. aut 16. amygdalas excorticatas reponito, ac constringito: hu pro usu sublatu, alias reponito: Sic etiam parva impensâ edes omnia moschi odore fragrantia. Quæ licet aliquo modo ita se habere, negari nequeat, nimium tamen. ὀσφοδωρὶς esse dicta, nemo non facillè deprehendet.*

Quàm prodigi sint Peruani in Moscho pro ciborum conditura absumendo, *F. Gregorius de Bolivar apud Joh. Fabrum in Hist. natur. Mexic. retulit, apud quos sine eo parari vix posse cibus creditur, sive pulmenta fuerint, sive illinctus, intrita, aut panis dulciarius, crustulata, liba, placentæ, aut artocrea coquantur.*

Convivium Regis Peguani coronationi dicatum cibos moschatos & ambratos exhibere, in *D. Erasmi Francisci Horto Ind. & Sin. pag. 1526. memoratur.*

Splendorem etiam ex eo conviviis suis Turcæ conciliant, quod inprimis *P. Paulus Tafferner* testatur, Illustriss. *D. Comitis de Leslie* Legationem ab Augustissimo LEOPOLDO nostro demandatam recensens, Convivium etenim à Turcarum Imperatore Adrianopoli factum describens, ferculorum potum panis potissimum è saccharo, moscho, & ambra confecto fuisse pag. 60. effatur.

Quod & aliæ passim Nationes, ipsique Germani nostri variis suis in Conditis & Confectionibus, saccharatis, amygdalinis &c. observant:

Patavini Lucanicas parare solent Moschi odore non ingratas. Mixturam, quam Diasynapin, vulgò Mostardam sive Mustardam vocant, Itali instar Electuarii conficiunt cum Moscho suavissimam, in nostram etiam hanc Urbem quandoque Venetiis advecti solitam, sapore & odore egregiè se commendantem, cujus mentionem quoque facit d. l. *Joh. Dom. Sala.*

Quamvis autem *Franc. Valleriola lib. 1. Enarrat. med. 4.* odores suaves, non alimentares, qualis est moschatus, si alimentis miscantur, ingratos plerunque esse solere, perhibeat, ita ut locum fecerint proverbio : *Ὁ φάκην μυρόν : in lente unguentum, idem tamen de Moscho edici nequit, nisi ab ejusdem odore, cuicunque rei aliæ adjuncto, naturâ suâ, vel aliâ etiam simplicitati victus studens quis abhorreat, vel adplicari debeat, illud Seneca in Consol. ad Helviam cap. 9. dictum : Quod dissolutum deliciis stomachus vix admittit, ab ultimo portatur Oceano.* In.

In potu insuper locum invenit. Quod scidem de Peruanis Auctor antea ex *Fabro* adductus refert; eos nempe in singulis ferme poculis portus sui non tantum solvere & abligurire Moschum, sed integris etiam vinorum in doliis compositionem ex caryophyllis, cinnamomo, citri & aurantiorum corticibus, cum plurimo Moscho in sacculos congestam suspendere. Et praefatus *Tafferner*, apud Proto-Vezirium, siti attemperandæ, frequentius Schorbetum, potum ex delectis liquoribus confectum, saccharo, ambrâ & moscho redundantem, fuisse admotum, pag. 70. memorat. Qualem non minus delicatissimum innuunt *Petrus della Valle* part. 1. Itinerar. epist. 2. & *Joh. Bapt. Tavernier* loc. antea cit. cap. 3. Idem de Egyptiis eloquitur. *Prosp. Alpinus* lib. 4. de medic. Egypt. cap. 3. qui maxime & frequenter delectentur tum Potionis genere, itidem, ut ipse pronunciat, Sarbet (de qua voce videri potest *Joh. Veslingius* not. ad Alpin. cap. 34) sive Potu per excellentiam vocato, ex saccharo cum magna aquæ quantitate dissoluto, limonumque succo, quantum ad acidiusculum saporem aquæ inducendum sufficit confecto, & à Nobilibus modico Moschi & Ambræ condito; tum & Anguriorum aquâ, dum optimam eamque amplam Anguriam perforant; Moschumque & Ambram, cum modico rosaceæ aquæ dissoluta, per foramen injiciunt, sicque cum aqua permiscunt. Conferatur ejusdem cap. 38. de plant. Egypt.

Qui odorata cum potu miscendi modus antiquitus etiam apud Romanos invaluerat, testante id *C. Plinio* Hist. natur. lib. 13. cap. 3. & : *Quum persusa miro spumant unguenta Ealerno*, canente *Juvenalis* Sat. 6. Vid. *Hier. Mercurialis* lib. 2. Variar. lect. cap. 19. & imprimis incomparabilis *Ollav. Ferrarum* Elector. lib. 2. cap. 3; cum Nob. *D. Thom. Bartholino* hypomn. 2. de cruce Christi, §. 3. Ipsosque etiam Græcos, ceu *Alianus* lib. 12. de var. hist. & *Athenæus* lib. 15. cap. 15. referunt. Quod tamen Potionis genus, præsertim repletò jam stomacho, ob oleosas innatantes guttulas, tantam gratiam haudquaquam obtinuisse potuit, quantam Moschi commodior mixtura nostro tempore promittit.

Fructus insuper odoratioris & suavioris ut fiant, Moschi beneficio quidam tentant efficere, exemplum suggerente *Rev. P. Athanasio Kuchero* Mund. subterr. tom. 2. lib. 12. sect. 3. cap. 4. pag. 389. Quod in specie cum Melonibus instituendum artificium in *Alexy Pedemontani* Secret. part. 1. lib. 3. *Joh. Bapt. Porta* Mag. natur. lib. 3. cap. 16. *Hieron. Rubi* disp. de melonib. pag. 3. & *Jacob. Theodori Tabernamontani* Herbar. lib. 2. sect. 3. cap. 42. edocetur, semina nempe illa in cacumine aperta & aquâ


moschata macerata, post exsiccationem terræ mandando : vel etiam, quod Ill. *Aldrovandus* innuit, semina primò è terra germinantia, eadem aquâ irrigando. Sic & Pruni surculos Moscho intinctos, fructus odore illo imbutos spondere, ex *Costeo Aldrovandus* adnotat. Idem cum Vitis surculo, Moscho deliniendo, & aliquantisper in aqua rosarum moschata, macerando, prædictus *Porra* è *Paxano* commonstrat. Pyra etiam moschata simili arte provenire ; se expertum id credere innuit *Carol. Stephanus* lib. de re hort. talex nempe in parte inferiore fissæ Moschi granum immit-tendo, sicque inferendo ; alios autem vel trunci fissura cum imponere, vel taleam in fissura, ut dictum, eo instructam, ipsam in terram defigere, perhibet. Idem insitionis artificium tum in aliis, tum Ceraso arbore insti-tuendum tradit *Euchar. Röslinus* Herbar. part. 4. pag. 72. vel etiam Mo-schum arboreo trunco perforato imponendo.

Quod cum Floribus iidem quomodo impetretur, eleganter modum peroravit *Joh. Bapt. Ferrarius* lib. 4. de flor. cult. cap. 7. Ubi sanè in mi-nutioribus istis vegetabilibus experimentum sumenti facilius negotium suc-cedere potest, quam in majoribus, & ad arboream expansionem ac ma-gnitudinem accedentibus. Licet hæc ipsa nonnunquam præ illis gratam, ambibili odoris moschati exhalationem, magis promoveant, si cæteroquin notabili per naturam odore destituantur, adeoque in minimas atomos per poros earum diffusa Moschi particula suum eò liberius odorem exfere-re queat, cum e contra sæpe in minoribus plantis, qualis Vitis & Pruni respectu est Calcha Africana, abundans odor graveolens moschato multum reluctetur, antequam superato ingrato sulphure, suave illud sese ostende-re liberè valeat. Me sanè experimentum simile in Calendula studiosè su-mentem speratus eventus destituit, nullaque vel minima nativi odoris in-floræ & herba ista mutatio contigit.

Ad Vestimenta etiam à tincis præservanda *Paracelsus* lib. 3. de con-servat. rer. natur. Zibetho, Ambra, & Moscho &c. nihil inveniri posse præstantius, innuit. Ipsas Moschi vesículas ad vestes à tincis & corruptio-ne vindicandis apud femineum sexum magno esse in usu, *Laur. Eischsta-dius* cap. 13. de Conf. alk. scribit. Id quod dubio procul ex *Gabr. Fal-lopio* hauserat, qui Comm. in lib. 1. Diosc. cap. 24. idem edixerat, ad-dens : Nam hoc opportunum est, & omnia etiam odoramenta corrumpunt lineas, & sunt in causa, ut denses earum pereant. De quo tamen quid sentire debeam, ferè hæreo. Vesículas quidem per se, ut tales confide-ratas, virtute hac esse instructas, nemo facile sibi persuadere poterit, cum odor

odori potius eis adhærenti mereatur adscribi. An tamen ipse etiam Moschus efficere id queat, dubium adhuc superest, præcipue si modus operandi à *Fallopia* indigitatus attendatur. Quamvis enim tinea dentes denegare, ipsa, quam moluntur, corporum, solidiorum sæpe, corrosio prohibeat, quâ ratione tamen evellere istos, ejicere aut obtundere solus odor valeat, capere haud possum. Nec aromatica illa odoris vis hic simpliciter attendenda est, cum & membranas sæpe, sive vesicas bubulas &c. quibus vitra oleis aromaticis aut similibus plena mupiebantur, corruptas ab eis viderim. Unde si non singularem aliquam cum hoc odore antipathiam, creditu perquam difficilem, quâ subtilissimus Moschi spiritus flammulam vitalem in animalculo isto perpusillo minimam extinguere possit, fingere velimus, virtutem istam revera omnino committiam, & mundarum beneque elaboratarum vestium diligentem ac convenientem repositionem, cui delicata istæ femina, deliciarum talium odoratarum studiosa, maximam ut plurimum curam impendere novimus, omne hic complere punctum, aut etiam odoris quasitam conciliationem speciosiori hac larvâ excusari à quibusdam, mallem dicere. Imò minus hæc credibilia reddit ipsa folliculorum à me observata nuper corrosio; quàm vermes exterius advenientes, atque per membranoso-carneam illorum substantiam in ipsam usque cavitatem, Moscho laudabili turgidam, penetrantes effecerant.

Paucis tandem hic tangenda est Electuariorum & Massarum pilularium per Moschum quasita conservatio, à *Leonh. Floravantis* lib. 5. Secret. cap. 29. deprædicata, quâ nimirum hæc, ut medicamenta ista, per se corruptioni obnoxia, nunquam putrescant, aut vires deperdant. Id quod sane nunquam à Moscho impetrabitur, nisi medicamenti ex sua natura ætatem ferentibus id adscribere quis ipsi præter meritum velit. Certum itaque apud me est, si aquosis & putredini facili obnoxii abundant, balsamicis vero careant partibus, qualia solent ut plurimum esse Decocta, à *Floravantis* etiam circa finem memorata, Moschum tam egregiam operam præstare nequaquam posse, præcipue cum & ipse humido aquoso solutus à putredine diu se vindicare minime valeat.



## CAPUT

## CAPUT XLV.

### *Moschi usus cosmeticus.*



**Q**UAM prodigi in odoribus disperdendis Antiqui fuerint, vel ex *Plinio* abunde colligimus, cum & pedum, vestigia Unguentis tingere, solia iis temperare, parietes balnearum adspargere, pulverulenta imò illa & custodiis horrida signa, Romanas aquilas, inungere quòd consueverint, loc. superius cit. scripserit. Quæ tamen, licet odoratissima, ideoque etiam commendatissima, (juxta illud *Catulli*:

*Unguentum dabo, quod mea puelle  
donarunt Veneres Cupidinesque;  
Quod tu cum olfacies, Deos rogabis,  
totum ut te faciant, Fabulle, nasum.)*

magna ex parte exolevisse postea, constat, cum Moschus, Ambra, & Zibethum, illis utpote longè suaviora, innotescere atque ad nos adferri cepissent. Ita ut Moschi ulum ad luxuriam usque hodie frequentari, ac plures de eo voluptatis, quàm ad sanitatis cultum absumi videamus. Unde, *Alex. Benedicti* lib. 13. *Pract.* cap. 26. *Animalis vitium seculo nostro placet, & in vitium vertitur*: rectè scripserit, si, quod putabat, ejus operatio apostematæ instar se haberet.

Collo sanè, auribusque suspenditur, vestimentis interponitur, chirothecis illinitur, crumenis includitur, ore circumfertur, barbæ & superciliis inungitur: ordine hæc enumerante *Mathiolo* Comm. in *Diosc.* Tales moschatos globulis, tanquam moniliis, collo mulierum vel carpis adpendendos *D. Casp. Bauh.* lib. 1. de comp. med. cap. 19. delineat, ac mulieribus in Hispania & Italia esse familiares *Joh. Guintherum Andernac.* de med. vet. & nov. comm. 2. dial. 5. *Amatum Luf.* comm. in *Diosc.* lib. 1. text. 20. atque *Aldrovandus* l. c. restantur. Sacculos odoratis rebus, ipsoque Moscho impletos, vestibusque interponendos habet *Alexius Pedemon-* *tanus* part. 1. & 2. Secret. Pastam ad barbæ inunctionem Quadripartitum, botan. *D. Simon Pauli* class. 3. cap. de Gelsemino. Chirothecarum aliarumque pellium odoratarum conficiendarum artificium, præter alios, in primis *Joh. Bapt. Besardus* in Antr. philosph. *Joh. Bapt. Porta* Mag. natur. & citatus *Alexius* in Secr. tradiderunt; quanquam illos modos, cum jasmini oleo,



oleo, aliisve hujusmodi unctuosiss quos institunt; Moschi intuitu mihi adprobare queam, cujus utpote odori pinguis illa reluctari supra ostendi, & si quam pelles istæ fundant gratiam, additæ potiùs Ambrae, Zibethi, Styra-cis & Benjouini, florumque odori eam deberi, nullus dubito, ut itaque magis commendem, licet & pretiosiores, modum, quem illi ipsi cum solius Ambrae, Moschi, & Zibethi mixtura proponunt, illisque prioribus ipsimet præferunt, quâ ratione quoque Linimentum *Tackeanum*, pellibus adfrictum, incredibilem spirare odorem, Autori facili adsentior, præcipuè cum spiritus rosarum & limoniorum succus eidem jungantur.

Sed & plures insuper alii Moschum consumendi dantur modi. Hinc indusia, strophiola, aliæque mensæ & lecto infervientia linteamina, ut & vestes, ipsaque triclina & cubilia odoratis guttulis vel saltem halitibus imbui novimus, dum aquâ rosaceâ &c. solutus, lenique carbonum igne supposito, in cocula, sic ex *Pompejo*, à *Joh. Renodao* dictâ, æneâ vel argenteâ, quam etiam aliâs Cassoletam adpellant, attenuatus, subtiliores & odoratas sensim atomos suas cum aqua exhalat, atque quibusvis inspirat, qualem Aquam, ut reliquis multorum præteream, exhibet *N. de le Febure* in sua Chim. Ipsi Aquis cosmeticis, propriè sic dictis, non infrequenter additur, talesque plures delineavit *Dom. Audâ* in Secret. Aliis tamen siccior exhalatio magis aridet, quem in finem Pulveres, Candelas, Trochiscos & Pastas frequentant, de quibus in superioribus jam actum fuit; inprimis verò Massas Hispanicas, Italas Pastiglia di Spagna, Bacillos pro fumo aliâs dictas commendant, reverà à Pomis odoratis non differentes, eo ipso commodiores, si fornaci tantum calenti adfricentur, sicque calore isto resinolæ partes cliquate, cæteræque etiam exalefactæ odorem suum blandè dimittant, cum omnes illi Suffitus, vivo carbonum igne excitati, mixturam Moschi inutiliter recipiant, qui utpote violento igne combustus empyreumaticum ingratum odorem eructat, ideoque rectius in compositione tali planè omittitur, nisi hujusmodi Trochisci laminæ potiùs alicui, argentæ, ferreæ &c. calenti impositi, ad emittendas apothecas odoratas mihi violentiæ resolvantur.

Quam mirem suffumigandi rationem proposuit *Angelus Sala Myrothec.* sect. 7. §. 34. de Trochiscis xylaloëis agens, non subito eos carbonibus exponendos, sed batillo exalfacto superimponendos esse dum monuit, & beat. *Sennertus* Med. præct. lib. 1. part. 1. cap. 2. Pulveres istiusmodi & Trochiscos accendi non debere scripsit, cum sine flamma suavior ac fortior spirent odorem; imò ipsum *Aristotelem* id non latuit, Cur acutiùs ac diutiùs oleant aromata cinere suffita, quàm igne? idcirco in Problematicis disquirentem, Hinc etiam ad ignes artificiales excitandos

dos frustra Moschus, quem nonnullis hac ex parte laudatum scio, confusmeretur, quamvis enim muscoso alicui, v. g. in terrestri illo Musco, Persis, Moschis &c. teste Clar. *Adam. Oleario* Itinerar. Persic. lib. 4. cap. 24. familiari, occurrenti pulveri mixtus, non ingratum quandoque odorem in deflagratione spargere deprehenderetur, vel additi Moschi exiguum ob quantitatem foetor nares haud feriret, vel gratus odor muscosæ potius resinæ deberetur, quem accensum odore suo oblectare posse, vel lagnus ille, cuius *Matthiolus* in Comm. lib. 1. Diosc. c. 20. mentionem facit, luculenter ostendit. Sic & frustra ob odoris gratiam inde quasitam eundem consumerent Peguani, si, quod *Cass. Balby* in Itiner. memorat, ad Regis sui cadaver comburendum adhiberent, odorque talis suavis benzoino potius aliisque junctis odoriferis debetur. Quin & in durum Martis corpus odorem moschatum transferre tentarunt, quales cultros gladiosque odoriferos nonnunquam curiosi aut delicatuli ostendere solent, prout Exc. *D. Thomas Bartholinus* in Dissert. epist. de transplant. morbor. ferrum in fornacibus accenso igne excandescens bonos odores poris suis recipere perhibet, quem modum, ut & leniorem alium, ac, ex meo quidem experimento, ob resolutas quasdam inter fricandum Moschi, praesertim recentis & humidiusculi, particulas, per linei noduli porosam texturam penetrantes, sicque ferreo corpori se adglutinantes, meliorem *Besardus* l. c. part. 1. pag. 227. delineavit. Quin & vaginarum interiores partes moschato odore imbutæ ferrum reconditum vicinitate suâ valent inficere. In Prædica manuscripta Celeb. *D. Petri à Castro* hauriendi fumum tabaci modum invenio, ingeniosi atque jucundi encomio insignitum, quo nempe fumus per aquam rosarum, moschatam deductus miro odore imbui scribitur. Sed quantumvis foetoris tabacini vehementiam ipsa simplex etiam aqua fontana, oleosæ, fuliginosæ, empyreumaticas partes quasdam absorbendo, quodammodo emendet, nunquam tamen Moschi in ea soluti odor in præpollente fumo percipietur. Aliàs & Persas interdum, quibus fumum istum haurienti modus ille est familiaris, aquæ odoratas alias admiscere, testis est præfatus *Olearius* lib. 5. cap. 17. De Saponibus & Pulveribus cypriis in præcedentibus quasdam dicta fuere, obiter tantum itaque hic memorandis.

Nec Europæos tantum nostros hoc odorum fascinavit desiderium, quod cum primis & remotissimas quasdam gentes occupat, quales regni Siam incolas *Straussius* in Itinerario memorat. Frequentissimus in India Bette sive Betele usus apud opulentiores Moschi etiam mixturam, pro commendatione oris, admittit. referentibus id *Garcia ab Horto Aromat.* & *Gmpt. hist.* lib. 1. cap. 18. *Arnoldo Montano* Legat. Batav. in Japon. & *Joh.*

*New-*

*Neuhofio* descript. regn. Sinic. cap. 15. Quos nostri succo Catechu cum Moscho & Ambra in cylindrulos &c. efformato imitantur. Imò in India quosdam adeo odoribus esse deditos idem *Garcia* lib. 2. cap. 1. scribit, ut plerunque abstineant cibo, quò habeant, unde odores sibi comparare possint. Peruanorum in Moscho prodigalitate *F. Gregorius de Bolivar* apud *Fabrum Lynceum* enarravit. Quàm turpiter & lascivè mulieres Ægyptiæ Odoramento hocce laudatissimo abutantur, referente *Prosp. Alpino* de med. Ægypt. lib. 3. cap. 15. nec quidem commemorare libet.

Tot ergò aliisque modis odore Moschi se exornare & oblectare amat hominum voluptas. Sed quàm benè, paulisper dispiciamus. Ubi sanè mox agmine denso hęc voluptuariis odoribus sese opponere multos novimus, in partes suas Poetas, plurimosque alios pertrahentes. Molliciei ideo vitioſæ, lasciviæque notam suaviter fragrantibus inurunt, aut etiã innati foetoris ac turpitudinis suspicione eos onerant. Unde *Martialis Posthumum*, & *Corvacinum* reprehendens, de illo lib. 2. epigram. 12. canit :

*Hoc mihi suspectum est, quòd oles benè, Posthume, semper.  
Posthume, non benè olet, qui benè semper olet.*

de hoc verò lib. 6. epigr. 55.

*Quod semper casiaque, cinnamoque  
et nido niger alius superba  
fragras plumbea Nicerotiana,  
rides nos, Coracine, nil olentes;  
Malo, quàm benè olere, nil olere.*

& lib. 3. epigr. 63. Consilium lasciviæ addictum hęc perstringit :

*Balsama qui semper, cinnama semper olet.*

Imò meretricia ideo Unguenta ista aliquibus dicebantur, quorum, ut *Plinius* loquitur, *summa commendatio, ut transiente feminâ odor invitet etiã aliud agentes.* Hinc *Themistius* patrem, cùm *Epicurum* è Philosophorum choro exturbaret, Unguento supra caput effuso, exprobrare ei voluisse legimus, quòd toto corpore profectus fuisset voluptatem, & *Diogenem* cuiſdam Unguento delibutos habenti capillos, cave, ne capitis εὐωδία vitæ δυσωδία adducat, dixisse. Hinc *Heliogabalus*, qui præter alia libidinis & scelerum genera, semper, ut ait *Lampridius*, aut inter flores sedit, aut inter odores pretiosos, tam malè ubique audit. *Luxum Nomentani* & *Apicii* contemnens *La. Ann. Seneca* cap. 12. de vita beat. loci etiã, in quo

Dd 2

luxuriæ parentarunt, variis odoribus infecti meminit. Hinc *Vespasianus* Imperatorem dilaudant, qui, referente Suetonio, juvenem Romanum, prædata Præfecturæ gratias agentem, quia Unguenta olebat, non contentus manu rejecisse, contumeliam hoc verbo ante præfatus: Mallem allium oboluisse, literas quoque datæ Præfecturæ revocavit. Hinc laudes inter Lacædæmoniorum reponunt, quod, narrante *Athenæo* Deipnosoph. lib. 15. Unguentarios Spartâ ejecerint. Hinc *P. Lucium Crassum*, & *L. Jul. Casarem*, Centores, ne quis Unguenta exotica venderet, rectè pœnis inhibuisse, ex *Alexandro ab Alexandro* Genial. lib. 3. cap. 11. & *Plinio* statuunt. Hinc *C. Plinius Plancum*, à Triumviris proscriptum, in Salernitana latebra ab Unguenti odore proditum, cum ex *Valerio Max.* lib. 6. cap. 8. perspicunt, & *Mulleasses*, Rex Tunetanus, ex infelici pralio, scribente *P. Jovio*, profugus, simili occasione è latebris quod fuerat protractus, infortunii proprii autores fuisse, meritoque periisse judicant. Neque Suecos hic præterire debeo; quâvis enim hyperboreas gentes omnes, & præsertim Sueones ac Gothos, hospitalitate esse insignes *Olavus Magnus* lib. 16. de gent. Septentr. cap. 13. testetur, non diu tamen gratiam retinere stationem hospites cap. 14. perhibet, qui graves odores, veluti Moschum, in vestibis aut sarcinis secum deferunt, quia femina abortiant eo odore hausto; imò ob tales peregrinos odores, incolis suspectos fieri, ne proditores sint regni; unde plerunque accidat, tales odoríferos satellites, præcipuè collimiteos Russos, seu Moschos, aut Danos, rusticorum, quibus ille displicet odor, ferocitate fustigari.

Ast cum abusus moderatum non tollere debeat usum, neque moschatam illam fragrantiam, elegantiam obtinendæ causâ quasitam, ob insignem quorundam luxuriam & libidinem vitiosam, tanto neutiquam cum contentu eliminare convenit. Ut enim Principum, & quos Terrarum Deos ac Dominos Cœlestis Favor esse voluit, actiones hac ex parte non attingam, nec de virtute Moschi odorifera, quæ sanitatem foetorisque emendationem, in antecedd. prolixius expensam, respicit, quidquam hîc repetam: in communi sanè vita, quidquid hominis, quem elegans & mundum vocat animal *Seneca* Epist. 92. ad ornatum facere potest, retinendum potius, quàm eliminandum esse videtur. Pulchritudinis enim rationem in ipsa etiam odoris gratia consistere, *August. Niphus* lib. de Pulchro cap. 39. facilem apud me consensum meretur. Quantumvis etenim in *Plauto* in Mostell. act. 1. scen. 3. quæ nihil olet mulier, rectè olet dicatur, mediumque illud, in quo naturalis corporis temperati non ingratus odor consistit, foetido non tantum, sed opposito quoque eidem suaviter...

se fucatè fragranti, haud dubiè sit præferendum, sicque *Horatius* in utrumque *Serm.* lib. 1. *Satyr.* 2. benè iuxcrit :

*Pastillos Rufillus olet, Gorgonius hircum :*  
*Nil medium est.*

& magnus *Thom. Bartholinus* diss. 7. de medic. Danor. domest. fucum se in corpore odisse prudenter contestetur, quod suâ pulchritudine se commendare potest. Cùm tamen hominum non eadem ubique sit mens atque voluntas, & nos non nobis solis nati simus, sed & Amici aliique vitæ nostræ partem sibi vindicent, quòd vel horum in gratiam tales odores amicos quandoque admittamus, nemo jure culpare potest. Hoc imprimis femineo in sexu, quod pulchrum & delicatum ut esset, atque ita ad generis humani propagationem stimulum virili adderet, ipsa Natura voluit, minùs culpandum erit. In ipsis Conviviorum solemnitatibus, cùm non lingua solum saporum deliciis, aures jucunditate sonorum, oculi totius apparatus splendore demulceantur, nemo, nisi austerior aliquis Stoicus, nates hac odorum, Moschi imprimis, suavitate ut careant, condemnabit. Sint itaque moschati illi halitus luxuriosi, venerei & impudici animi in quibusdam argumenta, sint in quibusdam incitamenta, commendent Philosophi, ad vitæ necessitatem, simplicem utique & frugalem, quæ faciunt, proscripta olim fuerit ars unguentaria, repulsi calami strati, ad vincula deducti profugi unguentati, alii ob fragrantiam fustigati &c. nondum hæc Moscho cæterisque universale exilium è cultiori Regno & Republica indicunt. Philosophi non omnem, qui jucundiorum & ornatam magis reddit, integram tamen scelerisque puram relinquit vitam, odoratorum usum damnabunt. Facessat rusticæ gentis inurbanitas, quam ipse nobilior locorum istorum Sanguis ipso facto improbat, & ipsa cultior temporis ætas emendat ! Severior nimia odoratorum profusio animadversionem subeat ! Supervacanea, militaris & fastus, inque ipsis miseriis luxuria poenam exigit ! Moderatus usus triumphet.

Tandem an Medico licitum sit odore Moschi se inspicere ? ubi quaeritur, negativè ut plurimum respondent, viro gravi indecorum esse rati, muliebrem quasi odorem istum redolere, multos ægrotantium eundem minime perferre posse, feminasque cum primis in strangulationis periculum conjici, alia verò plura, quibus uti queat, odorata tutiora suppetere ; quos inter nominò *Rodericum à Castro* Medic. Polit. lib. 3. cap. 4. *Zacutus Lus.* Introit. ad prax. præcept. 11. *Ludovicum von Hörnigk* part. 1. de medicamento apella cap. 6. &c, Obstare tamen his videtur *Hippocrates*, qui vario modo

gratificari ægrotis debere Medicum lib. 6. Epidem. sect. 4. præcipit : Introitu, sermone, habitu, vestitu, unguibus, & odoribus. Multos autem dari, quos odor Moschi oblectatur, crebra ostendit experientia ; quibus itaque Medicus, seipsum odore illo exornans, gratiosorem se reddere valet. Nec contrarium dicitur ratio, cum in morbis ut plurimum vires debilitentur, quas ut reficiat atque restauret, Medicus omnem omnino occasionem capiet necesse est, id autem Moschum, quocumque adhibeatur modo, præstare, extra omnem controversiam versatur. Imò interdum ipsa id requirit, necessitas, Medico corporis aliquà graveolentiâ laborante, quâ ægro ne se invilum reddat, inque nova & gravia pericula conjiciat, meritò præcavet, huiusque odoramenti beneficio commodè impetrat. Verùm mediâ qui intercedit viâ, eum minùs aberrare posse existimo. Abusus utique vitandus, moderatus usus tolerandus. Ut laudari nequit, qui nunquam non & ullo absque discrimine Moscho se oblinat, ita nec commendari debet, qui eundem Medicorum propriæ utilitati & usui omnino eripit. Non placent, quos odorata semper ubique comitatur aura, & qui graviore, v. g. cadaverum odores nimium nauleant, carbonum & chemicorum laborum fœtores fugiunt &c. justè à *Gerard. Dorneo* in epist. dedic. Fascicul. medic. *Paracelsi*. & nostro *Raym. Minderero* præfat. de chalcant. propterea reprehensi : nec tamen placent, qui nihil olere unquam volunt, monitumque illud Hippocraticum prorsus negligunt ; quod tamen generalius l. c. positum, in libro de Medico ( si modò Hippocraticus is fuerit ) ad certos magis odores cum restringat, an hosce inter Moschus reponi queat, meritò ulterius inquiritur ? *Unguentis*, itaque, ex *Foëssi* versione, scribens : *utatur beneolentibus, citra omnem odoris suspitionem* ; ( vel, ut *Heurnium* habet : *securum odorem ad omnia habentibus*, ) istud enim jucundum esse ægrotantibus solet. Securum ideo odorem ad omnia habentibus utendum esse unguentis, admonet ; talibus nempe, quæ morbum non excitent aut exasperent. Tales verò inter odores, minùs scil. securos, cum revera sit Moschus, viris æquè nonnullis ac feminis adversus & suspectus, à Medico admodum frequentari haud debet, præsertim ubi ægrotos, quorum hoc in passu naturam vel cognitam nondum habet, vel lædi prænovit, curandos habuerit. Aliàs etenim nec Medicum isto orbari prorsus æquum foret, quo intuitu *Leonh. Botallus* de medici & ægr. munere §. 25. in ægro, cui Moschus est adversus, abstinere eo debere Medicum decernit, *quoad falsam ægrum restituerit*. Si verò luxuriæ stimulo actus, aut vano aliquo vultu inductus, odore illo fragrare, aliorumque, sanorum etiam, naribus eum immittere studeat, culpam merito incurret. Cæterùm ingrati odoris occultationi quammaximè esse studen-

dendum Medico, vel ex Hippocrate notum est, qui lib. de decenti ornatu, ipsi circa ægrum versanti strepitus quoque & odores, viniq; præcipuè fugiendos esse & permutandos, monuit; *odorumq;* nomine, tum aromatum qui sunt, tum & *fatorum* subintelligi debere, *Hæurnius* animadvertit, quo respectu etiam *Galenus Quintum*, Medicum, aliumq; Asiaticum in lib. 6. Hipp. de morb. vulg. comm. 4. text. 9. reprehendit. Ubi sanè nec Moschi usus prorsus damnari debet, nisi aliud quid ex antedictis obstitit, quo in casu nec alia plurima, vinum illud efficaciter emendantia, deesse poterunt.

## CAPUT XLVI.

### *Moschi usus emblematicus.*



Auca hic sunt, quæ ex aliis possunt adduci, plurima, quæ possent excogitari, si instituti ratio prolixitatem admitteret. Solus Cl. D. Joach. Camerarius Symbolor. & Emblem. cent. 2. embl. 45. Capreoli moschiferi figuram, ( licet non admodum cateroquin adcuratam ) hæc cum inscriptione: *Munera digna feram*, exhibet, tali insuper

additâ subscriptione:

*Munera qua Dominis fuerint data, tempore sunt  
uberiora, velus Moschus odore placet.*

Desumptâ occasione ex illorum sententiâ, qui pretiosum hunc succum ex odoratarum herbarum pastu, sanguini odorem illum conciliantium, generari existimant. Unde imago sit Principis, qui subditorum suorum opibus & sumtibus sustentatus, majora illis vice versâ, securitatem largiendo, redere cupit.

Nobil. *Henricus Ranzovius* cap. 34. de conserv. valet. Liberos suos allocutus: *Mementote familiaritates inire eorum, quibus gratia calesces as-  
sunt. Quod ex bonis animi, corporis & fortuna cognoscetur. Sicut enim  
odor ex musco, sic ex bono vicino boni nonnihil exhalat in proximum ac perse-  
verat infusum, hoc quasi Emblemata depingere voluit, Moschi nempe folli-  
culum in vitro bambace contextum, tali cum epigraphe: Vicino fragrat o-  
dore, & cui sequentia subnecti possent:*

*In socium socii virtutum gratia transit;  
Vicino inspirat bambass Moschus odorem.*

Mibi

Mihi *Ill. S. R. I. Academiam Naturæ Curiosorum* aperto mœschifero Folliculo comparare, sicque depingere liceat, ut aureæ pateræ impositus in vicinum aërem libere odorem suum exhalet, cui inscribatur: *Latere nescius, & subjungatur:*

*Fama latere nequit, meritorum gloria complet  
Orbem, cœu Moschus suavem diffundit odorem.*

Vel, inscripto *Naturæ Curiosorum* symbolo Academico: *Nunquam otiosus, legatur:*

*Naturæ claros, fugientes otia, Mystas  
semper fragrantis Moschus odore refert.*

## CAPUT XLVII.

### *De rebus naturalibus moschatis.*



Estat, quædam rerum ut fasciculum adnectam, quæ vel odorem Moschi similem emittunt, aut emittere creduntur, vel etiam ob suavem magnamve fragrantiam moschatorum epitheton obtinuerunt. Talia autem in omni Naturæ regno inveniuntur, vegetabili nimirum, animali, & minerali.

Vegetabilia inter non repetam, quæ arte illum acquirere odorem paulò superius monstratum fuit, ad naturalem solum fragrantiam attendens.

Ex Herbis itaque Floribusque percelebre est Geranium moschatum, sive Acus moschata, quod Moschi odorem adprimè referre *Joh. Renodens* lib. 1. de mat. med. sect. 4. cap. 61. scribit, idque circa vespèram inprimis & manè contingere *D. Joh. Jonssonus* Thaumatoogr. natur. class. de admir. plant. cap. 28. animadvertit. Unde *Joh. Bapt. Porta* lib. 1. Phytognomi. cap. 17. ubi ex actionum similitudine cognosci posse plantarum vires, demonstrare intendit, Geranium illud, aliisque similia, non secus ac Moschum, ob æmulum ejus odorem, cordi ac cerebro subvenire concludit. Huc referendum Geranium triste *Jacobi Cornuti*, in Hist. plant. Canadens. cap. 44. & Act. medic. Hafniens. Volum. 2. observ. 26. descriptum, nocturno tempore moschato odore pollere creditum, quem suavem equidem, moschatum



tum tamen haud judicare potui, cum idem in Horto medico Patavino olia  
lustrassem.

Non minus notissimi sunt ut plurimum in hortis Jaceæ montanæ mo-  
schatæ flores albi vel purpurascens, suaviter ac Moschum nonnihil redo-  
lentes, quæ de, præter cæteros, Jac. Theodorus Tabernamontanus lib. 1. Her-  
bar. sect. 5. cap. 11. consulendus.

Plantula etiam invenitur, Moschatella communiter adpellata, cujus  
folia odorem spargere Moscho similem putat Valer. Cordus lib. 2. Hist. plant.  
cap. 184. atque inde nomen invenisse. Quam Fumariæ bulbosæ seu tube-  
rosæ minimam speciem facit Tabernamontanus, alii verò Ranunculis, Tha-  
lisiris, vel Dentariis adnumerant. Planta Sylvestris est, quæ sibi relicta,  
multo majore Moschi odore, teste Joach. Camerario in Hort. med. pollet,  
quàm in hortum translata.

Ivam sive Chamæpithyn moschatam, ob suaveolentiam Moschi æmu-  
lam, sic dictam idem Tabernamontanus l. 2. f. 2. c. 30. aliique describunt.  
Quo ipso Ivæ moschatæ nomine etiam Polii quoddam genus montanum  
dari, ut & Tanacetæ, ac Antyllidis, ex Dalechampio Ul. Aldrovandus lib. 1.  
de quadrup. bifule. cap. 20. admonet, qui etiam in Alpibus Apenninis Ocy-  
mum quoddam odore suavissimum se invenisse memorat, moschatum ideo  
dicendum, quo etiam nomine, loco Alsfengemisch, à Monachis Mesues Com-  
mentatoribus proponatur.

Nec silentio prætereundus Hyacinthus botryoides moschatus, colore  
varius, Moschus Græcus etiam dictus, & Moscari vel Muscari Tutcarum,  
suavi vocabulo, ut elegantissimus Joh. Bapt. Ferrarius lib. 3. de Flor. cult.  
cap. 9. loquitur, aliàs dictus, cujus flores quidem odoratissimi sunt, vel, ceu  
laudatus Ferrarius habet lib. 2. cap. 4. mera in florem collecta suavitas, pro-  
priè tamen Moschum minimè redolent.

Satyrium moschatum Aldrovandus commendat, nec non ex Joh. Rbel-  
licano noster Gregor. Hier. Welschius dissert. 1. de Ægagrop. pag. 38. atque  
Orchidem odoratam moschatam, ob insignem odorem, invilam hystericis  
plantam exhibent Viri celeberrimi, D. Simon Pauli Quadripart. botan. class. 2.  
cap. de Satyr. p. m. 146. & class. 3. pag. 203. atque D. Ol. Borrichius Act.  
med. Hafn. Volum. 1. obs. 69.

Andr. Casalpini lib. 13. de plant. cap. 47. de Carduo benedicto agens,  
florem ejus è medio spinarum erumpentem, luteum, Moschi odorem refer-  
re judicat. Nec sanè diffidendum, moschatuli aliquid eundem naribus ob-  
jicere. Quod & D. Sim. Pauli class. 3. cap. de C. B. placuit, fragrantissi-  
mum florem Pyrorum moschatellinorum odorem æmulate enuncianti; u-

Et bi &

bi & aliorum Carduorum floridam fragrantiam insinuat; quod ergo etiam spectat echinopus ille, à *D. Joh. Bauhino* in Hist. font. & bala. Bollenf. lib. 4. cap. 2. pag. 182. nominatus. Vid. quoque Nob. *D. Christoph. Georg. Petri* Card. sanct. cap. 5. pag. 58. & Celeb. *D. Cass. Hofmanni* lib. 2. de med. off. cap. 50. §. 32.

Muscum super saxa enatum suaveolentem, ideoque verè *βερβον ἀρωματικόν*, odore ad Moschum parumper accedentem profert *Joach. Camerarius* in P. A. Matthioli Herbar. lib. 1. cap. 15. Qualem etiam in quadam Musci clavati specie notavit Exc. *D. Joh. Sigism. Elsholtzius* in Horticult. lib. 6. cap. 4. atque in Musco alpino *Conr. Gesnerus* lib. 3. Epist. med. pag. 89. alios ut sicco pede transeam.

Rosæ moschatæ reliquis Rosarum generibus, ob odorem inprimis nobilem & delectabilem, regio hocce epitheto palmam præripiunt. Quo tamen sub nomine plures Rosarum differentias contineri, ex Botanographis novimus, videatur cumprimis *Joh. Carol. Rosenbergius* part. 2. Rhodolog. cap. 6. De his Damascenis rosis agens *Carolus Stephanus* in libello de re hort. pag. 31. odore eas Moschum referre putat, ab insusione potius, quam à natura. Verùm cum exiguum, vel imò nihil sit, mearum quidem avarum judicio, quod moschatum in Rosis istis odorem exhibeat, ab odoris tantum excellentia sic vocari, rectius cum *Andr. Casalpino* lib. 3. cap. 10. statuemus. Si tamen vel unquam tales odore sese probaverint, utique & ipse Arti id adscribendum esse non contradicerem.

De Agerato, Galio, Lilio convall. Majorana, Viola &c. moschatatis quidquam dicere, brevitatis causâ, supersedeo.

Radices inter Mexicana illa herbæ Coapatlis vel Thamacazquipan, nec non alterius Coapatlis, Teoitzilæ dictæ, Moschum redolere narratur à *Francisco Hernandez* in lib. 2. rer. medic. Novæ Hispan. N. A. Recchi cap. 1. & 2. Suavissimo quoque hoc odore imbuta radix Curutzeti laudatur cap. 13.

Ex Seminibus se commendat Hab el moschi Arabum. Ipsa planta, cujus soboles sunt, sub Bammia, uti *Alpinus* & *Veslingius* habet, vel Bammia, seu *Weischius* noster cap. 7. pag. 164. Exercit. de Ven. Medin. scribendum, putat, moschatæ nomine venit, ad Malvas pertinet, àque *Joh. Veslingio* observ. & not. in libr. Prosp. Alpin. de plant. Egypt. pag. 65. descripta, additâ simul plantæ florentis iconè. Ipsa autem spermata fragrantia sua ad Moschum accedunt, quem satis manifestè simulant, non tamen adæquant, ideoque Hab el mosch, *granum moschi* nuncupantur, & à multis Ægyptiorum, quibus

quibus sumtum tenuitas Moschi usum denegavit, illius loco, inprimis ad Sorbetorum condituram, nec non membrorum putorem reprimendum, usurpantur.

Ex Arborum familia flores istius Indicæ, cum noctu duntaxat hi sese expandant, tristis cognomen adeptæ, Moschi odore fragrare, *Aldrovandus* refert, de quo tamen apud *Garciam ab Horto*, *Christophorum à Costa*, *Cerolum Clusium*, & *Jacob. Boninum*, qui ejusdem aliàs historiam præcipuè conscripserunt, altum est silentium, licet odoratissimos, & Jasmini florum ab odore haud multum dissimiles eosdem fateantur. Si tamen Arbor illa cum Frutice moschato, sive Bidmisk *Petris della Valle* coincidat, odorem moschatum ei planè denegare fortè non liceret. Vid. *Itinerar. part. 2. epist. 1. & part. 3. epist. 14.*

Quin & aliud arbusculum sive fruticem, ab Arabibus Alcanna sive Henaa adpellatum, quem etiam Cyprum Græcorum vel Ligustrum Latinorum vocant, reperitur, in Ægypto præcipuè, cujus folia arida, magno cum incensarum quasi, fucis intervere *Petr. Bellonius* lib. 2. observ. cap. 74. flores autem à Turcis & Mauris, ob odoris suavitatem, ad Moschum accedentem, magni fieri, noster *Leon. Rauwolfius* part. 2. Itiner. Orient. cap. 4. addit lib. 4. ejusdem figurâ, testantur.

Alium porò in Americæ insula Montserratato moschatum-fruticem exhibet *Dapperus* lib. 2. descript. Americ. cap. 11.

Lignum santalum album moschatum in Practicorum libris quandoque legitur, quod tam suave spirat, ut muscatellini cognomen inveniret: scribente *I. C. Scaligero* exerc. de subtil. 104. §. 13. Quo tamen elogio Santalum flavum potius alii coronant, id ceu præstantissimum & fragrantissimum reliquis præferentes, cum album exilem admodum odorem spiret. Licet sint, qui utrumque pro uno & eodem ligno habeant, quæ tamen aliqualis in colore differentia, & odoris inprimis major minorque præsentia satis determinant.

De Agallocho ob magnam fragrantiam moschatellino dicto videatur *Ill. Guern. Rolsincus* de purg. vegetab. sect. 1. art. 2. cap. 2.

Arboris Tolutanæ ballamiferæ liquorem odore Moschi fragrantem sistit *Aldrovandus*, addens: Si quis volam manus eo illinat, is non aliter, quam si Jasmino Catalonico, quod Moschum similiter redolet, oblitus foret, delicatissimo odore fragrabat. Verùm ut Jasminum illud odorem à moschato longè, si me nares meæ non fallunt, diversum, & sui generis expirat, ita & Tolutanum, quod ad nos nomine isto defertur, Ballamum ab eodem recedit. *Nic. Monardm* sanè cap. 10. Simpl. medicam. hist. eundem succum adcuratius

Et 2

expo-

exponens, odorem quidem excellentissimum, sed qui Limonum quodammodo aut Jasmini fragrantiam tantum referat, in eo agnosce.

In Fructuum numero primatum hic potissimum obtinet Nux moschata, cujus in *Wormiano* Muséo lib. 2. cap. 30. tria dantur genera: mas, femina, & regia. Femina est notissima, aromaticam propter virtutem suam Pharmacopolarum non tantum, sed Coquorum etiam manus frequenter exercens, ob suavitatem odoris moschata dicta, non quod Moschum oleat, sicut bene notat *Renodius* lib. 1. de mat. med. sect. 3. cap. 11. *Aldrovandus* tamen recentem in patrio solo Moschum egregie referre scribit, incertum tamen, quo id autore vel teste persuadeat, aliis Scriptoribus omnino tacentibus.

Inter innumera Pyrorum genera, præcocia illa minima, moschatellina, se commendant, nonnullis superba Pyra, ob odoris, saporis & coloris, jucundo quasi certamine in parvulo corpore confusorum, eminentiam, adpellata. *Moschatula* à *gratioso* sapore, moschum referente, nominant: cui modò citatus *Renodius* loquitur sect. 6. cap. 2. vel, ut *Valer. Cordus* lib. 3. de plant. cap. 9. edisserit: *saporem habent suavissimum & aromaticum, veluti medico moscho condita essent, unde etiam nomen sortita sunt.* Quæ enim comia, nec non virtutes præstantes medicæ, quas habere creduntur, & lib. 2. de art. med. *Christoph. à Vega* alibi recententur, ut reliquis Pyrorum generibus præferantur in Officinis, faciunt.

Melonibus insuper nonnullis Moschi odor aliqualis innascitur, quos *Cordus* & *Dodonæus* recensuerunt, & moscatellos sive moscharellos ab odoris sui præstantia dici *Aldrovandus* adnotavit. Nec silentio involvendi parvuli illi Persarum melones, Schammame ipsis vocati, Pomorum aurantiorum magnitudine, non quidem sapore, sed odoris amœnitate gratissimi, descripti à *Cl. Adam. Oleario* lib. 5. Itiner. Pers. cap. 4.

Hæc jungendi Cucumeres moschati, Galiam moschatam mirâ similitudine odoris, sed fugacis, referentes, à *Nard. Ant. Reccho* l. c. lib. 3. cap. 61. descripti, nec non alius fructus cap. 68. expositus.

Quis porro Uvas moschatellinas ignorat? utpote quarum non tantum expressus liquor seu Vinum, sed ipsa etiam Vitis eodem insignita nomine, commendatur. Sic *Joh. Manardus* Vina moschatula à Moscho, suavissimo aromate, nuncupari judicat lib. 8. epist. 1. & nativum ea Moschi habere odorem epist. 2. subjungit. Nonnulli tamen hoc in dubium rectius vocant, nec Uvas moschatellinas, sed muscatellinas dici debere contendunt, eò quod à Muscis summo opere impetantur, idcirco etiam *Plinio* Apianæ vocari, quia Apibus sint gratissimæ. Sic à Muscarum telis, quibus impetitur, potius

huds quam à Moscho cognominatam; bene arbitrat<sup>ur</sup> *Guid. Pancirollus* lib. 1. ter. memorab. tit. 17. consentiente Ill. DN. *Præfide nostro* apud meritiſſimum *Philipp. Jacob. Sachsium* append. *Ampelograph.* pag. 21. Conferatur hujus lib. 2. sect. 1. cap. 3. pag. 102. & 103. Nec sanè, linguæ nariumque judicio si stare lubeat, quidquam in hisce occurrit, quod Moschi odorem representet. Sufficit aliàs, quòd grato odore, & jucundissimò sapore præditæ deprehendantur, quarum ideo fragranter dulcesque sàpores insectentur apes, vespæ, non ipsæ tantùm animalia perfectiora. Rectius itaque, nomen illud donabimus Vinis, simplici Moschi additamento, odore ejus nobilitatis, qualia Hispanos cum Vinis patriis, & cum Vino Græco per infusionem parare perhibuit laudatus *Sachsus* *Ampel.* pag. 399. quorum elaborationem quoque monstrat *Guil. Grævæolus* de Vin. cap. 20. Moschum nempe cum vini particula, (aut, quem modum habet *Porta* *Mag. nat. lib. 14. cap. 11.* cum vini spiritu) solutum vasi infundendo.

Nec Fungi denique abibunt indistincti, valde odorati & Moschum redolentes in Pisanis collibus & Pyræneis inveniendi, ex *Laur. Erichssadi* testimonio cap. 15. de conf. alkerm. Quales etiam ex Columella notavit *Celeb. D. Morhofius* diss. de paradox. sens. cap. 1.

In Animalium classe Homines imprimis dari moschatos, vel suavem odorem qui de se spargant, traditur. Ita mihi à Nobiliss. *D. Wedelio* relat<sup>um</sup> olim fuerat, nuperque per literas confirmatum, novisse se Studiosum, cujus corpus Moschi odorem, & quidem ætate magis, atque post corporis motum, de se sparserat; non dissimilenti fortè illi *Alexandri M. Macedonum* Regis, quòd de se sunt Historici, *Plutarchus* imprimis ex *Aristoxeni* commentariis, in vita ejus, & lib. 1. Conviv. quæst. 6. per os & membra ipsius jucundos admodum exspirasse halitus, ut & interiores tunica mirabili fragrantia completerentur. Animal enim quòdcunque licet odorem aliquem emittere jam olim *Theophrastus* lib. de odorib. rectè edixerit, in homine, tamen sano ab aliis hominibus ille vix percipitur, ut ideo rarissimum quid, vel solum præternaturale sit, suavem foetidumque ab eo emitti. De hoc quidem nemo est qui dubitet, cum frequens admodum existat, ille autem rarior est, ita ut vel in dubium vocare celebratam istam de *Alexandri M.* odore gratissimo, quem aliqui moschatum absque ullo tamen fundamento venditant, relationem, & si quis fuerit, adventitium magis ab adsumtis, atque faciatum ab externo odoratorum usu, proclamare haud fuerint veriti. Sic *Ezechiel à Castro* lib. 1. de ign. lamb. cap. 5. *India Reges*, ait, continuo haustu odorati pharmaci odoratos exhalant vapores, quod forsitan & magnus operabatur *Macedo*, ut tetros frequentis crapula nidores arte vinceret & obsun-

*Aeret.* Similia de *Abdellaho Ebn Zobair*, ex *Saïdo* refert *Cl. D. Georg. Hier. Welschius* lib. 2. variar. lect. cap. 10. MS. Matrem nempe ejus libram *Moschi* bibendam ei dedisse, cumque in praelio occisus esset, homines multis diebus e corpore ipsius *Moschi* odorem olfecisse; licet hic vel sola *Moschi* insignis quantitas fabulæ aliquam suspicionem movere queat. Adulationis quid latere in illa de *Alexandro M.* relatione potuisse, non immerito suspicabitur beatus *Sachsus* in schol. ad obs. 191. Anni II. *Ephem. Nat. Curios.* Quam sanè erga Regem illum maximum maximam etiam fuisse novimus, quod vel solum divini illi, quibus colebatur vivus, & coli volebat, honores ostendunt. Hinc non minus dubitandum, an cadaver quoque ejusdem aromaticum emiseric odorem, quo de neque *Plutarchus*, neque *Q. Curtius* quidquam prodiderunt, *Curtio* potius, cum ab *Egyptiis* pro sepultura corpus condiretur, odoribus fuisse repletum, lib. 10. hist. suæ fidem faciente. Quamvis aliàs impossibile minimè arbitrer, cadavera gratum, quacunque demum ex causa id fiat, effundere posse odorem, quod *Leonh. Donati* Venetorum Ducis, *Olai* Regis *Norwegiæ*, & *Wilhelmi* Episcopi *Roël kildensis* exuviz persuadent, de quibus *Exc. D. Thom. Bartholinus* sect. 3. de hepat. exautor. desper. caus. nec non cent. 4. epist. med. 87. videndus. Ubi tamen & has ipsas relationes hyperbolen quandam sapere, Rhetoribus condonandam, aut artificium quoddam aliud à conditura accessisse *Welschius* l. c. arbitrabatur. Aliàs, quantum ad *Alexandrum* attinet, nihil obstat, quò minus suaves exhalationes ab eo prodire vel tum saltem potuerint, cum victricibus Orbem pervadens armis, temperantiæ primò intra limites, sic satis sese continuerit, id quod *Plutarchus* ferventi corporis temperiei, humorum digestionem suavem gignenti odorem, adjudicat; optimà, ut aliqui explicant, humorum concoctione, & superfluatorum expulsionem subsequente, quâ nempe sulphureas odoratas atque volatiles in sanguine particulas digerere, evolvi, explicari ac perfici potuisse, nullum videtur esse dubium. Quamquam majori jure dubitetur, num diu, perque totam vitam ita continuaverint, si victorum hostium ad exemplum, in omnem tandem luxuriam, & intemperantiam prorum, foedis potius putidisque halitibus obnoxium evadere potuisse, consideretur. Licet & in ipsa putredine ac corruptione, odoris gratia quandoque hospitari videatur, dum insita principia per putredinem e carcere suo liberata virtutem suam produunt, cui itaque fragrantiam illam *Olai* Regis &c. *Bartholinus* assignaverat. Ut jam nil dicam de *Issidis* mira fragrantia, apud *Plutarchum*, nec non *Tzetzu*, cujus corpus aromaticis oluisse, ipse in exposit. diæ. & oper. *Hesiod.* memorat.

Hominem excipiat animalium quadrupedum vastissimum, Elephas, ejus odorem moschatum suavissimum enarrat *F. Gregorius de Bolivar* in *Joh. Fabri* Exposit. animal. Mexic. fol. 564. Si quis autem, addens, sudorem illum conchyliorum testis, quod Indii facere consueverunt, detergat, & in vascula corruet, moschi odori minimè cedentem & suaveolentem naribus succum lucratur. Quà stante relatione, mirum, tot diligentissimos aliàs de India Orientali Historicos nihil de odorato hoc sudore literis consignasse, nisi fortè & hic quibusdam tantum eundem Natura concesserit.

Non minus Crocodili Moschum redolentes observantur, de quibus videndus *Exc. D. Thom. Bartholinus* cent. 6. hist. anat. 52. & conferendus *Nard. Anr. Recchus* in hist. nat. Mexic. lib. 9. cap. 3. *D. Joh. Jonstonus* Hist. nat. lib. 4. tit. 1. cap. 8. *Joh. Perr. Massejus* Hist. Indic. lib. 2. pag. 47. *P. Joh. Ens. Nierembergus* lib. 12. Hist. nat. cap. 5. Fluvium Tambuhjam in Brasilia ab *Elsa Herckmanno*, ob odorem moschatum à Crocodilis expirantem, Moschi nomine fuisse donatum, CAP. I. dictum jam fuit. Eundem in Insularum Americanarum aquis dulcibus reperiundos Crocodilos possidere, *Philipp. Baldus* cap. 52. descript. Malabar. & Coromand. ex *D. Rochefort* refert, hominesque eo ipso, ut sibi caveant, admoneri suspicatur. *Quin.* & in specie excrementa eorum benè olere, *Phnius* jam lib. 28. Hist. nat. cap. 8. tradidit, duo Crocodili genera recensens, atque de altero, in terra tantum, inquit, odoratissimumque floribus vivis: ob id intestina ejus diligenter exquiruntur jucundo nidore farcta, Crocodileam vocant. Conf. *Joh. Rhodii* not. in *Scrib. Larg. compos.* 14. Cl. etiam *D. Olav. Borrichius* lib. 1. *Herm. Egypt.* cap. 10. pag. 277. non omnes gratam illum spargere odorem observavit.

Ex Cercopithecis Brasilianis quosdam suavem, Moschi quodammodo instar, spirare odorem *Carl. Clusius* in *Auctar. ad Exotic.* libr. testatur. Eorundem quoque mentionem facit *D. Erasmus Francisci* pag. 386. Hort. Indic. Et coincidunt cum Cercopithecorum genere à *Jul. Caf. Scaligero* memorato, quod nihilo insuavius, quam quodvis Moschum fragrat. Mediocriter tamen, ac sine fastidio, exerc. 211. de sub. §. 2.

Lepores dari, cum *Gesnero Aldrovandus* scribit, qui, ab odoris vehementia, Moschiaz dicantur, quorum vestigia tanto spirent odore, ut, dum ea persequuntur, canes in furorè quasi ab eo agantur. Quod si non mera sit fabula, impossibilia tamen haud esse ista effluvia facile concesserim.

Buffalinam vulvam exsiccatam Moschi odorem spargere, centuriæ 1. epistola *Bartholin.* 49. indicat, quam itaque servant, eaque in Unguentis utuntur *Myropola Neapolitani*,

In cauda vulpinæ superiori parte pilos flavos tenuissimos enasci monet *Cass. Schvuenckfeldius* lib. 2. Theriotroph. Silef. Violam mariam odore eminentem. Quem etiam Moschi æmulum ab Ill. Barone quodam fuisse creditum, in Volum. 1. Act. med. Hafn. obs. 58. recensetur. Conferantur quæ de eodem Volum. 3. obs. 21. proferuntur.

In Italia Muris genus, Moscardino vulgo nuncupatum, sive Murem corylinum, Moschi odorem præ se ferre legimus, & qui ipse est exiguus ille Musculus, totus gratissimè Moschum spirans, *Aldrovando à Ludovico Gozzadino*, Patritio Bononiensi, communicatus, atque à *Ioh. Fabro* in Recchi Hist. natur. Mex. fol. 586. descriptus. Murem etiam moschatum in Germania, rariùs tamen occurrere *Cass. Schvuenckfeldius* fatetur. Porro in India, alicubi Mures esse Moschum olentes, ex aliorum fide refert *Andr. Labarins* Singular. part. 3. lib. 4. cap. 1. qui fortè iidem sunt, quos in orientali India *Dapperus* in descript. regni Magni Mogolis, vel in Virginia & Insula Tabaco reperiri odoratissimos, idem lib. 2. descript. Americ. cap. 4. & 11. memorat. A quibus non multùm recedere videntur Russici illi mures vel Sorices, quorum exuvias trinas in splendidissimo Musæo Septaliano me vidisse recorder, indigatas etiam ab Exc. *D. Paul. Mar. Terzago* in ejusd. descript. cap. 30. Ipseque talem possideo pelliculam, aliquot per annos admodum odoratam & verè moschatam, nunc verò diuturnitate temporis ferè totam exoletam. Tanta aliàs odoris in istis fragrantia excellit, ut ex Moscho compacta videatur, ceu in Musæo Kireboriano pag. 29. describuntur. Videatur quoque *Ol. Wormii* Musæum lib. 3. cap. 23. Imò vulgariū Murium excrementum, nonnunquam olere Moschum, cum *Ruellio* plurimi fatentur, eoque Moschum adulterari.

Utrū simile animalculum innuerit *S. Hieronymus*, ceu quidem vult *Aldrovandus*, incertum est, dum nempe lib. 2. adversus Jovinian. peregrini muris pelliculam inter dissolutorum & amatorum odoramenta reponit, & in Vita Marcellæ fastum Romanarum Matronarum describens, solere easdem frangere musco mure, innuit, nec non in Epist. ad Demetriadem Virginem, cinnamulatos pueros & calamistratos, & peregrini muris olentes pelliculas reprehendit. *Gesneri* tamen aliorumque magis placet sententia, folliculos Animalis moschiferi ab eo innui, hariolantium, cum in illis pilosis Moschus adferri soleat, ut fortè Muris genus esse putaverit, pilosâ eorum substantiâ, nominisque vicinitate deceptus. Potuisse autem *Hieronymo* innotescere odoramentum hoc, satis est credibile, quamvis enim prioribus, uti *Hippocrati* & *Galen* tempore, nihil de eo Græcis & Latinis constiterit, subsequenti tamen à Christo nato Seculo quarto ejusdem usus jam increbuit, unde, etiam



etiam in *Pauli Aegineta*, qui Anno Chr. 420. floruit, & *Aetii*, qui Anno Chr. 455. vixit, Scriptis mentionem ejus fieri notum est; *Hieronymum* autem circa Sæculi quinti initium à Christo nato mortuum, Historici referunt.

Nec inditum abire debet venenosissimum animal, *Aldofarcad* vel *Algelorum* à quibusdam nominatum, cujus ex *Meiseri* descript. insul. Madagascar. meminit Nob. *D. Just. Fid. Klobau* in hist. Ambr. cui sæpius prope umbilicum apostemate gravato avis illa, *Afchibobuch* dicta, saniem exsurgat odoratissimam, à qua deinde feces alvinæ in substantiam pretiosam, *Ambræ* nomine ubique notam, abeant. Verùm uti *Ambræ* natales illi meritò fictitii reputantur, ita etiam de altero animali facta relatio idem meretur judicium, & quòd præconcepta ab opinione de moschi ex abscessu origine ortam fabulam redoleat.

Vulgatissimum insuper est quoddam genus Mustelæ silvestris, ob ferocem atque rapacem naturam Martis nomine (German. *Martter*) notum, cujus excrementum Moschi odore nobilitatum à multis expetitur, & sub Moschi nomine inter plebejos sæpius superbit. Licet primò fetere, & postea demum suaviter olere à nonnullis tradatur. *P. A. Matthiolus* comm. in *Dioscori* lib. 2. cap. 24. Mustelæ cujuslibet finum nonnihil Moschum redolere scribit, quod tamen non semper contingere constat. Confer. *D. Joh. Jonstoni* hist. natur. de quadrup. Hinc sanè alimenti devorati diversitati, & in specie Uvis comestis, suaveolentiæ causa à quibusdam adsignatur, quos irridet *Andr. Libanius* Singular part. 3. lib. 4. cap. 7. cum ab homine Uvas comedente ejusmodi excrementum non proveniat; alii odorato è fruticibus ac herbis cibo adscribunt; alii aliter sentiunt. Quamvis verò alimenta odorata multum conferre valeant, in præcedentibus tamen digestionibus, antequam in scybalâ vertantur, multum immutari ea necesse est, ita ut odoratz etiam particulæ eandem sortem experiantur, atque sulphureum illud volatile figi quandoque ac inverti queat, sicut vicissim è rebus actu non odoratis, accedente separatorio aliquo principio, latentes in eis odoratz partes extricari, exaltari atque emergere possunt. Quo intuitu tum à bile scybalis permista, tum etiam ab alimentis diversis, odoratis & inodoris, Mustelarum illam fragrantiam commodè derivabimus.

Imò in ipso humano excremento alvino hujusmodi latere suaveolentiam & Moschum, Chimici non dubitant, quem illi, quibus mysteria hæc placent, mediante digestionem educere, & Carbon *Paracelsi*, seu Zibettam occidentalem adpellare solent, quo de inprimis videndus *Joh. Hartmannus* not in Basil. chin. Croll. Quod & cum stercore vaccino tentare instituunt, ex quo, trium mensium digestionem &c. pinguedinem odoratissimam ad Pa-

E f r a c e l s i

*raculi* doctrinam lib. 7. Archidox. *Joh. Agricola* unâ altèrâque vice separaverat, uti testatur part. 2. not. in *Joh. Popp. medic. chim.* Quam suaveolentiam ab immixto felle dependere Exc. *D. Frid. Hoffmannus* Clav. pharmac. Schröd. lib. 2. cap. 76. arbitratur, cum bilis, præviâ digestionè, destillata & ipsa Moschi æmuletur odorem. Non minùs Nob. *D. A. H. Cumm* 1668. Hannoverâ ad beatum *D. D. Joh. Theod. Schenckium*, in Martis suaveolentis vesicula fellea bilem optimi instar Moschi odoratam se reperisse scripserat, quæ gossypio excepta per duas septimanas fragrantiam conservaverat, usque dum sensim sensimque deficeret, *Excrementorum*, addens, odorem fætidum itidem emendari posse, nullum dubium, cum illa bile copiosiusimè sint perfusa, & ab illa sulphur suum & sal volatile haud parva in quantitate acceperint. Idem vult *Cl. Nathan. Highmorus* dissert. de pass. hyster. cap. 6. bilem nempe, si destilletur, aut concocione ulteriùs elaboretur, odore Moscho æquiparari. Similem in Tinctura fellis lupini aliquando se observasse laudatus *D. Schenckius* mihi adfirmaverat, cum in gratiam illius ejusdam Personæ, doloribus colicis oppressæ, eandem præparasset. Quò referre liceat aromaticam illam tincturam ex lapide porcino Ceylonico bilioso à *D. Barth. Puelar* paratam, inque Laboratorio ejus Ceylonico descriptam. Imò absque digestionè illa longiori stercus quandoque vaccinum, Majali inprimis tempore collectum, odorem gratum acquirere, certum est, ut ideo *Alexius Pedemontanus* ex eodem siccato Pulverem Cyprium odoratum conficere edoceat, & Officinæ nostræ aquam ex eo odoratam, nomine Aquæ florum omnium notam, eliciant.

In Volatilium numero Avem quandam in Umbria, Muscardo vulgè nuncupatam, nobis recenset *Aldrovandus*, incertus tamen, num à Moscho nomen id acceperit, licet Moschum avis cujusdam excremento adulterari considerans quodammodo eò inclinet.

Anates moschata? peregrinæ, in nostra Germania satis jam notæ, Moschum in-vertice redolent, de quibus adeundus noster *Georg. Hieron. Welshim* Hecatoth. obser. phyl. 71. nec non *Cass. Schwenkfeldius* lib. 4. Ther. Sil. pag. 196. & 197.

Quin & ipsis in undis moschata circumnata animalia. Sic piscem Brasilianorum Ougri describens *Dapperus* l. c. lib. 3. cap. 4. pag. 404. in fluminibus reperiundum, Moschum olere eum scribit.

Polypum moschatum nominat *J. B. Porta* lib. 6. Phythognom. cap. 6. Græcis recentioribus quoque *μοσχίτην*, à moschato odore, Italis verò muscardinum vel mulcarolum vocitatum, qui vivus mortuusque Moschi odorem, & quasdam ejus virtutes refert, *Aldrovandus* monit. Ad. 8. Olmy.

*Osmylus*, vel etiam *Ozœna*, ab *ὄζω*, oleo, audit, consentiente *Schvvenckfeldio* lib. 5. pag. 408. quem tamen non suavem innuere videtur *Plinius*, dum à gravi capiti odore, ab omnibus Marinis & maximè Muranis expetito, *Ozœnam* esse dictam lib. 9. *Hist. nat.* cap. 30. prodidit, eundem tamen à quibusdam exficari, ibidem scribens, ut restibus fragrantiam in aquis conciliet. Imò adeo benè olere eum, tradit Nob. *D. Joh. Jonssonus* *Hist. nat. de exanguib. aquat.* lib. 1. tit. 2. cap. 1. ut *Gyllius* nihil moscosius se sensissè, etiam tum, cùm mortuus esset, scripserit. Utrùm itaque diversa hic dantur Polypi genera, tam suaviter nempe, quàm graveolentia? vel an fistula tantùm illa, cirros inter & caput locata, è qua tetrum emittere odorem, *Pollux* memorat, ingratum: reliquum verò corpus suavem emitat odorem? quibus hæc scrutari occasio datur, judicent.

De Achkari piscis ovis ex *Ulrico Fabro* narrat *Joh. Eus. Nierembergius* *Hist. nat.* lib. 1. cap. 6. quòd Moschi laporem (an potiùs odorem?) habeant.

Hic etiam Unicornu illud Helveticum, si, ut reliqua, dens bellæ marinz, è genere cetaceo fuerit, commodè memorandum venit, quod ad oram fluvii Arulæ prope Brugam A. 1520. inventum, Moschi odore, igni præsertim vicinum, excellere traditur. Id vel fictitium quid, vel diuturnà odoratorum viciniâ sic imbutum credere maluit *Th. Bartholinus* cap. 27. observ. de Unicorn. Quæ etiam sententia est *Andr. Bacci* de Monocer. hoc Cornu scil. olim præparatum, & cum ejusmodi rebus odoriferis sepultum fuisse, quarum ratione odorem aliquem sibi adquisiverit. Cùm aliàs sibi relictum inodorum esse, tum alii, tum Augustani mei apud *Ol. Wormium* lib. 3. Mus. cap. 14. innuant. Nisi fortè volatilia ejus principia longiori in aquoso loco morâ, Solisqûe calore soluta & digesta, aut etiam vicinarum quarundam ad ripam fluvii putrescentium &c. herbarum à contactu quandam fragrantiam vel odoris gratiam adquisiverint.

In Serpentum genere Biffa angela vulgò Italici dictus reperitur, aliâ Serpens *Esculapii* creditus, qui non modò Moschum redolere, verùm etiam loca, in quibus latuit, eodem odore imbuere fertur. Sic & Serpentes in orientali India, inter Calicutum & Cananor, dari, tum ex aliis, tum *Hieron. Cardano* lib. 9. de subtilit. constat, quibus spiritus adeo procul redollet, ut Moschus videatur. Nonnulli Serpentem venenosum magnumque, *Aspidis* speciem, dari volunt in Cypro, Cusso patriâ voce dictum, qui moriturus odore Moschi fragret. Et Celeberr. *D. Joh. Rhodius*, eùm in Petr. Castelli cap. 2. de Hyaz. odorif. Serpentium quorundam crecrementa dictum odo-

odorem fundere legisset, idem in monte Baldo, immensâ Viperarum frequentiâ abundante, se deprehendisse cent. 3. observ. med. 98. refert, quamvis delusos fuisse eos credere maluerit *Redus* observ. de Viper. pollicem ei premente *J. C. Scaligero* exerc. 189. de subtil. §. 2. contra *Cardanum*, stercus Serpentum quorundam benè olere scribentem, sic decertans: *Ubi tu Serpentum Muscerdam odoratus es? An persuaserunt agrestes opera sua, aut pastores, propter sepes ambulanti tibi, atque odorem bonum naribus haurienti: Angues ibi stabulari? Hoc enim nobis quoque adolescentibus occinebant. Cum tamen & inde balares aura illa odorata propter frutices, & muscosum solum, quod in *Sylvis* frequenter evenit, quoties humi mucor à Solu radius ad virgultorum pedes elaboratus est: & è cavis, ubi serpentes vitam agitant, quod experti saepe sumus, aut odor nullus, aut teter exeat. Quod equidem ut plurimum esse verissimum, haud est negandum, qui & ipse in Collibus Euganeis circa loca Viperarum feracia obambulans, nullum, neque moschatum, neque suaveolentis alterius exhalationis vestigium, multotiesque in Viperis Patavium magna in copia delatis, vel eorum excrementis, aut nullum, aut tetrum saltem odorem deprehendi. Licet interdum pro Serpentum varietate, & vario eorum alimento, jucundo excrementa odore posse imbuì, haud planè negaverim. Ut ideo *Cardanus* simpliciter hac in parte animadversionem meritis non fuerit, qui de omnibus Serpentibus id nequaquam affirmaverat, sed plerumque tantum stercus illud benè olere edixerat, quamvis, si unquam, rariùs tamen id contingere, rectius omnino dicendum videretur.*

*Limacum* etiam quosdâ in horto domestico collectos suaveolentiam quasi moschatam, sed fugacem satis, præ se ferre, aliquoties expertus est Collega & Amicus meus honoratissimus, *D. D. Vit. Riedlin*, causâ fortè in quarundam herbarum hortensium odoratarum pastum referendâ; sicuti etiam *Matthiolus* Comm. in lib. 2. Diosc. cap. 9. *Cochleas* serpillum, pulegium &c. depastas odoris gratiâ commendari notaverat.

Ex Insectorum cohorte parva vaginipennia observavit *Petr. Castellus*, quæ contrectata suavissimum spirabant odorem, quales in floribus *Dipcadi* percipitur. Vid. cap. 2. de Hyæn. odorif.

De Muscis Pisânis odoratis exstat Epistola *Val. Chimentellii* in fine libri: *Marmor* Pisânus de honore *Bisellii*, quarum odor inter Moschum & *Zibethum* fragrans, validus, perdurans in vivis & mortuis, integris & contritis, deprehenditur.

Tandem

Tandem se Mineralia sistunt, & quidem Lapis ille Mariæbergicus, in Vena Divi Fabiani & Sebastiani. reperiendus, quem Moscho olere *Joh. Kentmannus* Nomenclat. rer. fossil. pag. 37. & *Ans. Boërium de Boods* Hist. gemmar. & lapid. lib. 1. cap. 6. & lib. 2. cap. 292. prodidit. Id quod Musco, saxis istis adnato deberi, ex Agricola ostendit *Guil. Laurembergius* descript. Ætitis.

Caraben vel Succium moschatum, sive Moschum redolens *Balch. Brunnerus* consi. 40. & 42. præscribit, quale tamen nec ego unquam observavi, nec apud ullum alium descriptum reperio; ideoque si tale datur, rarum adeo esse, necesse est, ut in Officiis pro usu medico proflare nequeat.

Ex frequentiori Sulphuris usu excrementa alvina moschatam induere, fragrantiam, referunt. Quod *Alban. Kircherus* tom. 2. Mund. subterr. lib. 9. sect. 3. cap. 1. mirum non immerito videbatur, cum Sulphur cæteroquin putidi & intolerabilis sit odoris. Quem singularem etiam digestionis animalis effectum *Joh. Rudolph. Glauberus* agnoscit, dum part. 2. Furn. Philosoph. cap. 97. Sulphur in liquore Silicum vel arenæ solutum, atque coagulatum, dein cum Spiritu urinæ extractum, & hoc abstracto, cum Spiritu vini digestum, tandem odorem acquirere docet, nec Moschi nec Ambra odore inferiorem.

Næque sileri denique debet, quod *Paracelsus* lib. 7. Aschidox. de Aqua Oli cum Æ ammoniaco destillata monuit, eandem nempe Moschi referre odorem, digestionisque opus id esse, innuens.

Eodem modo Vitrioli spiritum rosarum per cohobiam paratum vapores, Moschum gratissimè redolentes, per vasorum commissuras spirasse, in Fasciculo 2. Medicamentor. Cnossel. Miscellaneis Curios. addit, tit. 7. pag. 59. adnotatur.

Hæc ob Destillatoriz artis cognationem addere liceat, quod post salis volatilis plantarum, *Coxiano* modo putrefactarum destillationem, in va se odor Moschum ferè redolens constans se offerat. Vid. Exc. *D. Georg. Wolffg. Wedelus* Experim. chim. de sale volat. plant. cap. 3.

Magis curiosum est, quod Nob. *D. D. Andr. Hueberus*, Archiatr. Frisingensis, in literis, A. 1631. 19. Augusti ad me missis retulit, esse nimirum ibi Chemicum quendam, omnia Salia fixa volatilifantem, & citra Moschi additionem, ad Moschi fragrantiam exaltantem; quæ tamen, uti dein 10. Septembr. me monuit, ob nimiam volatilitatem ultra quatuordecim dies non perduret.

Cortices cerasi minutim incisi , perque descensum igne forti destillati ineunte vere liquorem Moschi odore stillare, ex Cl. *D. Frid. Hoffmanni* Clay. pharmac. Schröder. pag. 434. colligitur.

Sulphurum nempe particulæ uti pro varii sitûs & commixtionis ratione modò hoc se colore exhibent visendas , modò alium ostendunt , ceu id in Violarum Sirupo coeruleo , à Spiritu vitrioli , nitri , salis ammoniaci variè colorando , est notissimum : ita & odoris respectu , dum aliæ à salinis exaltantur , aliæ præcipitantur aut expelluntur , nonnullæ antea omnino sopita suscitantur , magnam subire diversitatem , ac differentes ordine odores sustinere possunt.

Utrùm verò recensiti hæcenus odores Moschum verè referant , inexpertus equidem de multis adfirmare nequeo , nullus tamen dubitans , quin , prout aliàs gratum aliquem odorem moschato æquiparari , novum quid haud est , licet revera attentius examinatus talis non compareat , magnâ tunc quoque in nonnullis attendi posset differentia , ceu revera Vinum quoque illud guajacinum apud *Amatum Lus.* cent. 1. curat. med. 32. inter ebulliendum aliquam ex se fragrantiam spirans , ita ut Moschum ibi esse Adstantes dixerint , moschatum tamen odorem minimè exhalaverat.

Et hæc meum quoque huic Moschum lubens adscribi patiar , qui , Lectoris genium æmulâ moschatæ fragrantie potestate licet suaviter aut utiliter non adfecerit , aliqualem tamen odoris grati sensum ei si imprestiter , sufficiet.

Ut verò laborem hunc meum cou hederâ suspensâ gratiorem atque commendatum magis reddam , Adplausus , quibus Patronorum & Amicorum Musa gratiosa , & tantum non nimis benigna dignari eum sponte voluit , ordine , quo ad manus meas pervenerunt , subiungere , meque Tux etiam , Lector Benevole , humanitati unâ commendare liceat.



**S**implicium in censu est res praestantissima Moschus,  
 Qui solus superas caetera odore simul:  
 Sic Tuae de moscho meletemata suavia, CELSE,  
 Exsuperant Ambram, Nectar & Ambrosiam.

Ex infucato animo profecta gratulatio  
 S. R. I. Acad. Natur. Curios. PRAESIDIS,  
**JOH. MICH. FEHRII**, Ph. & Med. Doct.  
 Phys. Suinfurt. ordin. Urbisq. Imper. Praetor.

**Q**uid tibi cum Moscho, SCHROECKI praclare, quid aurae  
 quaso, Zibethae largus odore replet?  
 Agrestum, quorum jam maxima copia, nullus  
 nummo, quod promissus, nullus avarus emet.  
 Illos exanimat dia fragrantia massa,  
 sed lucrum tantum sordida turba fitis.  
 Urinificium quaestu majore doceres,  
 Quo multos fallis, fallit agryta famem.  
 Sed bene, quod factum est, superest; ut laetus honesto  
 quando libet Genio sacrificare queas.  
 Ergo age, commenda docto tua nomina mundo,  
 & quae sit Moschi gratia, visq. doce.  
 Non fatuos horresce sonos & murmura vulgi,  
 Quem bonus offendit sapiens ille vapor.  
 Hircosi procul absissent, nec tangere quarent,  
 dum soli sciti scita perita legent.  
 Dum tractat manibus Moschum, dum SCHROECKIUS edit,  
 En tibi divino tinxit odore Librum.

Amantissimo suo DNO. Collegae  
 f. f.

**JOH. GEORG. VOLCKAMER**, Med.  
 Noribergensis, Acad. N. C. Adjunct.

Nobi-



*Nobilissimo atq; Excellentissimo*

D. D. LVCAE SCHRÖCKIO, Phys. August.  
 & Acad. S. R. I. Nat. Curios. CELSO,  
*meritis in Rempubl. famaq; celeberrimo,*  
 Fautori, Collegæ atque Amico suo honoratissimo!

**D** Olli qui laudes pridem sibi vindicat Orbis,  
*Is meritis cumulas facta priora sacris.*  
*Es feruit ferietq; Tui fragrantia MOSCHI*  
*Perdoctas nares rursus odore sacro.*  
 Nil TIBI corporei est, sis Spiritus Omnis oportet,  
*Nam tua vis replet Solus utramque domum.*

*αὐτοχρῆδια*

HEIDELBERGÆ

GEORGIUS FRANCUS, Med. & Phil. D. P. P.  
 Vniversit. Pro-Cancellarius, Fac. Med. Senior.,  
 Sereniss. March. Badenſis Archiater; Acad. Nat. Curios. S. R. I.  
 ut & Italicæ Recuperator: Collega, C. P. Cæsar.

CELSE  
 PYTHAGORAS

P.

**M** Oscho suavis odor: res suavior, inde sodalem  
*Ordine perpetuus promere delicias.*  
*Es terrere potens, & demulcere paratus.*  
*SCHROECKIUS Herculeum possidet ingenium,*  
*Otia dant vitium, labor improbus, abdita rursus,*  
*Excelsam CELSO stravit ad astra viam.*  
*Lux Augusta, jubar fragrans radiosq; tenebras*  
*Dispellens, LUCAS, luceas eja diu!*

Scaphusiz ad Calend. Januar.  
 clb lxxii.



INDEX.



# INDEX.

CAPUT I. de nomine Moschi.		pag. 1.
II.	de Moscho, ex folliculo, ab animali deposito.	6
III.	cum folliculo, ab hominibus adempto.	14
IV.	è sanguine parato.	17
V.	è renibus & testiculis confectò.	20
VI.	ex toto animali productò.	22
VII.	Επίκρισις antecedentium.	27
VIII.	de genere Moschi constituendo.	30
IX.	de animali moschifero.	32
X.	de folliculo moschifero.	45
XI.	de loco natali animalis moschiferi.	50
XII.	de Moscho adulterino.	58
XIII.	de Moschi electione.	64
XIV.	qualitatibus.	74
XV.	odore.	77
XVI.	adservatione.	90
XVII.	incommodis.	93
XVIII.	virtute alexipharmaca.	101
XIX.	confortante, in genere.	110
XX.	cephalica, in genere.	114
XXI.	in specie.	117
G g		XXII.

<i>CAPUT XXII. de Moschi virtute opobalsamica.</i>		<i>pag. 124</i>
<i>XXIII.</i>	<i>in aurium morbis.</i>	<i>126</i>
<i>XXIV.</i>	<i>in aurium vitia.</i>	<i>128</i>
<i>XXV.</i>	<i>in oris factore, &amp; odontalgia.</i>	<i>129</i>
<i>XXVI.</i>	<i>pectoralis &amp; pneumonica.</i>	<i>131</i>
<i>XXVII.</i>	<i>cordiali, in genere.</i>	<i>133</i>
<i>XXVIII.</i>	<i>in specie.</i>	<i>135</i>
<i>XXIX.</i>	<i>hepatica.</i>	<i>138</i>
<i>XXX.</i>	<i>splenetica.</i>	<i>139</i>
<i>XXXI.</i>	<i>stomachica.</i>	<i>140</i>
<i>XXXII.</i>	<i>anticolica &amp; anthelmintica.</i>	<i>142</i>
<i>XXXIII.</i>	<i>uterina.</i>	<i>143</i>
<i>XXXIV.</i>	<i>venerea.</i>	<i>153</i>
<i>XXXV.</i>	<i>in sterilitate muliebri.</i>	<i>155</i>
<i>XXXVI.</i>	<i>arthritis.</i>	<i>156</i>
<i>XXXVII.</i>	<i>contra factores.</i>	<i>157</i>
<i>XXXVIII.</i>	<i>de Moschi dosi.</i>	<i>161</i>
<i>XXXIX.</i>	<i>de medicamentis moschatis liquidis.</i>	<i>163</i>
<i>XL.</i>	<i>siccioribus.</i>	<i>173</i>
<i>XLI.</i>	<i>media consistentia.</i>	<i>187</i>
<i>XLII.</i>	<i>Moschi usus sacor.</i>	<i>193</i>
<i>XLIII.</i>	<i>politicus.</i>	<i>195</i>
<i>XLIV.</i>	<i>æconomicus.</i>	<i>196</i>
<i>XLV.</i>	<i>cosmeticus.</i>	<i>202</i>
<i>XLVI.</i>	<i>emblematicus.</i>	<i>209</i>
<i>XLVII.</i>	<i>de rebus naturalibus moschatis.</i>	<i>210</i>

F I N I S.

Corri-

# Corrigenda.

Præfat. column. 3. lin. 21. leg. Quo sensu Cl. Pag. 5. lln. 9. occurrunt, p. 11. lin. 36. *Brasavolus*, p. 15. lin. 26. auferretur. p. 21. l. 9. propullu-  
lâsse. p. 23. lin. antepenult. primò. p. 25. l. 22. Picò di. p. 28. l. 20. Lu-  
dolfiana. 24. *Joh. Georg.* p. 29. l. 26. addens. p. 39. lin. 17. moschi.  
p. 41. lin. 20. oberrante. p. 43. lin. 19. vivi. pag. 47. l. penult. ambientem,  
facculo. continentem. p. 49. l. 4. membranofus. p. 50. l. 28. adcuratiores.  
p. 66. l. 31. quam. p. 67. l. 28. utrumque. p. 68. lin. 1. & 5. *ὑπερξεί*,  
p. 78. l. 28. *εὐοδίας*, p. 91. l. 27. ipsi. p. 97. l. 32. oboriri. p. 102. l.  
27. prolixius. p. 114. l. 28. hîc. p. 147. l. 14. del. alterutrum: ab. p. 161.  
l. 15. leg. recentiores. p. 174. l. 26. quantitatem. p. 180. l. 9 ). p. 185.  
l. 19. hîc. p. 210. l. 13. quarundam.

Alia si fortè occurrant, Lectoris benevolentia  
emendanda committuntur.



Apl  
1655850













K216.

X

described by...